

শ্রেষ্ঠ গন্ধ

সুচিত্রা ভট্টাচার্য

(প্রথম পর্ব)

পুষ্প তের “বি” ব্লক বাঙুর এভিন্য
কলকাতা সাত লক্ষ পঞ্চাশ

**SUCHITRA BHATTACHARYA
SRESHTHA GALPA**

(1st. Part)

প্রচন্দঃ সুব্রত গঙ্গোপাধ্যায়

॥ প্রকাশকঃ ভারতী দস্ত ‘পুষ্প’

প্রযত্নে ঘোষ লাহুরেরা, ১৩ ব্লক ‘ব’ বাড়ুর এভিন্য, কলকাতা-৭০০০৫৫ ॥ বর্ণ প্রস্তুনেঃ
দি একজিকিউটিভ প্রিণ্টার, ৩৭ এ. পি. সি. রোড, কলকাতা-৭০০০০৯ ॥ মুদ্রণেঃ
ত্রী পীযুষ ভট্টাচার্য গিরি প্রিণ্ট সারভিস ৯১, বৈঠকখানা রোড কলিকাতা-৭০০০০৯ ॥
[চিঠি পত্র এবং যোগাযোগের ঠিকানা : ৫৭ ‘এ’ ব্লক বাড়ুর এভিন্য ফ্লাট নং ৬, কলি-৭০০০৫৫]

ଡିୟୁଗ

ଶୁଭିଆ ଭଟ୍ଟାଚାର୍
ଅନ୍ତିଭାବ ଭଟ୍ଟାଚାର୍

ପ୍ରିସ୍ଯାଜନେସ୍ନ୍

আমাদের প্রকাশিত
সুচিরা ভট্টাচার্যের বই
‘প্রেমের গল্প’

সূচী

আঁরও ছইঁধি	৭
টান	২০
অন্ত বাঁচেনি	৩৫
আমি মাধবী	৪৯
উন্মত্তর আর তেষটি	৬০
সাত বছর এগারো মাস আট দিন	৭৩
মানুষ যেমন	৮৪
বিকেল ফুরিয়ে যায়	৯৯
দৃষ্টিহীন	১২০
সাদা গুঁড়ো লাল রং	১৩৬
দুই নারী	১৫২
দ্বিতীয় মুখ	১৬২
শহিদের বাবা	১৭১
সীমার মধ্যে	১৮৪
আজ সুবর্ণজয়স্তু	১৯৭
অনুভব	২১০
বিপ্রতীপ	২২২
মধ্যবিত্ত	২৩২
রামধনু রং	২৪৬
এই মায়া	২৫৮
খাঁচা	২৬৭
আঞ্চলিক পরে	২৮৪
দাগবসন্তী খেলা	২৯৯
নারীতান্ত্রিক	৩১১

ଆରଓ ଛେଟିପ୍ପି

ଚାଖେତେ ଖେତେ ଆପନ ମନେ ମାଥା ନାଡ଼ିଛିଲ ଦୀପକ । ଆପନ ମନେଇ ମନ୍ତ୍ରବ୍ୟ କରଲ,—ଫ୍ଲ୍ୟାଟଟାଯ ଏକଟା ମୋକ୍ଷମ ଡିଫେଣ୍ଟ ଆଛେ ।

ଚିତ୍ରଲେଖା ପାଶେଇ, ସୋଫାଯ । ଚୋଥ ଖବରେର କାଗଜେ ଗାଁଥା, ହାତେ ପେନସିଲ । ସାଡେ ଆଟଟା ବାଜେ, ଏବାର ସେ ମାନେ ଯାବେ, ଅଫିସ ବେରୋନର ସମୟ ପ୍ରାୟ ହୟେ ଏଳ । ତାର ଆଗେ ପଞ୍ଚମ ପୃଷ୍ଠାର ଶବ୍ଦଜବର ସମାଧାନ ସେବେ ଫେଲଛେ ଦ୍ରୁତ । ନେଶା ।

କିନ୍ତୁ ଏମନ ଏକଟା ଟିପ୍ପନୀ ସେ ଉପେକ୍ଷା କରେ କୀ କରେ ? ବିଶେଷ କରେ ଏହି ନତୁନ ଫ୍ଲ୍ୟାଟ ନିଯେ ?

ଗ୍ରୀବା ହେଲିଯେ ଶ୍ଵାମୀକେ ଦେଖିଲ ଚିତ୍ରଲେଖା,—କୀ ଡିଫେଣ୍ଟ ?

—ଆମାଦେର ଜାନଲାର ପିଲାଙ୍ଗଲୋ ଲକ୍ଷ କରୋ ।

—କରେଛି । ସଥେଷ୍ଟ ମଜବୂତ । ଏତ ମୋଟା ଗେଜେର ପିଲ ଏଥିନ ଆର କେଉ ଲାଗାଯ ନା ।

—ଓହ୍ ହୋ, ମେ କଥା ବଲିନି । ଦୀପକ ଉଠେ ଜାନଲାର ଧାରେ ଗେଲ,—ଭାଲ କରେ ଦ୍ୟାଖୋ । ପିଲଟା ଭେତରେ, ପାଞ୍ଚାଙ୍ଗଲୋ ବାଇରେ ।

—ଏ ଆର ଏମନ କୀ ! ଚିତ୍ରଲେଖା ଠୋଟ ଉଲ୍ଟେ ଆବାର ଶଦେର ହେଁମାଲିତେ ମନୋଯୋଗୀ । ନିର୍ଲିପ୍ତ ଭାବେ ବଲଲ,—ସବ ବାଢ଼ିତେଇ ଏରକମ ଥାକେ ।

—ଯାର ଥାକେ, ତାର ଥାକେ । ଆମାଦେରଟା ଏରକମ ହବେ କେନ ? ଦୀପକ ସିଗାରେଟ ଧରାତେ ଧରାତେ ସୋଫାଯ ଫିରଲ । ବିଜେର ମତୋ ବଲଲ,—ଜାନୋ ଏତେ କତ ଅସୁବିଧେ ? ଆଜ ଯଦି ଏକଟା ପାଞ୍ଚାର କାଚ ଭାଙେ, ମିନ୍ତି ଏସେ ସାରାବେ କୀ କରେ ? ଏହି ଚାରତଲାଯ ?

—ଯେଭାବେ ସବାଇ ସାରାଯ ।...ଅକାରଣେ ମାଥା ଘାମାଛୁ କେନ ?

—କାରଣ ମଗଜେ ଆମାର କିଛୁଟା ବିଲୁ ଆଛେ । ଦୀପକ ପୁଟୁସ କରେ ଏକଟୁ ଛଳ

ফুটিয়ে নিল,—তোমার কোনও প্র্যাকটিকাল সেল আছে? বাইরে থেকে ভারা বেঁধে উঠতে হবে মিস্ট্রিকে...। এবার তার খরচটা হিসেব করো। একটা কাচ রিপ্লেস করতে ঢাকের দায়ে মনসা বিকোবে।

—সকাল সকাল কু গাইছ কেন বলো তো? কাচ কেন ভাঙবে?

—ব্যারে, ভাঙতে পারে না? বল লেগে ভাঙতে পারে, চিল লেগে ভাঙতে পারে...

—এই চারতলা অঙ্গি বল আসে? দেখেছ কোনওদিন?

একটু বুঝি থমকে গেল দীপক, তবে দমল না। তর্ক জুড়েছে,—বাড় বৃষ্টিতেও তো কাচ ভাঙে, না কী? এই পরশু সঞ্চেবেলা আমরা সব জানালা হাট করে রেখে বেরোইনি? ভাগ্যস বড়টা ফেরার পর উঠল...

এ মানুষকে নিয়ে আর পারা যায় না। এই হলে সেই হত, ওই হলে সেই হবে...! এখন এই নিয়ে কানের কাছে একটানা রেকর্ড বাজিয়ে যাবে।

চিরলেখা কাগজ ভাঁজ করে রাখল, রিডিং প্লাস খুলেছে চোখ থেকে। ভুরু ঝুঁচকে বলল,—বুঝলাম। কিন্তু কী করতে হবে শুনি?

—ভাবছি।

—নিশ্চয়ই এখনই পাল্লাগুলো খুলে উল্টো করে বসাতে বলবে না?

—সে তো হবেও না। আমি দেখে নিয়েছি। পাল্লা ফ্রেমের সঙ্গে ওয়েল্ডিং করা আছে, প্লাস আটকানোর খাঁজগুলোও বাইরের দিকে।

—তাহলে?

—দেখি। চিন্তা করি।

—করো। আমি উঠছি। ...তোমার আজ ফ্যাট্টির যাওয়া নেই?

—একটু দেরিতে বেরোব। আগে ব্যাকে কাজ আছে।

—তাহলে তো এখন অচেল ভাবনার সময়! ভাবো বসে বসে। হাত পা ছড়িয়ে ভাবো।

উঠে শাড়ি সায়া গুছিয়ে শোওয়ার ঘরের লাগোয়া বাথরুমটায় ঢুকে গেল চিরলেখা। ফুল ফোর্সে চালিয়ে দিয়েছে শাওয়ার। এখন আর এ ভাড়াবাড়ির বাথরুম নয়, জল ঝুরোলে বাড়িওয়ালাকে পাস্প চালাতে বলতে গিয়ে কাঁটা হয়ে থাকতে হবে না। নিজের নিজের, এই ইট কাঠ টাইলস পাইপ কল সব এখন নিজের।

চিরলেখার ঠোটে মিটি মিটি হাসি। দীপকটা যেন কী! এই ফ্ল্যাটে চোকার পর থেকে একটার পর একটা খুঁত বার করে চলেছে। ...এ হেহেহে, পুবে যে কেন একটা ব্যালকনি নেই! ...ওহ লফটগুলো কী চাপা, মাথা গলানো যায় না!

...ইশ্ৰ, কী চৱেস ছিল ঘোষালেৱ, সব কটা সিস্টেম বেসিনেৱ ইং ক্যাটকেটে ! আশ্চৰ্য, ফ্ল্যাট পছন্দ কৱীৰ সময়ে দীপক কিষ্ট আগাগোড়া সঙ্গে সঙ্গে ছিল ! সব দেখে নিয়েছে। খুঁটিয়ে, বাজিয়ে। অথচ এখন পদে পদে অন্য সুৱ। কার্লিক সমস্যা তৈরি কৱে কী যে সুখ পায় !

চিত্রলেখাৰা ফ্ল্যাটটা কিনেছে তিন মাস, বাস কৱছে সবে মাস দেড়েক। ফ্ল্যাটটা একবাৱে নতুন নয়, আবাৰ পুৱোনোও নয়। বছৰ পাঁচেক বয়স, তবে এখনও মোটামুটি আনকোৱাই লাগে। কাৰণও আছে। ফ্ল্যাটেৱ পূৰ্বতন মালিক হেমন্ত ঘোষাল একটি দিনেৱ তরেও এখানে বাস কৱেনি। সে ধাকে ম্যান্ডেভিলা গার্ডেন, বহুৱ জোৱাজুৱিতে ফ্ল্যাটটা কিনেছিল। কিষ্ট তাৰ ছেলেমেয়েৱা রইস এলাকা ছেড়ে ঢাকুৱিয়া স্টেশনেৱ এপাৱে আসবেই না।

দালালেৱ মুখে খবৰ পেয়েই চিত্রলেখা-দীপক বাঁপিয়ে পড়েছিল। কতদিন ধৰে যে তাৱা একটা নিজস্ব মাথা গেঁজাৰ ঠাই খুঁজছে ! যদি দৱে বনে তো চেহাৱা পছন্দ হয় না, যদি রূপ মনে ধৰল তো দাম শুনে আৰক্ষকে পিছিয়ে আসে। সে তুলনায় এ ফ্ল্যাটখানা একদম খাপে খাপে। তাৱা থাকত হাজাৱ স্কোয়াৰ ফিটেৱ ভাড়াবাড়িতে, এটা এগারোশো পাঁচ। দামটা সাধ্যেৱ একটু বাইৱে হলেও ছোঁয়া যায়। এই সাইজেৱ নতুন ফ্ল্যাট আৱেও দু চাৰ লাখ বেশি দিতে পাৱলে হৱতো জুটে যেত, কিষ্ট সেটা এমন সুন্দৰ হত কি ?

সত্যই সুন্দৰ। কৰ্ণাৰ প্লটেৱ বাড়ি। চমৎকাৱ প্ল্যান। তিন তিনখানা ঘৱ, কোনওটাই খুপৱি খুপৱি নয়, দুটো অ্যাটাচড় বাথৰুম, একখানা ব্যালকনি, টাৱা ড্ৰিঙ ডাইনিং স্পেস, সেটাও বেশ বড়সড়, পছন্দসই রান্নাঘৰ...। লালু পৰ্যন্ত দেখে বিমোহিত। মাত্ৰ এগারোশো পাঁচ স্কোয়াৰ ফিটে কী সুন্দৰ ছড়িয়ে ছিটিয়ে ফ্ল্যাটটা কৱেছে যা আ্যাপারেন্টলি অনেক বড় মন হয়।

চিত্রলেখাৰ অবশ্য প্ৰথম দিকে সামান্য খুতুনি ছিল,—লিফ্ট নেই, এই বয়সে চারতলা ওঠা-নামা কৱা...

দীপক তখন বলেছিল,—আফটাৱ ফিফটি এক্সাৱসাইজ ইজ মাস্ট। রোজ সিড়ি দিয়ে লাফাতে লাফাতে ওঠা-নামা কৱবে, আৰ্থাৱাইচিস ধাৱে কাছে ধৈৰ্যতে পাৱবে না।

—একেবাৱে ওপৱতলায় কিষ্ট গৱমও হবে খুব।

—আৱ চাৱদিক যে ফাঁকা, সেটা ভাবছ না ? এত আলো বাতাস জীবনে কখনও পেয়েছে ? হাওয়াৱ উড়বে-উড়বে...। ছেলে তো ইঞ্জিনিয়াৱ হয়ে বেৱোছে, গৱমে ইঁসফাস কৱলৈ ছেলে মার জন্য এসি বসিৱে দেবে।

তা কেনার আগে চিত্রলেখা যাই বলুক, মালকিন বনার পর আর কি কিছু উচ্চবাচ্য করেছে? অথচ সেদিনের যুক্তিবাদী দীপক অনবরত কুটুম্ব কুটুম্ব করে চলেছে এখন!

স্নান সেরে বেরিয়ে সোজা খেতে বসে গেল চিত্রলেখা। সরকারি অফিসের চাকরি, একটু দেরি করে বেরোলে ক্ষতি হয় না, তবে আজকাল খুব কড়াকড়ি চলেছে। তার শুগর অফিসের অনেকটা দায়িত্বই চিত্রলেখার কাঁধে, সে সময়মতো না পৌছলে নীচের লোকেরা আরও জো পেয়ে যায়। মাস গেলে সতেরো আঠারো হাজার টাকা দিচ্ছে সরকার। নেহাত ফেলনা নই, একটু কষ্ট করে নয় বেরোলই তাড়াতাড়ি। পরিশ্রমকে কি কখনও চিত্রলেখা ভয় পেয়েছে?

রাতদিনের কাজের লোক সুবলা ভাত বেড়ে দিয়েছে। খেতে খেতে চিত্রলেখা ড্রয়িংস্পেসের দিকে তাকাচ্ছিল। এখনও চুল পাকাতে পাকাতে জানালা পর্যবেক্ষণ করছে দীপক।

চিত্রলেখা হেসে ফেলল। খ্যাপা, একেবারে খ্যাপা।

দুই

বাড়ি ফিরতে আজ একটু দেরিই হয়েছিল। গড়িয়াহাট নেমেছিল চিত্রলেখা। ছেটখাটো কেনাকাটা করতে। ঘর সাজানোর টুকিটাকি। শৌখিন ফুলদানি, পোরসিলিনের অ্যাশট্রে, টেরাকোটার দুটো গগেশমূর্তি, এই সব। ফ্ল্যাট তো শুধু কিনলেই হয় না, সাজাতেও হয়।

গত দেড় মাস ধরে ফ্ল্যাটখানাকে মনের মতো করে তুলছে চিত্রলেখা। কোথায় সেই চাঁদনি ঘুরে পর্দা টাঙানোর বাহারি রড কিনে আনল, এজুরা স্ট্রিট টুঁড়ে টুঁড়ে নয়নসুখ ল্যাম্পশেড, দেওয়ালের রঙের সঙ্গে মানানসই পর্দার কাপড় কিনেছিল নিউমার্কেট থেকে, বালিগঞ্জের নাস্বারি থেকে পাতাবাহারের টব...। একদিন নিলামঘর ঘুরে একজোড়া কাচের পুতুলও কিনল, সাহেব মেম। অনেক দিন ধরে ভেঁজে রেখেছিল নিজস্ব একটা কিছু হলে তবেই...। কেনাকাটা ক্রমে ক্রমে প্রায় নেশায় দাঁড়িয়ে যাচ্ছে। এখন কোনওদিন শূন্য হাতে ফিরলে কেমন ফাঁকা ফাঁকা লাগে।

ডোরবেল বাজাতেই আজ দরজা খুলেছে দীপক। প্রথম বাক্য,—গরিবের কথা বাসি হলে সত্য হয়, বুঝলে!

—কেন, কী হল?

—যাও, তোমার ছেলের ঘরটা দেখে এসো। একটা কাচের পাঞ্চা গন্ত। হাতের মোড়ক ফেলে রেখে উর্ধ্বর্খাসে চিত্রলেখা লাল্টুর ঘরে।

ইঁয়া, ঠিকই তো। কাচ ভেঙে খানখান হয়নি বটে, তবে স্পষ্ট চিড় থেয়ে গেছে। চিত্রলেখা উদ্বিঘ্ন মুখে বলল,—কী করে হল?

—আমি কী করে জানব! আমি সারাদিন বাড়ি ছিলাম? ...সুবজ্ঞাও কিছু বলতে পারল না। ...হয়তো আগেই সূক্ষ্ম চিড় ছিল, আমরা বুঝতে পারিনি।

—এখন কী হবে?

—ফাটা আরও বাড়বে। কোনওদিন বাং করে বরে গড়বে।

—সর্বনাশ! বিপদ হয়ে যাবে তো!

—আমাদের মাথায় পড়ার চাঙ কম। হয়তো রাস্তার কোনও আনফরচুনেট ম্যান...।

—যাহ, কী ফাজলামি করছ? বলো না এখন কী করা যায়?

—সারাও। দুশো টাকার কাচে দুহাজার টাকা লেবার চার্জ দাও। দীপক ফিক ফিক করে হাসছে,—বাড়িতে তোমার কটা কাচের পাল্লা আছে শুনেছ? ধরো, প্রতি মাসে যদি একটা করে বরে...

—এই, ভয় দেখাচ্ছ কেন? চিত্রলেখা বোকা বোকা হাসল,—বলো না কী করা যায়?

—পথে এসো সোনা। পঞ্চান্নর দীপক একান্নর চিত্রলেখার গালে বহুকাল পর একটা টুসকি দিল,—স্বীকার করো আগে, আমার আশক্কাটা খুব অমূলক ছিল না?

—মানছি তো।

—গুড। দীপক ছেলের ফাঁকা খাটে শুয়ে পড়ল, ঠ্যাং নাচাচ্ছে, সল্যুশান একটা আছে। এ বিট কস্টলি, কিন্তু পারমানেন্ট।

—কী রকম?

—গ্রিলগুলো পুরো হাওয়া করে দাও।

—সেকি! চোর চুকবে না? চিত্রলেখা বিছানার ধারে,—চোরেরা রেনপাইপ দিয়ে ওঠে, আমি জানি।

—আহা, তুমি তো প্ল্যানের হাফটা শুনলে। দীপক উঠে বসেছে,—ভাবছি কী জানো? পাল্লার বাইরে দিয়ে বক্সগ্রিল করে দেব। সেফ্টিও রইল, পাল্লাও আমাদের হাতের মুঠোয়। আমি নিজে নতুন কাচ কিনে এনে পুডিং দিয়ে ফ্রেমে সেট করে দেব তখন।

তা অবশ্য পারে দীপক। ঘরোয়া এই ধরনের কাজে তার দারুণ উৎসাহ, ধৈর্যও আছে। হয়তো নিজে নীচ থেকে জীবন শুরু করেছিল বলেই কোনও কাজে সংজ্ঞোচ নেই। সিস্টার্নের সাইফন ঠিক করছে, ইলেক্ট্রিকের ফিটিং বদলাচ্ছে, কলে ওয়াশার

লাগাচ্ছে, কিংবা হয়তো বসে গেল বেতের আরামকেদারাটা নিজে হাতে রং
করতে...। দীপকের কারখানাটাও মেশিনপত্র তৈরি করার। নিজে মালিক হয়েও
এখনও লেবারদের সঙে কাঁথে কাঁথ মিলিয়ে কাজ করে দীপক।

আইডিয়াটা মন্দ লাগল না চিত্রলেখার। মাথা নাড়তে নাড়তে বলল,—কিন্তু
খরচাপাতি কেমন হবে কিছু এস্টিমেট করেছ?

—পনেরো বিশ হাজার তো পড়বেই। তবে আমার চেনা লোক আছে, টাকাটা
ধীরেসুষ্ঠে দেওয়া যাবে।

—বলছ?

—বলছি তো। দেখো তখন তোমার ঘরের শোবার ঘর কেমন খুলে যাবে।
ইচ্ছে হলে জানালায় টব সাজাতে পারো, লতানে গাছ ঝুলিয়ে দিতে পারো জানালা
থেকে, মন করলে গ্রিলে বসে ছেট্ট খুকির মতো বাইরে পা বার করে দোলাতেও পারো...

—উফ, তুমি না...। চিত্রলেখা কপট অভঙ্গি করল,—খেয়াল আছে ছেলের
বয়স বাইশ হয়ে গেছে? আর এক বছর হলেই সে আই আই টি-র ইঞ্জিনিয়ার
হয়ে যাবে?

—প্রেমের কি বয়স থাকে ডার্লিং? এখনও যে তোমাকে আমার সেই খুকিটি
ভাবতে খুব ইচ্ছে করে...। খপ করে চিত্রলেখার হাতটা ধরল দীপক।

—মরণ।

দরজায় সুবলা। হাতে চায়ের কাপ। জিভ কেটে দাঁড়িয়ে আছে।

তিনি

দস্যুর মতো বাড়িতে হানা দিল পাঁচ মিন্টি। হাতে জাস্বো সাইজের ইলেক্ট্রিক
ড্রিলিং মেশিন, ইয়া ইয়া হাতুড়ি ছেনি নেহাই বাটালি...। দুটো দিন ধরে যেন
তাণুব চলল গোটা ফ্ল্যাটে। পুরো গ্রিল হাওয়া, জানালায় একের পর এক খাঁচা
বসে যাচ্ছে, আগুনের ফুলকি ছিটছে, দমাদম হাতুড়ির আওয়াজে কানে তালা প্রায়
লাগে লাগে।

পুরো চার দিন চিত্রলেখার অফিস বক্স। ক্যাজুয়াল লিভ। দিনে পাঁচবার করে
কারখানা থেকে মোটরবাইক ছুটিয়ে এসে দীপকও কাজের হালচাল দেখে যাচ্ছে।
মিন্টিদের কাজের দাপটে দেওয়ালের রং চঢ়ে গেল জায়গায় জায়গায়। পুরো কাজ
চোকার পর আবার রং মিন্টি ডাকো, সবত্ত্বে রঞ্জের টাচ দাও।

পুরো কাজ শেষ হওয়ার পর স্বত্ত্বির নিষ্পাস ফেলল চিত্রলেখা।

ফ্ল্যাটের বাহার দেখে চিত্রলেখা এখন আরও মুক্ষ। কারুকাজ করা গরাদ দূরে

সরে গিয়ে অন্দর যেন আরও মোহনীয় হয়ে উঠেছে। চিরটাকাল তারা একঙ্গায় কাটিয়েছে, আকাশ দেখার জন্য বাড়ির বাইরে গিয়ে দাঁড়াতে হত। চারতলায় উঠে আকাশ যেন অনেক কাছে নেমে এসেছিল। জানালা দিয়ে মুখ বাড়ালে ওই নীল গগন এখন যেন আরও প্রকাণ দেখায়। ঝড়বৃষ্টির দিনে মনে হয় নীলচে বিদ্যুৎ বুঝি ঘরে চুকে পড়ল, ধারা বর্ষণের দিকে তাকিয়ে থাকলে চোখ ফেরানো যায় না। পূর্ব আকাশ থেকে চাঁদ জ্যোৎস্না বিছোয় চিরলেখার শোওয়ার ঘরে, দক্ষিণ আকাশে রাতভর তারা বালম্বল করে।

চিরলেখা এখন নীচটাও বেশ পরিষ্কার দেখতে পায়। বঙ্গগ্রিলের জানালা দিয়ে খুঁকলে চারতলা থেকে রাস্তার মানুষগুলোকে কেমন অকিঞ্চিত্কর লাগে। সত্যি, ওপরে ওঠায় একটা আলাদা রোমাঞ্চ আছে। ওই প্রিল দূরে সরে না গেলে চিরলেখা হয়তো বুঝতেই পারত না।

ঘরগুলোও যেন আরও বড় হয়ে গেছে এখন। হয়তো চিরলেখার মনের ভ্রম, তবু মনে হয় আলো বাতাসও বেড়ে গেল।

ভাগিয়স দীপকের মাথায় বুদ্ধিটা এসেছিল। শোভাও বাড়ল, স্পর্শকাতর কাচেরাও এখন দিব্য নিরাপদ।

লাল্টুর এখন দারুণ ব্যস্ত সময়। সামনের মাসে সেমিস্টার পরীক্ষা, ফাইনাল ইয়ার বলে অসম্ভব পড়ার চাপ, তবু তারই মধ্যে খড়গপুর থেকে ঘুরে গেল দু দিনের জন্য। সেও তারিফ করল বাবার, সঙ্গে সঙ্গে পরামর্শও দিল কিছু, নিজস্ব কায়দায়।

—কী ঘরে সব পাতাবাহারের গাছ রেখেছ মা? এগুলো খুব পাতি জিনিস, লোয়ার মিডলক্লাসদের বাড়িতে থাকে।

—ওমা সেকি! শখ করে আমি আর তোর বাবা এতগুলো টব কিনে আনলাম...

—দরজার বাইরে রাখো। ব্যালকনিতে রাখো। সিঁড়িতে। ল্যান্ডিং-এ।

—তেতরটা একেবারে ন্যাড়া হয়ে যাবে না? কী ফাইন একটা প্রিমের একেকটা এসেছিল...

—একটু অন্যভাবে ভাবো। গাছ রাখো, কিন্তু ডিফারেন্ট টাইপের। হোয়াই ডোক্ট ইউ ট্রাই ফর ফ্লাওয়ারস্ মা? বঙ্গগ্রিলে বাসিয়ে দাও, বাস ডিউটি ফিলিশ। রোচ্চুর তো পাবেই, বর্ষা চলছে, এখন তোমায় রোজ ভৃঙ্গারও উপুড় করতে হবে না।

থাসা বলেছে তো লাল্টু! চিরলেখা আর দীপক মুখ চাওয়াচাওয়ি করল। ব্যাপারটাকে নিয়ে ভাস্কুলাস্তা করাই যায়। ফুলগাছে ভরিয়ে দিলে বেশ একটা মালঞ্চ ভাব আসবে না ফ্ল্যাটে?

চার

চিরলেখার বাতায়নে এখন কুসুমের সমারোহ।

শোওয়ার ঘরে কামিনী ফুটেছে, ডাইনিং উইঙ্গেয় গঞ্জরাজ, বসার জায়গাটাতে হাসনুহানা। লাল্টুর ঘরের জানালায় চাপা রেখেছে চিরলেখা, কুঁড়ি এসে গেছে, ফুল ফুটি ফুটি। ছেটঘরটায়, যেখানে লাল্টু এলে বন্ধুবান্ধব নিয়ে আড়া মারে, কিংবা চিরলেখা-দীপক চেনা পরিচিতদের ডেকে আসর জমায়, সেখানে এখন টবের গাছে বকুলফুল। সব কটা গাছই কেমন ক্ষয়াটে খরুরে হয়ে আছে, কিন্তু ফুল ফোটার কোনও খামতি নেই।

যেন দীপক-চিরলেখার পুষ্পিত বাসনারা সংহত হয়ে সৌরভ ছড়াচ্ছে গবাক্ষে।

সেদিন রাত্রে ঘূম আসছিল না চিরলেখার। সারাদিন আজ বৃষ্টি হয়েছে অঝোরে, একটু আগে মেঘ কাটল। জাল জাল মেঘের ওপারে দেখা দিয়েছে এক অস্পষ্ট চাদ, ভাঙা ভাঙা কিরণ এসে পড়েছে ঘরে, সঙ্গে কামিনী ফুলের গঞ্জ—মনটা কেমন আকুল হয়ে যাচ্ছিল চিরলেখার।

পাশে দীপক ভোঁস ভোঁস নাক ডাকাচ্ছে। এতটুকু নিসর্গ প্রীতি নেই দীপকের, চতুর্দশীর দিন পর্যন্ত টেরচা চোখেও চাঁদের দিকে তাকায় না। বলে, কাল আরও গোল হবে, তখন দেখা যাবে! এমন মধুর রাতে ওই বেরসিক লোককে ডাকাটাই বৃথা।

একটুক্ষণ চোখ বুজে ফুলের ষাণ নিল চিরলেখা, ভিজে ভিজে জ্যোৎস্না মাখল গায়ে। তারপর ধ্যুতেরি বলে উঠে পড়েছে। একা একা ঘুরছে ফ্ল্যাটময়। এমনটা সে করে মাঝে মাঝে, ফ্ল্যাটের বিস্তার ছুঁয়ে ছেন দেখে। যেন উপলব্ধি করতে চায় এ গৃহ সত্যি, মায়া নয়, হশ করে উবে যাবে না।

চিরলেখা টানা লম্বা ডিভানে গিয়ে বসল। নতুন ডিভান, এ বাড়ির জন্যই বানানো, ভারী নরম, বসলেই শরীর ডুবে যায়। হাত-পা ছড়িয়ে চিরলেখা নাক টানছে জোরে জোরে। একি, হাসনুহানার গঞ্জ গেল কোথায়? ওমা, জানালাটা তো বঙ্গ! বৃষ্টির সময়ে সেই যে টেনে দিয়েছিল দীপক, আর খোলেনি?

উঠে গিয়ে চিরলেখা ঠেলে জানালাটা। পাণ্ডা পুরো যাচ্ছে না, আটকাচ্ছে টবে। একটু বুঝি বড় টবে দেওয়া হয়েছে হাসনুহানাকে, তাই এই বিপত্তি।

সন্ত্রিপ্তে পাণ্ডা ফাঁক করল চিরলেখা। হাত গলিয়ে ঠেলে ঠেলে একটু সরাল টবখানা। একটা পাণ্ডা মুক্ত হয়েছে, টব হেলিয়ে অন্য পাণ্ডাটা খুলল। ভারী টব সরাতে গিয়ে ব্যথা লেগেছে নড়ায়, কাঁধে হাত রাখল। এভাবে চোট লাগা তো ভাল নয়, কালই ছেট টবে চালান করতে হবে হাসনুহানাকে।

সহসা চিরলেখার চোখ জানালার ওপর ভাগে, প্রিলের প্রাণে। নীচে রাঙ্গা, মার্কারি জ্বলছে, আলোর আভা উঠে আসছে উর্ধ্বপানে। সেই দৃতিতেই চিরলেখা স্পষ্ট দেখতে পেল গ্রিলটা সানশেডের চেয়ে ছোট! প্রায় বিষৎ খানেক! শুইটুকুর জন্যই কি টবটা আটকাচ্ছে? চিরলেখার খটকা লাগল। ছুটে গেছে পাশের জানালায়। হ্যাঁ, এই গ্রিলটাও তো ছোট! তার পাশেরটাও! একে একে সব কটা বকলগ্রিলই জরিপ করে ফেলল চিরলেখা। প্রত্যেকটাই এক মাপের। প্রত্যেকটাই ছোট! ছি ছি, এভাবে ঠিকিয়ে গেল গ্রিলমিস্তি?

একা একা গুমরোন চিরলেখার ধাতে নেই। দৌড়ে গিয়ে বাঁকাচ্ছে দীপককে,—
অ্যাই শুনছ...? শুনছ...?

দীপকের ঘূম যতটা গভীর, ততটাই পলকা। কখনও কানের পাশে ট্রাঙ্কেট
বাজালেও উঠে না, কখনও ফিসফিস শব্দেই পটাঁ করে চোখ খুলে থায়।

এখন বুঝি অগভীর নিদ্রাই চলছিল। ধড়মড়িয়ে উঠে বসেছে দীপক। চোখ
রগড়াতে রগড়াতে বলল,—কী হয়েছে?

—ওই গ্রিললালা...তোমার মন্টু না সন্টু... সে তো একেবারে আমাদের পথে
বসিয়ে গেছে!

—কেন? কী করল?

—সব কটা গ্রিল ছোট! সানশেডের চেয়ে অন্তত ছ ইঞ্জি করে কম!

—তো? দীপক যেন বুঝতে পারছে না ব্যাপারটা। হাই তুলে বলল,—জানালা
তো খোলা যাচ্ছে!

—ব্যস খুললেই হয়ে গেল “গ্রিলটা সানশেডের শেষ অন্তি গেলে ঘর আরও
বড় লাগত না?

এতক্ষণে কথাটা দীপকের কর্ণকুহরে প্রবেশ করেছে। মুহূর্তে ঘূম হাপিশ। চোখ
পিটপিট করল একটু। বিরক্ত স্বরে বলল,—অ্যাদিনে দেখলে? আগে বলতে পারনি?

—আমার দেখার কথা? তুমি তো কাজের সময়ে এসে এসে ওদের ওপর
সর্দারি মারছিলে...

—তুমিও তো ছুটি নিয়ে বসেছিলে! করছিলেটা কী? ল্যাজ নাড়ছিলে?

—হ্যাঁ, আমিতো ল্যাজই নাড়ি, গোটা ফ্ল্যাট যেন এমনি এমনি সাজানো হয়ে
গেছে! রং করানো, তাক বসানো, ফিটিংস লাগানো, এগুলো তো ভূতে এসে
করে দিয়ে গেল! তুমি একটুও নড়ে বসেছিলে?

—আর ফ্ল্যাটের জন্য কেড়োড়িটা কোন শর্মা করেছিল। আঁা? সার্ট করানো,
উকিলের কাছে ছোটা, যোধালের সঙ্গে দরদস্তুর, দলিল বানানো, রেজিস্ট্রি, স্টার্ক

ম্যানেজার... এ সব কি এমনি এমনিই হয়ে গেছে? দীপক পঞ্জগজ করছে,—
সব পরিশ্রম বৃথা। কষ্টের ফ্ল্যাটটা তোমার জন্য খুঁতো হয়ে গেল!

—রাত দুপুরে চিঙ্গিও না। চিত্রলেখা তর্জনী নাচাল,—তোমার জন্য হয়েছে।

—তোমার জন্যে...

—তোমার জন্যে...

বাচ্চাদের মতো কলহ শুরু করেছে একান্ন আর পঞ্চান্ন। চোখ পাকিয়ে, মুখ
বিকৃত করে।

ইঠাই থেমে গেল দীপক। ছন্দপতন ঘাঁটিয়ে হেসে ফেলেছে। হাসছে হাসছে,
হো হো হাসতে হাসতে মাথা নাড়াচ্ছে দু দিকে।

চিত্রলেখা অবাক। গরগরে গলায় বলল,—হল কী? এত হাসো কেন?

দীপক অতি কষ্টে হাসি থামাল। তবু যেন বুড়বুড়ি উঠছে হাসির। বলল,—
চের হয়েছে, আর মাথা খারাপ কোরো না। আলো নিভিয়ে শুয়ে পড়ো।

বিবাদের মাঝে এক পক্ষ আচমকা থেমে গেলে অন্য পক্ষ বড় অসহায় বোধ
করে। চিত্রলেখা চোখ সরু করে দীপককে দেখল একটুক্ষণ, তারপর বেজার মুখে
টিউবলাইটের ক্যাটকেটে আলোটাকে বুঁজিয়ে দিল। মাথা রেখেছে বালিশে।

মেঘ পুরোপুরি সরে গেছে। মোমজ্যোৎস্নায় ভেসে যাচ্ছে ঘর। গ্রিলের
আঁকাবাঁকা ছায়া নিয়ে চাঁদ দূলছে বিছানায়।

চিত্রলেখা এপাশ ওপাশ করছিল। এখনও তার চিন্ত শান্ত হয়নি। গ্রিলের জন্য
অতঙ্গলো টাকা বিফলে গেল?

তখনই দীপকের গলা শুনতে পেল,—লেখা, এই বাজ্জ বাজ্জ গ্রিলের মধ্যে
আমাদের ফ্ল্যাটখানাকে কেমন খাঁচা বলে মনে হয় না?

চিত্রলেখার চোখ আড়াআড়ি বাহতে ঢাকা। সে কথা বুঝলও না, রাও'ও কাড়ল
না।

—আমরা কী ব্রকম খাঁচার জন্তুর মতো বাগড়া করছিলাম, তাই না?

চিত্রলেখা উল্টো দিকে ফিরে শুল।

দীপক ক্ষণিক নিঃশব্দ। তারপর কেমন যেন দুরমনস্ক গলায় বলল,—তোমার
মনে পড়ে লেখা, আমরা কী ভাবে জীবন শুরু করেছিলাম?

—না পড়ার কী আছে! চিত্রলেখা শুমগুম স্বরে বলল,—আমি কিছু ভুলি
না।

—যখন প্রথম সংসার পাতলাম, তখন আমাদের কী কী জিনিস ছিল? ...একটা
কড়া, একটা ইঁড়ি, একটা তঙ্গপোষ, আর দুজনের দুটো থালা গেলাস!

—আরও বলে যাও। তোষক চাদর বালিশ, একটা সস্তা দামের আলনা...

—সে তো কয়েকটা ভাড়ার জিনিসও ছিল। ফ্যান আলমারি ড্রেসিংটেবিল...। ড্রেসিংটেবিলটা খুব বাহারি ছিল। আলমারি ভাড়া করতে গিয়ে তুমি এমন ভাবে ওটার দিকে তাকিয়ে ছিলে...নইলে আমাদের ওই ঘরে ওই ড্রেসিংটেবিল...!

স্মৃতির সমুদ্র আছাড় খাচ্ছে পাড়ে। ছোট ছোট বাষ্পকণায় রাগটা জুড়িয়ে এল চিত্রলেখার। আনমনে বলে উঠল,—তুমি আমাকে রথের মেলা থেকে একটা আমকাঠের টুল কিনে দিয়েছিলে।

—আমাদের আরও কিছু ছিল তখন। আমার সেতার আর তোমার হারমোনিয়াম।

—হাঁট।

চিত্রলেখা বুঝি সময়টাকে দেখতে পাচ্ছিল। দীপক যেন তাকে হাত ধরে নিয়ে চলেছে পিছনে। বলল,—কুঁদঘাটের সেই বাড়িটার ভাড়া ছিল ষাট টাকা...

—বাড়ি নয়, বলো ঘর।

—হ্যাঁ, ঘর। টানা ব্যারাকের মতো বারান্দায় দরমার পার্টিশান। বাথরুম ছিল কতটা দূরে, সেই পুকুরপাড়ে...

—বর্ষাকালে তোমায় সাপ জঁক সামলে সামলে যেতে হত।

চিত্রলেখা চিত হয়ে শুল। স্বর মিহি হয়ে এসেছে,—উপায় কী ছিল? তোমার তখন রোজগার মাস গেলে দেড়শো টাকা, আমি তো তখন চাকরিই পাইনি।...ওই কটা গানের টিউশ্যনি...

—অনেক টিউশ্যনি করতে তুমি।

—হ্যাঁ। সকাল বিকেল মিলিয়ে কখনও পাঁচখানা, কখনও ছ থানা। পার ছাত্রী কুড়ি টাকা। লাল্টু যখন পেটে, তখনও কত দিন তেঁতুলগোলা জল দিয়ে ভাত খেয়ে থেকেছি।

—সে তোমার তখন টক খাওয়ার সাধ হত...

—শুধু তাই? কম কষ্ট করেছি সে সময়ে?

—কী আর করা! দীপক হুঁল চিত্রলেখাকে,—আমরা তো কোনওদিন হাত পেতে কারওর কাছ থেকে কিছুই নিইনি। তোমার বাপের বাড়ির থেকেও না, আমার বাড়ির থেকেও না। না খেয়ে ফেকেছি, তবু...

—তো কী আছে? আমরা স্ট্রাগল করেছি। একটু একটু করে দাঁড়িয়েছি। একটা একটা করে জিনিস করেছি সংসারের। মনে আছে, ইনস্টলমেন্টে প্রেশার কুকার কিনেছিলাম? ছেলেকেও শ্বাস করেছি দাঁতে দাঁত চেপে...

—তার মধ্যে রাত জেগে তোমার পড়াশুনো...পরীক্ষা...চাকরি...

—তখনই তো সংসারটা একটু ভাল করে দাঢ়াল।

—আহা, আমি বুঝি তদ্দিন শুধু সেতার বাজাতাম? দীপক আলগা হাসল,
—আমিও তো একটু একটু করে উঠেছি। অন্যের কারখানায় খাটতে খাটতে কাজ
শিখলাম, ধাপে ধাপে প্রোমোশান, এই ফ্যাক্টরি ছেড়ে ওই ফ্যাক্টরি... তারপর নিজেরও
একটা কারখানা হল...। এ সব কিছুর মূলে কী ছিল লেখা? জেদ। চাওয়া। আকাঙ্ক্ষা।
পড়ে পড়ে মার খাব না এই মনোভাব। নয় কি?

—ছিলই তো। আকাঙ্ক্ষা ছিল বলেই তো আজ আমরা এখানে। মাঝে কত
স্টেজ গেছে! ষাট টাকার ভাড়াবাড়ি থেকে তিনশোয়, সেখান থেকে সাতশো,
তারপর দেড় হাজার, তিন হাজার...

—আর আজ? তুমি একটা আস্ত দশ লাখ টাকার ফ্ল্যাটের মালকিন। আমাদের
টিভি ফ্রিজ ফার্নিচার টার্নিচার ধরলে আরও কমসে কম দু লাখ। ছেলে আই আই
টি থেকে প্রায় পাস করে গেল, তার দাম তো তুমি লাখেও হিসেব করতে পারবে
না।

—ছেলেকে আমি হিসেবে ধরি না। ও তো কদিন বাদেই পর হয়ে যাবে।

—তবে এই ফ্ল্যাটটাকেই বা কেন হিসেবে ধরবে? সেভাবে দেখতে গেলে
এটাও তো মূল্যহীন। দীপক বপ করে বলল, —এখনও কি আমাদের দু জনকে
ওই ষাট টাকার ঘরে কুলিয়ে যায় না?

চিরলেখার গায়ে কাঁটা দিয়ে উঠল। দেখতে চাইছে আলোছায়া মাথা স্বামীকে।
দেখতে চাইছে? না বুঝতে চাইছে?

দীপক আবার বলল, —আচ্ছা লেখা, তুমি যখন গানের টিউশনি করে বেড়াতে,
আর আমি সাতসকালে দেড়শো টাকা মাইনের কাজ করার জন্য ছুটতাম, তখন
আমাদের চাওয়াটা ঠিক কী ছিল? এমন কামিনীর সুবাসমাখা ঘর, এমন সুন্দর
পরিবেশে এত বড় বাঁচকচকে ফ্ল্যাট, সাকসেসফুল ছেলে, আমরাও মোটেই ব্যর্থ
নই... তোমার কি মনে হয় না আমরা আমাদের শুরুর আকাঙ্ক্ষাটাকে অনেক
বেশি ছাপিয়ে গেছি?

কথাটা ঠং করে বুকে বাজল চিরলেখার। গভীর ভাবে। হৃদয়ের অতলে গিয়ে
কোথায় যেন ধ্বনিত হল।

আহতগলায় চিরলেখা বলল, —মোটেই না। আমরা আরও বেশি পেতে পারি।

—কতটা বেশি? আরও ছ'ইঞ্চি?

—হতে পারে।

—তার পর? আরও ছ'ইঞ্চি?

—হতেই পারে।

—তার পর... ?

চিত্রলেখা চুপ। গাটা হঠাতে কেমন শিরশির করছে। আশা আকাঙ্ক্ষার কেন প্রান্তসীমার ইঙ্গিত দেয় দীপক?

উড়ো মেঘ এসে আবার কখন ঢেকে দিয়েছে ঠাদকে। গ্রিলের ছায়া বড় হতে হতে গোটা ঘরখানাকে প্রাস করে নিল। নিচু সিলিং-এ ফ্যান ঘূরছে বনবন, নিখর শুয়ে আছে দম্পত্তি। খাটের তলায় অবহেলায় পড়ে ধুলোমাথা একটা সেতার, আর একটা হারমোনিয়াম।

রাত বাড়ছিল...।

ঠান

বা জার হাতে থমকে দাঁড়ালেন সুখময়। তাঁর সফতে সাজানো একতলার ড্রিংরমে উদ্বাম লাফালাফি করছে দুই শিশু। জুতো পায়ে দামী সোফায় উঠছে, ঝাপ কাটছে নকশাদার গালিচায়। তকতকে মোজাইক মেঝেতে এলোমেলো ছড়ানো গোটা দু-তিন কিটসব্যাগ, প্লাস্টিকের থলি, সন্তানদামের ওয়াটার বটল।

সুখময়ের ভুরুতে ভাঁজ পড়ল,—তুই কোথেকে?

—এই এলাম। সুখময়ের প্রশ্নের সরাসরি জবাব দিল না অমল। দাঁত ছড়িয়ে হাসল,—ধরো তোমাদের দেখতে। বুড়োবুড়ি একলাটি পড়ে আছ।

সুখময় একটুও প্রীত হলেন না। বাইরে থেকেই এখানকার কলরব কানে বাজছিল। কলরব নয়, যাকে বলে তাণ্ডব। তাঁর তপোবনের মতো প্রশান্ত গৃহ আর্তনাদ করছে শিশুদের হড়ুদুমে। তখনও কি ছাই বুঝেছেন, তাঁর অকালকুস্মাণ ভাষ্পেটিই এসে হাজির হয়েছে সাতসকালে। সেই সিউড়ি থেকে—লটবহর সমেত!

হাতের বাজার রাম্বাঘরে নামিয়ে এলেন সুখময়। দুরন্ত শিশু দুটি একটু থমকাল। হাঁ করে দেখছে সুখময়কে। বড়টা বছর পাঁচেকের। ছোটটা বড় জোর তিন।

এক ঝলক ছেলে দুটোকে জরিপ করে সুখময় পাথার নীচে বসলেন,—খবর কি তোদের? মেজদি কেমন আছে? জামাইবাবু?

—মা-বাবারা এই বয়সে যেমন থাকে, তেমনই আছে। গেঁটে বাত। অর্শ। বুক ধড়ফড়। প্রেসার। সগার। অমল বাবু হয়ে সোফায় বসল,—মামীও তো দেখলে মেঘ ঝর্ত হিমে পড়েছে।

—ই। সুখময় গভীর কণ্ঠে ধরে শ্বাসকষ্ট চলছে। কাল একটু বাড়াবাড়ি হয়েছিল।

একটু নয়, কাল রাতে বেশ ভালই বাড়াবাড়ি হয়েছিল অনুরূপার। বরাবরই তোর সর্দিকাশির ধাত, বছর আল্টেক হল একটি বিশ্রী টানও উঠছে—হাঁপানির। প্রথম প্রথম টানটা শুধু ঝুতু বদলের সময়ে আসত। এখন আর মাস-ঝুতু মানে না, গ্রীষ্ম বর্ষা শরৎ হেমন্ত যখন-তখন হানা দেয়।

কালও কষ্ট দিয়েছিল। সঙ্গে থেকে অঙ্গস্বরূপ রুটিনমার্ফিক চাপ ছিল ফুসফুস। খাওয়া-দাওয়ার পর দুম করে বেড়ে গেল কষ্টটা। দু-চারটে বাঁধা ওষুধ ঘরেই থাকে, তাতেও কমল না। রাত বারোটায় ফোন করতে হল ডাঙ্কারকে। চেনা ডাঙ্কার, প্রায়ই দেখে অনুরূপাকে, তবু অত রাতে আসতে রাজী হল না সে। টেলিফোনে ওষুধের নাম আউড়েই খালাস। কাছেই সি এ মার্কেট, সেখানে শক্ত মেডিকেল সারারাত খোলা থাকে, রাতদুপুরে দোকানে ছুটলেন সুখময়। ক্যাপসুলটা খেয়েও রাতভর বিছানায় ঠায় বসে রইল অনুরূপ। বালিশ বুকে চেপে হাপরের মত হাঁপাচ্ছেন। গলা কাঁপিয়ে উৎকট শব্দ ছিটকে আসছে। দম বুঁধি বেরিয়ে যায়-যায়!

আর সুখময়। একবার তখন বালিশ দিচ্ছেন স্ত্রীর পিঠে, একবার মুখে ফসফস ওষুধ স্প্রে করছেন আর উদ্বিগ্নমুখে তাকিয়ে আছেন। কীভাবে যে কেটেছে রাতটা! সুখময় বললেন,—তোর মামীকে নিয়ে চিন্তায় আছি।

অমল দুলছে বসে বসে,—আমরা এসে তোমাদের অসুবিধে হল তো? সুখময় বলতে যাচ্ছিলেন, তা হল। বললেন না। তেতো গেলা মুখে হাসলেন,—অসুবিধে আর কি। মামার বাড়ি, এখানে আসবি না তো কোথায় আসবি?

—কারেষ্ট। আমি তো মণ্ডুকে সে কথাই বলছিলাম। মণ্ডু মামীকে দেখে একেবারে ঘাবড়ে একসা।

—মণ্ডু, মানে তোর বড়? কোথায় সে?

—মামীর ঘরে। এসে ইস্কক ওপরে সেঁটে আছে। বলেই অমল হাঁক পাড়ল, —মণ্ডু-উ-উ, মণ্ডু-উ-উ, নীচে এসো। মামাকে প্রণাম করে যাও। ডাকতে ডাকতে ঘপ করে গলা নামাল,—আসলে তোমার ভাগ্নেবড় মামীকে দেখে যত না ঘাবড়েছে, তার থেকে বেশি ব্যোমকেছে তোমার এই বাড়ি দেখে। আরে বাবা, মামা আমার লর্ড। সল্টলেকে প্যালেসে থাকে। বুঝলে ম্যামা, মণ্ডু ভাবে আমার সব আঙ্গীয়ই বুঁধি তার শঙ্কু-শাঙ্কুর মতো নেই-নেই পার্টি। এবার দ্যাখ মিজের চোখে। এমন বিংচ্যাক বাড়ি, এমন চাম্পুস সাজানো-গোছানো। বাপের জন্মে দেখেছিস কোনওদিন? ছিলি তো ন্যাংটো মাস্টারের মেয়ে।

দুই শিশু বাবার বকবক গিলছিল, হঠাত বড়টা হাততালি দিয়ে উঠল,—দাঁড়াও, মাকে বলে দেব!

অমল থিকথিক হাসল,—কি বলবি?

—তুমি দাদুকে ন্যাংটো বলেছ!

—বলিস। নেচে নেচে বলিস। যা ভাগ এখান থেকে। পাঁচ বছরেই পেকে
বোঁদে হয়ে গেছে। খালি বড়দের কথার মধ্যে কথা। মারব টেনে তিন লাখ।
ধমক খেয়ে ছেলেটা গা মোচড়াছে।

সুখময় বেশ বিরক্ত হলেন। অমলটা চিরকালই বড় অমার্জিত। জংলি। হ্যা-
হ্যা করে হাসে। গাঁক গাঁক চেঁচায়। মুখের মাত্রা নেই। লেখাপড়াতেও অগা।
কোনওক্ষণমে ঘষ্টে ঘষ্টে স্কুলের গভীর পেরিয়ে সরস্বতীকে বিদায় দিয়েছে। মেজদির
কম জ্বালা গেছে এই ছেলে নিয়ে। এখন কোন এক কোল্ডস্টোরেজে চাকরি করছে।
কি কাজ যে করে, ভগবান জানে। শুধু মেজদির চিঠিপত্র থেকে বোৰা যায়
রোজগারপাতি তেমন ভাল নয়। তার মধ্যেও কী দুঃসাহস! বাবু বিয়ে করে
ফেলেছেন! প্রেমের বিয়ে। বোৰার ওপর শাকের আঁটি ছ'বছরেই তিনটে
অ্যাণ্ডাবাচ্চা। একটা তো একেবারেই কোলের। সবে পুজোর সময় হয়েছে। মেজদির
বিজয়ার চিঠি থেকে জেনেছে সুখময়।

ড্রাইংকম থেকে কাঠের ঘোরানো সিঁড়ি উঠে গেছে দোতলায়। সেই সিঁড়ি
দিয়ে নামছে অমলের বড়। আড়ষ্ট পায়ে। কাছে এসে খোপায় আঁচল তুলল।
চিপ করে প্রণাম সারল একটা।

সুখময় যেয়েটিকে আগে দেখেননি। অমল ন'মাসে ছ'মাসে আসে এ বাড়িতে।
একাই আসে, এক-আধ বেলা থেকে চলে যায়। সুখময় নিজে কোনও আঞ্চলিকজনের
বাড়ি যান না। যাওয়া পছন্দও করেন না। বিয়ে অন্নপ্রাশনেও নয়। কোথাওই সম্পর্ক
রাখেন না বেশি। মাঝেমধ্যে টুকটাক চিঠিপত্র, ব্যাস।

সম্পর্ক রাখার অর্থ জানেন সুখময়। দায়—অজস্র দায়। এর যেয়ের বিয়েতে
দাঁড়াও, ওর ছেলের চাকরি করে দাও। একে খয়রাতি করো, ওকে ধার দাও।
কেন রে বাবা? লিলিপুটদের বংশে তালগাছ হওয়াটা কি অপরাধ? তাছাড়া
আঞ্চলিকজন মানেই কুটকচালি, কেছা-কেলেংকারি। এসব সুখময়ের ঘোরতর অপছন্দ।

তা মঞ্চুকে অবশ্য প্রথম দর্শনে মন্দ লাগল না সুখময়ের। শাস্ত চেহারা, বিনীত
হাবভাব। রঙ চাপা হলেও আলগা একটা শ্রী আছে। তবে রোগা বড়। ডিগডিগে,
ক্ষয়াটে। কোলের কন্যাসন্তানটিও খুবই শীর্ণ। অপুষ্টির শিকার।

মঞ্চু নতমুখেই বলল,—আপনাকে মাঝীমা একবার ওপরে ডাকছেন।

সুখময় গলা ঝাড়লেন,—তোমার মাঝীমা কি শুয়েছেন একটু, না এখনও বসে?

মঞ্চু একদিকে ঘাড় নাড়ল। উভয়টা ঠিক ধরতে পারলেন না সুখময়। সিঁড়ি
অবধি গিয়েও ঘুরলেন মঞ্চুর দিকে,—তোমার বাচ্চারা কিছু খেয়েছে?

অমলই আগবাড়িয়ে উত্তর দিল,—তুমি ভেবো না মামা, ওরা ঠিক থেকে নেবে।

—তোরাও তো এতটা পথ এলি...তোদেরও খিদে পেয়েছে...দ্যাখ না, পুঁজুর জলখাবার তৈরি কত দূর এগোল?

হা হা করে হাসল অমল,—আমাদের পেট হল রাবণের চিতা। সারাদিন ছলচ্ছে। ও নিয়ে ভাবতে গেলে তোমার ভাঁড়ার ফাঁক হয়ে যাবে। তুমি যাও, মামী কি বলছে দ্যাখো।

মঞ্জুর দিকে চোখ চলে গেল সুখময়ের। স্বামীর রসিকতায় মুখে আঁচল চেপে ফিক ফিক হাসছে।

ঘড়িতে সাড়ে নটা। চৈত্রের সকাল তেতে উঠছে ক্রমশ। এলোমেলো বাতাস তপ্ত। আচম্বিতে ছোট ছোট হাওয়ার ঘূর্ণি বাইরে। দক্ষিণের জানালার ঠিক গায়েই একটা বেঁটে নারকেল গাছ। চোদ্দ বছর বয়সের। গৃহপ্রবেশের দিন গাছটা লাগিয়েছিলেন অনুরূপ। সেই গাছের চওড়া পাতায় শেষ বসন্তের হাওয়া বাজছিল সরসর।

হাওয়া কি অতীতের কথা বলে? হয়ত বলে, হয়ত বলে না, হয়ত নিজের মনেই দোল খায় জানালায়, গাছে, সুখময়ের মনে।

পঁচিশ বছর আগে সুখময় এখানে চার কাঠার প্লটটা কিনেছিলেন। তখন এ অঞ্চলে গাছগাছড়া বিশেষ ছিল না। প্রায় ধূ ধূ। বিশাল বিশাল মেঁচো ভেড়ি বোজানো হয়ে সবে তখন শহর এদিকে গায়ে-গতরে বাঢ়ছে। মাটিতে চিকচিক করে বালি। লোকবসতি খুব কম। কলকাতার সঙ্গে সুতোর যোগ রাখে একটা দুটো বাস। এত ফাঁকা চারদিক যে লোকজন সহজে বাড়িয়া বানাতে সাহস পায় না।

সেটা অবশ্য শাপে বরই হয়েছিল। এখনকার হিসেবে জলের দরে জুটে গিয়েছিল জমিটা। তবে সুখময়ও তক্ষুণি বাড়ি করেননি। করলেন অনেক পরে। সাউথ ইস্টার্ণ রেলের জেনারেল ম্যানেজার হয়ে রিটায়ার করার ছ'বছর আগে—রামপুরহাটের জমিবাড়ির নিজের অংশ বেচে দিয়ে। এই উপনগরী তখন অনেক জমজমাট। ছবির মতো সুন্দর সুন্দর বাড়িতে ভরে যাচ্ছে চারদিক। চওড়া চওড়া পথঘাট। সবুজ বুলেভার্ড। গাড়ি-ঘোড়াও চলছে অনেক। তবু এখনকার একটা আলাদা নির্জনতা আছে। এক ধরনের আলাদা শান্তি। নিস্তুরঙ্গ সুখ।

সেই সুখের আদলে তৈরি হল সুখময়ের বাড়ি। একতলায় অতিকায় ড্রয়িংরুম—রান্নাঘর। ভাঁড়ার, কাজের লোকেদের থাকার ঘর। বিশাল খাওয়ার জায়গা। ছেট্ট একটা স্টাডিওর কাম পারিবারিক লাইব্রেরি। ওপরে তিনটে পৃথক পৃথক ব্লক।

প্রতিটি ব্লক এক-একটা স্বয়ংসম্পূর্ণ ওয়ান-রুম ফ্ল্যাট—সুখময়দের, বাবিনের, ছেট্টুর, এছাড়া মনভোলানো এক পূব-দক্ষিণ খোলা বারান্দা।

বাড়ির নাম হল স্বপ্নাতীত।

বাড়ি দেখে খুশিতে পাগল হলেন অনুরূপা। দুই ছেলেও। বাবিন তখন আই আই টিতে ইঞ্জিনিয়ারিং পড়ছে, ছেট্টুর ফ্লাস নাইন। বিপুল উৎসাহে দুই ভাই ছুটে ছুটে এখান ওখান থেকে ফুলগাছ এনে লাগাচ্ছে। অনুরূপা সামনের লনটার পরিচর্যা করছেন সারাদিন। বাবিন আর ছেট্টুর ঘর পোস্টারে পোস্টারে ছেয়ে গেল। বাবিনের দেওয়ালে ফিল্মস্টার। শুধুই অমিতাভ বচন, বিভিন্ন ভঙ্গিতে, বিভিন্ন মেজাজে। ছেট্টুর দেওয়াল জুড়ে খেলোয়াড়দের মিছিল—গাভাস্কার, বিশ্বনাথ, ইমরান, কপিলদেব, ম্যাকেনরো, বর্গ, ঝাঁকড়াচুলো মারিও কেস্পেস। তার সঙ্গে বাবা-মার দেওয়ালও পরিপূর্ণ। আশায়। সুখে। উষ্ণতায়। মায়াবী নিশ্চিন্ত বাধ্যক্ষের অলস স্বপ্নে।

বাবিনের আমেরিকায় এখন মধ্যরাত।

ছেট্টুর লঙ্ঘনে এখনও ভোর হয়নি।

এই উপনগরী এখন রোদুরে ঝলসাচ্ছে।

—কি ভাবছ জানলায় দাঁড়িয়ে?

সুখময় ফিরলেন। খাটের প্রাণ্টে এসে আধশোয়া স্ত্রীর কপালে হাত ছোঁয়ালেন,—
কিছু না।

—আমাকে ডাকোনি কেন?

—ভাবলাম ঘুমোচ্ছ; ঘুমোও।

—দূর, ঘুম কি আর আসে। অনুরূপা ফ্লাস্টভাবে চোখ বুজলেন।

—সকালের ক্যাপসুলটা খেয়েছ?

—খেয়েছি।

—ডাক পাঠিয়েছিলে কেন?

—বাজার থেকে কি আনলে? রোজকার সেই চারাপোনা?

—না। বাটা মাছ, কেন?

—কেন কিগো? ভাষ্মে-ভাষ্মেবউ এল, মেয়েটা আমাদের বাড়িতে এই প্রথম, ওদের শুধু বাটা মাছের বোল খাওয়াবে? অনুরূপা এখনও হাঁগাচ্ছেন একটু একটু,—
বাচ্চাদের জন্য মাংস আনলে হত না?

—বাচ্চারা থোড়াই খাবে। খাবে তো ওই গণ্ডারটা। হাসতে হাসতে বললেন
সুখময়,—ও ভার তুমি আমার ওপর ছেড়ে দাও তো। চুপটি করে আজ সারাদিন
বিশ্রাম নাও। বিছানা থেকে একদম উঠবে না।

অনুরূপা বালিশে হেলান দিয়ে উঠে বসলেন,—অমলের বউটা কিন্তু বেশ হয়েছে। একটু বোকা ধরনের, কিন্তু বেশ কাজের। কথা শুনে মনে হল, মেজদি-জামাইবাবুর খুব দেখাশুনো করে।

—বোকা না হলে ওই ছেলের প্রেমে পড়ে!

—শুধু প্রেম নয় গো, অমলকে খুব ভয়-ভঙ্গিও করে।

—বাহ ! আধঘণ্টা কথা বলেই তুমি অনেক কিছু বুঝে ফেলেছ দেখছি। সুখময় বাঁকা হাসলেন,—সদলবলে এখানে হঠাতে কেন উদয় হল তা কিছু বলল ?

—নিজে থেকে না বললে জিজ্ঞেস করা যায় নাকি ?

সুখময় কিছু বললেন না। আলমারি খুলে কয়েকটা কাগজ বার করলেন। ইলেক্ট্রিক বিল, প্রেসক্রিপশন—কিছু টাকাও।

অনুরূপা ঠাট্টার ছলে বললেন,—একদিক দিয়ে ভালই হল। তোমারও ক'দিন নাতি-নাতনি নিয়ে জমিয়ে কাটিবে। ও সুখ তো তোমার ভাগ্যে বড় একটা জোটে না।

বাবিন গত বছর এসেছিল। জাস্বো বড় ন্যাওটা হয়ে পড়েছিল সুখময়ের। দাদুন, আমি তোমার সঙ্গে খেলব। দাদুন, আমি তোমার সঙ্গে শোব। দাদুন, আমি তোমার সঙ্গে লাঞ্চ করব—এক প্লেটে ! দাদুন, চলো না আমরা ওয়াকে যাই।

সুখময় ঘাট করে মুখ ফেরালেন,—বাচ্চাগুলোর চেহারা দেখেছ ? কী চাষাড়ে ! শ্যাবি !

—ছি, বাচ্চাদের শুরকম বলতে নেই। ওরাও তো সম্পর্কে নাতি-নাতনি, নয় ?

পুষ্প ঘরে এসেছে। হাতের ট্রেতে সুখময়ের জন্য চা-টোস্ট, অনুরূপার হরলিঙ্গ, বিস্কুট কয়েকটা। খাটের লাগোয়া টেবিলে ট্রে নামিয়ে বলল,—মা, আপনি লুচি খাবেন দু'চারটে ? এনে দেব ?

—ওদের দিয়েছিস ?

—দেওয়ার দরকার হয়নি। নিজেরাই তার আগে হামলে পড়ে খে়ে নিল।

চকিত অতিথি-সমাগমে পুষ্পের মুখও বেশ অপ্রসন্ন। সে এ বাড়ির রাতদিনের কাজের লোক। বহুকাল আছে। সুখময়-অনুরূপার কাছে সে এখন অঙ্কের যষ্টি। তবু তার বাচনভঙ্গিটা এ মুহূর্তে সুখময়েরও অভিযা লাগল।

গন্তীর মুখে বললেন,—তুই এখন একবার বাজারে যা। ওদের জন্য দুটো মুর্গি নিয়ে আয় বড় দেখে। আর আন্দাজ মতন দই মিষ্টি। বাচ্চা দুটোকে একটু দুধ দিয়েছিস ?

পুষ্পের মুখ আরও ভারী,—বউটা নিজেই নিয়ে খাইয়ে দিয়েছে। দুই ছেলেকে

বড় বড় দু-গ্লাস। খাবলা খাবলা চিনি মিশিয়ে, এক থালা করে লুচি তরকারি
খাওয়ানোর পর।

—দিক না। তুই এত খেপে যাছিস কেন? অনুরূপা হাসছেন মিঠিমিটি—
বউ নয়, বৌদি বল। ওরা আমাদের আঢ়ীয়।

—সে আমি জানি। পুষ্প খরখর করে উঠল,—নীচে গিয়ে দ্যাখো না, দুই
ছেলেতে কল খুলে কিরকম বাথরুম ভাসাচ্ছে!

পুষ্প টাকা নিয়ে চলে গেল।

অনুরূপা হরলিঙ্গে চুমুক দিলেন,—তুমি নিজে বাজার গেলে পারতে। সব
কাজ কি কাজের লোকদের দিয়ে হয়!

—আমার এখন সময় নেই। তোমার মাউথ-স্প্রে ফুরিয়ে এসেছে, শক্র
মেডিকেলে নেই.....দেখি একবার বিডি মার্কেট যেতে হবে। ইলেক্ট্রিক বিলেরও
আজ লাস্ট ডেট। সুখময় বিরস মুখে টোস্টে কামড় বসালেন,—পোস্ট অফিসও
যাব। বাড়িতে এয়াবমেল নেই, আনতে হবে।

—তুমি এখনও ছোট্টকে উত্তর দাওনি! সেই কবে ওর চিঠি এসেছে!

—কবে কোথায়, পরশুই তো এল। তাও আমরা চিঠি দেওয়ার আড়াই মাস
পর।

—ওদের নতুন সংসার। নতুন দেশ। নতুন কাজ। তাও আবার যে সে কাজ
নয়, অসুখ নিয়ে রিসার্চ। সব সামলে চিঠি লিখতে বসা...সময় তো লাগবেই।

—নতুন কোথায়, দেখতে দেখতে তো আট মাস হয়ে গেল।

—আট মাস আর কি এমন সময়? ওদিকে তোমার বাবিনের যে আট বছর
হয়ে গেল। সে কটা চিঠি লেখে বছরে? গুনে গুনে চারটে কি পাঁচটা। তাও
বউ লেখে, নিজে তার সঙ্গে নীচে দুলাইন।

সুখময় চকিতে উদাস। সেঁ সেঁ করে বাতাস বয়ে যাচ্ছে বুকে,—ওদের সবই
নতুন। সব সময়ে। শুধু বাবা-মা দুটো ছাড়া।

—ও আবার কি কথা। হরলিঙ্গ শেষ করে অনুরূপা শুচ্ছেন ধীরে ধীরে,—
চা খেয়ে নাও, ঠাণ্ডা হয়ে যাচ্ছে।

হঠাতে দরজার দিকে নজর গেল সুখময়ের। অমলের বড় ছেলেটা পর্দা ফাঁক
করে উকি দিচ্ছে ঘরে।

অনুরূপাও দেখেছেন। কোমল গলায় ডাকলেন,—আয় দাদু।

ছেলেটা দুদিকে মাথা দোলালো। এল না।

অনুরূপার স্বর আরও নরম,—তোর চোখ ছলছল করছে কেন রে? মা বকেছে?
ওমা এ তো জলও গড়াচ্ছে দেখছি!

দু-হাতের চেটোর উল্টো পিঠ দিয়ে চোখ মুছে নিল ছেলেটা, মুখে স্বর ফুটেছে,—
তোমাদের ছাদটা কি বড় গো ! আমি আর ভাই চুপি চুপি গিয়ে দেখে এসেছি।
—ভাই ? আর কি দেখলি ? ছাদের ফুলগাছগুলো দেখেছিস ?

—হ্যাঁ অ্যা অ্যা, ভাই না একটা ফুল ছিড়েছে। লাল ফুল। পর্দা সরিয়ে দু-
পা এগোল ছেলেটা,—আমরা কোনু ঘরে থাকব গো ঠাস্মা ? মা তোমাকে জিজ্ঞেস
করতে বলল। বনু ঘূমিয়ে পড়েছে তো !

—এমা ছি ছি, তুমি কি যে কারো না ! অনুরূপা অপ্রস্তুত মুখে স্বামীর দিকে
তাকালেন,—যাও ওদের জন্য বাবিনের ঘরটা খুলে দাও। বাবিনের খাট বড় আছে।

বাবিন-ছোটুর ঘর তালাবন্ধই থাকে সারা বছর। সপ্তাহে একদিন বাড়াবুড়ি
হয়। আগে অনুরূপা নিজের হাতেই করতেন। খুলো নাকে গেলে কষ্ট বাঢ়ে বলে
নিজে আর ঢোকেন না, পৃষ্ঠাই সাফসূতরো করে রাখে যতটা সম্ভব।

সুখময়ের কঠে শ্লেষ ফুটল,—বাবিনের খাটেও পাঁচজন ধরবে না। ছোটুর ঘরও
লাগবে।

—লাগলে লাগবে, খুলে দাও। ও তো এখন ভূতের ঘর।

ড্রয়ার থেকে দুপদাপ চাবির গোছা বার করে সুখময় বিছানায় ছুঁড়ে দিলেন।
অনুরূপার পল্কা আদিখ্যেতা তাঁর মোটেই মনঃপূত নয়। ওফ, ওই মায়াবী ঘর
দুটো এখন তচ্ছন্দ করবে অমল ! আম্য গন্ধ ছড়িয়ে দেবে চারদিকে !

সুখময় দরজার দিকে এগোলেন,—পৃষ্ঠা ফিরুক, ওকে দিয়েই খুলিয়ে নিও।
আমি বেরোচ্ছি।

দুপুরে অমলদের আসার প্রকৃত কারণটা জানা গেল। অমলই বলল খাওয়ার
সময়ে। অমলের বড় ছেলেটার চোখে কি সব গণগোল হয়েছে, ছেলেকে বড়
ডাক্তার দেখাতে এনেছে কলকাতায়। সারাক্ষণই নাকি চোখ ছলছল করে, জল
পড়ে, মাঝে মাঝে যন্ত্রণাও হয়। সিউড়িতে দু-তিনজন ডাক্তারকে দেখিয়েছিল,
তাদের এক একজনের এক এক মত। কেউ বলে প্ল্যাণের গণগোল, কেউ বলে
নার্ডের, কেউ বলে কর্নিয়ার। ওখান থেকে এক ডাক্তার চিঠি দিয়ে দিয়েছে, তার
সুপারিশেই দেখাবে বড় ডাক্তারকে। ডাক্তারটির নাম সুরেন সরকার। পিজির
প্রফেসর। শোনা-শোনা নাম, ছোটুর মুখেই সুখময় শুনেছেন বোধহয়।

স্টার্ডিভরমে এসে সুখময় একটা সিগারেট ধরালেন। খাওয়া-দাওয়ার পর এ
ঘরে বসে মৌজ করে একটু সিগারেট খান। আগে দিনে কুড়ি-পঁচিশটা হয়ে যেত।
এখন নেশাটা অনেক কমিয়ে এনেছেন। দুপুরে রাতে খাওয়ার পর একটা কর্তৃ,

আর সারা দিনে বড়জোর দু-তিনটে। এবার ভাবছেন ছেড়েই দেবেন অভ্যাসটা। একটু জোরে ইঁটলেই আজকাল একটা চিনচিনে হাস্কা ব্যথা হয় শুকে, ইঁপিয়েও যান বড় তাড়াতাড়ি। ব্যথার কথাটা অনুরূপাকে বলেননি। মিছিমিছি মানুষের উদ্বেগ বাড়িয়ে কি লাভ! একেই তো নিজের জ্বালায় জ্বলে মরছে বেচারা!

দুপুরের বাতাস বাইরে থম মেরে ছিল অনেকক্ষণ, হঠাৎই একটা ঝাপটা দিল ফেন। খোলা জানালা দিয়ে কিছু ধুলোবালি উঠে এল। শুকনো পাতারা ছুটছে রাস্তায়। সুখময় উঠে জানালাটা টেনে দিলেন। পুষ্পকে কতবার করে বলেছেন বেলা বাড়লে সব জানালা বক্স করে দিতে, এ সময়ে ধুলো চুকে ঘরদোর বড় নোংরা হয়, তা কথাটা যদি খেয়াল থাকে মেয়েটার! আজ অবশ্য খেয়াল না থাকলেও বলার নেই কিছু। সিউড়ি থেকে আসা উটকো ধুলো সামলাতেই যা হিমশিম থাচ্ছে!

অমলটা সত্যিই যাচ্ছেতাই। যেমন নোংরা, তেমন বেআক্সেলে। শিক্ষাদীক্ষা না থাকলে যা হয়! অতটুকু ছেলে চোখ নিয়ে কষ্ট পাচ্ছে, অর্থচ বাপকে দ্যাখো দিব্যি মাংসের হাড় চুষতে চুষতে ব্যাখ্যান করে চলেছে ডাক্তারদের। ভাষাই বা কী! ওখানকার ডাক্তারটা লেবঙ্গুস। বেঁড়ে পাকামি করছিল। চেম্বারে তুকৈ দিয়েছি ব্যাটাকে আচ্ছা করে কড়কে! বসার ভঙ্গিটাও কী অশালীন! এক-পা চেয়ারে তুলে, এক পা নাচাতে নাচাতে খাওয়া! লোমশ খালি গা! পরনে উৎকট চেক লুঙ্গি! শব্দ করে করে কুলকুটি করা! অসহ্য! অসহ্য!

সুখময় চেপে চেপে সিগারেট নিবিয়ে ওপরে এলেন। আঃ, ঠিক যা ভয় পেয়েছিলেন তাই! অনুরূপার সামনে মোড়া টেনে বসে আগড়ুম বাগড়ুম গঞ্জ করে চলেছে অমল। সাধারণ বুদ্ধিটুকুরও এত অভাব? শুনলি মাঝী সারারাত ঘূমোতে পারেনি—এখন কষ্ট কম, একটু শুয়ে নিতে দে, তা নয়...! অনুরূপাও কেন যে এত লাই দেয় ছেলেটাকে! নির্বাত এখন আঞ্চলিকজনদের ঠিকুজি কুষ্ঠির তালাশ চলছে—কার বাড়িতে ইঁড়ি চড়ে না, কার মেয়ে বাপকে লুকিয়ে বিয়ে করার মতলব ভাঙছে, রামপুরহাটের কোন দেওর কার জমি হাতাল, এসব শুনে অনুরূপার কী যে মোক্ষ লাভ হয়! নিজে তিনি কোনওদিন প্রশ্ন দেননি অমলকে। এসেছ এসো, দু-চার ঘণ্টা থাকো, খাও দাও, বিদায় নাও। শুধু অমল নয়, সব আঞ্চলিকের জন্যই সুখময়ের এক বিধান।

ঘরে না গিয়ে সুখময় সামনের প্যাসেজটার দিকে গেলেন। দু'ধারে বাবিন আর ছোট্টুর ঘর। দুটোই হাট করে খোলা। ছোট্টুর খাটে বিশ্রীভাবে ছড়ানো রয়েছে অমলদের মালপত্র, জামাকাপড়। বাবিনের বিছানায় মশু কোলের মেয়েটাকে নিয়ে

পাশ ফিরে শুয়ে। বড় ছেলেটি মেঝেয় হাত-পা ছড়িয়ে ঘুমোচ্ছে। ছেটটি খাটের প্রান্তে শুটিয়ে শুটিয়ে জড়োসড়ো।

সুখময় সরে এলেন। পূর্ব-দক্ষিণ-খোলা গোল বারান্দা থেকে দুপুর হলেই রোদ সরে যায়। একটা ইজিচেয়ার আর গোটা দু-তিন মোড়া সব সময় ছড়ানো থাকে এখানে। সুখময় ইজিচেয়ারে শরীর ছেড়ে দিলেন। বাবিন আর ছেটুর ঘর দুটি তাঁর বড় প্রিয়। নির্জনতার সঙ্গীও বটে। অনুরূপাকে লুকিয়ে মাঝে মাঝেই ঘর দুটোর তালা খোলেন সুখময়। চেয়ার টেবিল খাট আলমারি বিছানা হুঁয়ে হুঁয়ে দেখেন। পোস্টারগুলো কবেই আর নেই, তবু ফিকে রঙিন দেওয়ালে এখনও অনেক ছবি দেখতে পান তিনি। বাবিন জন্মাল। হাঁটছে। কথা ফুটল মুখে। স্কুলে যাচ্ছে। রাস্তিরবেলা অনুরূপাকে আবার রেখে আসতে হল রেলের হাসপাতালে। ছেটু এল। পিঠোপিঠি বড় হচ্ছে দুই ভাই। ছবি আর ছবি। পর পর অজস্র ছবির মিছিলে দেওয়াল পূর্ণ হয়ে যায়। বাবিন আমেরিকা থেকে বিয়ে করতে এল। বড় নিয়ে চলে যাচ্ছে। ছেটুর লন্ডনে রিসার্চ করতে যাওয়ার সুযোগ এসে গেছে। নিজের পছন্দ করা মেয়েকে বিয়ে করে সে-ও চলে গেল বাইরে। কখনও এয়ারপোর্টে গিয়ে হাত নাড়ছেন সুখময়। কখনও হাত বাড়িয়ে জড়িয়ে ধরছেন ছেলেদের, নাতিকে। সব—সব মুহূর্ত এই দুটো ঘরে যেন বন্দী হয়ে আছে।

চাবি খুলে শুধু তাদের দেখা বারবার, প্রাণভরে।

—ঘুমোছ নাকি?

সুখময় চোখ খুললেন, উভর দিলেন না।

অমল মোড়া টেনে বসল। সুখময়কে বিস্থিত করে চুপচাপ বসে রইল খানিকক্ষণ। যেন উষণ দুপুরের ছায়া আবিষ্ট করেছে তাকেও। হঠাৎই বলল,—তুমি কেমন বৃড়োটে হয়ে গেছে মামা।

সুখময়ের ছেটু শ্বাস পড়ল—বয়স তো হচ্ছে!

—বয়স কিসের? এখনও তো সত্ত্ব হোঁওনি! কত চলছে? আটবাটি? উনসত্ত্ব?

—সেটাও কি কম হল?

—কম নয়, বেশিও নয়। আমার বড় জ্যাঠাকে দ্যাখো, এইটি ওয়ান। এখনও বাচ্চাদের ফুটবলে রেফারিং করতে নামে। এদিকে আমার বাবা ছিয়ান্তরেই কুপোকাত! অলটাইম বিছানায়!

সুখময় অন্যমনক্ষভাবে বললেন,—আমাইবাবু বরাবরই রোগাভোগ।

—ওটা বাজে কথা। ত্বরণে ব্যাপারটা কি জানো? যাদের ওপর টান খুব বেশি, তাদের কাছ থেকে ল্যাং খেলে শরীর ভেতর থেকে ধসে যায়।

—কে তোর বাবাকে জ্যাং মারল? তুই রয়েছিস, বউমা রয়েছে...

—আমরা কি বাবার ভালবাসার জন নাকি। ভালবাসার ছেলে হল দাদা। বাবার ভাল ছেলে। লেখাপড়ায় ভাল, বাবিন ছেটুর মত না হলেও দু-তিনখানা ডিগ্রি আছে। তাকে নিয়ে বাবার অত সাধ-আহুদ, অর্থচ তিনি তো পুরো কাট্টি করে দিয়েছেন! আমি চিরকালের লাখখোর ছেলে। বাবা আমাকে হারামজাদা না বলে কোনওদিন জল খায়নি। সেই আমার মুখ চবিশ ঘণ্টা দেখতে বাবার ভাল লাগে?

মেজদির চিঠিতেই কথাটা জেনেছিলেন সুখময়, তবু প্রশ্ন করলেন,—নির্মল কি পার্টিশান করে নিয়েছে?

—পার্টিশান মানে? পুরো পাঁচিল গেঁথে ফেলেছে। দশ ইঞ্জির দেওয়াল। একেবারে বউ-এর ভেড়া হয়ে গেছে। বাবার একটা হার্ট-অ্যাটাকের মতো হল, রাস্তায় ডেকে বললাম, একবার চোখের দেখাও দেখতে এল না। এলে যদি মাঝু ছাড়তে হয়! পুজোর সময় মাকে হাতে করে একটা কাপড় পর্যন্ত দেয় না!

সুখময় হাঙ্কা চালে বললেন,—ভালই তো, তুই বাবা-মাকে দেখছিস, তোর পুণ্য বাঢ়ছে।

—পাপ-পুণ্য বুঝি না মামা। আমার মোটা বুদ্ধি বলে, যে বাপ-মা খাইয়ে পরিয়ে বড় করেছে তারা বুড়ো হলে আমাদেরকেই তাদের দেখতে হবে। এ কোনও দয়া-ফয়ার ব্যাপার নয়, পুরো হিসেবের কড়ি। জুতো-ঝীঝাটা যাই মারুক, খেতে পরতে তো দিয়েছিল! সেই লোনটা শোধ করতে হবে না!

কথাটা সামান্য বিধিল সুখময়কে। কোথায় যে ঠিক বিধিল, বুঝতে পারলেন না।

অমল দুম করে প্রশ্ন করে বসল,—বাবিন শুনলাম আর নাকি ফিরছে না! মামী বলছিল, কিসব শিন কার্ড-মার্ড পেয়ে গেছে?

—তা পেয়েছে। তবে ফিরবে না এমন কথা তো বলেনি! বলতে গিয়েও ঠিক ঠিক জোর ফুটল না সুখময়ের গলায়। স্তুর ওপর মনে মনে বিরক্তই হলেন তিনি। অমলকে এত কথা বলার কি দরকার ছিল!

অমলের কৌতৃহলের শেষ নেই, সে আবার খোঁচা দিল,—তবে তুমি নিশ্চিন্ত থাকো মামা, ছেটু বিদেশে পড়ে থাকতে পারবে না, ও যা মামীর কোলধৈর্য।

সুখময় শক্ত হলেন,—ওদের যদি বিদেশে ভাল লাগে, নিশ্চয়ই থাকবে। এ দেশে তেমন স্কোপই বা কোথায় ওদের জন্য?

—তা ঠিক। না ফেরাই উচিত। এত ভাল ছেলে ওরা। অমল বিজ্ঞের মতো রায় দিল,—আমি তো মণ্ডুকে বলি, তুমি শুধু আমাদের ফ্যামিলির দুটো স্যাম্পেল

দেখলে ! এক আমি, ডিগবাজি খেয়ে খেয়ে ধপাস পাটি। আর এক আমার বউ-এর পাশে লেজ নাড়ানো দিগগজ দাদা, মাদুর পাতা মাস্টার। যদি বাঁটি জুরেল দেখতে চাও, আমার মামার ছেলেদের দেখো। কী ভদ্র ! কী অমায়িক ব্যবহার ! কোনও পরীক্ষায় কখনও ফাস্ট ছাড়া সেকেন্ড হয়নি।

কিছুটা অতিরঞ্জিত হলেও কথাটা খুব মিথ্যে নয়। বাবিন হায়ার সেকেন্ডারিতে থার্ড হয়েছিল, ছোটু মেডিকেলের জয়েণ্ট এন্ট্রাসে সেকেন্ড। দুই ছেলের পিছনে কম পরিশ্রম কম অর্থব্যয় করেননি সুখময়। তাঁর সব চেষ্টা আজ সার্থক। ছোটবেলা থেকে ছেলেদের নিখুঁতভাবে পথ দেখাতে পেরেছেন বলেই না তিনি আজ এক সফল পিতা। দুই পুত্রবধূও তাঁর শিক্ষিত। মার্জিত। বাবিনের বউ ওখানে একটা স্কুলে চাকরি করছে, ছোটুর বউ তো ছোটুর মতই ডাক্তার।

সুখে প্রাচুর্যে সাফল্যে সব দিক দিয়েই পরিত্যন্ত সুখময়, তবু কেন যে বুকটা চিনচিন করে ওঠে হঠাত হঠাত, এই নির্জন অপরাহ্নবেলায় ?

—কি লিখলাম শুনবে না ?

অনুরূপা রাতের খাওয়া সারছিলেন। দুটো রুটি, অন্ন মুর্গির মাংস। তাঁর জন্য স্টুয়ের মতো করে আলাদা মাংস রেঁধেছে পৃষ্ঠ। এমনিতে অনুরূপা পাতলা রান্না ভালইবাসেন, কিন্তু আজ ঠিক গলা দিয়ে নামছিল না তাঁর। একটা চোরা ভয় শিরদীঢ়া ছুঁয়ে যাচ্ছে। আবার যে কখন কালকের মত এসে পড়ে কষ্টটা !

সুখময় অসহিষ্ণুভাবে বললেন,—কি হল শুনবে ? পড়ব, না মুখ বঙ্গ করে দেব ?

অনুরূপা ফোস করে শ্বাস ফেললেন—কি আর শুনব ? লিখেছে তো সেই বাঁধা গৎ...আমরা ভাল আছি, তোমরা কেমন আছ ? মাঝে তোমার মায়ের শরীর খারাপ হয়েছিল...সেই ইংপের টান। এখন মোটামুটি আছে। তোমরা আমাদের জন্য দুশ্চিন্তা কোরো না।

সুখময় ঈষৎ ক্ষুণ্ণ হলেন,—আর কিছু লিখি না আমি ?

—বলো, আর কি লেখো ?

সুখময় তীব্র চোখে স্তু দিবে তাকালেন,—লিখে দেব তোমার জন্য সারাবাত জেগে বসে থাকতে হয় ? তোমার চোখ মুখ ঠেলে বেরিয়ে আসছে ?

—আমি কি বলেছি, ওসব লিখতে ?

—তাহলে কি লিখব ? লিখব, মেহের ছোটু, তুমি একদা গেটের সামনে যে কৃষ্ণচূড়া গাছটি পুতিয়াছিলে তাহাতে ফুল আসিয়াছে। তোমার দাদার আগানো পলাশ গাছেও। দুটি গাছের ফুলে আমাদের গেটের সম্মুখভাগ লাল হইয়া থাকে।

অনুরূপা খাওয়া বন্ধ করে স্বামীর দিকে তাকালেন,—সত্য কথা শীকার করতে
এত ভয় পাও কেন তুমি? যা লিখেছ, এ ছাড়া সত্যিই কি কিছু লেখার আছে?
চিঠি লেখা মানে তো এখনও জ্যান্ত আছি সেটা জানানো, আর কি?

সুখময় নিষ্ঠুপ হয়ে গেলেন। এয়ারমেলের মুখ জুড়লেন ধীরে ধীরে। ঘরের
উজ্জ্বল আলোটাকে বড় নিষ্পত্তি লাগছিল তাঁর। শুধু নিষ্পত্তি নয়, বাপসাও।

নিম্নস্থরে বললেন সুখময়,—তুমি বড় নিষ্ঠুর অনু!

—নিষ্ঠুর নয়, যা দেখি যা বুঝি তাই বলছি। তুমি যা সত্য সত্য লিখতে
চাও, তা তোমার কলমের ডগায় আসবে? আমি চাইলেও আমাকে লিখতে দেবে
সে কথা?

—কেন লিখব আমরা? সুখময়ের গলা ফ্যাসফ্যাসে শোনাচ্ছিল।

—লিখো না। যক্ষ হয়ে কুবেরপুরী আগল্লাও।

একতলা থেকে টিভির শব্দ ভেসে আসছিল। সিনেমার গান হচ্ছে। পুরনো
দিনের গান। অমল খুব জোরে চালিয়েছে টিভিটা।

কান পেতে গানটা শোনার চেষ্টা করলেন অনুরূপা। কি গান বোঝা যাচ্ছে
না। থালায় হাত ধূতে ধূতে বললেন,—তুমি আজকাল বড় অবুৰু হয়ে যাও।
ওইটুকু বাচ্চাকে তখন ওইভাবে ধমকালে! কোনও মানে হয়?

—বেশ করেছি। খবর শোনার সময়ে অত চেঁচাবে কেন? বউটারও বলিহারি।
তিন-তিনটের মা হয়েছে, একটাকেও সামলাতে পারে না। সুখময় প্রায় ভেংচে
উঠলেন,—কোলের মেয়েটা সোফাতে পেছাপ করে দিল, মায়ের হিলদোল নেই,
একটু কাঁচিয়ে ফেলে দিল শুধু। ছোট ছেলেটা শোকেসের কাচ ভটাং করে টানছে
বন্ধ করছে, মায়ের জঙ্গেপ নেই। একদিনেই বাড়ি লণ্ডভণ্ড করে দিল।

—দিক গে, অত পিটপিট কোরো না তো! দুটো দিনের জন্য এসেছে...আর
ওই সোফা-শোকেস নিয়ে কি আমরা স্বর্গে যাব? তোমার ওই মর্নিং ওয়াকের
মিলিটারি বন্ধু বলে না, এর পর সব বাড়ি সার সার ভূতের বাড়ি হয়ে যাবে।
ঠিকই বলে।

সুখময় চশমা খাপে ভরলেন। অনুরূপার কথার ভঙ্গিতে হেসে ফেললেন তিনি,—
আর আমি হব যক্ষ, তাই তো? এ পাড়ায় সার সার যক্ষ!

—তাই তো হবে। অনুরূপাও হাসছেন, অনেক বকেছ, এবার আমার ক্যাপসুলটা
দাও।

ওযুধের সঙ্গে বেশ খানিকটা জল খেলেন অনুরূপা, তারপর বললেন,—দশটা
তো বাজে, তোমরা থেতে বসবে না?

—বসব। তোমার পুঞ্জরাণীর টিভি দেখা শেষ হোক। সকালে অমলের বউটাকে সহজ করতে পারছিল না, এখন তো তার সঙ্গে গলায় গলায় ভাব।

—অমলের বউটা সত্যিই ভাল গো। বড় দুঃখী। অনুরূপা সামান্য ইতস্তত করে বললেন—তোমার মেজদিও নাকি ওর ওপর খুব অত্যাচার করে।

—কেন?

—কেন আবার কি? বিয়েতে তেমন কিছু পায়নি, প্রায় এক বছেই চলে এসেছে মেয়েটা, তাই নিয়ে দিবারাত্রি নাকি গঞ্জনা দেয়। বলতে বলতে কেঁদে ফেলছিল ঝুঁচারা।

—অমলের তো খুব হাঁকডাক, ও কেন প্রোটেস্ট করে না?

—মুরোদ কোথায়? মাইনে তো পায় হাজার টাকা। তোমার জামাইবাবুর পেনশানের টাকা আছে, ফিঙ্গড ডিপোজিটের ইন্টারেস্ট আছে—তাই দিয়েই চলে সংসারটা।

সুখময় থমকে গেলেন। বিড়বিড় করে বললেন,—তবে যে ছেলেটা বড় সুখ করে বলছিল বাবা-মাকে দেখছি। অন্নের ঋণ শোধ করছি।

—বাজে কথা। মেয়েটা আলাদা থাকতে চায়, তোমার ভাগ্নে নিরূপায়। আলাদা হলে খাবে কি? নেহাত অন্ন জুটবে না বলেই বাবা-মার কাছে পড়ে আছে। বাপ-মার ওপর ভক্তি নয় গো, একে বলে দায়ে পড়ে রায়মশাই। তোমার জামাইবাবু নাকি নাতির চোখের চিকিৎসার জন্যও ব্যাক থেকে টাকা তুলে দিয়েছে ছেলেকে।

পুঞ্জ ঘরে এসে এঁটো থালাবাসন গোছাচ্ছে, যাওয়ার সময় সুখময়কে খেতে ডেকে গেল।

সুখময় খাওয়া-দাওয়া সেরে ফিরলেন। সিগারেট ধরিয়ে গোল বারান্দায় পায়চারি করলেন কিছুক্ষণ। শুয়ে পড়লেন।

সারাদিনের তপ্ত ভাব আর নেই। একটা নরম মিঠে বাতাস জানালা বেয়ে ঘরে চুকচে। স্পর্শ করছে ঘরের আসবাবপত্র। মানুষদেরও। নারকেল গাছের শুপরে পিছনের রাস্তার টিউবলাইটটা জ্বলছে নিবছে বার বার।

রাত বাড়ছিল।

মাঝরাত অবধি ঘুম এল না সুখময়ের। প্রতি পলে কাল রাতের বিপন্নতার স্মৃতি কুরে কুরে খেয়ে যাচ্ছিল তাঁকে। পাশের ঘরের কলকাকলি স্তব্ধ হওয়ার পরও চোখের পাত্রা এক হল না কিছুতেই।

হঠাৎই সুখময় একটা শব্দ শুনলেন। শব্দটা প্রথমে একটু শুরু হয়েই থেমে গেল। তারপর আবার শুরু হল। বাড়ছে। কমছে। থামছে। বাড়ছে।

বেশ খানিকক্ষণ মন দিয়ে শোনার পর শব্দের উৎসটা খুঁজে পেলেন সুখময়। অমল নাক ডাকছে।

রাগতে গিয়েও সুখময়ের রাগ এল না। স্নায় কেমন বিমিয়ে এল। অঙ্ককার বাড়িতে শব্দটা পাক খেয়ে ঘুরতে লাগল। মধ্যের মতো। একটা প্রাণের অস্তিত্ব হয়ে।

অনুরূপার টান উঠল না। সুখময় ঘুমিয়ে পড়লেন।

টানটা পরদিন উঠল না—পরদিনও না। দু'দিন ধরে গোটা বাড়ি জুড়ে দক্ষযজ্ঞ করল অমলের দলবল—চড়ালো, লাফালো, নোংরা করল, ছাদের টব প্রায় নির্মূল করে ফেলল শিশুরা। ছেলেকে ডাঙ্কার দেখাল অমল। তেমন বিপদের কিছু নেই। প্যাণেরই গোলমাল। ওষুধ চলবে এখন। এক মাস পরে আবার দেখাতে হবে ছেলেকে। মনের আনন্দে অমল কলকাতা ঘোরালো বউ-বাচ্চাদের। পাতালরেল, দ্বিতীয় হগলি সেতু—কিছুই বাদ পড়ল না। আজ তার লটবহর নিয়ে ফেরার পালা।

দুপুর দুটোয় বাস। ধর্মতলা থেকে। পথে খাওয়ার জন্য কোঁচড় বেঁধে টিফিন দিয়ে দিলেন অনুরূপা নিজের হাতে তৈরি করে। লুচি তরকারি হালুয়া। একটা ভাল শাড়িও দিলেন মশুকে। বাচ্চাদের এক সেট করে জামাকাপড়।

মশু খানিকটা কাঁদল। অমল হাসল হা হা করে। বাচ্চাগুলো খুশি না ব্যথিত বোৰা গেল না।

অমল চলে গেল, ঝাঁ ঝাঁ রোদে।

বাবিন আর ছোট্টুর ঘর পরিষ্কার করে দিয়ে গেছে পৃষ্ঠ। সাজিয়ে-গুছিয়ে ঘর আবার পুরনো চেহারায়।

সুখময় ঘর দুটোতে অলা দিতে এসে দাঁড়িয়ে গেলেন। দুটো খোলা দরজার মাঝখানে, ছায়া ছায়া প্যাসেজ, নিমুম দাঁড়িয়ে আছেন অনুরূপা। জীবনের শেষ প্রাণে এসে কী নিঃসঙ্গ দেখাচ্ছে বাবিন-ছোট্টুর গরবিনী মাকে। শুধু একা নয়, শুন্য। কাঙাল।

বুক কাঁপিয়ে দীর্ঘশ্বাস গড়িয়ে এল সুখময়ের। তাঁর একটা ছেলেও যদি অশিক্ষিত, বেরোজগেরে হত। ওই অমলটার মতো।

অন্ত বাঁচেনি

অন্ত এখন শুয়ে আছে লাশকাটা ঘরে।
এই একটু আগে এক ধূসররঙ মর্গের গাড়ি চেপে এখানে এল অন্ত।
না, অন্ত নয়, অন্তর দেহ। ডেডবডি, লাশ। জল থেকে তোলা। শেষপর্যন্ত
অন্ত আঞ্চলিকভাবেই করল !

ঘটনাটার পূর্বাভাস পেয়েছিলাম কাল রাতে। সাড়ে দশটা নাগাদ। অফিসের
ইয়ার এন্ডিং বলে ইদানীং রজত দেরি করে ফিরছে, সবে পাজামা পাঞ্জাবি পরে
টিভির পর্দায় চোখ রেখেছিল, রাতের খাবার বেড়ে আমি ডাকাডাকি করছিলাম
মুনিয়াকে, তখনই মিত্রার ফোন।

কাঁপা কাঁপা স্বর,—দিদি, তোমার ভাই কি ওখানে গেছে?

—কই, না তো! কেন, কী হয়েছে?

—জানোই তো কদিন ধরে সেই ডিপ্রেশনটা চলছিল। সকালে আমি যখন
স্কুলে বেরোই, তখনও চুপচাপ শুয়ে, যখন ফিরলাম তখনও। হঠাৎ সঙ্গেরেলা
পাঞ্জাবি ঢিয়ে কোথায় যে বেরিয়ে গেল!

—দাদার ওখানে যায়নি? খোঁজ নিয়েছিস?

—নিয়েছি।

—আশপাশে কোথাও নেই? কোনও বন্ধুবাঙ্গবের বাড়ি?

—এই তো সর্বত্র খুঁজে এলাম। পার্থদের বাড়ি, ঝণ্টুদের বাড়ি...একটুক্ষণ অন্ত
নৈশশব্দ্য। তারপর আবার স্বর ফুটল মিত্রার, আর কোথায় যেতে পারে বল তো?
আমার যেন কেমন কেমন ঠেকছে!

খটকা লেগেছে আমারও। ডিপ্রেশনের রোগটা অন্তর নতুন কিছু নয়, সেই

স্তুল কলেজে পড়ার সময় থেকে চলছে। হঠাতেই আসে, সাত-দশ দিন থাকে, তারপর নিজে থেকেই চলে যায়। এই সময়টা একটু খেয়ালী আচরণ করে বটে অস্ত। চুপচাপ শুয়ে থাকে, কারুর সঙ্গে কথা বলে না, দিনরাত কড়িকাঠ শুনছে তো শুনছেই, খাবার হয়তো সারাদিন ঢাকা পড়ে রইল, খেলই না, এই রকম। অফিস-টফিস যাওয়ার তো প্রশ্নই নেই। অমন একটা ফুটফুটে ছেলে, কী সুন্দর টকর-টকর কথা বলে, তার দিকে পর্যন্ত ফিরে তাকায় না। কিন্তু তার পক্ষে কাউকে না জানিয়ে এত রাত অবধি বাড়ির বাইরে থাকাটা একটু বিচ্ছিন্ন। সত্তি বলতে কী, এ সময়ে নিজের ঘর থেকে এক পা বেরোতেও অস্তর তীব্র অনীহা।

তবু উৎকষ্ঠা গোপন রেখে বললাম—মিছিমিছি উত্তলা হচ্ছিস কেন? কোথাও হয়তো আটকে গেছে, এক্ষুনি ফিরবে।... ওর অফিসের বন্ধুবান্ধবদের ফোন করেছিস?

—সব করা হয়ে গেছে গো। কোথাও নেই।

—ঝগড়াঝাঁটি, কথা কাটাকাটি কিছু হয়েছিল?

—না দিদি, বিশ্বাস করো...আমার সঙ্গে সকাল থেকে একটা কথাও হয়নি।

—ঠিক আছে, দেখছি।

চোখ গোল গোল করে ননদ ভাজের বাক্যালাপ শুনছিল রজত। চার্টার্ড এম্বিএ করা কোম্পানি এগজিকিউটিভ, তীক্ষ্ণবুদ্ধি মানুষ, সঙ্গে সঙ্গে হিসেব শুরু করে দিয়েছে। বছর আগেকের ছেট শ্যালককে সে ভালওবাসে খুব, স্পষ্টতই বিচলিত দেখাচ্ছিল তাকে।

কপাল কুঁচকে বলল—কেসটা কিন্তু আমার খুব ক্লিয়ার ঠেকছে না।

—হ্যাঁ।

—চলো খেয়ে নিই, মনে হচ্ছে বেরোতে হবে।

রজতের অনুমানই ঠিক, খাওয়া শেষ হতে না-হতে দাদার ফোন এসে গেল। জরুরি তলব, এক্ষুনি চলে আয়।

প্রস্তুত হতে পাঁচ মিনিটের বেশি সময় নিইনি আমরা। মুনিয়ার শিয়রে শমন, হায়ার সেকেন্ডারি পরীক্ষার আর মাত্র পঁচিশ দিন বাকি, ঝটিতি ফ্লাস্ফ ভর্তি দুধকফি মেয়ের টেবিলে নামিয়ে ছুটেছি আমি, রজতও ঝটপট গাড়ি বার করেছে গ্যারেজ থেকে। মিনিট পনেরো মধ্যেই টালিগঞ্জ, দাদা সেখানে আগেই পৌঁছেছিল, দু-চার জন বন্ধু প্রতিবেশীও জড়ে হয়ে গেছে—সদলবলে শুরু হল আমাদের অভিযান। থানা, একের পর এক হসপিটাল। এর বাড়ি, তার বাড়ি...। গোটা কলকাতা প্রায় চমু ফেললাম, কোথাও কোনও খবর নেই। আশ্র্য, সঙ্গে থেকে তেমন কোনও দুর্ঘটনাই নাকি ঘটেনি শহরে!

বাড়ি ফিরলাম রাত দুটোয়। শুনশান পথ, কুকুররাও তখন ঘুমিয়ে পড়েছে। শ্রান্ত, অবসন্ন, তবু যেন একটু নিশ্চিন্ত আমরা। ভয়ঙ্কর কিছু হয়তো ঘটেনি ভাবলে! ঘূম এল না তাও, তন্মা ছিঁড়ে ছিঁড়ে যাচ্ছিল। অদৃশ্য এক চোরকাটা ছুঁয়ে ছুঁয়ে যাচ্ছে হৃৎপিণ্ড, হঠাত হঠাত ধড়াস ধড়াস করে উঠছে বুক। গেল কোথায় অস্ত? যাচ্ছে হৃৎপিণ্ড, হঠাত হঠাত ধড়াস ধড়াস করে উঠছে বুক।

প্রভাত সব সময়ে শুভ নয়। সকালেই থানা দুঃসংবাদটা পৌঁছে দিল। লেকের জলে ভেসে উঠেছে অস্ত, ভাসছে...

মর্গের গেটে হরিধনি হচ্ছে। একটু আগেও জনা কয়েক মানুষ পাংশ মুখে সামনের লনে বসেছিল, এখন তারা ম্যাটাডোরের মাথায়। খই ছেটাচ্ছে। এক বিধবা মহিলা রোড অ্যাঞ্জিলেটে মারা গেছেন, তাঁর পৃথিবীর দেনা মেটাচ্ছে প্রিয়পরিজন। একটি কিশোর হাউ হাউ করে কেঁদে উঠল, মর্গের নিষ্কৃতা ভেঙে থানখান।

মৃত্যুর এত উচ্চকিত রূপ আমার ভাল লাগে না। মুখ ফিরিয়ে নিলাম। নতুন লাশকাটা বাড়িটার পিছনে অনেকটা ন্যাড়া জমি, ঝুখা-সুখা মাটিকে ঝলসাচ্ছে ফাল্গুনের ঢ়ো রোদ। নিষ্কর্ষণ তাপ, পুড়ে পৃথিবী। হাওয়া বইছে থেকে থেকে, ঝাপটার মতো। গরম হাওয়া। এখনকার হিমায়িত শবাগার থেকে তেমন উৎকট গন্ধ আর বেরোয় না, তবু আছে গন্ধটা। চাপা। এত চাপা যে তাকে বাতাসের স্বাভাবিক স্থান বলে ভূম হয়।

অজান্তেই পেট মোচড় দিয়ে উঠল আমার। বমি এসে গেল।

অস্বস্তিটা বোধহয় মুখে ফুটে উঠেছিল, দৌড়ে এল পিসতুতো ভাই,—শরীর খারাপ লাগছে রুনুদি?

পাতাবিহীন লাল কৃষ্ণচূড়ার নীচে দাঁড়িয়ে চা খাচ্ছিল রজত। ভাঁড় ফেলে সেও এগিয়ে এল—কী অসুবিধা হচ্ছে?

—মাথা-টাথা ঘুরে গেছে মনে হয়। যা তাপ!

—কেন যে জেদ করে এলে! এসব জায়গায় আসতে আছে!

কেন যে এলাম তা যদি বুঝত রজত! ও বাড়ি এখন কানার সমুদ্র, ওখানে কি তিষ্ঠেতে পারে মানুষ। কষ্ট এখানেও হচ্ছে, বুকটা হ্রস্ব করছে অবিরাম। তবু একটাই তো সাম্ভনা, অস্ত্র কাছাকাছি আছি। কোন সেই শৈশবে আমাকে পাশে মা পেলে ঘুমোতে পারত না অস্ত, আবার এই শেষবেলায়...!

গেটে ট্যাঙ্কি থামল একটা। দাদা। সঙ্গে অস্তর দুই বঙ্গু। পার্থ তপন। ছড়মুড়িয়ে নেমে এল দাদা, হাতে কী কাগজ, হনহনিয়ে ঢুকে গেল অফিসে। ফাঁকা ঘর, পাশের খুপরিতে দুই নিষ্প্রাণ-চোখে পুলিশ খাটিয়ায় বসে থিমোচ্ছে, কাগজখানা দেখিয়ে তাদের কী যেন বলল দাদা, নির্বিকার উন্নত শুনে তার গলা চড়ে ক্রমশ।

রজত দৌড়ে গেল—কী হল শান্তদা ? এত এক্সাইটেড হচ্ছেন কেন ?

—কথা শোন ! তিনি তিনটে ঘণ্টা থানায় হত্ত্বে দিয়ে থেকে সেকেও অফিসারকে তেল মেরে মেরে রিপোর্ট তৈরি করিয়ে আনলাম, এখন বলে কিনা আজ পোস্টমর্টেম হবে না !

—কেন ?

—ডাক্তার নেই ! তিনি নাকি চলে গেছেন !

—সে কী ! এখন তো সবে দেড়টা !

—আজ শনিবার। হাফডে। সিডিঙ্গে চেহারার কল্স্টেবল উদাস মন্তব্য ছুঁড়ল,—
সোমবার আসুন, ফাস্ট আওয়ারে হয়ে যাবে।

—মর্গে হাফডে ? পার্থ বৈঁকে উঠল,—ফাজলামি হচ্ছে ?

—চেম্বাবেন না। এখানে শনি রবি হাফডে ফুলডে ফাস্টআওয়ার লাস্টআওয়ার
সব আছে। এটা গরমেন্ট অফিস।

—তা বলে বডি এসে গেলেও ডাক্তার থাকবে না ? হাফডে করে চলে যাবে ?

—ছিলেন তো এতক্ষণ। মেয়েছেলেটার কেস করলেন...। আপনারা কখন
রিপোর্ট আনবেন তার জন্য উনি বসে থাকবেন নাকি ? আর কোনও কষ্ট নেই ?
চেম্বারে গেছেন। কোন্ট্রা আগে, আঁ ? জ্যান্টবডি, না ডেডবডি ?

অন্য পুলিশটা হাই তুলল—এখানে পার বডি তিনশো, চেম্বারে কামাই অনেক
বেশি। কী বুঝলেন ?

দাদা হতবুদ্ধি হয়ে দাঁড়িয়ে। রজত পোড় খাওয়া লোক, অফিসের হাজারটা
ফ্যাকড়া বাঞ্ছাট সামাল দিতে হয় তাকে, হাল ধরতে সেই এগোল।

ঘনিষ্ঠ জনের ভঙ্গিতে বলল,—কিছু কি করা যায় না ভাই ? দু দিন ধরে বডিটা
পড়ে পড়ে পচবে ?

—পচবে কেন ? এ তো এখন ঠাণ্ডাঘর।

—কোথায় আছেন ডাক্তার ? রজত সিগারেটের প্যাকেট বাড়িয়ে দিল,—তাঁকে
কি কল দেওয়া যায় না ?

—বখেড়া আছে। ডাক্তারবাবু এখন কোন চেম্বারে দেখতে হবে। নাগের বাজার,
না ঘূঘুড়ি, না গড়িয়া...। সিগারেট ধরিয়েছে পুলিশটা, জোরে জোরে টান দিচ্ছে,—
দাঁও বুঝে ডাক্তারবাবু হয়তো মোটা কোপও মেরে দিতে পারেন।

—সে হবেখন। দেখুন না ভাই...রজত পুলিশটার কাঁধে হাত রাখল,—পুষিয়ে
দেব।

—লাভ হবে না। এমনিও তো আজ বডি পাচ্ছেন না।

—কেন ?

—লাশ হ্যাণ্ডোভার করার সার্টিফিকেট এনেছেন ?

—সেটা কী ?

—যাচ্ছলে, থানায় কিছু বলেনি ? লোকাল কাউন্সিল বা গেজেটেড অফিসার দিয়ে একটা ইয়ে করিয়ে আনতে হবে। মানে আপনি যে লাশের কেউ, আপনাকে যে লাশটা ছাড়া যায়...। গরমেন্ট রুল।

গভীর শ্রদ্ধার সঙ্গে ‘গরমেন্ট’ শব্দটা উচ্চারণ করছে লোকটা। যেন কথাটা দ্বিতীয়ের কোনও সমার্থক শব্দ ! যেন তাঁর নিয়ম অলঙ্ঘনীয় !

হতাশ মুখে ট্যাঙ্গিতে উঠছি একে একে। হঠাৎই পিছুডাক,—চলে যাচ্ছেন বাবুরা ? লাশ যে আপনাদের পড়ে রইল !

চমকে তাকালাম সবাই। শবাগারের অন্দর থেকে বেরিয়ে আসা লোকটা আবার বলল,—লাশের দেখভাল করার দরকার নেই ?

এই বুঝি লাশঘরের ডোম ? দড়ির মতো পাকানো চেহারা, বয়স পঁয়ত্রিশও হতে পারে, পঁচাত্তরও। চোখ দুটো টকটকে লাল। ওই চোখ দেখলেই যেন মৃত্যুর স্বরূপ চেনা যায়।

লোকটার মুখে ভক্তক দিশি মদের গন্ধ,—লাশ কিন্তু আরাম চায় বাবু। দুটো বড় পাত্তি ফেলে যান, বেশি ঠাণ্ডা দিয়ে দেব। পচবে না, গলবে না...সোমবার যখন আসবেন তাজা ফুলটি...

অসহায় মুখে মানিব্যাগ বার করছে দাদা। বুকটা আমার টনটন করে উঠল। করপোরেশন অফিসে ট্রেড লাইসেন্স বার করার সময়ে একটা লোক ঘুষ চেয়েছিল বলে অন্ত তার কলার চেপে ধরেছিল না ? আজ ঘুষ দিয়ে শীতল আরাম খুঁজছে অস্ত্রের লাশ !

মৃত্যাই তো যথেষ্ট শীতল, আর কত শীতলতা চায় অস্ত্র !

দুই

ব্যালকনিতে বসে উথালপাথাল ভাবছিলাম। সংজ্ঞের পর পরই টালিগঞ্জ থেকে ফিরেছি আমরা। এখন কেবল যেন খারাপ লাগছে। রাতটা কি মিত্রার কাছে থেকে যাওয়া উচিত ছিল ? কী করি, মুনিয়াটার সামনে পরীক্ষা, ও বাড়িতে ছোটমামা ছোটমামা করে কেঁদে ভাসছিল, মেয়েটাকে সরিয়ে এনে ঠাণ্ডা না করলে কি চলে ! তাছাড়া মিত্রার বাপের বাড়ির লোকজন এসে গেছে, দাদা-বউদিনাও থেকে গেল আজ, ওইটুকু বাড়িতে ক'জন আর গাদাগাদি করব ! অস্ত্র ছেলেটাও বায়না

করে চলে এল সঙ্গে। শোকের বাড়িতে কেমন যেন দিশেছারা হয়ে পড়েছিল টুবলু, পালাতে চাইছিল...। থাক, একটা রাত নয় এখানেই রইল।

আমাদের ফ্ল্যাটের পুবদিকটা খোলা। কাছাকাছি তেমন উচু বাড়ি নেই, সাততলার এই অলিন্দ থেকে বহু দূর পর্যন্ত দেখা যায়। সোনালি সুতোর মতো বাইপাসের আলো, অপস্থিয়মাণ গাড়িদের সর্পিল নড়াচড়া, নাগরিক আলোর বিস্তারিত আভাস, থোকা থোকা অন্ধকারও। সবই কেমন আবছা আজ। আবছা, না বাপসা? মনে পড়েছিল, ছোটবেলায় বিচিত্র এক খেলার নেশা ছিল অন্তর। হঠাত হঠাত লুকিয়ে পড়ত যেখানে সেখানে। এই হয়তো খাটের নীচে ঘাপটি মেরে বসে আছে, এই হয়তো আলমারির পিছনে সেঁধিয়ে গেল, কিংবা বাথরুমের কোণটায়...। মা আমি দাদা খুঁজে খুঁজে হাল্লাক, সন্ধান মিললেই অন্তর ঠোটে বক্ষিম হাসি,—কী, কেমন জন্ম করেছিলাম! কাল অন্তিম সত্যিই জন্ম করল, জলের তলায় রইল সারারাত!

রজত এসেছে ব্যালকনিতে। সদ্য স্নান করেছে রজত, ল্যাভেগুরের গন্ধ উড়েছে বাতাসে। এতক্ষণ ড্রয়িংরুমে বসে একটার পর একটা টেলিফোন সারছিল। বছরের ব্যক্তিমন সময়ে একটা পুরো কাজের দিন বানচাল, তার খেসারত দিচ্ছিল বোধহয়।

চেয়ার টেনে পাশে বসল রজত। সিগারেট ধরিয়ে বলল,—মিত্তালকেও একটা ফোন করে দিলাম, বুঝলে।

জগদীশ মিত্তাল অন্তদের কোম্পানির মালিক। রজতের ঘনিষ্ঠ পরিচিত।

ছেট্ট নিশ্চাস ফেলে বললাম,—ভাল করেছ।

—যা হাওয়ার তা তো হয়েই গেল। এবার তো পরের ব্যাপারটাও ভাবা দরকার, কি বলো?

মৃত্যু অসহ। মৃত্যু বিহুল করে। তবু তার মধ্যেও রজতের মতো মানুষেরা দায়িত্বজ্ঞান হারায় না।

আর একটা নিশ্চাস ফেলে বললাম,—ইঁ...কী বললেন মিত্তালসাহেব?

—শুনে হায় হায় করছিল...চাকরিতে ন' সাড়ে ন বছর হয়েছিল অন্তর, তাই না?

—আর একটু বেশি হবে। সাড়ে দশ মতো।

—ওর তো কন্ট্রিবিউটারি প্রভিডেণ্ট ফাস্ট, সওয়া লাখ মতো পাবে।...কোনও লোনটোন চলছিল কিনা জানো?

—মার অসুখের সময় নিয়েছিল কিছু। হাজার পনেরো।

—সে তো তিন বছর আগে। অ্যান্ডিনে নিশ্চয়ই শোধ হয়ে গেছে। তারপর ধরো, প্র্যাচুইটিও পাবে হাজার বিশেক। এট্সেট্রা এট্সেট্রা মিলিয়ে দেড় লাখ

হয়ে যাবে। অর্থাৎ ফিল্ড্ করলে মাসে দেড় হাজার।...মিত্রা স্কুল থেকে কত পায়?

—কী জানি, বলতে পারব না।

—একে প্রাইভেট স্কুল, তায় নার্সারির টিচার। দু হাজারের বেশি কক্ষণও না। রজতকে যেন একটু চিন্তিত দেখাল। পাশের পাতাবাহারের টবে সিগারেটের ছাই ঝাড়ল আলগোছে। ভুরু কুঁচকে বলল,—মাত্র সাড়ে তিন হাজারে কি চলবে? বাড়ি ভাড়াই তো বারোশো। তারপর টুবলুর লেখাপড়া আছে...

এত কেজো কথা ভাল লাগছিল না আমার। কঠোর বাস্তবের কথা তো ভাবতেই হয়, তা বলে এই মুহূর্তে? যখন আমার ভাইটা শুয়ে আছে লাশকাটা ঘরে?

রজত আবার বলল,—মিত্রার চাকরির জন্য মিন্টালকে বলে দেখব? হিট দা আয়রন হোয়েন ইট ইজ হট। সিম্পাথিটা থাকতে থাকতেই যদি...মিত্রার তো কোয়ালিফিকেশনও আছে, আকাউণ্টসে-ফ্যাকাউণ্টসে যদি প্রোভাইড করে দিতে পারে...। স্কুলের থেকে ডেফিনিটিলি বেটার পে পাবে।

আকাশে অনেক উঁচু দিয়ে একটা এরোপ্লেন যাচ্ছে। টিপ টিপ আলো ভাসতে ভাসতে ঝর্মে মিলিয়ে গেল। তবু যেন মৃদু একটা ধ্বনি বাজছে এখনও। কানের পর্দায় টোকা মারছে।

ভার গলায় বললাম,—অস্ত্র এরকম একটা কাজ কেন করে বসল বল তো?

রজত থমকে গেল। গ্রিলে চেপে চেপে নেবাল সিগারেট, ছুঁড়ে দিল শূন্যে। একটু চুপ থেকে বলল,—কী করে বলব? আত্মহত্যা করার সময়ে মানুষ পুরোপুরি ইনসেন্স হয়ে যায়, অস্ত্র হয়তো...

—কিন্তু তার একটা কারণ তো থাকবে।

—ডিপ্রেশান অফকোর্স।

—এত ডিপ্রেশান তো অস্ত্র ছিল না! রঞ্জিন ব্যাপার, একটু মেলানকোলিয়া মতন, কদিন শুম হয়ে থাকা, ব্যস তার জন্য সুইসাইড করবে?

—এভাবে ডেফিনিটি কিছু বলা যায় না। মানুষের মনের কতটুকু খবর রাখি আমরা? কোথায় কার কীভাবে চেউ উঠছে, নামছে...। নিশ্চয়ই ওর মনে কোনও ডিপর্সনেট অভিমান ছিল।

—কার ওপর অভিমান?

—সবার ওপর। তুমি, আমি, শাস্ত্রী, তোমার বউদি, তার বউ, এমন কি তোমার মৃত মা-বাবার ওপরও অভিমান থাকা বিচ্ছিন্ন নয়।

কথাটা ঠং করে বাজল বুকে। অস্ত্র অবসাদ রোগটা প্রথম দেখা দেয় ষোলো

বছর বয়সে। বাহান্তর সাল, নকশাল রাজনীতিতে মেতে উঠেছিল আমাদের পাড়ার কয়েকটা ছেলে, অস্ত মোড়ে দাঢ়িয়ে তাদের সঙ্গে গল্প করছিল, দুম করে পুলিশ সব কটাকে তুলে নিয়ে গেল। খবর পেয়ে বাবা যখন থানা থেকে ছাঢ়িয়ে আনল, তখন অস্তর সে কী রাগ! তুমি আমায় মুচলেকা দিয়ে নিয়ে এলে বাবা! বস্তুদের চোখে আমায় ছেট করে দিলে! বাবা কত বোবানোর চেষ্টা করল, আমি থানায় মিছে কথা লিখিনি, সত্যি তো তুই রাজনীতি করিস না! কে শোনে কার কথা! আমার বস্তুরা তো কোনও অন্যায় করেনি, পুলিশ যদি তাদের নিয়ে গিয়ে বিনাবিচারে আটকে রাখে, মারধর করে, আমাকেও নয় তাই করত! তুমি কেন অথবা উপবাচক হয়ে আমাকে...! শেষমেশ বেজায় চটে গিয়েছিল বাবা, খুব বকাবকি করেছিল অস্তকে। তখনই প্রথম বার...। কী এমন অযৌক্তিক কথা বলেছিল বাবা? বাবা তো অস্তর ভালই চেয়েছিল।

অস্ত চিরকালই এরকম। অস্তুত। খ্যাপাটে অবুব। মনে আছে, তখন অস্ত আরও ছেট, দশ-এগারো বছরের, হাত্তিৎ একদিন কোথাঁথেকে এক রাস্তার ছেলেকে ধরে নিয়ে এল। কী, না ছেলেটা গরিব, খেতে পায় না, আজ থেকে আমাদের বাড়িতে থাকবে, পড়াশুনো করবে...! মা বামেলায় যায়নি, টুক করে মাসির বাড়ি পশ্চার করে দিয়েছিল ছেলেটাকে, কাজকর্ম করে থাবে। জানতে পেরে অস্তর কী চোটপাট, তোমার ছেলেকে কেউ যদি এভাবে চালান করে দেয় কেমন লাগবে! ছেলেটা অবশ্য মাসির বাড়িতে এক মাসও টেকেনি, ঘড়িটাড়ি কীসব চুরি করে ধাঁ। ওই ছেলেকে বাড়িতে না পুরো মা কি কোনও অন্যায় কাজ করেছিল?

অসহিষ্ণুভাবে বলে উঠলাম,—আমরা তো কেউ কখনও অস্তর খারাপ চাইনি।

রজত আর একটা সিগারেট ধরাল,—আপনজনের কেই বা খারাপ চায় রঞ্জু? আসলে একজনের চাওয়াকে অন্যজন হয়তো ঠিক গ্রহণ করতে পারে না।

—পারে নাই তো! অস্ত তো কিছুই নিতে পারত না। এম এস সি-তে চাল না পেয়ে ফ্যা ফ্যা করে ঘুরে বেড়াচ্ছিল, দাদা অফিস থেকে লোন তুলে ওকে টাকা দিল, অর্ডার সাপ্লাইয়ের ব্যবসাটা খরিয়ে দিল, একে ধরে তাকে ধরে পাটি ও জোগাড় করে দিয়েছিল অনেক, ক বছর বিজনেস টিকিয়ে রাখতে পারল, বলো? ব্যবসার ন্যায়নীতি মানব না, কাউকে ঘৃষ দেব না, কোথাও কোনও গোজামিল থাকবে না, ওভাবে কি বিজনেস চলে? সবাইকেই একটু-আধু মানিয়ে নিতে হয়, এটাই নিয়ম। তোমাদের তো এত বড় কোম্পানি, কোটি কোটি টাকার কারবার, তোমাদের কাটমানি দিতে হয় না?

—সবাই কি এক ছাঁচের হয় রঞ্জু?

—হয়তো হয় না। তবে তাদের অভিমানও সাজে না।...দাদা খুব দুঃখ পেয়েছিল
সে সময়, আমি জানি।

—দুঃখ জিনিসটা বড় স্বার্থপূর ঝন্ন। রজত টোট সঙ্গ করে ধোঁয়া ছাড়ল।
কালচে অঙ্ককারে দুলছে ধোঁয়া, কেঁপে কেঁপে উঠছে। সেদিকে একটুক্ষণ তকিয়ে
ভারী করল গলা,—ডোট মাইন্ড, তোমার দাদা যখন তোমার বউদির উসকানিতে
আলাদা ডেরা বাঁধল, অন্ত শকড় হয়নি?

—বউদিকে দোষ দিচ্ছ কেন? দাদাদের ও বাড়িতে আর কুলোচ্ছিল না। ওই
.টুকু-টুকু আড়াইখানা ঘর, ওদের সংসার বড় হচ্ছে...। তাছাড়া দাদা তো কখনও
বাবা-মার দায়িত্ব অস্বীকার করেনি। যতদিন তারা বেঁচেছিল নিয়মিত টাকা দিয়েছে।

—ব্যস, ওতেই অন্তর দুঃখ উবে যাবে? অন্ত যে একটু অন্য রকম ছিল তা
কি অস্বীকার করতে পার? রজত সামান্য দূরমনস্ক,—জানো, আমার অফিসে এলেই
অন্ত অন্তুত এক প্রশ্ন করত! রজতদা, এই যে আপনি স্যুট-টাই পরে বসে আছেন,
আপনার কি মনে হয় না, আপনি একজন ভুল মানুষ ভুল জায়গায় বসে ভুল
কাজ করে চলেছেন? আপনার এই মুহূর্তে অন্য কোথাও অন্য মানুষ হয়ে থাকা
উচিত ছিল? আমি বলতাম, নাহ, এরকম মনে হবে কেন? বলত, আমার কিন্তু
ভীষণ মনে হয়।

অজান্তেই মুখ হাঁ হয়ে গেল,—বুঝালাম না।

—আমিও বুঝিনি। শুধু বুঝতে পারতাম, চাকরিটা ওকে কষ্ট দিচ্ছে।

চুপ করে গেলাম। চাকরিটাও যে অন্তর ভাল লাগছে না, আমি জানতাম।
দাদা একা একা কতদিন বোৰা টানবে, দাদারা ও বাড়ি ছাড়ার পর আমিই রজতকে
ধরে বলে অন্তর চাকরিটার ব্যবস্থা করেছিলাম। বড় কিছু নয়, মিস্তালদের কারখানায়
স্টোরিকিপারের চাকরি। কিন্তু ওই যে পণ, চুরি করব না, চুরি করতে দেব না...!
ইউনিয়নের লোকরাও অখুশি, অফিসাররাও দুচক্ষে দেখতে পারে না এবং অন্তরও
মনঃকষ্ট। যুক্তিহীন দুঃখবিলাস! কে তোর ওপর বিশ্বভুবনের ভার দিয়েছে? একটু
চোখ-কান বুজে থাকতে পারলেই সব ল্যাটা চুকে যায়, তা নয়...! মাঝে মাঝেই
অফিস যাচ্ছে না, বাড়িতে গুম হয়ে শুয়ে থাকছে, কোনও মাসেই পুরো মাইনে
পায় না...। এক সময় তো মিস্তাল বেশ বিরক্ত হয়েছিল, প্রায় রাত্রেই ফোন করত
রজতকে। তখন আমি গিয়ে বুঝিয়েছি, রজত বুঝিয়েছে, বলেছি আমাদের সম্মানটা
নষ্ট করিস না। দেখেছি তো, মা তখন কত বাবা বাছা করে ছেলেকে অফিস
পাঠাত! অত অনিয়মিত, অত মেজাজ, অত জেদ...বলতে নেই রজতের জন্য
চাকরিটা এতদিন টিকে ছিল। ভেবেছিলাম বিয়ে-থা দিলে, ঘাড়ে জোরাল চাপালে

হয়তো পরিবর্তন আসবে। হল উল্টো, টুবলু হওয়ার পর মিত্রাকেই মরিয়া হয়ে স্কুলের কাজটা জোগাড় করতে হল।

তা এভাবেই তো কেটে যাচ্ছিল, শুধু শুধু মরতে গেল কেন?

নাহ, আর ভাঙ্গাগচ্ছে না ভাবতে। অস্তো সব কেমন গোলমাল করে দিল। সুখী পরিত্বষ্ণ জীবনের বদলে কেন যে জনের নীচের অঙ্ককার বেশি ভাল লাগল অস্তর?

টুবলু মুনিয়ার ঘরে কলকল করছে। মুনিয়ার বেঁড়কুম ফ্ল্যাটের ওই পাত্তে, এখান থেকে অনেকটা দূর, তবু মাঝে মাঝে ছিটকে ছিটকে আসছে শব্দ। এখানে এনে ভালই হয়েছে, মনখারাপ ভাবটা কেটেছে টুবলুর। আহা রে, মাত্র তো পাঁচ বছর বয়স, ওইটুকু বাচ্চা বাবার মৃত্যুর কী বা বোঝে!

উঠে পায়ে পায়ে মুনিয়ার ঘরে গেলাম। দেখছি টুবলুর কাণ্ডাকারখানা। মুনিয়ার ঘরে দেওয়ালময় পোস্টার। শচিন সৌরভ লিয়েগুর শাহরুখ...। সমস্ত সফল মানুষদের ছবি। আশৰ্য, সব ছেড়ে টুবলু পড়েছে কোণের পোস্টারটা নিয়ে। চার্লি চ্যাপলিন। মাথায় টুপি, বুরুশ গেঁফ, হাতে লাঠি, পায়ে ছেঁড়া জুতো, দুঃখী দুঃখী মুখে কোনও রকমে সামলাচ্ছে কোমরের প্যাণ্ট। নিঃস্ব জোকারটাকে দেখৈ উক্তট উক্তট প্রশ্ন করছে টুবলু, যথাসাধা উন্তর দিচ্ছে মুনিয়া। উন্তর থেকে আবার শুরু হচ্ছে টুবলুর প্রশ্ন।

ডাকলাম,—এই টুবলু, কিছু খাবি এখন?

—দুধ খেলাম তো এসে।

—শুধু দুধ খেলে হবে? মুনিয়া ভায়ের গাল টিপে দিল,—চাউ খাবি?

—হ্যাঁআজ্যা।

—মা, আমি বানাব চাউমিন?

—পারবি করতে?

—পারব।

—তোর বাবা খাবে কিনা জিজ্ঞেস কর। তুইও খেয়ে নিস। রাত্তিরে আমি আর কিছু করব না। শুধু সেন্দে ভাত।

ড্রিঙ্কমে ফোন বাজছিল। রজত এসে ধরল বুঝি ফোনটা, আমি শুয়ে পড়লাম মুনিয়ার বিছানায়। টুবলুর চুলে হাত বোলাচ্ছি। ছেট্টবেলায় অস্তো খুব আদুরে ছিল, চার বছরের বড় দিদির সামনে হঠাত হঠাত মাথা নামিয়ে দাঁড়াত, এই দিদি, চুলে আরাম করে দে না! এখন আরাম থাচ্ছে তার ছেলে, সে বেমালুম শয়ে লাশকাটা ঘরে!

দৰজায় রজত,—শুনছ?

চমকে উঠলাম,—উঁ?

—এদিকে এসো, কথা আছে।

মন বুঝি কু ডাকল আবার। ধড়মড় করে ঘাইরে গেছি,—কী হয়েছে?

রজত চাপা স্বরে বলল,—শান্তদা ফোন করছিল। একটা প্রবলেম হয়েছে। ওই যে সার্টিফিকেটটা জোগাড় করার কথা বলল না, ওটা নিয়ে সমস্যা হচ্ছে। ও পাড়ায় কে অনুপমবাবু আছে, রাইটার্সের অফিসার, তার কাছে গেছিল শান্তদা, ভদ্রলোক নানান বাহানা করছে। একবার বলছে সিল অফিসে আছে, একবার বলছে আপনাদের বাড়ির ব্যাপার কিছু জানি না, আনন্দ্যাচারাল ডেথ তো, কোথা থেকে কী হবে...

—আশ্চর্য, দাদা বড় নেবে, দাদাকে চেনে, এইটুকু লিখে দিতে...?

—মানুষ এরকমই। বাঞ্ছাটের সামান্যতম সন্দেহ মনে এলেই শামুকের খোলে গুটিয়ে যায়।

—তাহলে কী হবে?

—বাবস্থা একটা হচ্ছে। তোমাদের ওই লোকাল কাউন্সিলার আছে না, অজিত রঞ্জিত, তার কাছ থেকেই নিতে হবে। সেখানেও নাকি আবার ক্যাচ আছে। পুরপিতা মহাশয়ের কে পার্শ্বচর আছে, স্বপন সামন্ত না কী যেন নাম বলল শান্তদা, তার কাছে নাকি কাউন্সিলারের সই করা পাড় থাকে। তা সে এখন বাড়ি নেই, কোথায় না কোথায় টহুল দিয়ে বেড়াচ্ছে, কাল সকালবেলা তাকে গিয়ে ধরতে হবে। সার্টিফিকেট সেই লিখবে। তার কাছে একা যেতে শান্তদা সাহস পাচ্ছে না, আমাকেও সকাল সকাল পৌঁছে যেতে বলল। সোফায় বসে অভ্যাস মতোই টিভির রিমোট হাতে রেখেছিল রজত, হাত সরিয়ে নিল পরমুহূর্তে। জিজ্ঞাসা করল,—কে স্বপন? তুমি চেনো?

চিনি তো সকলকেই। অজিত রঞ্জিত এককালে এলাকার কুখ্যাত মস্তান ছিল। তার নামে খুনের মামলাও ছিল বেশ কয়েকটা। রাজনৈতিক দাদাদের স্নেহের জোরেই হোক, কী পেশীর দাপটে, সাক্ষীসাবুদের অভাবে কেস টেকেনি। এখন সে পৈতৈ গলিয়ে বড়বামুন। আর স্বপন সামন্ত তো নাম্বাৰ ওয়ান ফেরেবৰাজ। লোক ঠকিয়ে বিশাল সম্পত্তিৰ মালিক, আগলিং-টাগলিংও করে শুনেছি। এমন লোকেৰ সংস্পর্শে আসা তো দূরস্থান, ছায়া পর্যন্ত মাড়াত না অস্ত, নাম শুনলে থুতু ছেটাত। আজ তাদেৱ ওপৱেই মিৰ্ভৰ কৰছে অন্তৱ অন্তিম সংকাৰ!

চোখ বুজে ফেললাম। লেকেৱ পাড়ে শুয়ে আছে অস্ত, রোগাসোগা শৱীৰ ফুলে ঢোল, শ্যামলারঙ ফ্যাকাসে সাদা, কুঁকড়ে গেছে লম্বা কাঠামো! না, ঠিক

কুঁকড়ে নয়, হাঁটু দুটো ভাঁজ করা, হাত ডানার মতো দু দিকে ছড়ানো! অবিকল
উড়ে যাওয়ার ভঙ্গি!

শেষ মুহূর্তে কি ওড়ার বাসনা হয়েছিল অস্ত্র? এত সব ইন্দ্রিয়া আস্থাস্থ
করতে হবে তার শরীরকে, এই আশঙ্কায়?

উড়তে চেয়ে জলেই পড়ে গেল। কেন তুই সাঁতার শিখিসনি অস্ত?

তিনি

মর্গ থেকে বাড়ি, বাড়ি হয়ে শাশান, অস্ত চলে গেছে বহুক্ষণ। না, অস্তর দেহ।
ডেডবাটি। শব। এবার তার পৃথিবী থেকে নিশ্চিহ্ন হয়ে যাওয়ার পালা।

আমার শাশানে যাওয়া হল না। সাদা চাদরে মোড়া অস্তকে দেখে হঠাতে কেমন
মাথাট ঘুরে গেল, জোর করে আমায় শুইয়ে রেখে গেল রজত। বাড়ি এখন
ভয়ঙ্কর নিয়ুম, যেন প্রবল ঝড়বৃষ্টির পর ঝিমিয়ে পড়েছে একেবারে। শব্দহীন
হাহাকারহীন অসহ্য গুমোট। নিঃসাড়ে বনবন ঘুরছে পাখা, বাতাস ছাড়াই।

বউদি ঘরে এল,—শরীরটা এখন ভাল লাগছে রঞ?

—উঁ? হঁ।

—চা এনেছি, খেয়ে নাও।

উঠে বসলাম,—কারুর সাড়া পাছি না কেন? সবাই কি চলে গেল?

—না, আছে অনেকে, চিত্রা বন্দনা, দেবী, পিসিমা, মামিমা...বাইরের ঘরে আছে
সব। বউদি চলে যেতে গিয়েও দাঁড়াল,—মিত্রাটা চা'ও মুখে তুলতে চাইছে না,
তুমি একটু চেষ্টা করে দেখবে?

অস্বস্তিতে পড়ে গেলাম,—ওর বোনদের বলে দ্যাখো না।

—কারুর কথাই শুনছে না।...তোমাকে তো খুব মানে...

সদ্য স্বামীহারা স্ত্রীকে কী ভাষায় সাস্তনা দিতে হয় আমি জানি না। তবু গেলাম।
ছোটবৱের চৌকিতে বসে আছে মিত্রা, হাঁটুতে মুখ শুজে। এ ঘরে এক সময়ে
আমরা তিনি ভাইবোন পড়াশুনো করতাম, এখন ঘরটা হাবিজাবিতে বোঝাই।
মেলানকোলিয়ার সময়ে এই ঘরটাই অস্তর আশ্রয় ছিল, তিনটে দিন আগেও।

দরজা ঠেলার মৃদু শব্দে চমকে তাকিয়েছে মিত্রা। মুখের লাবণ্য মরে গেছে,
চশমা খোলা চোখের কোলে গাঢ় কালির পৌঁচ।

অস্তর মৃত্যুর পর এই প্রথম আমি একা মিত্রার মুখোমুখি।

পাশে বসে পিঠে হাত রাখলাম। নিচু গলায় বললাম,—তোকে শক্ত হতে
হবে মিত্রা, এখন থেকে তুই টুবলুর মা বাবা দুইই।

মিত্রার চোখে কী যেন খেলে গেল। জলও নয়, জ্বালাও নয়, অন্য কী যেন।
পরক্ষণে মণি স্থিমিত।

আবার বললাম,—একা একা বসে থাকিস না। আয়, এ ঘরে আয়। সবার
সঙ্গে থাকলে...

কথাটা সম্পূর্ণ করতে পারলাম না। মন ভাল হয়ে যাবে বলা কি এখন নির্মম
ঠাট্টা নয়?

আচমকা মিত্রার স্বর ফুটল,—একটা প্রশ্নের উত্তর দেবে দিদি? তোমার ভাই
আমার সঙ্গে এই নিষ্ঠুর আচরণ করল কেন?

এ প্রশ্ন তো আমারও। তবু বলে ফেললাম,— থাক না রে, ও কথা কি
এখন ভাবার সময়?

—এইটাই তো সময়, পরে আর তার কথা ভাবব কেন? মিত্রা আবার ধুতনি
রাখল হাঁটুতে,—তুমিই বলো দিদি, সাত বছর হল বিয়ে হয়েছে, সে কী সুখ দিয়েছিল
আমায়? কটা শাড়ি কিনে দিয়েছে? কটা গয়না গড়িয়ে দিয়েছে বিয়ের পর? কটা
জ্যায়গায় বেড়াতে নিয়ে গেছে? সামান্য সঙ্গটুকু পর্যন্ত দেয়নি। অফিস থেকে ফিরল,
অমনি বেরিয়ে গেল। কোথায় কার থ্যালাসেমিয়া হয়েছে, তার রক্ত জোগাড়
করছে! কোথায় কার বাড়িতে হাঁড়ি চড়ছে না, সংসারের খুদকুড়ো থেকে তাদের
অন্ন জোগাতে ছুটল! কার কোথায় অসুখ করল, তাকে নিয়ে হসপিটালে ছুটল!
হ্যাঁ, তার জন্য বকাবকি করেছি, চেঁচামিচি করেছি, তোমাদের কাছে নালিশ করেছি
কতবার... বলো, অন্যায় করেছি? বলো? নিজের ছেলে এ বি সি ডি শিখল কিনা
সে হঁশ নেই, বস্তির ছেলেদের গিয়ে পড়াচ্ছে, তাদের মায়েদের পড়াচ্ছে...! শিক্ষাও
তো হয়েছিল। এগারো নম্বর বস্তির লোকেরা এসে শাসিয়ে গেল, তোমার ভায়ের
ফুসমন্তর শুনে তাদের বউরা নাকি টেটা হয়ে গেছে, বরদের মদ খাওয়া ছাড়াতে
চাইছে, ফের যদি ওই বস্তিতে ঢোকে পা খোঁড়া করে দেবে! কবেকার আর কথা?
এই ধরো গত সোমবার। তবু বাবুর চৈতন্য হল কই? ফের গেল ওখানে পড়াতে।
সেদিন ফেরার পর তোমার ভায়ের আমি শুধু পা জড়িয়ে ধরতে বাকি রেখেছি।
বলেছি, এবার ওসব ছাড়ো, অন্যের চিন্তা না করে নিজের সংসারের কথা ভাব।
খুব অন্যায় কথা বলেছিলাম কি দিদি?

বুকটা গুড়গুড় করে উঠল। সেদিন থেকেই কি আবার অস্তর অবসাদটা এসেছিল?

মিত্রা বিড়বিড় করে চলেছে, আমি তো তার কাছে বেশি কিছু চাইনি দিদি।
আর পাঁচটা মেয়ে সংসার থেকে যা চায়, তার কণামাত্র বেশি নয়। নিজেদের
নিয়ে, নিজেদের গশির মধ্যে, নিজেদের মতো বাঁচা। পাঁচজনের কী হল না হল,

তা নিয়ে আমাদের মাথা ঘামানোর কী দরকার? কত কষ্ট করলাম তোমার ভায়ের জন্যে, কত চেষ্টা করলাম ভালবাসা দিয়ে তার দৃষ্টি ফেরাতে...।

গায়ে কাঁটা দিয়ে উঠল। ভালবাসা! লেকের পাড়ে শিমুলগাছের নীচে পড়ে আছে অস্ত্র লাশ, কাছাকাছি জোড়ায় জোড়ায় প্রেমিক প্রেমিকা ভালবাসার কুজনে মগ্ন, স্বপ্ন দেখছে অনাগত ভবিষ্যতের, আগামী সুখের, অস্ত্র মাছে খুবলোনো মুখটার দিকে কেউ ফিরেও তাকাচ্ছে না! ওই নিরাসক্ত দৃশ্যের সঙ্গে অস্ত্র মৃত্যুর ঘনিষ্ঠ সম্পর্ক আছে, এই মুহূর্তে মনে হচ্ছিল আমার্^{্য}।

বিকেল গড়িয়ে সঙ্গে নামছে। মিত্রা শুয়ে আছে চোখ ঢেকে। ছোটখরের ক্রমক্ষীয়মাণ আলোয় আমি বসে আছি নির্বাক।

কান্না পাছিল।

আমরা প্রত্যেকেই অস্ত্র ভাল করতে চেয়েছিলাম। বাবা মা দাদা আমি মিত্রা আঝীয় বন্ধু সকলে। আমাদের মতো করে। আমাদের যুক্তি বুদ্ধির নিক্ষিতে মেপে।

তবু অস্ত্রকে বাঁচানো গেল না।

এটাই হয়তো স্বাভাবিক। জীবজন্মের কি আত্মহত্যা করে?

আমি মাধবী

আমি পুণ্যঝোক রাজা যযাতির মেয়ে মাধবী। মাতৃপরিচয়? কী হবে জেনে? মা তো শুধুই গর্ভধারণের আধার, তাঁর পরিচয় কোন কাজে লাগে? আমি জন্মেছি অমিতবীর্য রাজা যযাতির ওরসে, এই আমার একমাত্র পরিচয়। ‘কুমারী’ মেয়ের এ ছাড়া আর কোনও পরিচয় থাকতে নেই যে।
পরিচয় কেন, আমার কোনও স্বতন্ত্র অস্তিত্বও আছে কি?

মনে পড়ে এক বসন্তের সকালে, আমি তখন সদ্য যুবতী, রাজপুরীর বাগানে প্রিয় সখীদের সঙ্গে ফুল কুড়োচ্ছি, রাজসভায় ডাক পড়ল আমার। গিয়ে দেখি ভারী গভীর মুখে সিংহাসনে বসে আছেন বাবা, কিছুটা বুঝি বা চিন্তিতও। সামনে ঋষির বেশে এক দিব্যকান্তি যুবক, পাশে তাঁর এক মহাবলশালী পুরুষ। দ্বিতীয় পুরুষটিকে আমি চিনি। ইনি আমার পিতৃস্থা গরুড়। নত হয়ে প্রণাম করলাম তাঁকে। ঋষিকেও।

আমার আগমনে সভায় ঈষৎ চাঞ্চল্য দেখা দিল। রাজার ভুক্ত কৃফ্ল যেন শিথিল সামান্য। মন্ত্র স্বরে বললেন,—শোনো মাধবী, সখা গরুড় ঋষি গালবকে আমার কাছে নিয়ে এসেছেন। ঋষি গালব আমার কাছ থেকে এমন কিছু চান যা এঁরা দেশে ঘুরেও পাননি।

আমি বিস্মিত হলাম। এ জন্য আমাকে ডেকে আনার কী দরকার? বাবা আর আমার দিকে তাকালেনও না। অকম্পিত স্বরে ঋষিকে বললেন, —মুনিবর, এই মুহূর্তে আপনার প্রার্থনা পূরণ করার সঙ্গতি আমার নেই। কিন্তু বিষয়স্থা কিংবা আপনার মতো ব্রহ্মার্থিকে নিরাশ করা আমার অন্যায় হবে। আপনি এক কাজ করুন, আপনার প্রার্থিত অটিশো অশ্বের বদলে আমার কল্যা মাধবীকে।

নিয়ে যান। আমার কল্যাণি অতি সুশীলা, রূপবর্তী। আশা করি একে পেলে আপনার অভীষ্ট পূর্ণ হবে।

ঘোড়ার বদলে আমি? বাবার কথার মাথামুণ্ডু কিছুই মাথায় চুকছিল না। প্রশ্ন করাও যাবে না কিছু, সে অধিকারও আমার নেই। বিহুল চোখ জন্মদাতার মুখ থেকে ঘূরে ঝবি গালবের দিকে পড়ল। আজ থেকে আমি এইই অধীনা? ভাবতে অবশ্য মন্দ লাগছে না। ক্ষত্রিয় বীর নয় নাই হল, এমন বিদ্বান সর্বাঙ্গসুন্দর পুরুষ পাওয়া তো ভাগ্যের কথা। আমার মতো মেয়েরা তো মনে মনে এমন একজনকেই স্বপ্ন দেখে থাকে।

অন্দরমহলে খানিক কানাকাটি হল। দাসীরা কাঁদল, সখীরা কাঁদল, মা কাঁদলেন, বিমাতা কাঁদলেন। সকলের কাছ থেকে বিদায় নিয়ে এক বস্ত্রে ঝবি গালবের সঙ্গে রাজপ্রাসাদ ছাড়লাম আমি।

পিতৃস্থা গরুড় অন্য পথে চলে গেলেন। নীরবে হাঁটছেন গালব, পিছনে দুরু দুরু ঝুকে আমি। মনে মনে প্রস্তুত করছি নিজেকে। বিলাস বৈভব সব ভুলে এবার থেকে তপোবনে কাটাতে হবে বাকি জীবন, নিজেকে শেষ মানুষটার যোগ্য করে তুলতে হবে। পারব তো? নিশ্চয়ই পারব। আমি গালবের প্রেমে পড়েছি, মেয়েরা কাঞ্চিত পুরুষকে পেলে তার জন্য সব করতে পারে।

হাঁটছি তো হাঁটছি। রাজধানী পার হয়ে লোকালয় এল। তারপর ছোট অগভীর বন। বনের শেষে কুলকুল, এক নদী। পথশ্রমে ক্লান্ত ঝবি নদীর কিনারে এক শিংশপা গাছের নীচে বসেছেন। একটু দূরত্ব রেখে সসকোচে আমিও।

পথের নীরবতা বৃক্ষছায়ায় অসহ্য লাগছিল। অথচ নিজে থেকে কথা বলার সাহসও হচ্ছে না। এক সময়ে মরিয়া হয়ে বলে ফেললাম,—ঝবিবর, আমি কি আপনার সেবা করব?

গালব হাসলেন সামান্য। মাথা নেড়ে বললেন,—না। দরকার নেই। একটু পরেই উঠব আমরা।

কী মধুর কষ্টস্বর! আমি বিগলিত গলায় বললাম,—আমরা কি নদীর ওপারে যাব?—হ্যাঁ।

—আপনার আশ্রম কি এখান থেকে বহু দূর?

—হ্যাঁ।

কথা বলছেন গালব, কিন্তু তাঁর দৃষ্টি আমার দিকে নেই, বহতা নদীতে স্থির।

ঈষৎ লাস্য আনলাম গলায়,—আপনি এত গভীর কেন ঝবি? আমাকে কি আপনার পছন্দ নয়?

গালব যেন একটু বিরক্ত হলেন। ক্ষণেক আমাকে দেখেই আবার তাঁর চোখ নদীতে। রুক্ষ স্বরে বললেন,—শোনো যথাতির মেয়ে, এটা রঞ্জরসিকতার সঙ্গয় নয়। তুমি কি জানো, কী কাবণে তোমায় নিয়ে এসেছি?

আরেকটু চপল হলাম, জানি। আটশো ঘোড়ার বদলে আপনি আমায় প্রহণ করেছেন।

—ভুল। আটশো ঘোড়ার বদলে নয়, আটশো ঘোড়ার জন্য তোমাকে আনা হয়েছে।

—মানে?

—ও, তার মানে রাজা যথাতি তোমায় সব খুলে বলেননি!

পলকের জন্য গালব অন্যমনস্ক। উঠে পড়লেন, পায়ে পায়ে গেলেন নদীর ধারে, আঁজলা ভরে মুখে চোখে জল ছেটালেন। ফিরে এসে দাঁড়িয়েছেন সামনে, স্পষ্ট কথা স্পষ্টভাবে শুনে নাও যথাতির মেয়ে। আমি তোমাকে প্রহণ করার জন্য আনি নি। অন্তত এই মুহূর্তে। আমার জন্য তোমায় একটা কাজ করতে হবে। কঠিন কাজ।

আমার বুক থর থর। অস্ফুটে বললাম,—আজ্ঞা করলুন।

—আমার শুরু বিশ্বামিত্র আমার কাছে আটশোটি দুর্লভ ঘোড়া শুরুদক্ষিণা চেয়েছেন। এমন ঘোড়া যাদের গায়ের রঙ ধৰধৰে সাদা, কিন্তু একটি কান শ্যামবর্ণ। অযোধ্যার রাজা হর্ষশ্রেষ্ঠের কাছে এমন ঘোড়া আছে শুনেছি। তবে খবর পেয়েছি তিনি তা এমনি এমনি দেবেন না। বিনিময়ে হর্ষশ্রেষ্ঠ এমন এক নারী চান যে তাঁকে রাজচক্রবর্তী পুত্র উপহর দিতে পারে।... আমি এখন তাঁর কাছেই যাব। যদি তিনি তোমাকে পছন্দ করেন, তবে তাঁর হাতে তুলে দিয়ে আমার ঘোড়া সংগ্রহ করব।

আমি স্তুতি। বাকরুদ্ধ। এ কী বলছেন গালব? মেয়ে হতে পারি কিন্তু মানুষ তো বটে। ইনি আমাকে ভাড়া খাটাতে চান? ছি ছি।

সম্বিত ফিরতে সোজাসুজি তাকালাম, আমার বাবা এসব জানেন?

—অবশ্যই। তিনিই তো আমাকে পরামর্শটি দিলেন।

রাগে দুঃখে অভিমানে চোখে জল এসে গেল। আমার জন্মদাতাই জেনেশুনে...!

কোনওক্রমে বললাম,—তার মানে এখন আমায় অযোধ্যায় জীবন কাটাতে হবে?

—হ্যাঁ। অন্তত যতদিন না তুমি পুত্র প্রসব করো ততদিন।

—তার পর?

গালবের ঠোটে বিচ্ছি হাসি ফুটল। কোমল স্বরে বললেন,—তার পর আমি তোমাকে ফেরত নিয়ে আসতে পারি।

—সতি আনবেন?

—আনতেই হবে। তোমার দায়িত্ব যখন আমার...

আশ্চর্য নারীর মন! কথাটা শুনেই কোথথেকে যেন আশার দীপ্তি জলে উঠল বুকে। কে এক কুহকিনী কানের কাছে ফিসফিস করে বলল, কাঞ্চিত পুরুষকে বিপদে সাহায্য করা নারীর ধর্ম। ঘেন্নাপিণ্ডি ভুঁজে, চোখ কান বুজে কঢ়া দিন কাটিয়ে দে, তারপর তো গালব তোরই।

ধন্য আশা কুহকিনী। ধন্য পুরুষের প্রতি নারীর আকর্ষণ!

আবার শুরু হল আমাদের যাত্রা। নদী পাহাড় অরণ্য জনপথ পার হয়ে পৌঁছলাম অযোধ্যায়।

রাজা হর্ষের সভায় আমাকে নিয়ে গেলেন গালব। প্রস্তাবটি রাখলেন রাজার কাছে।

হর্ষ আমাকে খুঁটিয়ে খুঁটিয়ে দেখলেন। যেমন ভাবে কোনও বিক্রয়যোগ্য পশুকে দেখে কোনও বণিক, অনেকটা তেমনই ভাবে। মুখে হাসি ফুটল,—নাঃ, বলতেই হয় এ মেয়ে ভারী সুলক্ষণ। মনে হচ্ছে আমি যা চাই, এ তা আমায় দিতে পারবে।...কিন্তু আপনার শুল্ক তো আমি পুরোপুরি মেটাতে পারব না মুনিবর। ও রকম ঘোড়া আমার আছে বটে, তবে মাত্র দুশো। এতে কি আপনার চলবে?

এ যে রীতিমত দরাদরি! আমার গা ঘিনিঘি করে উঠল। দাঁতে দাঁত, চেপে তবু দাঁড়িয়ে আছি। শুধু গালবের মুখ চেয়ে।

গালবের মুখ পাংশ হয়ে গেছে। আমার কথা ভেবে নয়, অন্য চিন্তায়। একাস্তে ডাকলেন আমাকে। অঙ্গির স্বরে বলে উঠলেন,—এখন আমার কী হবে যষাতির মেয়ে? শুরুদক্ষিণা মেটাতে না পারলে আমি যে পাতকী হব! ইহলোকেও সুখ পাব না, মরার পরেও স্বর্গলাভের কোনও আশা থাকবে না! নাঃ তোমাকে দিয়ে আমার কোনও কাজই হল না। আমার সারা জীবনের শ্রম তপস্যা সব নিছ্বল হয়ে গেল।

কথাক টি তীরের মত আমার মর্মমূল ভেদ করল। ক্ষণিকের জন্য পাথর হয়ে যাওয়া হৃদয়ে বিন্দু বিন্দু মায়া জমছিল। ওই মানুষটির জন্য। হাতের কাছে রমনীরত্ত থাকা সঙ্গেও কী অসহায়! ইহলোক আর পরলোকের ভাবনায় কী কাতর!

মনোকষ্ট চেপে রেখে বলেই ফেললাম,—এর তো সহজ সমাধান আছে ঝুঁ। আপনি দুশো ঘোড়ার বদলেই এঁর কাছে আমাকে রেখে যান। ছেলে হতে তো

বছর খানেক সময় লাগবেই, এর মধ্যে আপনি খোঁজ খবর করুন আর কোন্‌
কোন্‌ রাজার কাছে এমন ঘোড়া পাওয়া যায়। ভাড়া খাটাই যখন আমার মত
মেয়েমানুবের নিয়তি, তখন নয় আরও কটা রাজার সঙ্গে শোব। আপনারও প্রাপ্ত
ঘোড়া মিলে যাবে।

প্রস্তাবটায় শ্বেষ ছিল আমার। ভেবেছিলাম বিদ্রূপের অভিঘাতে আহত হবেন
ঝৰি, হাঁ হাঁ করে উঠবেন। শুনেছিলাম সাত পা একসঙ্গে হাঁটলে সঙ্গী নাকি বন্ধু
হয়। সে যদি জঙ্গলের পশু হয়, তবুও। ঝৰি গালবের সঙ্গে এই ক'দিনে লক্ষ
পা হেঁটেছি আমি, এক কণা দুর্বলতাও কি আমার জন্য জমে নি তাঁর মনে?
বন্ধুর মনোবেদনা বুঝতে পারবেন না, ঝৰি কি এতই প্রজ্ঞাহীন?

নাঃ, গালবের মুখে যন্ত্রণার চিহ্নমাত্র নেই। বরং উদ্ভাসিত হয়েছেন। পরক্ষণেই
স্নান আবার। কপালে ভাঁজ ফেলে বললেন,—উপায়টা মন্দ বলো নি। তবে এতেও
সমস্যা আছে।

—আছে বুঝি?

—নেই? গালবের বিস্ময় যেন বাঁধ মানল না,—তুমি তো রাজবংশের মেয়ে,
জান না, রাজারা কুমারী মেয়ে পছন্দ করেন? এক রাজার সঙ্গে বছরভর কাটানোর
পর অন্য কোন রাজা তোমায় নেবেন?

ধন্য পুরুষ। ভাড়া খাটার মেয়েছেলেও চাই, টাটকা কুমারীও চাই! একই অঙ্গে!

সামান্য ছলনার আশ্রয় নিলাম এবার। হেসে বললাম,—এই কথা? এ তো
কোনও সমস্যাই নয়। অতি শৈশবে এক ব্রহ্মবাদী ঝৰিকে আমি সেবায় তুষ্ট
করেছিলাম। তিনি আমাকে একটা অঙ্গুত বয় দিয়েছিলেন। বলেছিলেন, প্রতিবার
সন্তান প্রসবের পর তুমি আবার কুমারী হয়ে যাবে।

—যাহ, এমন আবার হয় নাকি?

—হয়। আপনাদের মত পুরুষরা বর দিলে সবই হয়। সবই তো আপনাদেরই
ইচ্ছানির্ভর। চাওয়া নির্ভর।

মনে মনে বললাম, শত শাস্ত্র অধ্যয়ন করেও আপনি কী অজ্ঞ ঝৰি! এত
জানেন আর এটুকু বোবেন না, শরীর তো দূরের কথা, হন্দয়ে একজনের জন্য
প্রণয় জাগলেই নারী আর কুমারী থাকে না!

ঝৰি গালব আনন্দের আতিশয়ে আমার হাত জড়িয়ে ধরেছেন,—তুমি আমায়
বাঁচালে যথাতির মেয়ে। কী বলে যে তোমায় কৃতজ্ঞতা জানাব?

—থাক। শুধু কথা দিন আপনার অভীষ্ট সিদ্ধ হয়ে গেলে আমাকে আপনি...

—সে আর বলতে। আমি কি বুঝি না এমন ভাবে জীবন কাটাতে মেঝেদের
কত কষ্ট হয়!

গালব চলে গেলেন। আমার ঠাই হল রাজা হর্ষের অন্তপুরে।

শুরু হল আমার নদীর জীবন। বয়ে চলেছি, বয়েই চলেছি।

দিন যায়। কী ভাবে যে যায় সে শুধু আমিই জানি। একে একে তিন রাজার শয্যাসঙ্গী হলাম আমি। হর্ষের পরে কাশীরাজ দিবোদাস, তারপর ভোজরাজ উচীনর। এরা প্রত্যেকেই মহৎ, কিন্তু পৃথক ধরনের মানুষ। হর্ষের দানধ্যানের সুনাম আছে, দিবোদাস বীর, উচীনর সত্যের পূজারী। শুধু একটি বিষয়েই তিনজনের ভীষণ মিল। মাত্র দুশোটি ঘোড়ার বিনিময়ে একটি নারীকে ভোগ করতে কারও মনে এতটুকু দ্বিধা নেই। কে জানে, হয়তো এর মধ্যেও ধর্মের কোনও গৃঢ় রহস্য লুকিয়ে আছে!

সে যাই হোক, এঁদের কাষসিঙ্গি হয়েছে। প্রকৃতির নিয়মে এঁদের প্রত্যেকের গৃহেই আমি গর্ভবতী হয়েছি, তিনজনকেই উপহার দিয়েছি একটি করে পুত্র। হর্ষের ঘরে বসুমনা, দিবোদাসের প্রাসাদে প্রতর্দন, উচীনরের রাজপুরীতে শিবি। প্রতিটি জন্মের সংবাদই যথাসময়ে পৌঁছেছে আমার বাবার কানে। আশ্চর্য, তিনিও দৌহিত্র লাভ করে নাকি মোহিত!

তিন সন্তানকেই দুধ-মা'র কাছে ছেড়ে রেখে এসেছি আমি। প্রথম বার যখন অযোধ্যা থেকে গালব আমায় নিতে এলেন, বসুমনার জন্য আমার বুক ফেটে যাচ্ছিল। অতটুকু দুধের শিশু ফেলে কোন্ প্রাণে যাই! হর্ষকে বললাম, ছেলে এখন আমার কাছে থাক। একটু বড় হলে ফিরিয়ে দিয়ে যাব। তিনি সম্মত হলেন না। ঠাঁর ছেলে অন্যের ঘরে প্রতিপালিত হবে? অসম্ভব। পশুপাখির জগতে শিশু মায়ের, মানুষের জগতে নয়।

আমার বুকের দুধ যন্ত্রণার পুঁজ হয়ে জমে গেল। শুকিয়ে মরে গেল। তিন তিন বার।

উচীনরের প্রাসাদ থেকে বেরিয়ে গালবকে বললাম,—এখনও তো আপনার দুশো ঘোড়া সংগ্রহ বাকি। এবার কোথায়?

গালবকে সেদিন একটু যেন বিমর্শ দেখাচ্ছিল। হতাশ স্বরে বললেন,

—আমার চেষ্টা বোধহয় সফল হল না। সমস্ত শ্রম আমার ব্যর্থ হয়ে গেল।

গালবের শ্রম! হাসি পেল। তবু প্রশ্ন করলাম,—কেন? কী হল?

—মহা সমস্যায় পড়ে গেছি। কালই গরুড় আমার কাছে এসেছিলেন। তিনি এক নতুন সংবাদ দিয়ে গেলেন।...এই যে সব দুর্লভ অশ্ব, এ সবই নাকি আগে মহর্ষি ঝচিকের ছিল। তিনি এদের পেয়েছিলেন বরুণালয়ে। ঠাঁর কন্যা সত্যবতীর বিয়ের সময়ে মহর্ষি ঝচিক কান্যকুজ্জরাজ গাধিকে এরকম এক হাজারটি ঘোড়া

যোতুক দিয়েছিলেন। মহারাজ গাধি ঘোড়াগুলোকে নিজের কাছে রাখেননি, সবই তিনি ব্রাহ্মণদের দান করে দেন। সেই ব্রাহ্মণরা যখন ঘোড়া নিয়ে ফিরছিলেন তখন হৰ্ষ দিবোদাস আর উশীনির তাদের কাছ থেকে দুশোটি করে ঘোড়া কিনে নিয়েছিলেন। বাকি চারশো পথে চুরি হয়ে যায়। অর্থাৎ এরকম ঘোড়া আর আমার পাওয়ার সম্ভাবনা নেই। গুরুড় অবশ্য বলছিলেন তুমি এই ছশ্চো ঘোড়াই গুরুদেব বিশ্বামিত্রকে দক্ষিণ দিয়ে দাও। তোমার অসুবিধের কথা খুলে বললে তিনি নিশ্চয়ই বুঝবেন।

পলকের জন্য অন্তরে যেন মুক্তির স্বাদ পেলাম। উজ্জ্বল মুখে বললাম,
—বিষুৎস্থা গুরুড় যা বলছেন তাই করুন তবে।

—তা কি হয় যথাতির মেয়ে? গুরুদক্ষিণা পুরো না দিলে আমার শিক্ষা সম্পূর্ণ হয় কী করে? বলতে বলতে অপাঙ্গে আমার দিকে তাকালেন,—একটা বুদ্ধি অবশ্য মাথায় এসেছে, জানি না তাতে লাভ হবে কিনা।

—কী? আমার গলা কেঁপে গেল।

—যদি অবশিষ্ট ঘোড়ার বদলে গুরুদেব তোমায় রাখেন...না না, এ বোধহয় হয় না। গুরুদেব হয়তো এতে আহত হতে পারেন। তিনি তো ঘোড়াই চেয়েছেন, স্ত্রীলোকে কি তিনি সন্তুষ্ট হবেন?

তিনি রাজবিরির শয্যা আমাকে অনেক কিছুই শিখিয়েছে। মনে মনে বললাম, খুব হবেন। খবি হলেও তিনি পুরুষ তো বটে।

গালব আমার হাত ধরলেন,—আরেক বার আমার জন্য কষ্ট করবে যথাতির মেয়ে? এই শেষ বার?

চোখে জল এসে গেল। সামলে নিয়ে বললাম,—চলুন।

—তবে তাই চলো। যদি তিনি করুণাপরবশ হয়ে...

নির্দয় পুরুষ অপরের করুণা চায়! সে করুণার প্রকৃতিই বা কীরকম? না ঘোড়ার বদলে সুন্দরী ভোগ করে অপর জন্তি তৃপ্ত হবেন কি হবেন না!

আমার ধারণাই মিলে গেল। এক বালক আমাকে দেখামাত্রই খবি বিশ্বামিত্রের কামজৰ এসে গেল। গদগদ গলায় বললেন,—তুই কী আহাম্বক রে গালব! এমন একটা মেয়েছেলে তোর হাতে আছে, অথচ তাকে আগে আমার কাছে আনিসুনি! থাকি তো বনে বাদাড়ে, ঘোড়া আমার কী কম্বে লাগবে? নেহাত গুরুদক্ষিণা দেব, গুরুদক্ষিণা দেব বলে বায়না জুড়েছিল, তাই তোকে পরীক্ষা করার জন্যে...। এহেহেহে, এই কটা বছর মেয়েটাকে পেলে...যাক গে যাক, এখনই বা মন্দ কী!

ব্যস্ত। এবার আর রাজপ্রাসাদ নয়, মুনির তপোবন। এবারও সেই একই পরিণতি।

তিনি রাজার মতো আমাকে ছিড়ে খুঁড়ে একসা করলেন ঝুঁঁবর। ফলত আরেকটি ছেলে। অষ্টক। ছেলে জন্মাতেই ঝুঁঁবর কামজুর উধাও। বুঁঁবি বা পরমব্রহ্মের কথা মনে পড়ে গেল। তুচ্ছ মানবীতে কতদিন আর আটকে থাকতে পারেন সাধুসন্ন্যাসীরা!

আবার গালবের কাছে প্রত্যাবর্তন। এতদিনে সমস্ত শক্তি নিঃশেষ হয়ে এসেছে আমার। মনেরও, শরীরেও। বড় ক্লান্ত বোধ করি, বড় অবসন্ন। নাঃ, গালবকে দেখে হৃদয়ে এখন আর এতটুকু চাঞ্চল্য জাগে না। প্রণয়ের ক্ষুধা মরে গেছে, প্রথম প্রেম এখন দূরের স্মৃতি। তবু মনে একটা ক্ষীণ স্বত্তি, যাক আর ভেসে বেড়াতে হবে না। রাজকন্যা হই আর যাই হই, মেয়েদের যে কোনও আলাদা সন্তা থাকতে নেই এ আমি হাড়ে হাড়ে বুঁবু গেছি। আমাদের আবার ইচ্ছে অনিচ্ছে কী? এখন বাকি জীবনটা গালবের সঙ্গে চোখ কান বুজে কাটিয়ে দিতে পারলে বাঁচি।

গালবের পিছু পিছু হাঁটছি আবার। নদী গিরি প্রান্তর অরণ্য লোকালয় পার হয়ে হাঁটছি তো হাঁটছি। এক দুপুরে এক শ্রোতস্ত্বিনী পার হলাম আমরা। তিলেক বিশ্রামের জন্য বসেছি এক শিংশপা গাছের নীচে। জায়গাটা ভারী চেনা চেনা। এখানেই প্রথম দিন আমরা পাশাপাশি বসেছিলাম না? হ্যাঁ তো।

গালবও বুঁবি চিনেছেন জায়গাটাকে। ঘুরে ঘুরে দেখছেন চার দিক। নদীকেও। চৈত্রবাতাসে ঘূর্ণি উঠছে ছোট ছেট। কোথথেকে একটা কোকিল ডেকে উঠল। ডাকছে, ডেকেই চলেছে।

নির্বাক মানুষটা হঠাৎ সবাক হলেন,—কী ভাবো যথাতির মেয়ে?

ঘাড় নাড়লাম,—কিছু না।

গান্তীর্ঘ সরে মন্দু হাসি উঁকি দিল,—কটা বছর তোমার ওপর দিয়ে খুব বড় বয়ে গেল, তাই না?

অর্থহীন কথা। উত্তর দিলাম না।

—তোমার এই আত্মত্যাগ বিফলে যাবে না, দেখো। তোমার চার সন্তানেরই নাম ত্রিভুবনে ছড়িয়ে পড়বে। বসুমনা হবে দাতা, প্রতর্দন হবে বীর, শিবি ধার্মিক হবে, আর আমার গুরুর সন্তান অষ্টক হবে যজ্ঞকারী। কী, খুশি?

পলকের জন্য চারটে কঢ়ি কঢ়ি মুখ বুকে ভেসে উঠেছে। কেমন আছে ছেলেগুলো? কী করছে? মাকে কি ঝোঁজে তারা? মার জন্য কাঁদে? নাকি ভুলেই গেছে এই অভাগিনী মাকে? বুকফাটা কষ্টের মধ্যেও হাসি পেল সহসা। গালব আশীর্বাদ করছেন আমার ছেলেদের, আমাকে নয়! মেয়েদের এতটুকু গৌরব দিতেও এত কার্পণ্য? হায় রে পুরুষ!

নীরস স্বরে বললাম,—আমার খুশিতে কী দরকার? আপনার কার্যসিদ্ধি হয়েছে, সেটাই যথেষ্ট।

কোকিলের ডাক আরও তীক্ষ্ণ হয়েছে। গালব কাছে সরে এলেন, একদম পাশটিতে। কাঁধে হাত রেখেছেন, পূর্ণ দৃষ্টিতে দেখছেন আমাকে। এক সময়ে ওই স্পর্শের জন্য উন্মুখ ছিল হৃদয়, কিন্তু সেই মুহূর্তে কোনও রোমাঞ্চ অনুভব করলাম না। অথচ ওই দৃষ্টি আমার চেনা। ওই স্পর্শের ভাষাও।

শুকনো গলায় বললাম,—সংযত হোন খবি।

—কেন?

—এখানে নয়। এভাবে নয়।

—কেন, এই জায়গাটা কী দোষ করল? গালব সবলে আলিঙ্গনে বেঁধে ফেললেন আমাকে। কানে কানে ফিসফিস করে বললেন,—এ তো অতি মনোরম স্থান। নদী গাছ প্রকৃতি... তুমি আর আমি... মনে নেই এখানেই একদিন তুমি আমার সেবা করতে চেয়েছিলে? আজ তোমার জীবনে সেই সৌভাগ্য এসেছে। শুভলগ্ন বয়ে যেতে দিও না।

হঠাৎ কেমন গা গুলিয়ে উঠল। এত বিবরিষা আগে কখনও জাগে নি। তিনি রাজার সঙ্গে শুয়েও নয়, বিশ্বামিত্রের অঙ্কশায়িনী হয়েও নয়।

রংচ ভাবে বললাম,—এত তাড়াহুড়োর কী আছে? আর তো কারও কাছে আমাকে পাঠানোর নেই! চলুন, আপনার আশ্রমে যাই, সেখানে নয় সারা জীবন ধরে আমাকে যত খুশি...

—সারা জীবন ধরে? আমার আশ্রমে? তোমাকে নিয়ে? গালব ছিটকে সরে গেলেন,—তুমি কি জানো না, তোমাকে আশ্রমে আর নিয়ে যাওয়া যায় না? আশ্রম অতি পবিত্র স্থান, অন্যপূর্বী নারীকে নিয়ে সেখানে বাস করাটা অধর্ম। আমি কোনও ভাবেই তোমাকে আমার সহধর্মী করতে পারি না।

পলকের জন্য স্তুতি আমি, পলকেই স্তুতি আবার।

বাঃ বাঃ, এই তো যোগ্য উন্তর। এরকমটাই তো আশা করা উচিত ছিল।

তবু কেমন জেদ চেপে গেল। বললাম,—আমি অন্যপূর্বী নই। সন্তান প্রসব করা হয়ে গেছে, এখন আমি আবার কুমারী।

—তুমি কুমারী! গালব অট্টহাসিতে ফেটে পড়লেন, ওসব গালগল্প তুমি আমাকেও বিশ্বাস করতে বলো?

রাগে হিতাহিতজ্ঞান লোপ পেল। চিৎকার করে উঠলাম,—যদি জানেনই গালগল্প, একের পর এক পুরুষের কাছে আমায় কুমারী সাজিয়ে পাঠালেন কী বলে? এতে অধর্ম হয় নি?

—তুমি নেহাতই বোকা যথাতির মেয়ে। এও বোবো না, মহৎ কারণে ছেটখাটো ছলনার আশ্রয় নিলে কোনও পাপ হয় না। গালব আবার আমায় আলিঙ্গন করলেন, বাজে তর্ক কোরো না। এসো আমরা মিলিত হই। চিঞ্জা নেই, তোমার বাবার কাছে তোমাকে পৌছে দিয়ে আসব।

—কঙ্কনও না। আপনি ছোবেন না আমাকে। সরে যান।

না, এর পর গালব আর আমাকে ছোন নি। বোধহ্য তাঁর মনে লেগেছিল। বাবার হাতে নামহীন যথাতির মেয়েকে তুলে দিয়ে চিরঁভরে বিদ্যায় নিলেন ঝৰি গালব।

এখানেই আমার কাহিনী শেষ হয়ে যেতে পারত। বাদবাকি জীবন রাজা যথাতির অস্তঃপুরেই, সুখে না হোক, শাস্তিতে কাটিয়ে দিতে পারতাম। রাজকন্যাদের তো আর পেটের ভাতের অভাব হয় না।

কিন্তু বিধি বাম। মহাপুণ্যবান রাজা যথাতি দু'বৈলা কানের কাছে এসে হশহাশ নিখাস ফেলেন, ঘরে অবিবাহিতা মেয়ে রয়েছে বলে তাঁর নাকি রাতে ঘুম হয় না! আরও দুঃখ, মেয়েটা পতিহীন থাকলে মরার পরে স্বর্গে তার নাকি ঠাই হবে না! অতএব মেয়েকে পাত্রস্থ করতেই হবে। ওদিকে মনে আবার সঙ্কোচও আছে, চারটে বাচ্চা হওয়া মেয়ের বিয়ে দিতে চাইলে অন্য রাজারা হাসাহাসি না করে!

অনেক ভেবেচিষ্টে পাঁচ ছেলের সঙ্গে পরামর্শ করতে বসলেন রাজা। শেষ পর্যন্ত নিজেরা নিজেরা একটা উপায়ও বার করে ফেললেন। আমাকে ডেকে হ্রকুম জারি করা হল, প্রস্তুত হও। তোমার স্বয়ম্ভুর সভার আয়োজন করা হয়েছে।

আঁতকে উঠে আপনি জানাতে গেলাম, কেউ কর্ণপাত করল না। গঙ্গা যমুনার সঙ্গমস্থলে, প্রয়াগতীর্থে নাকি সভা ডাকা হয়ে গেছে, আমাকে যেতেই হবে। তা রাজপ্রাসাদ থাকতে ওখানে কেন? না প্রয়াগতীর্থ অতি পুণ্যস্থান, ওখানে স্বয়ম্ভুরা হলে আমার দোষ কেটে যাবে। বাবা যেটা মুখে বললেন না সেটা হল, দোজবর হোক, তেজবর হোক, একটা বোকাসোকা ভালমানুষ রাজা কপালে জুটে গেলে এবারকার জীবনটা আমার তরে গেল।

আজ সেই শুভদিন। প্রয়াগতীর্থের এক আশ্রমে আনা হয়েছে আমাকে। এখানেই বসছে স্বয়ম্ভুরা সভা। বাবা নিজে আসেন নি, রাজকাজে ব্যস্ত। হতেও পারে, নাও হতে পারে, সত্যি মিথ্যে আমি জানি না। আয়োজনে অবশ্য কোনও ত্রুটি নেই।

আমার দুই দাদা যদু আর পুরু নিজেরা উদ্যোগ নিয়ে আশ্রম সাজিয়েছে, রাজকীয় মঞ্চ বানিয়েছে, ফুলে গঢ়ে আমোদিত হয়ে আছে দশ দিক। লোকলক্ষ্মি সেপাই সান্ত্বনা ছুটে বেড়াচ্ছে অবিরাম, আগত রাজাদের আপ্যায়নে যেন কোনও ফাঁক না থাকে।

অবাক কাণ্ড ! চার ছেলের মাকে বিয়ে করতে রাজাও কিছু এসেছেন বটে। এমনকি নাগ যক্ষ গন্ধর্বরাও উপস্থিত। এত লোক আমাকে পেতে আগ্রহী ? কেন ? রাজার মেয়ে বলে ? নাকি পুত্রদায়িনী সুলক্ষণা মেয়েমানুষ হিসেবে প্রমাণিত হয়েছি তাই ?

একটু আগে সখীরা আমায় বধূসাজে সাজিয়ে দিল। খবিকন্যারা বরমালা গেঁথে ধরিয়ে দিয়েছে হাতে, এবার সভায় গিয়ে পছন্দসই কাউকে পরাতে হবে সে মালা।

কাকে পরাব এই মালা ? কোন হর্ষস্ব দিবোদাস উশীনর অথবা বিশ্বামিত্রকে ? অথবা কোন গালবকে ? এদের একজনকেও না বাছার স্বাধীনতা আজ আমার আছে, কিন্তু তার পর ? বাবার কাছে থাকা, সেও তো এক পুরুষের আশ্রয়েই থাকা। বাবা মারা গেলে ভাইদের আশ্রয়, তারাও তো পুরুষ। অপেক্ষা করব ছেলেরা কবে বড় হয়ে মাকে নিয়ে যাবে ? হায়, ততদিনে তারাও তো এক একটা আস্ত পুরুষমানুষ হয়ে যাবে !

কোনও পথ নেই ? কোনও পথ নেই ?

জঙ্গলে চলে যাব ? বাঘ ভাল্লুক শিয়াল কুকুরদের জগত কি মানুষের সমাজের চেয়ে হীন কিছু হবে ?

ভাবছি আমি। ভাবছি, ভাবছি...

মালা আমার হাতেই শুকিয়ে গেল।

উনসত্তর আর তেষটি

হানিমুনে চলেছেন তপোধীর আর করণ। ট্রেন ছাড়তে এখনও মিনিট দশক বাকি, শেষ বারের মতো মালগুলো গুনে নিচ্ছেন তপোধীর। সুটকেস এক, প্লাস্টিকের থলি দুই, বালতিব্যাগ এক, ঢাউস কিটব্যাগ এক, কাঁধবোলা ব্যাগ এক, টিফিন ক্যারিয়ার এক, ওয়াটারবটল এক। ওহো, ছেট বেডিংটাও তো আছে, ট্রেনের জন্য। মোট তবে হল গিয়ে নয়। সঙ্গের গন্ধমাদনটিকে ধরলে অবশ্য হয় দশ। ইঁটতে চলতে দিশা পায় না, ধপাধপ যেখানে সেখানে বসে পড়ে, কোথাও একবার দাঁড়িয়ে পড়লে নড়ায় কার সাধ্য, এমন মেয়েমানুষ গন্ধমাদন ছাড়া আর কী! জানালার ধারে কেমন ঘটটি হয়ে বসে পড়েছে দ্যাখো! সাংসারিক নির্দেশ দেওয়া চলছে পুত্রবধুকে!

তপোধীর অধৈর্যভাবে বললেন,—পাটা একটু তোলো তো। সুটকেসটা ভেতরে ঠেলি।

একগাল জরদা পান মুখে অবহেলা ভরে তাকালেন করণ,—তাড়া কোরো না তো। সব হবে। রণ্টু সব ঠিক করে দেবে।

—আমার তাড়া আছে। পা সরাও।

—আহ, চুপ করে একটু বোসো তো। কাজের কথা সেরে নিতে দাও।

কাজের কথা না, গুষ্টির পিণ্ডি। তপোধীর উবু হয়ে বসে পড়লেন। ঠেলে ঠেলে বালতি ব্যাগ ঢোকাচ্ছেন বার্থের নীচে। সাত দিনের জন্য বেড়াতে যাওয়া, তার জন্য মালও কিছু নিয়েছেন বটে করণ। নিয়েই দায় শেষ। এখন ম্যাও সামলাবে এই বুড়ো চাকর। তপোধীর প্রায় হামাগুড়ি দিয়ে এবার টানলেন সুটকেসটাকে।

সঙ্গে সঙ্গে ছুটে এসেছে রণ্টু,—ওটা ওখানে থাক বাবা। মা পা রাখবে।

—তারপর রাতে কেউ নিয়ে নেমে গেলে কী হবে? তোমার মার ঘুম ভাঙবে?

—ব্যস্ত হতে হবে না। চেন দিয়ে বেঁধে দিছি। চাবিটা শুধু কাছে ঠিক করে রাখো, হারিয়ো না, তা হলেই হবে।

তপোধীর সোজা হলেন অগত্যা। গিন্ধির কাছে হেরে যাওয়া মুখে বসেছেন এক কোণে। মরুক গে যাক, যে যা খুশি করুক। এখন তিনি এদের হাতের পুতুল। যেমন ইচ্ছে নাচাচ্ছে। কথা নেই, বার্তা নেই, ছট করে দুখানা টিকিট এনে হাতে ধরিয়ে দিল! তোমাদের দুজনের তো এক সঙ্গে কোথাও যাওয়া হয় না বাবা, যাও একবার জোড়ে সমুদ্র ঘুরে এসো! আর এই রাইল হোটেলের রিজারভেশন, সাত দিনে একটু চাঞ্চা হয়ে এসো তো দেখি। প্ল্যানটা অবশ্য রংটুর একার নয়, এর পিছনে মেয়ে জামাইয়েরও ষড়যন্ত্র আছে। ভালমানুষ মুখ রংটুর বটটিও কম যায় না। আর ওই যে রিণ্টির মেয়ে বাবলি, প্ল্যাটফর্মে দাঁড়িয়ে চুকুর চুকুর করে কোল্ড ড্রিফ্স খাচ্ছে, সে বেটিরও সেদিন কী উল্লাস! ইইহ, কী থ্রিলিং! দাদু দিদা হানিমুনে যাচ্ছে! ভূ-ভারতে কেউ শুনেছে বাবা মার বিবাহবার্ষিকীর দিন এই সব মতলব ভাঁজে ছেলেমেয়েরা! ট্রেনের টিকিট, হোটেলের বুকিং উপহার দিয়ে বাবা মার বিয়ের চল্লিশ বছর পালন করে! ফাজলামি!

কামরার জানলায় অরণাংশু। জামাই। ছেলেরই সমবয়সী, ইঞ্জিনিয়ারিং-এ ক্লাসমেট ছিল, তখনই রিণ্টিকে গেঁথেছে। হাইপাওয়ারের চশমার আড়ালে ছেকরার চোখ হাসছে ফিক,—বাবা, চা খাবেন?

তপোধীরের তেমন কোনও নেশা নেই, তবু চায়ের নাম শুনলেই জিভ যেন একটু শুলিয়ে ওঠে। বললেন,— লিকার চা হবে?

রংটুর বট ফুট কাটল,—এখানে লিকার চা কোথায় পাবেন বাবা?

—থাক তা হলে। দুধ চা আমার...। তোমার শাশুড়িকে দাও বরং।

—আমি প্ল্যাটফর্মে দাঁড়িয়েই খেয়ে নিয়েছি। নেশার জিনিস বলে কথা। সন্তর্পণে পিক ফেললেন করণা,—ট্রেন ছাড়লে একটু কফি খাব।

ধন্য মেয়েমানুষ! কত যে নেশা! চা কফি পান জরদা মৌরি সুপুরি জোয়ান...। দাঁত মাজার সময়ে আবার গুড়াখু চাই। সুযোগ পেলে বোধহয় বিড়ি সিগারেট নসিটাও ধরে ফেলতেন!

সিগন্যাল হয়ে গেছে। বউয়ের ইশারায় রংটু নেমে গেল কামরা থেকে। সামনের স্টেল থেকে ম্যাগাজিন হাতে দৌড়ে এল রিণ্টি। তপোধীরের হাতে পৌঁছনোর আগে করণা খপ্ করে নিয়ে নিলেন পত্রিকাটি। এক গাল হাসিতে মুখ ভরে গেল,—ওমা, এ যে দেখি শচিনের ছবি।

তপোধীর সরু চোখে তাকালেন,—তুমি আবার শচিনকে কবে থেকে চিনলে?

—আমি সবাইকে চিনি। শচীন আজার মোঙ্গিয়া ত্রীনাথ...তারপর আমাদের ওই ছেলেটা...সৌরভ গো। আহা, কী মিষ্টি মুখখানা।

—এই করেই তো দেশের ক্রিকেটটা ডুবল। যত মুর্দার দল এখন খেলার সমবাদার হয়েছে। তপোধীর ভেংচে উঠলেন,—আহা, কী মিষ্টি মুখখানা! হ্যাত্।

—অ্যাই, মুর্দা মুর্দ করবে না তো। মেয়েরা কি খেলা বোবে না? গালি থার্ডম্যান মিডঅন মিডঅফ সব নাম আমি জানি। এই তো সেদ্বিন রাষ্ট্র স্লিপে কী সুন্দর একটা ক্যাচ ধরল...

—থাক, নাতি নাতনির মুখের বাল খেয়ে আর বিদ্যে ফলাতে হবে না।

ট্রেন দুলে উঠল। রিটি জানালা দিয়ে হাত গলিয়ে ছুঁল মাকে,—সাবধানে যেও। দুজনে যেন সারাঙ্গ লড়াই কোরো না।

—আমাকে বলছিস কেন? তোর বাবাকে বলে দে।

—বাবা, তুমি কিন্তু একদম মাথা গরম করবে না।

তপোধীর জবাব দিলেন না। প্ল্যাটফর্ম সরে যাচ্ছে ধীরে ধীরে। সরে যাচ্ছে কোলাহল। সরে যাচ্ছে ছেলে মেয়ে পুত্রবধু জামাই নাতনি। হাত নাড়ছে। রণ্টুর গলা উড়ে এল,—কেসটা বোধহয় খারাপ হয়ে গেল রে। পূরীর সি-বিচে না দুটো লাশ পড়ে থাকে! স্কন্ধ কাটা!

তপোধীর গুম হয়ে গেলেন। সবই যখন জানা, তখন জোর করে পাঠানোর কী দরকার ছিল? কেন যে টিকিট দুটো কুচিয়ে ফেলেননি তপোধীর!

ট্রেন কারশেড পেরোল, এগোচ্ছে ঘটাং ঘটাং। এখনও শহরের আলো ঘিরে আছে ট্রেনটাকে। তপোধীরের কুপের মাঝবয়সী লোকটি লুঙ্গি তোয়ালে কাঁধে ফেলে বাথরুমের দিকে এগোল। সামনের তিন যুবক, সন্তুষ্ট সেলসে চাকরি করে, উচৈস্বরে গল্প জুড়েছে। উল্টোদিকের দুই জানালায় দুই ক্রিশ্চান সন্ন্যাসিনী ভাবলেশহীন মুখে বাইরে তাকিয়ে। সব প্যাসেঞ্জার এখনও থিতু হয়নি, অনেকেই ঘুরছে এদিক ওদিক। পাশের কুপে দুটো বাচ্চা কাউমাট করে ঝগড়া করছে। যে দঙ্গলটা একটু আগেও এ জায়গাটা বোঝাই করে রেখেছিল, বোধহয় তাদেরই কেউ। অসহ্য।

কঙ্গা হাতের ম্যাগাজিন তপোধীরের কোলে ফেলে দিলেন। ছেট্ট একটা হাই তুলে বললেন, সকালে কটায় ঠিক আমরা পৌছ্ব গো?

তপোধীর বিরক্তির সঙ্গে উত্তর দিলেন,—আমি ট্রেনের টাইম টেবিল নই। বলতে পারব না।

—সে তো জানিই। তুমি হলে গিয়ে খাওয়ার টাইম টেবিল। সাড়ে সাতটায় এই চাই, নটায় এই চাই, সওয়া বারোটায় এই চাই...

—দাও কেন? না দিলেই পারো।

—ওখানে গিয়ে দেব না। তোমার ওই পৌনে চারটের মুসুমি, সওয়া পাঁচটার ছানা, ওসব তুমি নিজে জোগাড় করবে।

—তব দেখাছ?

—না, বলে দিছি। বেড়াতে গিয়ে আমাকে দিয়ে খিদমত খাটাবে, ওটি হবে না।

—তা হলে করবে কী সারা দিন? ভোস ভোস নাক ডাকিয়ে ঘুমোবে?

—মোটেই না। ঘুরব, ফিরব, সকাল বিকেল থাণ ভরে জগন্নাথদেবকে দর্শন করব। ছেলেমেয়ের দয়ায় সুযোগটা যখন এসেই গেল...

একেই বলে নেমকহারাম। বিয়ের সময়ে কটাকাই বা মাইনে ছিল তপোধীরের যে বছর বছর বউকে নিয়ে বেড়াতে বেরোবেন! করতেন তো কলেজের মাস্টারি, সাকুল্যে পেতেন দেড়শো টাকা, নুন আনতে পাঞ্চ ফুরিয়ে যেত। তারপর যখন মাইনে টাইনে বাড়ল, তখন ছেলে মেয়ের পড়াশুনো নিয়ে হিমশিম দশা। তার মধ্যেও কি বউ ছেলেমেয়ে নিয়ে বেরোননি দু-চারবার? এই পূরীতেই তো গিয়েছিলেন। বছর কুড়ি আগে। কপাল খারাপ, পৌছেই রিষ্টির ধূম জ্বর। কোথাও বেরনো হল না, সমুদ্রে নামা হল না, শুধু হোটেল আর ডাঙ্কারখানা। তাও মেয়ের জ্বর কমার পর একদিন সবাইকে নিয়ে কভাক্টেড টুরে বেরিয়েছিলেন তপোধীর। কোনারক, ভুবনেশ্বর, উদয়গিরি, খণ্ডগিরি, নদন কানন। ফেরার দিন সকালে জগন্নাথ মন্দিরে পুজো দেওয়াও হয়েছিল করুণার। সে সব কথা কি করুণা ভুলে গেছেন!

তপোধীরের ঈষৎ অভিমান হল। ভার গলায় বললেন,—হ্যা, ছেলেমেয়েই তো তোমার ঘোরাচ্ছে জীবনভর।

—ঘোরাচ্ছেই তো। মেয়েজামাই নিয়ে গেল বলে তবু কেদার-বদরি দর্শন মূল। ছেলের কল্যাণে তিরুপতি-কল্যাকুমারিকা।

—তার আগে তো জীবনভর তুমি ঘরেই বন্দি থেকেছ!

—ছিলামই তো। ধম্মের মধ্যে কম্বো, একবার পূরী, একবার দাঙ্জিলিং আর একবার সিমলা। তারপর থেকে তো শুধু ঘাটশিলা আর শিমুলতলা, শিমুলতলা আর ঘাটশিলা।

—তুমি একটি এক নম্বরের মিথ্যেবাদী। রিটার্নারমেষ্টের আগে এই পূরী যাওয়ার জন্য তোমাকে দুবার সেধেছিলাম আমি। টোয়াইস্। মনে পড়ে?

—হবে হয়তো। করুণা অবলীলায় এক টিপ জরদা ছুড়লেন মুখে,—আমার শুধু মনে পড়ে তোমার সঙ্গে একবার জগন্নাথ মন্দিরে গিয়ে আমার খুব শিক্ষা হয়েছিল। গুরুর মতো হেট হেট করতে করতে মন্দিরে ঢোকালে, আর পাঁচন বাড়ি দিতে দিতে বার করলে।

—সে তো ফেরার ট্রেনের তাড়া ছিল বলে। চটপট বলে উঠলেন তপোধীর।

—ট্রেন কিন্তু ছিল সঞ্চেবেলা।

তপোধীর অপ্রতিভ মুখে হাসলেন একটু,—সৈই কথা এখনও মনে পুরো রেখেছ,
করুণার গাল ফুলল,—আমার সব মনে থাকে। কিছু ভুলি না।

তপোধীর চুপ মেরে গেলেন। আড়চোখে একবার সহ্যাত্মাদের দেখলেন,
একবার স্ত্রীকে। ওই গোলগাল ফরসা মুখ, পুতুল পুতুল চোখের মহিলাটিকে
চমিশ বছরেও ঠিক চেনা গেল না। কত দরকারি কথা অনায়াসে ভুলে যায়, অথচ
বিশ বছর আগের তুচ্ছ স্মৃতিও যত্ন করে সাজিয়ে রাখে মনে। কেন যে এমন
হয়!

শহরতলি পার হয়ে ট্রেনের গতি বেড়েছে। দুদিকে এখন জমজমাট অঙ্ককার,
মাঝে মাঝে অস্পষ্ট আলোর ফুটকি। মাঝেবয়সী লোকটি লুঙ্গি শোভিং উঠে পড়েছে
উপরের বার্থে, এখন শোওয়ার তোড়জোড় করছে। দুই সন্ধ্যাসিনীও শোওয়ার
সিট জোড়া লাগিয়ে নিয়েছে, মুখোমুখি বসে কথা বলছে। তিন যুবকের একজন
তপোধীরের পাশে এসে বসল, ইঁটুতে ব্রিফকেস রেখে তিন সঙ্গী তোড়জোড়
করছে তাস খেলার। তপোধীর একটু সরে এলেন করুণার দিকে। শেষ ফাণুরের
বাতাস ছ ছ চুকছে জানালা দিয়ে। ঠাণ্ডা হাওয়া, তবে কামড় নেই। ভারী নরম,
মিঠে।

কফিওলা এসে গেল। হেঁকে হেঁকে কানের পোকা নাড়িয়ে দিচ্ছে। তপোধীর
গলাতে চাইলেন করুণাকে,—কফি খাবে না?

করুণার চোখ জানালার বাইরে। ঘূরলেন। গুমগুমে স্বরে বললেন,—থাক।

—থাকবে কেন? খাও না। বলেই কফিওলার দিকে আর্ডার ছুড়েছেন তপোধীর,—
দুটো কফি দাও দিকি। একটাতে দুধ একটু কম।

—দুধ তো আমাদের মেশানোই থাকে দাদু।

—ঠিক আছে, তবে তাই দাও।

—তুমি এখন কফি খাবে নাকি? করুণার ভুক্ত কপালে জড়ো,—তোমার না
কফি খেলে রান্তিরে ঘূম হয় না।

—একদিন কিছু হবে না।

—না। এর পর কাল সকাল থেকেই তো বুক জ্বালা অস্বল এসব শুরু হবে।

—সকালের ভাবনা সকালে। কাগজের প্লাস করণার দিকে এগিয়ে দিলেন তপোধীর। নিজেরটাও নিলেন। চুমুক দিচ্ছেন। একটু ঝুঁকলেন স্ত্রীর দিকে। যুবকদের কান বাঁচিয়ে নিচু গলায় বললেন,—একটা রাত নয় নাই ঘুমোলাম।

—হঠাৎ এমন বদি খেয়াল?

—আমাদের তো আর আগে হানিমুন হয়নি। ছেলেমেয়েরা যখন পাঠালই, তখন নয় আজ রাত থেকেই...

—ন্যাকামো। সকালবেলা যদি বলো ঘুম হয়নি বলে পেটে গ্যাস হয়েছে, তখন কিন্তু আমি তোমার ধূধধূড়ি নেড়ে দেব।

কফির প্লাস বাইরে হাওয়ায় ছুড়ে দিলেন তপোধীর। দুহাতের বৃঢ়া আঙুল দেখালেন স্ত্রীকে,—আমার কাঁচকলা হবে। গিয়েই একটা এমন সমুদ্রে স্নান করব, শরীরটা তর হয়ে যাবে।

—সে কী! তুমি সমুদ্রে নামবে নাকি!

—তা হলে আর পুরী যাওয়া কিসের জন্য! আবার গলা নামালেন তপোধীর, —কেন, তুমি নামবে না?

—মরে গেলেও না। করণাও ফিসফিস করছেন,—জলে নামলে কাপড়চোপড় ঠিক থাকে না...মনে নেই সেবার দিঘায় গিয়ে কী অবস্থা! বাবলি হেসে লুটোপুটি খাচ্ছিল...

—ও, এই কথা। তার ব্যবস্থা হয়ে যাবে।

—কী হবে?

—আমার সব খেয়াল থাকে। তোমার জন্য একটা এক্সট্রা আন্ডারওয়্যার এনেছি।

—আমি আন্ডারওয়্যার পরে সমুদ্রে নামব! বিস্ময়ে কথাগুলো ঠিকরে এল করণার গলা থেকে,—তোমার কি ভীমরতি ধরেছে?

তিন যুবক তাস খেলতে খেলতে টেরচা চোখে তাকাচ্ছে। মুখ টিপে হাসছেও যেন। তপোধীরের লোমঅলা বড় বড় কান লাল হয়ে গেল। মিনিমে, কিন্তু মরিয়া স্বরে বললেন,—অসুবিধের কী আছে। শাড়ি সায়ার নীচে পরবে।

—ছিঃ।

—অতই যদি লজ্জা, তবে কারুর একটা সালোয়ার কামিজ আনলে না কেন?

—চুপ করো তো। পাগলের মতো কথা বলো না। করণা কাঁধের ওপর আঁচল গুছিয়ে নিলেন,—তোমাকেও জলে নামতে হবে না।

—কেন?

—প্রেশারের কুগি, সমুদ্রে নামবে কী?

—কালকেই আমি প্রেশার চেক করিয়ে এসেছি। ওষুধও আছে সঙ্গে।

—থাকুক। রণ্টু আমাকে পই পই করে বারণ করে দিয়েছে, বাবা যেন নুঞ্জলে না নামে।

—বললেই হল। রণ্টু কি আমার গার্জেন? তপোধীরের গলায় ঝাঁঝ ফিরে এল।

—দেশাশ্বনো যখন করে, তখন গার্জেন তো বটে।

—এই করে করে তো ছেলেকে মাথায় তুলেছ। বাপকে আর কেয়ার করে না।

—আমানিটা কী করেছে?

—করেনি! ওইটুকু ছেলেকে পই পই করে হস্টেল পাঠাতে বারণ করলাম...। হস্টেলে না পাঠালে কি ছেলে মানুষ হয় না?

—তা ওদের ছেলে, ওরা যা খুশি তাই করেছে। তোমার কী?

—আমার শরীর নিয়েও আমি যা খুশি করব। জলে নামব।

—নেমে দেখো। আমি পরের ট্রেনেই কলকাতা ফিরে যাব।

অসহায় ক্ষোভে দাঁত কিড়মিড় করলেন তপোধীর। করণা সব পারেন। বপুতেই শুধু গন্ধমাদন নয়, তাঁর মতটিও নড়ানো বড় কঠিন কাজ। এক সময়ে, তখন রিস্টি কোলে, রণ্টু বছর চারেকের, খুব ব্রিজ খেলার নেশা হয়েছিল তপোধীরের। কলেজ থেকে চলে যেতেন তাসের আজডায়, ফিরতেন সেই সাড়ে দশটা এগারোটায়। করণা খুব রাগারাগি করতেন, বাপের বাড়ি চলে যাবেন বলে ভয় দেখাতেন। তপোধীর আমল দেননি। হঠাৎ একদিন বাড়ি ফিরে দেখলেন ঘর শুনশান, ছেলেমেয়ে নিয়ে সত্যি সত্যি কোঞ্গর চলে গেছেন করণা। পাঁচ সাতদিন মাথা ঘামাননি তপোধীর, হাত পুড়িয়ে রেঁধে বেড়ে কলেজ করেছেন। তারপর এক সময়ে টনক নড়ল। কোঞ্গরে স্ত্রীকে ফিরিয়ে আনতে গিয়ে আরও বিপন্নি। করণার এক গোঁ। ছেলেমেয়ের মাথায় হাত রেখে দিব্যি গালতে হবে আর কখনও তাস ছেঁবেন না তপোধীর, তবেই ফিরবেন করণা। তপোধীরকেই হার মানতে হয়েছিল সেবার। সে নিয়ে অবশ্য এখন আর কোনও রেদ নেই তপোধীরের, তাস ছেঁড়ে ছেলেমেয়ের পিছনে সময় ব্যয় করা আখেরে ভালই ফল দিয়েছে। দুজনেই কৃতী হয়েছে লেখাপড়ায়, প্রতিষ্ঠিত হয়েছে, তাদের সঙ্গে বঙ্গন আরও নিবিড় হয়েছে তপোধীরের। বাপ মাকে যথেষ্ট মান্যগন্যিই করে ছেলে মেয়ে।

তবে এই মুহূর্তে সে কথা শ্মরণে আনতে রাজি নন তপোধীর। গাল ঝুলিয়ে

বসে আছেন। প্রচণ্ড গতিতে একটা ছোট্ট ব্রিজ টপকে গেল ট্রেন। জানালার দিকে
তাকালেন না তপোধীর।

করুণা হাঁটু চেপে উঠে দাঁড়ালেন। বাথরুমে যাচ্ছেন। দুই সন্ধ্যাসিনীর মাঝে
কোথাখেকে এসে বসেছে এক দাঢ়িগুলা সাধু, ঝালমুড়ি খাচ্ছে তারিয়ে তারিয়ে।
টিটিকে কাছে আসতে দেখে শুট করে উঠে দাঁড়াল, গেরয়া সামলে কেটে পড়ছে
দরজার দিকে। তিন যুবক ডুবে আছে রামিতে, কাগজে হিসেব লিখছে বার বার।

খেলার পত্রিকাটা উলটোলেন তপোধীর। অসংলগ্নভাবে। দু-চারটে পাতা দেখে
রেখে দিলেন ম্যাগাজিনটা।

করুণা ফিরে এসে বললেন,—ম্যাগোঃ, বাথরুম কী নোংরা।

তপোধীর উত্তর দিলেন না।

করুণা মুখ টিপে হাসলেন,—রাগ করো কেন? আমি যা বলি, ভালুক জন্মই
বলি।

তপোধীরের কথা বলার ইচ্ছে হল না। করুণা এক দৃষ্টে দেখছেন স্বামীকে,
—ঠিক আছে বাবা, নেমো সমুদ্রে। বেশিক্ষণ থেকো না।

—আর তুমি? তপোধীরের ঘাড় শক্ত।

—গিয়ে দেখা যাবেখন। করুণার হাসি ছড়িয়ে গেল,—এবার টিফিন কেরিয়ারটা
পেড়ে দাও দিকি। নটা বাজে, খাওয়াটা আগে সেরে নাও।

তপোধীরের রাগ নিবে এল। নিঃশব্দে উঠে চার থাকের কৌটোখানা নামালেন।

—মেনু কী?

—তোমার জন্য মালাই চমচম আছে। নরম পাকের সন্দেশও। তোমার মেয়ে
এনেছিল।

—বউমা দুপুরে আলুর দম বানাচ্ছিল না! গন্ধ পাছিলাম!

—আছে গো আছে। তোমার আলুর দমও আছে। দু পিস মাছভাজাও।

—তুমি মাছভাজা ভালোবাসো, ও দুটো তুমিই খাও। আমাকে খালি লুচি আলুর
দম দিলেই হবে।

—লুচি কোথায় পাব?

—পাবে মানে! রিণ্টি আর বউমা যে তখন লুচি ভাজছিল!

—সে তো ওদের জন্য! আমাদের জন্য ওরা নরম করে রুটি বানিয়ে দিয়েছে।

—লুচি দেয়নি! তপোধীর প্রায় আর্তনাদ করে উঠলেন।

—অমন করো কেন? তোমার না ভাজাভুজি খাওয়া বারণ। ঠাণ্ডা লুচি খেলে
তুমি হজম করতে পারতে? টিফিন কৌটোর ঢাকনা খুললেন করুণা,

—বউমা দিতে চেয়েছিল, আমি বারণ করেছি।

তপোধীর রাগ করতেও ভুলে গেলেন। বিড়বিড় করে বললেন,

—শিরে হইল সর্পাঘাত, তাগা বাঞ্জি কোথা ! বউই যদি শক্ত হয়...। দুধ নেই, কিছু নেই, আমি কুটি চিবোতে পারব না।

—তোমার জন্য সেই আচারটা এনেছি গো। করণা যেন শিশুকে ভোলাচ্ছেন,—সেই যে গো মিঙ্গড পিক্ল। তুমি ভালবাসো বলে সেলস্ গার্লের কাছ থেকে কিনেছিলাম।

ট্রেনের গতি কমছে। খড়গপুর এসে গেল। ভেঙ্গারা জানালায় খাবার হাঁকছে। ছেলে তিনটে তাস বক্ষ করে পূরি তরকারির হৃকুম ছুড়ল। ওপারের বার্থের লোকটা তরতরিয়ে নেমে চলে গেল প্ল্যাটফর্মে। দুই সন্ধ্যাসিনী উদাসীন স্বরে ডিমওলাকে ডাকছে।

তপোধীরও উঠে জানালায় গেলেন,—অ্যাহি আমাকে দুটো বয়েলড এগ দাও তো।

টিফিন কেরিয়ার পাশে রেখে বাবু হয়ে বসেছেন করণা। ঝুলি থেকে প্লেট খাব করেছেন, প্লাস বার করেছেন, আলুর দম তুলছেন চামচ দিয়ে। অবাক মুখে বললেন,

—তুমি এখন ডিম খাবে ?

—খাব। অ্যাহি, দুটো ডিমের দাম কত ?

—আমি কিন্তু খাব না।

—খেয়ো না। আমি একাই খাব।

—আর সারা রাত বেলুনের মতো ফুলবে ! করণার চোখ থমথমে,—নুন ছাড়া খাবে কিন্তু।

—সব ব্যাপারে হৃকুম ফুলবে না। আমি দুটোই খাব। উইথ সল্ট।

কচকচ ডিমসেদ্ধ চিবোচ্ছেন তপোধীর। নুন মাখিয়ে। করণাকে দেখিয়ে দেখিয়ে। তীব্র চোখে তাকিয়ে আছেন করণা, সেদিকে এতটুকু জাক্ষেপ নেই তাঁর।

ট্রেন ছাড়ল। তিন যুবক খাওয়া সেরে মৌজ করে সিগারেট ধরিয়েছে, ধোঁয়া পাক খাচ্ছে কুপে। মাঝবয়সী লোকটা আধ ডজন কলা হাতে পাকা মাদারির মতো টঙ্গে উঠে গেল। ক্রিচন সন্ধ্যাসিনীরাও রাতঘুমের নিরাসক্ত তোড়জোড়।

চালাচ্ছে। বাতাসে ঠাণ্ডা ভাব বেড়েছে সামান্য। এমন কিছু বেশি নয়।

বাথরুম সেরে ধূতি বদলে লুঙ্গি পরে এলেন তপোধীর। করণা ইতিমধ্যেই

তিন যুবকের সঙ্গে ভাব জমিয়ে ফেলেছেন, তাদের ইঁড়ির খবর বার করছেন টেনে টেনে।

তপোধীর গিন্নির মেজাজটা পড়ার চেষ্টা করলেন। একটু খোশামোদের সুরে বললেন,—তোমার চাদর বার করে দিই?

করুণা শুনেও শুনলেন না।

তপোধীর আবার বললেন,—সুতির চাদরটা বার করব?

—না।

—বাপস্ কী তেজ গলায়! তপোধীর মুখ হাসি হাসি রাখারই চেষ্টা করলেন,

—জানালাটা বন্ধ করে দাও না।

—কেন?

—কেন আবার কী? তোমার ঠাণ্ডা লেগে যাবে।

—জানালা বন্ধ করলে আমার গরম লাগবে।

এরই নাম বাতিক। ইনি আবার অন্যের পিছনে লাগেন! তপোধীর গার্জনের গলায় বললেন,—রাতের ট্রেনে কারুর গরম লাগে না।

—আমার লাগে।

—শুনলে পাগলেও হাসবে। স্ত্রীকে টপকে ঝুপ করে কাচ নামিয়ে দিলেন তপোধীর। দুটো জানালারই। হাত বাঢ়তে বাঢ়তে বললেন,—একটু গরম লাগুক। কদিন আগেই গলা বাথা হয়েছিল, সে খেয়াল আছে?

করুণা বিশেষ পাস্তা দিলেন না, আবার গল্প জুড়েছেন সামনের ছেলেটির সঙ্গে। ভাঁজ করা ধূতি কিটব্যাগৰে ওপর রেখে পাশের চেন খুললেন তপোধীর। হাতড়াচ্ছেন,—আমার প্রেশারের বড়গুলো গেল কোথায়?

—যেখানে রেখেছিলে সেখানেই আছে। করুণার উদাস জবাব।

—সেখানে নেই।

—তা হলে ওখানে রাখোনি।

—বললেই হল! আমি নিজে হাতে কিট ব্যাগে তুলেছি।

—এটা তা হলে কী? কোলের হ্যান্ডব্যাগ থেকে ওষুধের পাতা বার করলেন করুণা।

—লুকিয়ে রেখেছিলে!

—আমার আর খেয়ে দেয়ে কাজ নেই, তোমার ওষুধ লুকোব! টেবিলে ফেলে এসেছিলে, আমি মনে করে নিয়ে নিয়েছি। বলতে বলতে ছেলে তিনটেকে সালিশি মানছেন করুণা,—দেখেছ তো, কী বেখেয়ালি মানুষ নিয়ে আমার ঘর করা?

তোলো হাঁড়ির মতো মুখ করে ট্যাবলেট গিললেন তপোধীর। ঢকঢক খানিকটা
জল খেলেন। বেড়িং খুলতে গিয়ে কী যেন মনে পড়ে গেল। হঠাৎই থামলেন,
—তোমার মালিশটা নিয়েছ?

—আমার তোমার মতো ভুলো মন নয়। বালতিব্যাগে আছে।

—বটেই তো, বটেই তো। খোলা কিট ব্যাগের পকেট থেকে একখানা টিউব
বার করলেন তপোধীর। করণার নাকের সামনে নাচাচ্ছেন,—এটা তা হলে কী?

থগ করে ওযুধটা কেড়ে নিলেন করণা, নিজের হ্যান্ডব্যাগে পুরে ফেললেন,
—ও, এটা তোমার কাজ! তাই আমি বেরনোর সময়ে খুঁজে পাচ্ছিলাম না!

—আমার কাজ নয়, তোমারই বেআকেলেপনা।

—কেউ যদি সরিয়ে রাখে কী করব?

—সরাইনি, মনে করে সঙ্গে নিয়েছি। বলেই ছেলে তিনটের দিকে ফিরলেন
তপোধীর। —দ্যাখো দ্যাখো, কী চিজ নিয়ে ঘর করি আমি।

মজা পেয়ে হাসছে তিন যুবক। হাসতে হাসতেই টপাটপ মাঝের বার্থ নামিয়ে
ফেলল, ফুঁ দিয়ে দিয়ে বালিশ ফোলাচ্ছে, পেশাদারি ভঙ্গিতে আয়োজন করছে
শোওয়ার। পাঁচ মিনিটের মধ্যে ডান কাত ফিরে ঘুমিয়ে পড়ল তিনজন।

তপোধীর বসে বসে হাই তুলছেন,—এবার তো আমাদেরও শুভে হয়।

—সারা রাত জাগবে বলেছিলে না? করণার কঠে উপহাস।

—ঘূম পাচ্ছে যে।

—তবে শোও। দাঁড়াও, বিছানা করে দিই।

—এখানে কেন? আমি মাঝের বার্থে যাচ্ছি।

—উহ, ওটা এখন নামাবে না।

—কেন?

—কারণ আমি ঘুমোব না, তাই। ওটা নামালে আমার বসতে অসুবিধে হবে।
তপোধীর কথা বাড়ালেন না। বাধ্য ছেলের মতো নীচের বাথেই শুয়ে পড়লেন।
করণাকে আলগা ছুঁয়ে।

তপোধীরের মাথার কাছে গুটিসুটি মেরে বসে আছেন করণা, আনমনা চোখে
দেখেছেন পৃথিবীটাকে। বন্ধ কাচের এপার থেকে।

রাত নিরুম হয়ে এল। কামরায় জেগে আছে নীলচে রাতবাতিরা, জেগে আছেন
করণা। স্বপ্ন স্বপ্ন বাতাস খেলে বেড়াচ্ছে এ কুপে সে কুপে। আঁধার ছিঁড়ে ছুটছে
রেলগাড়ি, বামৰাম বামৰাম। থামছে, ছুটছে, থামছে, ছুটছে। পার হচ্ছে নদী, পার
হচ্ছে প্রান্তর, পার হচ্ছে একটার পর একটা সেতু।

গভীর রাতে তপোধীরের ঘূম ভেঙে গেল। করঞ্চা ঠেলছেন জোরে জোরে,
—অ্যাহি শুনছ?

—উঁ?

—বাপ, কী ঘূম রে! কামরা যে একেবারে মাত করে দিলে। পাশ ফিরে
শোও!

ঘূম চটকে গেল। চোখ বড় করে উঠে বসলেন তপোধীর।

—চিঙ্গাছ কেন? হলটা কী?

—সিংহের মতো নাক ডাকাছ কেন?

—তোমার তাতে কী?

—আমার ঘূম আসছে না। ট্রেনে আমার ঘূম আসবে না।

—শুলেই আসত। বললাম ওপরে উঠে যাচ্ছি।

—না। ওপরে উঠলে তোমাকে আর ঠেলা যাবে না। অভ্যেস তো জানি,
না ডাকলে তোমার গর্জন থামে না।

—সঙ্গে একটা পাখা আনলে পারতে। ঊঁটি দিয়ে খোঁচাতে মনের সুখে।

—তাই উচিত ছিল। কী লোকের সঙ্গেই না বেড়াতে বেরিয়েছি। কুন্তকণ
একটা।

করঞ্চার যেন গলা কাঁপল একটু! তপোধীর অপাঙ্গে তাকালেন। হঠাৎ কোথুথেকে
এক ঝলক বাতাস এসে বাপটা মারে উন্সন্তর বছরের মনটায়। বাতাসটা এত
বেশি দূরের, যে চিনেও চিনতে পারলেন না তপোধীর।

এবার একটা নদী পার হচ্ছে রাতের গাড়ি। ধীরে, অতি ধীরে। বৈতরণী
নদী। এ নদী পার হলে নাকি এ পারের টান করে যায়।

তপোধীর চুপটি করে বসে আছেন। করঞ্চাও নীরব। বয়ে যাচ্ছে মৌন মুহূর্ত।

এক সময়ে তপোধীর ফ্যাসফেসে গলায় বললেন,—ওয়াটার বটলটা দাও তো।

করঞ্চা জানালার কাছে মুখ ঘুরিয়ে নিলেন, নিজে উঠে নাও।

মুহূর্ত মিলিয়ে গেল। তপোধীর অসহিষ্ণু হলেন, নিয়ম মতোই। বললেন—
তোমার সামনে ঝুলছে বলেই বলা। থাক, তেষ্টায় গলা শুকিয়ে নয় মরেই যাব।

—কী কথার ছিরি! হাত বাঢ়িয়ে জলের বোতল পাঢ়লেন করঞ্চা,

—সবটা শেষ কোরো না। আমিও থাব।

এর ঢোক খেয়েই প্লাস্টিকের বোতল এগিয়ে দিলেন তপোধীর,

—থাও, নিজে আগে প্রাণ ভরে থাও।

—ইইহ, মেজাজে একেবারে চাঁদি ফাটে দেখি।

উন্নরে কিছু একটা বললেন তপোধীর। তার উন্নরে করণা। তার উন্নরে তপোধীর। চলছে, কলহ চলছে। বিনবিন বগড়া বন্ধ কাচ ফুঁড়ে চলে গেল বাইরে। নাচতে নাচতে, দুলতে দুলতে।

রাত এখন বড় মায়াময়। চাঁদের বুড়ি রূপোলি সুতো কেটে চলেছে চরকায়। সেই সুতোয় বোনা মসলিন এখন ভাসছে চরাচরে। রূপোলি সব মেখে ছুটছে অলৌকিক গাছপালা, ছুটছে মাঠ, ছুটছে নদী, ছুটছে বালির চর।

বৃক্ষ পৃথিবী ছুটছে সমুদ্রের পানে। জ্যোৎস্না মেখে। জ্যোৎস্না হয়ে। সেই জ্যোৎস্নায় একাকার হয়ে গেল কলহরাজি। জ্যোৎস্না চলেছে সমুদ্রের পানে। বড় বাঞ্ছয় জ্যোৎস্না।

হানিমুনে চলেছেন উনসন্তর আর তেষ্টি। তপোধীর আর করণা।

সাত বছর এগারো মাস আট দিন

শুণলো যেন ভেঙে টুকরো টুকরো হয়ে গেঁথে যাচ্ছে যন্ত্রটার গায়ে।
টকটক...টকটক...টকটক...টক। পাশে বসা যুবকটি কী অবলীলায় খেলা
করে চলেছে প্রতিটি কথাকে নিয়ে? বাজাচ্ছে, নাচাচ্ছে, আঙুলের মৃদু চাপে
দ্রুত তাদের বসিয়ে দিচ্ছে যন্ত্র-অক্ষরগুলোর বুকে।

ভদ্রলোক ভরাট গলায় জিজ্ঞাসা করলেন—হয়েছে?

—ইঁয়া স্যার। চাবিতে আঙুল রেখেই যুবক মুখ তুলল—পড়ব?

—পড়ো।

টাইপরাইটারের রোলার পাক খেল কয়েকবার। যুবক ঝুঁকল যন্ত্রস্থ কাগজটার
দিকে—টু দা কোর্ট অফ দা ডিস্ট্রিক্ট জাজ, আলিপুর, চবিশ পরগণা সাউথ।
ম্যাট্রিমোনিয়াল স্যুট নাস্বার নশো পঁয়ত্রিশ অফ নাইনটিন এইচিনাইন।

—ষ্ণ। ভদ্রলোক রিভলভিং চেয়ার ঘোরালেন। গর্বিত মোরগের মত ঘাঢ়
ফুলে উঠল সামান্য—বুঝালেন, এ বছর এই নশো পঁয়ত্রিশটা কেসের একশ বাইশটা
আমিই করলাম। হা হা। বাবে আজকাল আমার নামই হয়ে গেছে বিচ্ছেদ উকিল।

নিজের রসিকতায় একাই হাসছেন ভদ্রলোক। চন্দন নকল হাসি ফোটানোর
চেষ্টা করল ঠোঁটে। হাসি ঠিক ফুটল না। সিগারেটে বড় টান দিয়ে মাথা রাখল,
চেয়ারের পিঠে। ভুল করে একবার তাকিয়েও ফেলল সুদেষণার দিকে। টেবিলের
কাচে একভাবে আঙুল বুলিয়ে চলেছে। কোনও টেনশন চাপার চেষ্টা করলে
চিরকালই আঙুলগুলোকে নিয়ে কি করবে ভেবে পায় না সুদেষণা। ফর্সা চঞ্চল
আঙুলগুলোর ওপর থেকে জোর করে চোখ সরিয়ে নিল চন্দন।

ভদ্রলোক তীক্ষ্ণদৃষ্টিতে জরিপ করছেন দুজনকেই। চন্দনের সঙ্গে চোখাচাবি হতেই

চালশে চশমাখানা এঁটে নিলেন চোখে। যুবকের দিকে ফিরলেন—এবার তাহলে পিটিশনারদের ডিটেইলস টাইপ করে ফেল! ওকে?

—করে ফেলেছি স্যার। বুকটির গলায় চোরা উৎসাহ ঘেন। উৎসাহ, না কৌতুহল? আড়চোখে একবার দেখেও নিল সুদেষণাকে,—এই যে স্যার। পিটিশনার নাম্বার ওয়ান শ্রীচন্দন মুখার্জি, বাবা লেট হরশংকর মুখার্জি, বাই ফেথ হিন্দু, বর্তমান ঠিকানা আটগ্রিশ-জে মহারাজা ঠাকুর রোড, পি-এস—যাদবপুর, কলকাতা, সাত লক্ষ একত্রিশ। পিটিশনার নাম্বার টু শ্রীমতী সুদেষণা মুখার্জি, স্বামী শ্রীচন্দন মুখার্জি, বাবা লেট আনন্দমোহন চ্যাটার্জি, বাই ফেথ হিন্দু, বর্তমান ঠিকানা একুশের দুই লেক প্লেস, পি-এস—টালিগঞ্জ, কলকাতা, সাত লক্ষ উনত্রিশ।

—রাইট। ভদ্রলোক মাথা নাড়লেন। আরাম করে শরীরটাকে ছড়িয়ে দিলেন দশাসই চেয়ারটায়। দু আঙুলে ডট পেন ঘোরাতে লাগলেন বনবন—এবার তাহলে হেডিং লিখে ফেল। লেখো অ্যাপ্লিকেশন ফর ডিভোর্স অন মিউচুয়াল কনসেণ্ট আগুর সেকশন তেরোর বি অফ হিন্দু ম্যারেজ অ্যাস্ট, উনিশশো ছাপান।...হয়েছে? পরের লাইন—দি হাস্বল পিটিশন অফ পিটিশনার নাম্বার ওয়ান অ্যান্ড পিটিশনার নাম্বার টু...।

তীব্র শব্দ তুলে যান্ত্রিক গতিতে বাক্যরা পরপর দাঁড়িয়ে পড়ছে স্ট্যাম্প পেপারের গায়ে। টাই পরাইটারের চাবি নয়, যেন বৃদ্ধ বিধাতার শীর্ণ আঙুল বিধিলিপি লিখে চলেছে।

সুদেষণ চোখ বুজে ফেলল। আহ। কেন এ সময়ে ওই ছবিটাই বারবার ভেসে উঠছে চোখের সামনে। একটা পরিপূর্ণ আলোকময় সন্ধ্যা। চারদিকে উজ্জ্বল মানুষের মুখ, হাসি, কোলাহল আর সানাইয়ের বুক তোলপাড় করা সুর। অমন একটা খুশির ছবিতে কে ওই মেয়েটা রাজেন্দ্রণী হয়ে বসে? চোখভর্তি লজ্জা। বুক জুড়ে তিরতির সুখ। সে কি এই সুদেষণাই!

পুরুত্মশাই বললেন—কন্যাকে পশ্চিমমুখে বসান। জামাইকে পুবমুখে।

বেনারসি আর গয়নায় জরদগব সুদেষণাকে দুই বৌদি চন্দনের মুখোমুখি বসিয়ে দিল।

পুরুত্মশাই বাবার দিকে তাকালেন—এবার আপনি কন্যা ও বরের পরম্পরের মুখ অবলোকন করান।

শাঁখ বেজে উঠল। উলুধ্বনিতে কান তোলপাড়। বাবা চন্দনের হাঁটুতে হাত রেখেছেন। সারাদিনের উপোস করা চোখেমুখে একটু শুকনো ভাব। তবু গরদের কাপড়ে কী সৌম্য সেদিন! খালি গায়ে ধৰ্বধবে সাদা পৈতে। হাতের কোশে তিল,

কুশ, যব।...ভরদ্বাজ গোত্রস্য স্বর্গীয় হরশংকর দেবশর্ম্মণঃ পুত্রায়, ভরদ্বাজ গোত্রায় চন্দন দেবশর্ম্মণে...কাশ্যপ গোত্রস্য আনন্দমোহন দেবশর্ম্মণঃ পুত্রীঃ, কাশ্যপ গোত্রাঃ সুদেষণ দেবীঃ এনাঃ—সবস্ত্রাচ্ছাদিতালঙ্কৃতাঃ কন্যাঃ...

গাঁটছড়া বাঁধার আগে কে যেন বলে উঠল,—এ হল জন্ম-জন্মান্তরের বাঁধন, বুঝলি।

মিথ্যে। সব ভাঁওতা। ভাবের ঘরে চুরি। মনকে ভুলিয়ে রাখার চেষ্টা। বঙ্গন কোথাওই কোনও দিন তৈরি হয় না। কারুর সঙ্গেই না। যা হয় সবটাই এক ধরনের মায়া মাত্র।

সুদেষণ চোখ খুলল। চন্দন ঠিক কোন দিকে মুখ করে বসে এই মুহূর্তে? সেই বা কোন মুখে? জীবনের মুখ কখন যে কোথায় কিভাবে বদলে যায়। এই ঘরের ভেতরে বসে দিকনির্ণয় করা এখন অসম্ভব। গেট ঠেলে, উঠোন মাড়িয়ে, লম্বা একটা করিডোর পেরিয়ে এ ঘরে এসেছে। এসেছে বললে ভুল হয়। তাকে নিয়ে এসেছে। চন্দনই।

কাল সন্ধেবেলা হঠাৎই চন্দনের ফোন। লেক প্লেসে।

—কাল একবার সময় করতে পারবে? দশটা নাগাদ?

—কেন?

—ল-ইয়ার কাল সকালে বাড়িতে ড্রাফটটা ফাইনাল করে ফেলতে চাইছেন। তুমি এলে সুবিধে হয়।

এক পলকের জন্যও হলেও কেঁপে উঠেছিল সুদেষণ। কেন যে কেঁপেছিল। কি হতে চলেছে, কি হবে, সবই তো জানা। জানা শুধু নয়, পূর্ণ সম্মতিও রয়েছে তার। তবুও...

চন্দন ওপান্ত থেকে বলেছিল,—তুমি যদি বলো তোমাকে তুলে নিয়ে যেতে পারি।

—জায়গাটা কোথায়?

—ভবানীপুরে। ভারতী সিনেমার পেছনে।

—ঠিক আছে। আমি ভবানীপুর থানার সামনে থাকব। ঠিক দশটায়।

সুদেষণ আলগোছে চোখ বোলাল ঘরের চারদিকে। চতুর্দিকের দেওয়াল জুড়ে কাচের আলমারিতে শুধু মোটা মোটা আইনের বই। একটুও ফাঁকা জায়গা দেখা যাচ্ছে না কোথাও। ভদ্রলোকের মাথার পেছনদিকে একটা শুধু খোলা জানালা। এমন একটা বন্ধ ঘরে মানুষ ঘণ্টার পর ঘণ্টা নিষ্পাস নেয় কিভাবে। সুদেষণ মুখ ওপরে তুলে ফ্যানের হাওয়া থেকে কিছু বাতাস টেনে নিল বুকে।

—আমার একটা কথা বলার ছিল।
—বলুন। সবিনয়ে ঝুঁকলেন ভদ্রলোক।
—আমার নাম ঠিকানা মেনশন করার সময়ে প্রথমেই মেনশন করলেন আমি কার স্ত্রী। ইজ ইট নেসেসারি? বাবার নামই কি যথেষ্ট নয়?

—না ম্যাডাম, ইট ইজ কাস্টমারি। খুব কায়দা করে চিবিয়ে চিবিয়ে উত্তর দিচ্ছেন ভদ্রলোক—দেখুন, আপনাদের মিউচুয়াল পিটিশনের বেসিসে এখন ছ মাসের জন্য জুড়িশিয়াল সেপারেশন পাবেন আপনারা। রাইট? এর মধ্যে আপনাদের ভেতর রিকনসিলিএশনও হয়ে যেতে পারে। রাইট? আই মীন মিটমাট যদি না হয় তবে ছমাস পরে আপনারা জয়েণ্টলি কোর্টে যেতে পারেন টু গেট এ ডিক্রি অফ ডিভোর্স। ওকে? ভদ্রলোক এবার চোখ ফেললেন চন্দনের দিকে, তিনি দেন মিস্টার মুখার্জিই কিন্তু আপনার লিগাল হাজব্যান্ড। আপনি এটা অঙ্গীকার করতে পারেন না। নয় কি? বলতে পলতে এক ছিটে বাঁকা হাসিও যেন ফুটল মুখে, আপনি কি বলেন মিস্টার মুখার্জি?

—আমার কিছু বলার নেই। চন্দন এক ঝটকায় ঘুরে বসেছে সঙ্গে সঙ্গে। গলায় স্পষ্ট বাঁাধ। বিরক্তি। পোড়া সিগারেটের টুকরো অকারণে বেশি চেপে নেভাচ্ছে অ্যাশট্রেতে, আমার মনে হয় এখন কাজের কথাগুলো শুরু করা উচিত।

—বেশ। ভদ্রলোক ঘুরণ-চেয়ারে পুরো এক পাক ঘুরে নিলেন। বিজ্ঞ মুখে চাপা কৌতুক,—আমি বৰং ফাইনাল টাইপিং-এর আগে আরেকবার পয়েণ্টগুলো শুনিয়ে দিই, কেমন? কারুর যদি কোনও অবজেকশন থাকে এখনও ক্লিয়ার করে নেওয়া যাবে। রাইট?

ভদ্রলোক ‘রাইট’ শব্দটা বড় বেশি ব্যবহার করেন। সবসময় ‘রং’ নিয়ে কারবার করেন বলেই কি? কথাটা এমনি এমনি মনে হল সুদেষণার। শেষ ‘রাইটে’র সঙ্গে সঙ্গে পাশের টেবিলের যুবক পিঠ সোজা করে বসেছে। হাত বাড়িয়ে ব্রীফটাকে এগিয়েও দিয়েছে প্রকাণ সেক্রেটারিয়েট টেবিলে। ভদ্রলোক নতুন করে চশমা এঁটেছেন নাকে।

...পয়েণ্ট নম্বর দুই। বিগত উনিশশো আশি সালের পনেরোই জুলাই পিটিশনার নাম্বার ওয়ান, যিনি তখনও অবিবাহিত ছিলেন, তিনি তখনও অবিবাহিতা পিটিশনার নাম্বার টুকে একুশের দুই লেক প্লেস, থানা টালিগঞ্জ, কলকাতা সাত লক্ষ উনত্রিশ, থেকে হিন্দুমতে বিবাহ করেন।

সুদেষণা কপাল থেকে ঝুরো চুল সরাল। চন্দন তাকিয়ে আছে কাচের গায়ে পড়া নিজেরই আবছা ছায়ার দিকে। ভদ্রলোক দুজনের মুখের ওপরই কয়েক পলক দৃষ্টি ফেলে চোখ রাখলেন কাগজে।

...পয়েণ্ট তিনি। সেই বিবাহের পর থেকে দুই পার্টি একত্রে স্বামী-স্ত্রী হিসাবে আটগ্রাম-জে মহারাজ ঠাকুর রোড, থানা যাদবপুর, কলকাতা সাত লক্ষ একত্রিশে বসবাস করে আসছেন। এবং এই ঠিকানায়...

এতবার করে থানা আর পিন কোড আবৃত্তি করছেন কেন ভদ্রলোক? মানুষের সঙ্গে মানুষের সম্পর্ককে প্রমাণ করার জন্য এগুলো কি এতই বেশি জরুরী? কে জানে!

সুদেৰণার দুই ভুক্ত যখন জড়ো পল্কা চিন্তায়, ঠিক তখনই চন্দনের প্রতিবাদ শোনা গেল, তিনি নম্বর পয়েণ্টে ওটা বোধ হয় ঠিক বলা হল না। বসবাস করে আসছেন সেচেন্টেটা ভুল। কারণ ও আমাদের বাড়ি ছেড়ে চলে গেছে লাস্ট ইয়ারের জুনে।

—আহা ইম্পেশেণ্ট হচ্ছেন কেন? সে পয়েণ্টও আছে। ভদ্রলোক বরাভয়ের হাসি হাসলেন, চার নম্বরটা শুনুন। এই তো!...দুজন পিটিশনারই মানসিক অ্যাডজাস্টমেণ্টের অভাবের দরুন গত চৰিশে জুন উনিশশো অষ্টাবিংশ সাল থেকে আর একত্রে বসবাস করতে পারেননি। তাঁরা শেষ দাম্পত্য জীবন যাপন করেছিলেন উনিশশো অষ্টাবিংশ সালের তেইশে জুন।

বাস, এই টুকুনই! বলতে গিয়েও শব্দ দুটোকে গিলে নিল সুদেৰণা। আশি থেকে অষ্টাবিংশির জুন, ঠিক ঠিক হিসেব করলে পুরো সাত বছর এগারো মাস আট দিন। এতখানি লম্বা সময়টাকে কি নিপুণ দক্ষতায় দুটো মাত্র লাইনে বেঁধে ফেলল আইন! যেন এতগুলো বছর ছিল শুধুই একত্রে বসবাস করা, আর কিছুই না। কোনও ঘটনা নেই, অঘটনও নেই কোনও! অথচ এই বছরগুলোর প্রতিটি দিন, প্রতিটি ঘণ্টা, পল, অনুপল এখনও পর পর ধরা আছে স্মৃতির পর্দায়। ঘটনাময় দীর্ঘ ভিত্তিও ক্যাসেট যেমন। পর পর দৃশ্যগুলো যেখানে মধুর থেকে বীভৎস, আরও বীভৎস। আরও বীভৎস, অথচ তাদেরও কি সুন্দর একটা ছেট্টা বাক্যে বন্দী করে ফেলা গেল—মানসিক অ্যাডজাস্টমেণ্টের অভাব! সুদেৰণা বাঁ হাতে কপাল চেপে ধরল।

উকিল ভদ্রলোক পরিষ্কার উচ্চারণে পাঁচ নম্বর পড়ে চলেছেন—এই বিবাহের ফলস্বরূপ সায়স্তনী মুখার্জি নামে একটি কন্যাসন্তান জন্মলাভ করে আঠাশে ডিসেম্বর উনিশশো একাশি সালে। রাইট?

· রাইট! রাইট! দৃশ্যটা আজও অমলিন যে। একটুও রঙ ছালেনি কোথাও। সুদেৰণা নিজের মনে মাথা নাড়ল। মনে আছে। সব স্পষ্ট মনে আছে। ওই তো নার্সিংহোমের

দৰজা ধৰে একটু দূৰে দাঢ়িয়ে চন্দন। মুখ জুড়ে আনন্দ, লজ্জা আৱ নতুন পিতৃছেৰ
গৌৱমাখা এক অপূৰ্ব নিৰ্ভল হাসি।

—থ্যাংকস সুদেষণ। মেনি থ্যাংকস।

বুকেৰ গভীৱে জ্যাণ্ট পুতুলটাৰ শৱিৱেৰ ঘাণ নিতে নিতে তখন কেমন যেন
লজ্জা পাছে সুদেষণও। চোখ ছাপিয়ে থিৱথিৱ খুশি,—কিসেৱ ধন্যবাদ?

—থ্যাংকস ফৰ দা সুইট ডটাৱ।

—তবে তো ধন্যবাদ তোমারও প্ৰাপ্য। আমাৱ ঝুৱফ থেকে। মেয়ে তোমারই।

দৃশ্য বদল হয়ে যাচ্ছে হ-হ করে। রঙ পাল্টে গেল। চন্দনেৰ স্বৰ এখন কুক্ষ,
কঠিন।

—তুমি আজ মেয়ে ফেলে কিছুতেই কাজে যেতে পাৱবে না।

—কেন? বিমলি তো আজ ভালই আছে। বেশ খেলা কৱচে।

—তবু তুমি বেৱোবে না।

—অসম্ভব। আমাকে আজ একবাৱ যেতেই হবে। তুমি তো জানো আমাৱ
কনফাৰ্মেশন হয়নি এখনও।

—চুলোয় যাক তোমৰ চাকৰি। মেয়ে ফেলে...

—আশ্চৰ্য! বাড়িতে এতগুলো লোক রয়েছে...তোমার মা, তোমার বোন—

—তাৱা কেউ তোমার মেয়েৰ আয়া নয়।

—এভাবে বলছ কেন? আমি তো মাত্ৰ কয়েক ঘণ্টাৰ জন্য...বেশ তো, তুমিই
তাহলে আজকেৱ দিনটা বাড়িতে থাকো। আমি যত তাড়াতাড়ি পাৱি...

—চমৎকাৰ! তোমার জন্য আমি অফিস কামাই কৱব?

—আমাৱ জন্য কেন? নিজেৰ মেয়েৰ জন্য কৱব। বিমলি তোমার মেয়ে
নয়? একটা দিন তুমি থাকতে পাৱো না বাড়িতে? মেয়েৰ কাছে?

ভিডিও টেপে তুফান গতিতে আবাৱ ফাস্ট ফৱোয়াড। দৃশ্য ছুটে চলেছে পৱিগতিৰ
দিকে। এবাৱ ছবিতে উদ্বাম চিৎকাৰ। পৱিস্পৱকে আক্ৰমণ ভয়ৎকৰ ভাবে। সুদেষণ
ফুসছে রাণী বেড়ালেৰ মত।

—আমি আৱ এক সেকেন্ডও তোমাদেৱ বাড়িতে থাকব না। আনকালচাৱড,
অশিক্ষিত ফ্যামিলি একটা। কি ভাৱো আমাকে তোমৰা? তোমাদেৱ কেনা বাঁদী?

—দ্যাখো, ভালো হবে না বলে দিছি। আমাৱ বাড়িৰ কাউকে তুলে তুমি
কোনওৱকম...

—বেশ কৱব বলব। ইতৰ ছোটলোকেৱ দল সব...

—আৱ একটা বাজে কথা বললে তোমাকে আমি...

—কি করবে? মারবে?

—ঘাড় ধরে বার করে দেব বাড়ি থেকে।

—তার দরকার নেই। আমি আজই চলে যাচ্ছি। বিষ—বিমলি...

—খবরদার, বিমলিকে ডাকবে না।

—ওকে আমি নিয়ে যাব।

প্রচণ্ড শব্দে ঠাস করে গালে চড় পড়ল একটা। ছিটকে গেল সুদেষণ। মুহূর্তে ঘরভর্তি লোকজন। চন্দনের মা, বোন, বাড়ির ঠিকে খিটা পর্যন্ত। কী লজ্জা! কী লজ্জা! সবার গলা ছাপিয়ে তখন সাড়ে ছবছরের মেয়েটার কান্না ডুকরে ডুকরে উঠছে—ওমা আমি তোমার সঙ্গে যাব! মা আমি তোমার সঙ্গে যাব!

উকিল ভদ্রলোক গলা ঝাড়লেন ভাল করে—এবার ছন্দের। কাস্টডির পয়েন্ট।

সুদেষণ টান টান হয়ে বসল। চন্দন দাঁতে আঙুল কামড়াচ্ছে। কয়েক সেকেন্ডের জন্য গোটা ঘর স্কুক যেন। তারপরই ভদ্রলোকের ভারী গলা...

—যদিও আইনের চোখে পিটিশনার নাম্বার ওয়ানই প্রেফারেনশিয়াল অ্যান্ড ন্যাচারাল গার্জেন অফ দ্য মাইনর ডটার, তবু তার শিশুবয়স অর্থাৎ বর্তমান টেক্সার এজ-এর কথা বিবেচনা করে পিটিশনার নাম্বার টুকেই তার কাস্টডিয়ান ধরা হবে।

এতদিন ধরে জমে ওঠা দুশ্চিন্তা, আশঙ্কা যেন এক লহমায় উঠে যাচ্ছে। বুক কাঁপিয়ে গড়িয়ে এল স্বত্তির নিশ্চাস। সুদেষণ বহুকাল পর চুরি করে তাকিয়ে ফেলল চন্দনের দিকে। চন্দন তাহলে শেষ পর্যন্ত...। একমনে একটা না-জ্ঞালানো সিগারেট টেবিলে ঠুকছে চন্দন। মুখটা কি একটু স্লান? লোকটার ওপর হঠাত মায়া আসছে কেন? মায়া, না কৃতজ্ঞতা?

উকিল ভদ্রলোক অল্পক্ষণ চুপ থেকে আবার পড়ছেন...ছয়-এর বি। যদিও সন্তান পিটিশনার টু-এর কাস্টডিতেই থাকবে তবু পিটিশনার নাম্বার ওয়ানের তার প্রতি ততটাই অধিকার থাকবে, যতটা থাকবে পিটিশনার নাম্বার টু'র। এবং শর্ত মোতাবেক পিটিশনার নাম্বার টু প্রতি সপ্তাহের শনি ও রবিবার পিটিশনার নাম্বার ওয়ানের কাছে কন্যাকে পাঠিয়ে দিতে বাধ্য থাকবে।

না, এটাও তেমন আপত্তিজনক প্রস্তাব নয়। এ-শর্ত চন্দন দিতেই পারে। সুদেষণ চোঁক গিলল। মেয়ে তার কাছে আছে ঠিকই তবু এখনও তো মাঝে মাঝে তাকে পাঠিয়ে দিতে হয় ও-বাড়িতে। মেয়েটারই যে হঠাত হঠাত এক এক দিন বাবার জন্য খুব মন কেমন করে!

ভদ্রলোক তাকিয়ে আছেন সুদেষণার দিকে। সুদেষণ সম্মতিসূচক মাথা নেড়ে ফেলল। আর তখনই তৃতীয় সাব পয়েন্টটা এসে গেল।

—ক্লজ ছ'এর এ-তে যে প্রভিশনের কথা উল্লেখ করা হয়েছে সেটা কার্যকর থাকবে না, যদি বাচ্চা স্ব-ইচ্ছায় এবং স্ব-বুদ্ধিতে পিটিশনার নাম্বার ওয়ানের কাস্টডিতেই থাকতে চায়। সেক্ষেত্রে বাচ্চার কাস্টডি এক নম্বর পিটিশনারের কাছেই ফিরে যাবে। অর্থাৎ তিনিই লিগাল কাস্টডিয়ান হবেন।

কথাটায় কেমন পঁঢ়া আছে যেন। এ কেমন শর্ত! সুদেষণার বুকটা ছাঁত করে উঠল।

—মানেটা ঠিক পরিষ্কার হল না।

—অপরিষ্কারের কি আছে? চকিতে কথা বলে উঠেছে চন্দন। গলার স্বরে বাঁবা না থাকলেও বাঁবোর আভাস,—এখানে তো না বোবার কিছু নেই। বিমলি যদি আমার কাছে থাকতে চায়, আমার কাছেই থাকবে।

—ইমপসিবল! সুদেষণা উত্তেজনায় উঠে দাঁড়িয়েছে—আমি কোন শর্তে বিমলির কাস্টডি ছাড়ব না।

—তাহলে তো তোমার সঙ্গে কোনও আপোসই করা যায় না।

—কে করতে বলেছে আপোস? আমি আমার নিজের উকিল কনসাল্ট করব।

দুজনেরই ধৰনি উচ্চতে উঠেছে ক্রমশ। সামনে বসা অন্য দুটো মানুষের উপস্থিতি যেন ধর্তব্যই নয়। সুদেষণার চোয়াল শক্ত হয়েছে—আমি তোমাকে বিশ্বাস করি না। তুমি সব পারো। আমার মেয়ের বেনওয়াশ করতে তোমার দুদিনও লাগবে না।

—হোয়াট ডু ইয়ু মীন টু সে?

—যা বলতে চাইছি খুব বুবাতে পারছ। বিমলি আমাকে সব কথা বলে। তুমি ওকে ও-বাড়িতে ভি সি আর কিনে দেবে বলেছ। আগে কখনও দাওনি, হঠাৎ সেদিন ওকে টকিং ডল কিনে দিয়েছ। তোমার মা ওকে নানারকম লোভ দেখিয়ে ও-বাড়িতে থেকে যেতে বলেন।

—ওয়েট ওয়েট ওয়েট! বেশ খানিকক্ষণ চুপচাপ শোনার পর উকিল ভদ্রলোক মাথা গলালেন—আপনারা আমার কথা একটু শুনবেন? একটু শান্ত হয়ে বসবেন ম্যাডাম?

সুদেষণা রীতিমত রাগের সঙ্গে বসে পড়ল চেয়ারে।

—গুড! শুনুন তাহলে। আপনি অথবা উত্তেজিত হচ্ছেন। এত কথার পরও দিব্য অমায়িক হাসছেন ভদ্রলোক—আমি আইনের বাইরে গিয়েই বলছি, আপনার মেয়ে যদি প্রলুক্ষ হয়েই তার বাবার কাছে গিয়ে থাকতে চায় তাহলে কিঞ্চিৎ বুবে

নিতে হবে মেয়ের ওপর আপনার নিজের কোন ইমোশনাল কগ্নেলই নেই। আর মেয়েরও আপনার ওপর টান নেই তেমন।

—মানতে পারলাম না। সুদেষণ সজোরে মাথা ঝাঁকাল—যে কোন শিশুকেই লোভ দেখানো খুব সহজ।

—মানলাম। কিন্তু শিশুরা মাকে ছেড়ে থাকতে পারে না, এটাও তো সত্য।

—পারবে না কেন? ওখানে বাবা, ঠাকুমা, পিসি সবাইকে পেয়ে যাবে যে।

—এই, এই তো পয়েন্টে এসে গেলেন। ভদ্রলোক হেসে উঠলেন শব্দ করে,— তাহলে স্বীকার করছেন বাচ্চার জীবনে মা ছাড়াও বাবা ঠাকুমা পিসিদের কিছু ভূমিকা থাকে! রাইট?

না, এদের সঙ্গে তর্ক করে পারা যাবে না। রাগে, কষ্টে চোখে জল এসে যাচ্ছে। নিজের উকিলের কাছে ডেকে এনে আপোসের নামে, ইচ্ছে করে তাকে বিপাকে ফেলার চেষ্টা করছে চন্দন। এ এক ধরনের চক্রবান্ত। কিছুতেই ফাঁদে পা দেবে না সে। শুরু হয়ে বেশ কিছুক্ষণ বসে রাইল সুদেষণ। জিঞ্জাসু মুখে তার দিকে তাকিয়ে আছেন ভদ্রলোক। চন্দন ফস করে ধরিয়ে ফেলল হাতের ধরা সিগারেটটাকে। গলায় নিষ্ঠুর ব্যঙ্গ—ওয়েল! ওর যখন নিজের সন্তানের ভালবাসার ওপরই আস্থা নেই, তখন তো আর কথাই চলে না।

—কেন চলবে না? ভদ্রলোক গলা নরম করে মধ্যস্থতায় নামলেন আবার, আপনি এগি করলে ওই ক্লজ্যো বদলে ফেলা যায়।

—ঠিক আছে। চন্দন ভেবে নিল একটুখানি—তার বদলে অন্য ক্লজ রাখতে হবে।

—বলুন।

—কাস্টডি ওরই থাকুক। বিজনেস ডিল রাদবদল করার সময় যেভাবে কথা বলে মানুষ, চন্দনের মুখচোখে অবিকল সেই ভঙ্গি,—মেয়ে উইকে দু দিনের জায়গায় অ্যাটলিস্ট তিনদিন আমার কাছে থাকবে। ওর স্কুলের মাইনে আমি দেব। স্কুলের অফিসিয়াল গার্জেন হিসেবেও আমার নাম থাকবে।

উকিল ভদ্রলোক সুদেষণার দিকে তাকালেন,—এনি অবজেকশন ম্যাডাম?

সুদেষণ নীরব। চন্দনের ব্যঙ্গটুকু তীক্ষ্ণ তীর হয়ে বিঁধে গেছে বুকের ঠিক মাঝখানটাতে। নিষ্পাস নিতে কষ্ট হচ্ছে। বিমলির ভালবাসার ওপরও কি সত্য তবে আস্থা নেই তার? কারুর ভালবাসার ওপরই কি আছে? একদিন তো মনে হয়েছিল চন্দনের মতো ভাল আর কেউ তাকে বাসে না। আর আজ...

—কি হল ম্যাডাম? কিছু বলুন?

সুদেষণ লম্বা খাস টানল—আমাকে একটু ভাবতে দিন।

—ভাবুন। ততক্ষণে আমি সাত নাম্বারটা শুনিয়ে দিই।

সুদেষণ শুনেও শুনল না। নিজের মনের সঙ্গে অন্য একটা আপোসের মামলা চলাবার প্রাণপণ চেষ্টা করে চলেছে সে।

—সাত নম্বর অনুযায়ী, পিটিশনার নাম্বার টু যেহেতু কর্মরতা, সেহেতু তিনি স্বেচ্ছায় ভরণগোষণের দাবি জানাচ্ছেন না। এবং ভবিষ্যতেও তিনি পিটিশনার নম্বার শুয়ানের কাছ থেকে কোনওরকম অ্যালিমনি দাবি করবেন না।...কি হল, শুনছেন না?

—উঁ? সুদেষণ চমকাল সামান্য।

—আপনি মন দিয়ে শুনছেন না। খোরপোষ প্রসঙ্গে বলছিলাম। এ ব্যাপারে আপনার কোনও দাবি নেই তো?

—নাহ। ধীরে ধীরে মাথা ঘোরাল সুদেষণ। চন্দন তার দিকেই সোজাসুজি তাকিয়ে আছে। চোখে তীব্র শ্লেষ। সেই শ্লেষ ক্রমে ছড়িয়ে পড়ল সুদেষণের ক্লান্ত চোখেও। স্থির তাকিয়ে আছে দুই পিটিশনার। উকিল ভদ্রলোক নির্বিকারভাবে পাতা ওল্টাচ্ছেন ড্রাফটের। টাইপিস্ট যুবকটি টাইপ রাইটার আস্তে সরালেও বেশ জোরে আওয়াজটা বেজে উঠল কানে। মাথার ওপর সিলিং ফ্যানটাও আচমকা মুখের। সেই মুখরতার সঙ্গে তাল রেখে উকিল ভদ্রলোকের গলা গমগম করে উঠল।

—লাস্ট পয়েন্টটাও শুনে নেবেন নাকি?

এর পরও পয়েন্ট বাকি থাকে!

থাকে। আট নম্বর পয়েন্ট অনুযায়ী পিটিশনার নাম্বার টু, শুধুমাত্র তাঁর পিতৃগৃহ থেকে পাওনা যাবতীয় ফার্নিচার, গহনা এবং পোশাকাদি ইচ্ছে হলে ফেরত নিয়ে নিতে পারেন। এই সমস্ত জিনিস ডিভোর্সের ডিক্রি পাওয়ার পরই ফেরত নেওয়া যাবে।

পিটিশনার নাম্বার টু দুম করে খাপছাড়া প্রশ্ন করে বসল একটা।—ডিভোর্সের ডিক্রি ঠিক ছ' মাস পরেই পাওয়া যাবে তো?

—সারটেনলি। যদি সঙ্গে সঙ্গে আপনারা অ্যাপিয়ার করেন কোর্টে। ভদ্রলোক ফাইল বন্ধ করলেন—এই ছ'মাস কিন্তু আপনারা স্বামী-স্ত্রীই থাকছেন। বলতে বলতে অভিজ্ঞ হাসি হাসছেন ভদ্রলোক,—এর মধ্যে কিন্তু মিটমাটও হয়ে যায় অনেক। সময়। হয়ত আপনাদেরও...

—ঠিক আছে। পিটিশনার নাম্বার টু কঠিন মুখে উঠে দাঁড়িয়েছে—কথা যেভাবে

হল, ফাইনাল ড্রাফটটা আপনি সেভাবে করে রাখতে পারেন। আমি কাল পরশু
এসে...

—এক মিনিট। পিটিশনার নাম্বার ওয়ানও প্রায় একসঙ্গে উঠে দাঁড়িয়েছে—
আট নম্বর পয়েন্টটা নিয়ে কিছু বলার আছে। ওই ওর জিনিসপত্র ফেরত নেওয়ার
ব্যাপারটা। মানে আমি বলতে চাইছি ওর সব কিছু ও যত তাড়াতাড়ি ফেরত
নিয়ে যায়, আমাদের সুবিধে হয়, এই আর কি।

—বেশ। তাই হবে।

সুদেষণ দরজার দিকে এগোল। চন্দনও বেরিয়ে আসছে পেছন পেছন। গেট
পেরিয়ে, স্বামী-স্ত্রী নয়, দুই পিটিশনার জ্বলন্ত রোদ মাথায় রাস্তায় দাঁড়িয়ে এখন।

নিজের নিজের রাস্তা ধরার আগে পরম্পরের চোখে চোখ রেখেছে আরেকবার।
হয়ত এই শেষবার। চোখে চোখে ফেরত দেওয়া-নেওয়ার হিসেবটাকে আপ্রাণ
শুষে নিতে চাইছে দুজনে। আপোসের শর্তগুলোকে মিলিয়ে নিতে চাইছে।

মিলছে না। কিছুতেই মিলছে না পুরোটা। আগাগোড়া হিসেবটাকে বার বার
উল্টেপাল্টে তচ্ছন্ছ করে দিয়ে যাচ্ছে একটা সময়। সাত বছর এগারো মাস আট দিন।

ମାନୁଷ ଯେମନ

ଜ ନମଅନ୍ଧ ଛେଲେଟା ଏକଇ ଜାୟଗାୟ ବସେ ଥାକେ ଦିନଭର । ଓଇ ଯେ ଭାଙ୍ଗଚୋରା ପ୍ଲାଟଫର୍ମଖାନା, ତାର ଗାୟେ ଓଇ ଯେ ଗରୀବମତନ ସ୍ଟେଶନଚାତାଳ, ତାର କୋଲେ ଓଇ ଯେ କଂକାଳସାର ଗୋଟା ତିନେକ ସିଁଡ଼ି, ତାରଇ ଏକେବାରେ ଶେ ଧାପିତେ କୋଣାଟୁକୁନ ଜାୟଗା ନିଯେ ବସେ ଥାକେ ହାଁଟୁ ମୁଡେ । ହାଡ଼ଲିକଲିକ ହ୍ୟାଂଲାପାନ୍ତା ଚେହାରା, ଗାୟେର ରଙ୍ଗ ସବଜେ ବରଣ, ଏକମାଥା ଝର୍ଖାଶୁଖ ଚାଲ । ଜନ୍ମକାଳେ ନାମ ଛିଲ ବାରୀନ ନା ହାରୀନ କି ଯେନ ଏକଟା । ତା ସେ ନାମେ ଏଖନ ନିଜେର ଠାକୁମାଓ ଡାକେ ନା ତାକେ । ନାମଟା ଭାରୀ ଅପୟା ଯେ । ନାମ ଦେଉୟାର ପରପରଇ ହଠାଏ ଏକଦିନ ଆଲଟପକା ଜ୍ଵରେ ମରେ ଗେଲ ଛେଲେର ବାପଟା । ତାରପର କଟା ବଚର ନା ଯେତେ, ସେଇ ସଥନ ସବେ ବୁଲି ଫୁଟଛେ ତାର ଠୋଟେ, ତଥନ ଏକଦିନ ଦୂମ କରେ ପାଲାଲ ତାର ମାଟାଓ । ଦାଲାଲପୁର ହାଟେର ଏକ କାଗଢ଼ ବ୍ୟାପାରୀର ସଙ୍ଗେ । ସେଇ ଥିକେ ବୁଡ଼ି ଠାକୁମାଇ ଅନ୍ଧେର ଯଷ୍ଟି ହୟେ ଆଛେ । ଆର ଆଛେ ରେବତୀ ବୈରାଗୀ । ଯାର କାହେ ମନପାଣେର ସବ କଥା ଉଜାଡ଼ କରେ ଦେଯ ବାଲକ । ଅନ୍ଧକାର ଚୋଥ ଅନ୍ଧକାରେ ଭାସିଯେ ରୋଜ ଏକବାର ସାଁଖବେଲାଯ ପ୍ରଶ୍ନ କରେ,— ଆଜ ତାର ଦେଖା ପେଲେ ଗୋ ? ଓ ଠାକୁର ?

ରେବତୀ ବୈରାଗୀ ତଥନ ହୟତ ସବେ ଏସେ ବସେଛେ ତାଦେର ଦାଓଯାୟ । ପ୍ରଶ୍ନ ଶୁଣେ ରୋଜ ଏକବାର ତାର ଡାନାମେଲା ଚୋଖଦୁଟେ ଦୁଃଖବ୍ୟଥାୟ ବାଟଫଟ କରେ ଓଠେ । ଛେଲେଟାକେ ମିଥ୍ୟ ବଲତେ ପ୍ରାଣ ଚାଯ ନା । ଆବାର ସତିୟ ବଲତେଓ ହନ୍ଦଯ କାନ୍ଦେ । ଭାଙ୍ଗ ସ୍ଵରେ ଉତ୍ତର ଦେଇ,—ପେଲାମ ଗୋ ବଟେ ।

—କି ଦେଖଲେ ?

—ଆଜ ଦେଖି ସେ ପଞ୍ଚ ହୟେ ଫୁଟେ ଆଛେ । ହରିଣଦୀଘିର ଜଳେ ।

କୋନ୍ତିଦିନ ବଲେ,—ଗାଙ୍ଗେର ଜଳେ ଟେଉ ହୟେ ଦୁଲଛିଲ ଆଜ । ଯେଇ ନା ଜୋଯାର ଏଲ...

—আমার কথা বললে তাকে ?

—বলিনি আবার। দেখা হতেই বললাম ছেলে তোমার পথ চেয়ে আছে গো বৌঠান। একবার গিয়ে দেখে এস তাকে। বললে, যাব গো যাব। তাকে ছেড়ে থাকতে আমারও কি মন কাঁদে না !

—বললে এ কথা ! অঙ্গ ছেলের চোখদুটো টিপটিপ করে ওঠে। ছাইবরণ দুই মণি ওড়াউড়ি করে খাঁচাবন্দী পাখির মতো,—কবে সে আসবে !

—আসবে। আসবে। না এসে যাবে কোথায়। মায়ার ফাঁদে পৃথিবীটাই ধরা গড়ে আছে যে। রেবতী বৈরাগী ছেলেটার মাথায় হাত রেখে কথা ঘোরাতে চায়,—এসো, আজ নতুন গান শেখাই তোমাকে ।

ছেলেটার চোখ তবু ছটফট করে মরে। ঘরবিবাগী বৈরাগীরও চোখ জ্বালা করে তাই দেখে। এমন একটা ছেলে ফেলে কি করে যে পালায় মানুষ। ভাবতে ভাবতে ধরাগলায় গান ধরে,

—ও সুখ কোথায় উড়ে যাস,

নিজের বুকে খোঁজ করে দ্যাখ...

হেঁসেল থেকে ছেলের ঠাকুরা ডাকে,—ও শতদল, শতুরে, ভাত বেড়েছি। খাবি আয়।

হঁয়া গো হঁয়া। বারীন নয়, সুরেন নয়, ছেলের এখন নাম হয়েছে শতদল। বৈরাগী ঠাকুরই নতুন করে রেখেছে সে নাম। শতদল থেকে শত, শতু।

তা ছেলেটা শতদলের মতই ফুটে থাকে বটে। সারাটা দিন। অমন একটা ভাঙাফাটা ইটবালির জমিনটাতেও। বসে থাকে একভাবে। কানের কাছে যখন তখন ভ্যানরিঝা ভেঁপু বাজায়, মানুষজন কিচমিচ করে, হঠাত হঠাত কান ফাটিয়ে ডাক ছাড়ে আপ ডাউনের ট্রেনগাড়িগুলো। স্টেশনের ভেতর থেকে।

ভাঙা সিঁড়ির একটু তফাতে, এক ফালি মেঠো ভূমিতে দাঁড়িয়ে এক বৃক্ষ পিপুল। শাখাপ্রশাখা তার এই যদি ছায়া পাঠাল, তো এই ঝনবন রোদ। অঙ্গ বালক সেই রোদ-ছায়াতেই বসে থাকে একলা মনে। বসে থাকে আর সুরের মনে সুর ভাসায় ধুলো বাতাসে। আহা, কী ভাব সে সব গানে ! যেমন তার কলি, তেমনি হৃদয়ের তারছেঁড়া সুর। অংশুপতি কুণ্ডুর মতো ঘোর বিশ্বরী মানুষটারও বুক কেঁপে ওঠে মাঝে মাঝে। বুকের দোলায় গোটা অঙ্গ দুলতে থাকে। তালপাতার পাখা থেমে যায় হাতের মুঠিতে। দাঁড়িপাঞ্চার আড়াল থেকে কখনও-বা হাঁক দিয়ে ওঠে,

—আরেকবার ধর দিকিনি সুরটা। ওরে ও শতদল...

অঙ্গ ছেলে থমকায় দু'এক পালক। পেঁটলায় বাঁধা পাঞ্চার বাতিখানা হয়ত-বা খুলতে গিয়েও সরিয়ে রাখে পাশে,—কোন্ গানটার কথা বলছে গো জ্বাঠা ?

—আরে এই তো গাইলি একটু আগে।

—ও। থমকানো মুখে হাসি ফোটে ধীরে ধীরে। ফুল ফোটার মতো। সরু গলার লস্বা শিরাদুটো নেচে ওঠে সেই সঙ্গে,

—বুকের গাঁথে আসছে তুফান,

ও মন নৌকো বাঁধবি চল্...

আহা হা হা। রেবতী বৈরাগী এক একখানা গানও বাঁধে বটে। ও মন নৌকো
বাঁধবি চল্। অংশপতি মাথা দোলায়। ছন্দছাড়া বৈরাগীটা নিজেই যেন এক সুরের
আকর। নিজের তালে গান বাঁধে, নিজেই সুর বোনে তাতে। তারপর সে গান
যত্ন করে বিছিয়ে দেয় কানা ছেলের কষ্টে। অংশপতির বুকের মাঝখানটা কেমন
গুড়গুড় করতে থাকে। কোনওদিন পাঞ্চায় মাল তুলে বাটখারা দিতে ভুলে যায়,
বাটখারা চাপায় তো মালের কথা মনে থাকে না। খদ্দের তাগাদা দেয়,

—কি হল কুণ্ডুর পো, মাল মাপো।

অংশপতি সম্বিতে ফেরে বটপট। খদ্দেরের হাতে মাল দেবার সময় সে তিনবার
করে পয়সা শুনে নেয়। ভাবের ঝৌকেও বিষয়বৃক্ষি হারায় না কখনও। খদ্দেরের
শিশি থেকে গড়িয়ে আসা তেলটুকুও কাঁচিয়ে তোলে নিজের তেলের টুনে। বাইরে
সাইনবোর্ডে খড়িমাটি দিয়ে লিখে রেখেছে,—আজ নগদ, কাল ধার।

তা এ হেন অংশপতিকে কাজ ভোলায় আরেকজনও। সে হল গিয়ে রাজকুমারী।
উঁচু, রাজাৰ কন্যে নয়, একেবারেই আধবুড়ি, আধপাগলী মেয়েমানুষ একটা। থাকে
নাকি সেই গঞ্জের বাজারের পিছনদিকে। দু'হাত সমান এক হোগলার চালার নীচে।
একসময় নাকি বাঁধা ঘর ছিল তার মহকুমা শহরে। নিত্যদিন খদ্দের আসত সেখানে।
বড় বড় চাঁই সব। দারোগা, মহাজন, আড়তদার। সঙ্গে নামলেই ঘরের বাতি
জ্বালিয়ে, সেজেগুজে শুধু বসে থাকো রানির মতো, আৱ রাত পোহালে পয়সা
শুনে বাঙ্গে তোলো। সে সব ভৱা বাক্সগুলো কি করে যে শূন্য হয়ে গেল একে
একে! রোগেই গেল সে সব! নাকি ভোগে! না রাজকুমারী অত্যন্ত ভাবতে
পারে না আজকাল। বয়সের সঙ্গে সঙ্গে মাথাটাও তার বুড়িয়ে গেছে একেবারে।
হ্যাঁ। রোগে একটা তাকে ধরেছিল বটে। কবে যেন ধরেছিল? কত যুগ আগে?
কে জানে! তখন থেকেই বুঝি মানুষ আসা বন্ধ হয়েছে তার ঘরে। কোন্ মানুষটাই-
বা অমন কাঁলরোগ দিয়ে গেল শরীরে? মাছের বাজারের আড়তদার? নাকি
গাঙ্গপারের সেই ফর্সাপানা মহাজন? নাকি গঞ্জের বাজারের সব্জিজ্বলাগুলো?
নাকি আৱ কেউ? রাজকুমারী জানে না সে সব। দুনিয়াৰ মানুষেৰ মুখ কবে

থেকে সব এক রকম হয়ে গেছে তার কাছে। শুধু একটা মুখ ছাড়া। তাও কেমন
ঝাপসামতন। সেই যে, যার নাম ছিল অষ্ট। অষ্ট না বিষ্টু? নাহু, তার নামটাও
আর ঠিক ঠিক মনে নেই রাজকুমারীর। মনে আছে একটা শুধু মুখের আদল।
লম্বাপানা। বড় বড় চোখ। মহকুমার গলিটাতে এক বৃড়ি মেয়েমানুবের কাছে
রেখে দিয়ে মুখটা তাকে বলেছিল,—ভয় নেই রে কুসমি। মাসির কাছে টুকুনখানিক
থাক। আমি এই গেছি আর এসছি।

নাম তার মনে নেই, মুখ আবছা, শেষ কথাকটাই শুধু স্পষ্ট আজও আধাপাগল
মেয়েমানুষটার কাছে। কথাকটা মনে পড়লেই বুক কেমন হ হ করতে থাকে এতদিন
পরেও। গলগলিয়ে কান্না আসে কুসমির। থুড়ি। কুসমি না, রাজকুমারীর। কান্না
ক্রমে গান হয়ে যায় গলায়। মেয়েমানুষটা তখন কাঠির মত শরীর দুলিয়ে নিজেকেই
যেন ভেংচায়,

—নাগর আমার কাঁচা পিরীত
পাকতে দিল না,
সে আসবে বলে কথা দিয়েও
কেন এল না...

অংশুপতি কুণ্ডু অবশ্য এত বৃত্তান্ত জানে না কিছুই। যেমন জানে না চায়ের
দোকানী হারু পাত্র কিস্বা ভ্যানরিঙ্গালা বংশী বিশ্বর দল। মেয়েছেলেটাকে নিয়ে
বিনিপয়সায় মজা লোটে তারা সকলেই। যখন তখন, যেমন খুশি কেন একটা
স্টেশনে নেমে পড়ে রাজকুমারী। নামলেই হল আর কি। এন্টুকুন হাকুচ কালো
ফয়াটে শরীর। খসখসে খড়িওঠা গায়ের চামড়া। মাথার চুল সন্ধিসীদের জটার
মতো। তাতে আবার পুরোন এক টুকরো লাল ফিতের ফুল। কবেকার এক রঙজলা
ডেক্রুন শাড়ি কুঁচি দিয়ে পরে। তোবড়ানো গালে লাল রঙ মাখে। ঠোট রাঙায়
তেলাকুচোর ফল দিয়ে। কোটুরবসা চোখে ধ্যাবড়া করে কাজল টানে। কাজল
টানে, নাকি চোখ দুটো অমনিই মসী লেপা! অবশ্য ওইটুকুনি না সাজলে লোকে
দুদণ্ড তাকাবে কেন তার দিকে? না সাজলে নাচ জমবে কিভাবে? না নাচলে
পয়সা নেই। পয়সা না পেলে...। ভাবতে গেলেই পেটের নাড়িগুলো ক্ষিথেতে
দাপাদাপি করতে থাকে রাজকুমারীর। হটপাট বেরিয়ে পড়ে ধুলোকাদামাখা ঝুপড়ি
থেকে। এরপর এখান থেকে সেখান যায়। এ স্টেশন থেকে ও স্টেশন। পেটে
যেদিন দানাপানি পড়ল দুটো, তো সেদিন সেই মুখটাকেই খুঁজে মরে ঘোলাটে
চোখে। আজও। এতকাল পরেও। অভ্যেস।

লোকে শুধোয়,—কি দেখিস রে মুখের দিকে আমার? ফ্যালফ্যাল করে?
বুড়ো ভেড়ার মতো হলদেটে চোখের মণিদুটো তখন চিকচিক করতে থাকে,

—তোরেই খুঁজি নাগর আমার,

জেবন গেল তোরেই খুঁজে...

বলেই নাচতে শুরু করে। ডানহাতে কাপড়টাকে ঘাগরার মত ফুলিয়ে ঘুরে ঘুরে নাচে।

তবে তেমনভাবে আর নাচতে পারে কটা দিনই বা! উপোসী পেটে নাচ জমে না যে! নাচতে গেলে হাঁপিয়ে পড়ে। কালোকুলো শরীরটা হাঁপায় তখন হাপরের মত। ক্ষিধেতে চোখ ঝিম্ মেরে আসে।

—এবার একটা ডবলরুটি দাও। দাও নাগো!

অংশুপতি হ্যাহ্যা হাসে তাই দেখে,—দেব। দেব। তার আগে আরেকখানা নাচ দেখা। সেই যে রে সেই নাচটা...

হারু চেঁচায় চায়ের দোকান থেকে,—রুটি কি মাগ্না আসে? অঁয়া? নাচ হক। চাও দেব তাহলে।

বংশী দূর থেকে সিটি বাজায়,—নাচ মেরি জান্, ফটাফট্...

নিত্য অংশুপতিকে চোখ টেপে,—মাগীর সাজের বাহার কেমন দিনকে দিন খুলছে দেখেছ অংশুদা? কপালে আবার কাচপোকা টিপ সেঁটেছে।

—মানায় নি? বলো নাগো। রাজকুমারী কোমরখানা বেঁকাতে গিয়েও পারে না। মাজা খচখচ করে ওঠে। দিনভর কোথার থেকে যে কোথায় হেঁটে মরতে হয়। হাঁটাই সার। আজকালকার মানুষজন বড় সেয়ানা। দুদণ্ড দাঁড়িয়ে নাচ দেখে বটে অনেকেই, তারপর পেছন ঘুরে টিপ্পনী কেটে চলে যায় যে যার মত। হাত উল্টে আধ্লাটাও দিতে চায় না বাট করে।

অংশুপতি কুণ্ডুই শুধু দিয়ে ফেলে মাঝে মাঝে। নাচ দেখে মনটা খুশি হলেই দরাজ গলায় দোকানের ছোকরাটাকে বলে,

—দে। দিয়ে দে কোয়াটার একখানা।

—সঙ্গে তবে ভেলিগুড় দাও টুকুনখানিক। রাজকুমারী আঁকা ভুরু এদিক ওদিক ওড়াবার চেষ্টা করে। ঠিক ঠিক আর ওড়ে না। কেমন ভাঁজ পড়ে। রঙমাখা গাল তুবড়ে মুবড়ে চুকে যায় মুখগহুরে।

এসব দেখেই অংশুপতির রসেবশে দিন কাটে। কারবারের ফাঁকে ফাঁকে মাপমতো রস টেনে নেয় বুকে। রস নিয়ে খেলা করে। আর মাঝে মাঝে দোকানের ছেলেটাকে ধমকে ওঠে,—ঠিকভাবে মাপ। ঠিকভাবে মাপ। আহ, অতখনি চিনি ফেলে দিলি!

সকাল গড়িয়ে দুপুর আসে। দুপুর গেলে বিকেল। তখনও হয়ত বসে বসে গান গেয়ে চলেছে অঙ্গ শতদল। ঠাকুমাবুড়িটা তাকে নিতে আসে তারও পরে।

একেবারে সেই সাঁওয়ের মুখে। ঘরের মানুষ ঘরে ফেরে যখন। স্টেশন বাতিরা টিপটিপ ছলে ওঠে। স্টেশনের ওপারে সঙ্ক্ষ্যাবাজার বসে। লাইন পারের চোলাইখানায় আসর জমতে শুরু করে।

ঠাকুমাবুড়ি এসে নাতি তোলার আগে পয়সা তোলে। পাঁচ পয়সা, দশ পয়সা, বিশ, পঁচিশ। কোনওদিন পাঁচ ছ টাকা অদি পৌঁছে যায়। তবে তা কোনও কোনও দিনই। যেসব দিনে হাট বসে দালালপুরে, বড় বড় ব্যাপারী আসে, সে সব দিনে। বাকি দিন দুই আড়াই তিন মেরে কেটে চার। গুনে গুনে পয়সা তুলে বুড়ি আঁচলে ঝাঁধে। সেই আঁচলে ঘাম মুছে নেয় নাতির মুখের। সোহাগমাখা গলায় বলে,

—ও দাদু, পাঞ্জাটুকুন সব খেয়েছিলি তো?

জিজ্ঞেস করার কারণও আছে। অংশুপতির মুখে শুনেছে নাতি নাকি প্রায়ই তার পাঞ্জার ভাগ দেয় আধবুড়ি বেবুশ্যেটাকে। মাসি-বোনপো হয়েছে নাকি দূজনে। ঘুরে ফিরে তাই রোজই এক প্রশ্ন করে।

শান্ত নাতি ঘাড় নাড়ে। ডবকা মতন টিফিন বাটিটা হাতড়ে হাতড়ে তুলে নেয় বগলের কাছে। হলুদ ছোপ দাঁতে হাসি ফোটে,

—কাল আমাকে বাদামনাড়ু কিনে দিবি দুটো?

—কেন?

—রাজকুমারী মাসিকে দোব।

—খবরদার। বুড়ি বনবানিয়ে ওঠে,—তোকে না বারণ করিছি তার সঙ্গে কথা বলতে?

নাতি তবু বলে,—মাসি বড় ভাল গায় রে ঠাকুমা। হ্যারে।

—গাক গিয়ে। আর মা মাসি পাতাতে হবে নি। অনেক মা মাসি দেখলাম!

ছেলেটা তখন চুপ মেরে যায়। মুখখানা থমথম করে ওঠে।

ঠাকুমাবুড়ি আদর করে কাছে টানে তখন,—চল, তোকে কাঠি আশৃকিম কিনে দোব চল।

কোনওদিন বলে,—তোর জন্য কেমন কুচো চিংড়ির বোল রেঁদে রেখেছি দেকবি চল। আর গরম গরম ভাত।

ঠাকুমার কাঁধে হাত রেখে নাতি উঠে পড়ে একসময়। পা ঘসে ঘসে এগোয় মেঠো পথ ধরে। যত দূর চোখ যায়, দু-ধারে শুধু ধনভূমি আর খোলা আকাশ। আর ছড়িয়ে থাকা গাছগাছালি। সে সব পেরিয়ে মাইল দেড়েক হাঁটলে তবে দুধকুমড়ো গাঁ। গাঁয়ের পুব কোণে বুড়ির ছোটখাটো ভিটে। রেবতী বৈরাগীর চালা তার কিছুটা আগে। গাঁয়ের একটু বাইরে। একেবারে ফাঁকা ধানবাদার মধ্যখানে। যেতে যেতে ঠাকুমা নাতি ক্ষণিক দাঁড়াবে বৈরাগীর দুয়োর ধারে। দাঁড়াবেই।

—ও বোরেগীঠাকুর, ঘরে ফিরেছ নাকি?

বৈরাগী এক ছুটে দালান ধারে এসে দাঁড়াবে সেসময়,

—এসেছি ভাই শতদল। এই তো এলাম।

—কদ্দুর গিয়েছিলে গো আজ?

—সে অনেক দূর। নদী পেরিয়ে, নৌকো বেয়ে সোনাবাঁধ। সেখান থেকে
গাজির গা, ইচ্ছেপুর....

বুড়ি হিসেবী পশ্চ তুলবে,—কত মিলল?

—এই মিলল। প্রাণ পাখিটার পেট ভরাতে যত্নে কুন খুঁদ লাগে আর কি।

বুড়ি সাবধানে চারদিক দেখে নেবে তখন। না, ধারে কাছে কেউ তেমন নেই।
ভাঙা ঘরের চাল উড়িয়ে উদোম বাতাস ঘুরছে শুধু। সেই বাতাসে স্বর মিলিয়ে
প্রায়দিনই ফিসফিস করে উঠবে বুড়ির গলা,—শুভ আজ মোটে দুটাকা রোজগার
করেছে গো ঠাকুর। দুমুঠ চাল যদি ধার দাও....

বৈরাগী নির্মল হাসবে তখন। তার চাল বিনা বুড়ির যেন জল ফোটে না।
হাসতে হাসতে বলবে,—ঘরে যাও গো মাসি। আমি আসছি।

শতদল এত কথা শুনেও শোনে না যেন। বৈরাগীকে দেখলেই ধনু তার ডানা
বাপটাতে শুরু করে দেয়। আজও কি তার মাকে দেখতে পেয়েছে ঠাকুর? কি
হয়েছিল আজ মা? সোনাবাঁধের মাছরাঙা? না গাজিপুরের রোদুর? ভাবতে ভাবতে
আঁধারনামা আকাশে পাঠিয়ে দেবে জ্যোতিহীন চোখদুটোকে। তারারা তখনও সব
ফুটেছে, কি ফোটে নি। যিম যিম বাতাস দুলছে নিম সজনের ডালে। পৃথিবীর
চোখে ঘূম নামছে। সেই তন্ত্রা তন্ত্রা ভাবটুকু ছিঁড়ে তখনই হয়ত হঠাৎ উড়ে
যাবে কোন একলা পাখি। ঘরে ফিরতে দেরি হয়ে গেছে যার। পাখিটাকে শতদল
দেখতে পাবে না। শুধু শুনবে তার ডানার শব্দ। শব্দটুকু বুকে নিয়ে ঘরে ফিরবে
চৃপচাপ। বাঁশের খুঁটিতে হেলান দিয়ে নিঝুম বসে থাকবে। অপেক্ষা করবে আরেকটা
শব্দের। বৈরাগী ঠাকুরের পায়ের শব্দ।

তারও পরে, রাত আরও গভীর হলে, অংশুপতি কুণ্ড ঘরে ফেরার পথে রোজ
একবার শুনতে পাবে দুই গায়কের গলা। গায়ক নয়, দুই ভাবের ভাবুক ভাবের
রসে মজে আছে। যেদিন অংশুপতি লাইনের ধার থেকে দুএক পাত্র চড়িয়ে আসে
গলায়, সেদিন একবার করে দাঁড়ায় শতদলের ঘরের সামনে। মাতাল গলায় সুর
আনতে চেষ্টা করে। পারে না। রাত গড়িয়ে চলে।

দিন তো আসে রোজই। নিয়ম করে। রোজই চলে যায়। তবু তার মধ্যেও

এক একটা দিন কেমন অন্যরকম হয়ে যায়। আচমকা আশ্চর্য কোনও ঘটনা ঘটে যায় এক একদিন। যেমন আজই হল। কাজ ভুলে অংশপতি হতবাক চেয়ে রইল অনেকক্ষণ। কথা ফুটল তারও অনেক পরে,

—তুমি নয়ন বৌঠান না!

—চিনতে পেরেছে তাহলে? নয়নতারা আলগাভাবে ঘোমটা সরাল কপাল থেকে। একমাথা মেটে সিঁদুরে জ্বলজ্বল করছে সিঁথি। টকটকে লাল এতখানি চাকতি টিপ কপালে। প্রথমটা চিনে উঠতে অসুবিধে হয় বইকি। কি ছিল কি হয়েছে এই ক'বছরে। ক'বছর যেন? চার? না ছয়? সেই রোগাভোগ চেহারাই আর নেই নয়নতারার। ভরাট স্বাস্থ্য টস্টস করছে শরীর। গায়ের রঙ ফর্সা আগের থেকে। দেখলেই বোঝা যায় দিব্যি-সচ্ছলতায় আছে। থাকবে নাই-বা কেন? নতুন সোয়ামি দোকান দিয়েছে মহকুমা শহরে। হাটে ঘাটে আর ঘুরে বেড়ায় না। শাড়ি ধূতির সঙ্গে জামাপ্যাণ্টের কাপড়ও নাকি রাখছে আজকাল দোকানে।

এত খবর অংশপতি পায় গঞ্জের নটবর হাজরার কাছ থেকে। নিজের দোকানের মাল তুলতে গিয়ে। তার কাছেই শোনা নয়নতারা নাকি আরও দুটো ছেলের মা'ও হয়ে গেছে ইতিমধ্যে। তারা কেউই কানা খেঁড়া নয়।

কথাটা মনে পড়তেই অংশপতি আড়চোখে একবার দেখে নিল সিঁড়িতে বসা দুঃখী ছেলেটাকে। দড়িবাঁধা সস্তা দামের একটা প্যাণ্টুলুন মাত্র পরনে। খোলা গায়ে প্রকট বুকের খাঁচা। তেলবিহীন চুল রুক্ষ, কাঙাল। অংশপতির দুই ভুঁক জড়ে হল,

—এতদিন পর এদিকে কি মনে করে?

কেউ যেন শুনতে না পায় এমনভাবে ফিসফিস করল নয়নতারা,

—ওদিক পানে আসো তো বলি।

ভরাবেলায় দোকানে এখন বন্দের গজগজ। এ যদি চাল চাইছে তো ও চাইছে কেরাসিন তেল। দোকান ছেড়ে ওঠা মুশকিল। অংশপতি তবু ঝপ করে না বলতে পারল না। কৌতুহল হামা টানছে মাথায়। নিচু স্বরে বলল,—ঠিক আছে! বোসো একটু।

ডাউনে গাড়ি চুকছে স্টেশনে। ভোঁ বাজিয়ে ছেড়েও গেল। নয়নতারা সরে দাঁড়াল একধারে। চওড়াপেড়ে তাঁত শাড়িতে আরও ভাল করে ঢেকে নিল মুখ যেন কেউ চিনে না ফেলে। ভিড় একটু কমতে মেঠো পথের দিকে গেল পুঁচার পা। কি ভেবে ফিরল আবার। স্থির হয়ে কয়েক পলক দেখল অভাগা ছেলেটাকে। এগোতে গিয়েও এগোল না। ঘোমটার ফাঁক দিয়ে অস্থির চোখে অংশপতিকে

দেখল। অংশুপতিও আড়েঠারে দেখে নিছে মেয়েমানুষটাকে। কি মতলবে এসেছে এখানে? এতদিন পর? ট্রেন থেকে নেমে ছেলের সঙ্গেই কথা বলছিল প্রথমে। কি বলেছে কে জানে! ছেলেটা গান টান থামিয়ে বসে আছে তখন থেকেই। শুন্য চোখে কি যেন ভাবছে। অন্ধ চোখে মনের ভাষাও ছাই ফোটে না।

অংশুপতি ক্রমে অধৈর্য হল। নয়নতারা ফের যাচ্ছে ছেলের দিকে। অংশুপতি এক লাফে নেমে এল দোকান থেকে। একেবারে নয়নতারার পথ আগলে দাঁড়িয়েছে, —কি বলতে চাও চটপট বলে ফ্যালো।

আশপাশের লোকজনের কৌতুহলী দৃষ্টি দুজনের দিকে। তবে নয়নতারাকে দেখলেও ঝাপ করে চিনতে পারবে না কেউ। দুধকুমড়োর মানুষও এদিকে এখন নেই বিশেষ। তবু নয়নতারা ঘোমটা সরাল না একটুও। কালামুখ দেখাতে বুঝি লজ্জা পাচ্ছে। কাপড়ের ফাঁক দিয়ে মদু গলায় বলল,—ছেলেটাকে নিয়ে যেতে এসেছি ঠাকুরপো।

দুধকুমড়োর অংশুপতি চকিতে গোটা গাঁয়ের মাতব্র হয়ে গেল যেন। কড়া গলায় জেরা শুরু করল,—কেন?

—বারে, নিজের ছেলেকে নিজে নিয়ে যাব...

—না। অংশুপতির গলা কঠিন হল আরও,—কিসের ছেলে তোমার? কে ছেলে? ফেলে পালানোর সময় মনে ছিল না?

নয়নতারা মাথা নামাল।

—দ্যাখো বাপু, এতদিন-পর তোমার এখানে আসা ঠিক হয়নি। তোমার শাশুড়ি জানলে পরে... বলেই খেয়াল হল আরে, নয়নতারা তো বিয়ে করেছে ফের। আগের শশুরঘর ত্যাগ করে। বিধবা কপালে সিঁদুর এঁকে... কথাটাকে গপ করে গিলে নিল অংশুপতি,—মানে তোমার সঙ্গে আর কোনও সম্পর্ক নেই তার বুঝালে। কেউ না দেখুক, আমরা তো দেখেছি অন্ধ ছেলেটাকে কী কষ্টেই না মানুষ করছে বুঝিটা। কত দুঃখে, শোকে-তাপে...

সহসা নয়নতারা কেঁদে উঠল ফোঁচ ফোঁচ করে। কাঁদতে কাঁদতে অংশুপতির পায়ের গোড়ায় পড়ে যায় আর কি!

অংশুপতি সামান্য নরম হল,—ফোঁপানোর কি আছে? যাও না ছেলেকে গিয়ে বলে দ্যাখো...সে যদি নিজে থেকে যেতে চায়...

—তুমি একটু তাকে বলে দাও তবে। নয়নতারা নাক টানল,—বলে দাও যে আমিই তার মা।

—আমি কেন? তুমি তাকে বলো নি?

—বলেছিলাম। ঘোমটা দিয়ে চোখ মুছল নয়নতারা,—কতবার করে বললাম। সে মোটে বিশ্বাসই করতে চায় না। বলে মা নাকি তার পাখি হয়ে বাসা বেঁধে আছে ইচ্ছেপুরের কোন শিমুল ডালে। বলতে বলতে আবার ঝুঁকেছে,—তোমার পায়ে পড়ি ঠাকুরগো, তুমি বললে সে বিশ্বাস করবে।

অংশুপতি কয়েক পা পিছোল এবার। বিষয়বুদ্ধি চিড়িক চিড়িক করে যেন টোকা দিচ্ছে মাথায়! ভেবে নিতে কয়েক মুহূর্তের বেশি সময় লাগল না। বুড়িটার সঙ্গে একটু বেইমানি করা হয়, তা হোক। এ সুযোগ ছাড়া বুদ্ধিমানের কাজ হবে না। আর এমন কিই-বা বেইমানি? মা যদি সত্যি সত্যি ছেলে নিতে আসে, তাহলে তাকে তার কাছে ফিরিয়ে দেওয়াই তো ধর্মের কাজ। ছেলেটাও কবে থেকে পথ চেয়ে বসে আছে। তা বলে মা যে অন্যায়টা করেছে তার মাশুল দেবে না? মূল্য ছাড়া কিছু পাওয়া যায় না দুনিয়ায়। অংশুপতি গলার সঙ্গে বিবেকটাকেও ঘেড়ে পরিষ্কার করে নিল,

—বলতে পারি; তার বদলে কিছু টাকা দিতে হবে।

প্রস্তাবটার জন্য আদৌ তৈরী ছিল না নয়নতারা। ছট করে তাই উন্নত করতে পারল না কোন। ঘোমটার জন্য মুখের ভাবও তার বোঝা যাচ্ছে না। অংশুপতি আরও ভাল করে গলা ঝাড়ল,

—ভাবো। ভেবে দ্যাখো। আমি ছাড়া এ চতুরে আর কেউ চেনে না তোমাকে। তোমার নিজের পেটের ছেলেও না। যারা চেনে তাদের কাছে যদি যেতে চাও, যেতে পারো। দ্যাখো গিয়ে গাঁয়ে, তারা যদি তোমায় পুজোআচ্চা করে ছেলে কোলে তুলে দেয়...

অংশুপতি একদৃষ্টে তাকিয়ে আছে ঘোমটার দিকে। ঘোমটা? না ফাঁনা? নড়ে না, চড়ে না। অংশুপতির চোখ জলজল করছে আশায়। শেষে ফাঁনা ডুবল,

—কত দিতে হবে?

অংশুপতি ঢেঁক গিলল,—পাঁচশো।

—পাঁআআচ শো? নয়নতারার গলা কেঁপে গেল।

—ঠিক আছে। অন্তত তিনশো দাও...

নয়নতারা মাথা দোলাল। খুব বেশি চিন্তার অবকাশ নেই। আজ সে ছেলে নিয়ে যেতেই এসেছে। এ কটা বছর গুমরে গুমরে মরেছে শুধু। সাহস করে আসতে পারে নি কিছুতেই। শেষে ঘরের মানুষটা ভরসা দিতে...। ডান হাতে ঘোমটা ধরে অংশুপতির দিকে সোজাসুজি তাকাল,—অত তো কাছে নেই।

—কত আছে?

—কত আর। এই পঞ্চাশ মতন।

—মাত্র? তোমার তো এখন রমরমা অবস্থা। অংশুপতি ঠোট বেঁকাল,—অত কমে হবে না। ছেলে ফেরত নেবে... পাপ কাজ করাবে আমাকে দিয়ে...

—ঠিক আছে। নয়নতারার মুখ ঘুরল অঙ্গ ছেলের দিকে,—দুচার দিন পরে এসে বাকিটা দিয়ে যাব।

—তাহলে তখনই ছেলে নিয়ে যেও। দোকানের সাইনবোর্ডটার দিকে তাকাল অংশুপতি,—মনে রেখো, এখান থেকে ছেলে নিয়ে যেতে হলে ওই তিনশোই শেষ কথা।

নয়নতারা তবুও নিখর দাঁড়িয়ে রইল। কিছুক্ষণ পর মন্ত্র পায়ে হাঁটতে লাগল স্টেশনের দিকে। সিঁড়ি দিয়ে ওঠার সময় ছেলের সামনে দাঁড়িয়ে পড়ল। উবু হয়ে বসে খানিক আদর করল ছেলেকে। নিচু গলায় বললও কিছু। তারপর আশপাশের লোকের চোখ বাঁচিয়ে পঞ্চাশ টাকার নোটখানা গুঁজে দিল ছেলের হেঁড়া কাঁধার নীচে।

সাঁঁথবেলাতে নাতিকে নিতে এসে হাউমাউ করে উঠল ঠাকুমাবুড়ি,—ওরে ও অংশুপতি... অংশুপতি রে... দেখে যা কি সর্বোনাশ হয়েছে।

অংশুপতি দোকান থেকে নিতান্ত নিরাহ মুখে নেমে এল,—কি হয়েছে মাসি? চিন্মাছ কেন?

—চিন্মোব না? এই দ্যাখ কি হয়েছে। শতু বলছে তার মা হারামজাদী আজ নাকি এসছিল। এই দ্যাখ, গোটা একটা পঞ্চাশ টাকার নোট দিয়ে গেছে তাকে।

—তাই নাকি? অংশুপতি আরও অবাক ভাব আনল মুখে—কখন এসেছিল? কই, আমার চোখে তো পড়েনি।

—আমি দেখেছি। আমি। হরু দমকা হাওয়ার মত চিন্কার করে উঠল চাদোকান থেকে,—তুমিও তো কতক্ষণ গুজ গুজ করলে তার সঙ্গে।

—তুই চুপ কর তো। অংশুপতি জোরে ধমকে উঠল,—সে কেন শতুর মা হতে যাবে? তাকে তো আমি চিনি। সে হল ওই দালালপুরের মণ্ডলদের নতুন বউ। ওর দাদা ছিল আমার ন্যাংটোবেলার বন্ধু।

—হ্যাঁ গো মাসি। বংশী সায় দিল,—খুব বড়লোকের বউ বলে মনে হল।

—ওয়া গো? বুড়ি কপালে তুলল চোখ,—সেই এত বড় টাকাটা দিয়ে গেল শতুকে! কেন দিল!

—কেন আবার। মায়া জেগেছে বোধহয়। তে মার নাতিকে দেখলে কার না

মায়া জাগবে। নিখুত অভিনয়ে দিব্যি বুড়িকে ভুলিয়ে ফেলল অংশুপতি। ধুলো ছিটোল আর পাঁচটা চোখেও। সঙ্গে সঙ্গে মনে আফশোসও আসছে বড়। তার চোখ এড়িয়ে নয়নতারা কথন চালান করল টাকাটা? শতদলের দিকে চোখ ঝুঁচকে তাকাল। এত কথার মাঝেও চুপ করে বসে আছে ছেলেটা। একসময় ঠাকুমাৰ কাঁধ আঁকড়ে উঠে দাঁড়াল। অন্ধ চোখ দুটো কষ্টব্যথায় ছলছল করছে কি? নাতিঠাকুমা গাঁয়ের পথে অঙ্ককারে মিলিয়ে যেতে অংশুপতি মনে মনে বলল,—মাপ করে দে বাপধন। মন থারাপ করে থাকিস্ন না। তোর মনের ইচ্ছে আমিই পূরণ করে দেব। সবুর ক্ৰ। আৱ দুটো দিন সবুর ক্ৰ।

হঁা সবুর কৱা। এ পৃথিবীতে সবুর তো করছে সবাই। শতদল যদি করে তার মায়ের জন্য, অংশুপতি করে টাকার। শতদলের ঠাকুমা যদি পথ চেয়ে থাকে সুখের, তো রেবতী বৈৱাগী দিন শুনছে সুন্দরের। অমন যে ন্যালাক্ষ্যাপা আধবুড়ি বেশ্যাটা, সেও দ্যাখো জীবনভৰ খুঁজে বেড়ালো সেই নাগরটাকে। অষ্ট, না বিষ্টু ধার নাম। আসবে বলে কথা দিয়েও যে আৱ ফেৱে নি কোনওদিন। এভাবেই জীবনের জন্যে প্রতীক্ষা ফুরোলে তবেই কি মৃত্যু আসে? নাকি মৃত্যুতেই শেষ হয় প্রতীক্ষা? কে জানে! একেবাবে শেষকালে আধপাগলি রাজকুমাৰী নাকি দেখা পেয়েছিল সে নাগৱের। সত্যি কি পেয়েছিল? ঘটনা যাই হক, গঞ্জটা কিন্তু মুখে মুখে রটে গেছে অনেকদূৰ পর্যন্ত। এ স্টেশন থেকে সে স্টেশন। এ গাঁ থেকে সে গাঁ।

হৰু বলে,—বুবালে অংশুদা, আমাৰ এক বন্ধু নিজেৰ চোখে দেখেছে। শম্পানগৱ ইস্টশনে দাঁড়িয়ে ছিল রাজকুমাৰী। বোধহয় এদিকপানেই আসছিল।

—নারে, এদিকপানে নয়। বংশী চোখ ঘোৱায়,—শহৱেৰ দিকেই যাওয়াৰ মন ছিল। তা হল কি, একটা এই ছোকৱামতন মানুষ দাঁড়িয়ে ছিল অন্যপাৱে, রেলিঙ্গ-এৰ ধাৱে। একটু বুবি রোগামতন গড়ন, বড় বড় চোখ। ইচ্ছেপুৱেৰ দিকে না কোথায় থাকে। তাকেই দেখে মেয়েছেলেটা...

—ছোকৱা মত...? অংশুপতি বাবৰাব জিজ্ঞাসা কৱা প্ৰশ্নটা আবাৰও ছোঁড়ে ছেলেগুলোৱ দিকে। হিসেবটা মেলাতে পাৱে না কিছুতেই। ছোকৱাই যদি হবে তবে সে আধবুড়িটাৰ নাগৱ হয় কি কৱে?

—ওই তো হল কথা। হৰু মাথা নাড়ে,—এই না হলে বলে পাগলেৰ বেৱেন। পাগল বলেই না ছেলেৰ বয়সী ছেলেটাকে জাপটে ধৱল অমন কৱে। সঙ্গে সেকি কান ফাটানো চিৎকাৱ,—পেয়েছি গো। এতদিমে খুঁজে পেয়েছি।

অংশুপতি বলল,—শুলজাম ছেলেটা নাকি ছাড়িয়েও নিয়েছিল নিজেকে?

নিয়া ফোড়ন কাটে,—সে তো খানিক ধস্তাধস্তির পরে গো। প্রথমটা সেও
তো ঘাবড়ে মাবড়ে একসা। বলে,—করো কি মাসি? করো কি? রাজকুমারীর
রঙ কাদা সবই নাকি তার শরীরে ল্যাবড়ালেবড়ি তখন।

—এ হে হে।

—এহেই বটে। ছেলেটা তো নিজেকে ছাড়িয়ে নিয়ে লাইন টপকে ওপারে
চলে গেছে; রাজকুমারীও তাকে তাড়া করতে করতে একেব্বরে রেললাইনের
মধ্যখানে।

—কিসে কাটা পড়ল? আপে? না ডাউনে?

—আপেই বুঝি।

—না, না, ডাউনের গাড়ি ছিল।

অংশুপতি মুখটাকে করুণ করে,—মেয়েমানুষটা বড় মজা দিত গো এসে।
রুটিটা শুড়টা চাইত। বলতে বলতে হয়ত-বা কোন খদ্দেরের কাছ থেকে পয়সা
নিতে ব্যস্ত হয়ে পড়ে। সঙ্গের মুখে এখন রোজই একবার করে শোকসভা বসছে
রাজকুমারীর জন্য। অংশুপতির আমকাঠের তক্ষটাতে এসে জড়ো হয় সকলে।
টাটকা টাটকা মারা গেলে মানুষ তাকে স্মরণ করবে না দুটো দিন? টাটকাই তো।
সেই যে সেদিন নয়নতারা এল, তার পরের পরের দিনই তো মরল রাজকুমারী।
তারপর আর কটা দিনই বা গেছে! শুক্রুরটা বাদ দিলে শনি রবি সোম তিনদিন।
সত্তা করতে করতে অংশুপতি মাঝে মাঝে ভাঙা সিঁড়িটার দিকে তাকিয়ে বড়
শাস হেঁচে। কদিন ধরে শতদলটাও আর আসছে না। সেই যে সেদিন কানে
কানে কি বলে গেলে নয়নতারা, তারপর থেকে ছেলের ধূম জ্বর। কালকে
দালালপুরের ডাঙ্কারের কাছে নিয়ে গিয়েছিল রেবতী বৈরাগী। বৈরাগীকে এখন
একটু আধুটু এড়িয়েই চলছে অংশুপতি। যে যাই বলুক, লোকটার চোখের দিকে
তাকিয়ে মিথ্যে কথা বলতে পারা যায় না।

পাঁচজনের পাঁচ কথার মাঝেও অন্যমনস্ক হয়ে পড়ছে অংশুপতি। নয়নতারা
পরদিনই সঙ্গের সময় এসেছিল আবার। গোপনে। ওই পিপুল গাছতলায়।

শুকুরপো। বাকিটা সামনে হপ্তায় দেব।

শুকুরপো নিয়ে অংশুপতি ট্যাকে গুঁজেছে সেই টাকা। ছেলের জ্বরের
কালকে একটু পুরু হয়ে আসে। এইচে করেই বলেনি। বললে আবার কি অনথ
কালকে চলে যেতে একদিন বুক কাঁপেনি
কালকে এমন উতলা হয় মানুষ! মানুষের

অংশুপতি দোকান ছেড়ে বেরিয়ে পড়ল। নিজের মনটাও কদিন ধরে কেমন যেন তালবেতাল দুলতে শুরু করেছে। কিছুতেই বাগে রাখা যাচ্ছে না। কোমর চেপে অংশুপতি আড় ভাঙল শরীরের। দেখাদেখি হাঙুও উঠে দাঁড়িয়েছে,

—আরে অংশুদা, আজ এত তাড়াতাড়ি বাঁপ নামাছ?

—ভাঙ্গাগচ্ছে না। অংশুপতি হাই তুলল বড় করে,—গাটা কেমন ম্যাজ ম্যাজ করছে।

—বুঝেছি। এখন বুঝি লাইনের ধারে যাবে?

অংশুপতি জবাব দিল না। কাজের ছোঁড়াটাকে দোকান বন্ধ করতে বলে এগোতে থাকল পায়ে পায়ে। গলাটা সত্যিই সুড়সুড় করতে শুরু করেছে। প্রায় তিনদিন হল একদম গলা ভেজানো হয় নি। কেন যে হয়নি!

গভীর রাতে টইটুষ্ণুর মাতাল অংশুপতির গলা শোনা গেল মেঠো রাস্তায়। চুরচুর হয়ে ঘরে ফিরছে। যেতে যেতে রেবতী বৈরাগীর দুয়োর ধারে দাঁড়াল কয়েক মুহূর্ত। আধবোজা চোখে তাকাল অঙ্ককার কুঁড়েটার দিকে। বৈরাগী ঠাকুরের সঙ্গে দুটো কথা বলার দরকার। টলমল পা আবার এগোল। শতদলদের বেড়ার ধারে পৌছেও কি ভেবে দাঁড়িয়ে রইল চুপচাপ। মাটির দাওয়া থেকে বৈরাগী ঠাকুরের গলা ভেসে আসছে। সেই গলার সঙ্গে তাল রেখে সরসর শব্দ তুলছে খেজুর পাতা। অঙ্ককার বহে যাচ্ছে শ্রোতের মত। একটু বুঁকে অংশুপতি উঁকি দিল ভেতরে। তালপাতার চাটাই-এর ওপর শুয়ে আছে অভাগা ছেলেটা। মাথার ধারে রেবতী বৈরাগী। পায়ের কাছে বৃক্ষি ঠাকুমা। টিমিটিম এক টেমি জলছে তিনজনার মাঝখানে। ক্ষীণ আলোতে তিনজনই কেমন ছায়া ছায়া।

অংশুপতি দুহাতে চোখ ঘসল। নয়নহীন ছেঁহে জ্বরে বেঁক্ষ। এই বেলা কথাটা সেরে ফেলা যায়। গলা খাঁকারি দিল জোরে।

সঙ্গে সঙ্গে ঘুরে তাকিয়েছে বৈরাগী,—কে? কে ওখানে?

অংশুপতি পা বাড়াতে গিয়ে মাড়িয়ে ফেলল একখানা শুকনো পাতার স্তুপ। মচমচ শব্দ উঠল,—আমি। আমি বটে। অংশুপতি।

—আরে, আরে, ভেতরে এস।

—নাহ। ঘরে ফিরছি। তুমি এটু বাইরে এস দেখি।

বৈরাগী উঠে বেড়ার ধারে এসে দাঁড়িয়েছে। খানিক তফাতে অংশুপতি। মাঝখানে চাকা চাকা আঁধার। অংশুপতির মাতাল হাত সেই অঙ্ককার সরানোর চেষ্টা করল প্রাণপণে,

—সেদিন শতুর মা এসছিল আমার কাছে।

—আস্তে। আস্তে বলো। বৈরাগী নিজেই অঙ্ককার ভাঙল,—ওরা শুনতে পাবে।

—পাক্ গো। তাতে আমার কি?

—তোমাকে বলতে হবে না। বৈরাগী মাথা দোলাল,—আমি সব খবর রাখি।
নয়ন বৌঠানের সঙ্গে আমার পেরায়ই দেখা হয়।

—তাহলে? অংশুপতির গলা চড়ল সামান্য,—তাহলে ছেলেটাকে মিছে কথা
বলো কেন? পদ্ম হয়ে ফুটে আছে... পাখি হয়ে গাছে আছে... গাছে দোলে... দোল
দোল..

বলতে বলতে টলে থায় পড়ে যাচ্ছে, বৈরাগী তাড়াতাড়ি ধরে ফেলেছে তাকে।
নরম চোখে হাসছে,

—ছেলেটাকে মেরে ফেলতে চাও অংশুভাই?

—কেন? মরার কি আছে? মায়ের ছেলে মায়ের কাছে যাবে...

—স্বপ্ন চলে গেলে ছেলেটার আর রইল কি? বৈরাগী একদম নিচু গলায়
ফিসফিস করে উঠল,—স্বপ্ন নিয়ে যে ক'দিন বাঁচে মানুষ, সে-কদিনই তো
সত্যিকারের বেঁচে থাকা গো।

কথাটা গিয়ে কোথায় যেন ধাক্কা মারছে। নেশা ছুটে যাচ্ছে অংশুপতির। বৈরাগীর
হাত ছাড়িয়ে ধীরে ধীরে ইঁটতে শুরু করল। অঙ্ককার ডিঙিয়ে ইঁটছে থপথপ।
কথাটা মন্দ বলে নি বৈরাগী। থাক তবে। নয়নতারাও অপেক্ষায় থাক। ছেলের
মত। ছেলের স্বপ্নের মত। টাকাটা তাকে ফিরিয়ে দিলেই হবে।

সাপুইদের পুকুরপাড় অব্দি গিয়ে ধপ করে বসে পড়ল পাঁড় মাতাল মানুষটা।
জলের গায়ে ওটা কার মুখ? রাজকুমারীর না? ভেসে উঠছে। মিলিয়ে যাচ্ছে।
কাল কি হবে কে জানে। তবে এখন হঠাৎ গান আসছে অংশুপতির বুকে। আশ্চর্য!
ঘাসের ওপর থেবড়ে বসে মানুষটা হেঁড়ে গলায় গান ধরেছে,

বুকের গাণে আসছে তুফান...

গাইতে গাইতে হ হ করে জল নেমেছে ঘোরবিষয়ীর ঘোলাটে চোখ বেয়ে।
আকাশ থেকে জলের বুকে ঝুঁকে পড়ে রাতের তারাগুলো মন দিয়ে শুনছে সেই
গান।

বিকেল ফুরিয়ে যায়

সুন্দর থেকে বেরিয়ে মিনিট পনেরো হাঁটার পর, গলির মুখে এসে দুজন দুদিকে। মানসী, মানে মানি, বাঁয়ে। আমি ডান দিকে। ডান দিকে ঘূরে বাঁ দিক, বাঁ দিক ধরে সোজা এক ছুটে বাড়ি।

বাড়ি চুকতেই কাঁধের ব্যাগ ছিটকে গেল খাটের ওপর। ভিতর বারান্দার চেয়ারে বসে ঝড়ের গতিতে খোলা হয়ে গেল কালো রঙের ব্যালেরিনা জুতো, নীল বর্ডার দেওয়া মাইলনের মোজা। ছড়ন্দুম করে হাত দুটো খুলে ফেলছে নীল-সাদা ইউনিফর্ম। নীল কাপড়ের বেল্ট মুখ খুবড়ে পড়ল চৌকাঠের পিঠে। খোলার চেয়ে তাড়াতাড়ি পরে নিছি কুলোর কানঅলা বুলগানিন জামা। মা এসে সামনে দাঁড়ানোর আগেই পুটপুট বোতাম লাগিয়ে ফেলেছি।

—কি হচ্ছেটা কি অপু! এইভাবে জামাকাপড় ছুঁড়ে ছুঁড়ে ফেলে! এত বড় একটা ধিঙি মেয়ে...ওঠা, ওঠা সব। পাট করে তুলে রাখ। হিইই, দ্যাখো বেল্টটাকে কেমন ছিটকে ফেলে দিয়েছে! কাল স্কুল যাওয়ার আগে কেঁদে দেখিস, মা আমার বেল্ট পাছি না...

—অঁত্তাং! রতনের মা তুলে রাখবে। আমাকে চটপট খেতে দাও। জলদি! কুইক।

—কেন? কি এমন ঘোড়ায় জিন দিয়ে এসেছ শুনি?

বলার সময় নেই। একটি শব্দও এখন সময়ের অপচয়। হাতের চপ্পল আঙুলগুলো ঘূরে বেড়াচ্ছে খাবার টেবিলের গায়ে। ঢাকা বাটির বুকে নাক ঝুঁকে পড়ল,— এ কি! মাছ রাখোনি? ভাত খাবো কী দিয়ে?

—কে তোমাকে আজ ভাত দিচ্ছে? চিড়ে, ভেজানো আছে, দই দিয়ে আম

দিয়ে মেখে খেয়ে নে। কী রে, হাত না ধুয়েই বসে পড়লি যে! তোর কি ঘে়াপিত্তিও নেই রে? যা, আগে হাত মুখ ধুয়ে আয়। যা বলছি।

ধমক খেয়ে দম বন্ধ করে দৌড় চানের ঘরে। হাতে পায়ে মুখে এলোপাথাড়ি জল ছিটোতে ছিটোতে মায়ের গলা শুনতে পাচ্ছ,—এখনও এত কীসের খেলার নেশা? বড় হয়ে গেছ, এবার ছুটোছুটি লাফালাফি বন্ধ করো। মেয়েরা বড় হয়ে গেলে এভাবে আর ট্যাং ট্যাং করে নেচে বেড়ায় না। লোকে কী বলবে?

ওফ! আজকাল সারাক্ষণ ওই একটা কথা। বড় হয়েছো। বড় হয়েছো। মা যে কী না! বড় হয়েছি বলে সব সময় ঘরে বন্দি থাকতে হবে নাকি! কই, দাদার বেলায় তো ওকথা বলতে শুনি না! নাকি ছেলেরা বড় হয় না! মেয়েদের বেলাতেই শুধু যত রাজ্যের সীমা টানা। শরীরে ভাঙ্গুর। নিয়ম করে লজ্জাজনক কষ্ট পাওয়া। ভাঙ্গাগে না। বিশ্রী। বিশ্রী। এভাবে মেয়েদেরই কেন শুধু দাগ টেনে বড় করে দেওয়া হয়!

খাবার টেবিলে ফিরে আসার পরও মা'র একঘেয়ে সুর কানের কাছে পো-পো,—আগেকার দিনে তেরো বছর বয়সে মেয়েদের বিয়ে হয়ে যেত। শঙ্গরবাড়ি গিয়ে সব ঘরকমা করত। আর আমার এই ধাড়ি মেয়েটাকে দ্যাখো...。

রোজকার সুর এক কানের পর্দা ভেদ করে অন্য কান দিয়ে বেরিয়ে যাচ্ছ। চিরতা খাওয়া মুখে চিড়ে দই আম গিলছি।

—ইহুহ, আজ একটু লুচি করতে পারোনি?

—হ্যাঅ্যা, রোজ রোজ-লুচি। কোনও কাজে হাত লাগানোর নামে নেই, শুধু লস্বা লস্বা ছুকুম।

আমের আঁটি পিছনের উঠোনে ছুঁড়ে দিয়ে উঠে দাঁড়ালাম। বাঁ হাতে বালতি থেকে আঁজলা করে জল নিয়ে ধুয়ে নিছিছ ডান হাত। ভিজে হাতেই দৌড়। এতক্ষণে নিশ্চয়ই পিছনের গলিতে চক দিয়ে দাগ পড়ে গেছে। এখনো শুরু হয়ে যাবে আমাদের লস্বি ধাসুসি খেলা। আমি কি আজও শেষে পৌঁছব? কখনো না। মায়ের চিংকার তাড়া করে চলেছে পিছনে,—একটা কথাও কানে তোলা হয় না, সাপের পাঁচ পা দেখেছ, না? আজ আসুক তোর বাবা। তোমার হবে।

কথাগুলো ফুসফুসে ঠিকরে গেল পাড়ার বাতাসে।

প্রায় প্রতি দিন এভাবেই শুরু হত আমার তেরো বছরের বিকেল। পড়াশুনা, স্কুল, আবার পড়াশুনার ফাঁকে এইটুকু এক রত্তি নিঃশ্঵াস নেওয়ার সময়। একেবারে নিজের মত করে বুকভর্তি শ্বাস টানা। এর মধ্যেই বড় জোর কোনওদিন অদলবদল হত খাওয়ার মেনুতে অথবা খেলায়। বড় জোর মায়ের গলায় সুর বদলে যেত

ମାଲକୋଷ ଥେକେ ଦରବାରୀତେ, କାଫି ଥେକେ ଇମନେ, କିବିଟ ଥେକେ ଖାସାଜେ । ତବେ ବ୍ୟାପାରଟା ଛିଲ ମୋଟାମୁଟି ଏହି ରକମଇ । ବିକେଳ ମାନେଇ ଗାଡ଼ ହଲୁଦ ରଂ । ବିକେଳ ମାନେଇ ସୋନାର ପିରିଚେ ସୂର୍ଯ୍ୟର ଆଲୋ ଠିକରୋଛେ । ବିକେଳ ମାନେଇ ମୋଡ଼େର ଜାମରଙ୍ଗ ଗାଛର ପାତାଗୁଲୋ ହଲୁଦ ମେଥେ କାପଛେ ଏଲୋମେଲୋ । ଏକ କୋର୍ଟ ଥେକେ ଆରେକ କୋର୍ଟ ଲାଫ ଦିଯେ ଚଲେ ଯାଛି । ଲସା ଦାଗେର ଶେଷ ପ୍ରାଣେ ପୌଛେ ଡାକ ଛାଡ଼ିଛି, ଲସିଇଇ... । କଥନଓ ଏକ ପାଯେ ନୁନ ନୁନ ନୁନ ଅଥବା ଆବ୍ରା ଆବ୍ରା ଆବ୍ରା । ଦୁ ହାତେର ଡାନା ମେଲେ ଆମାକେ ଆଟକାତେ ଚାଇଛେ ବିପରୀତ ଦଲେର ଖେଲୁଡ଼େରା । ମାନସୀ କିଂବା ଝପା ଚେଁଚାଛେ,—ଏହି ଅପୁ, ଓଦିକଟାଯ ଫାଁକ ଆଛେ, ଚଲେ ଆୟ । ଚଲେ ଆୟ । ବଡ଼ ବୁଡ଼ିଟା ତୋ ଆବାର କୋନ ଦିନ ଆମାକେ ଅପୁ ବଲେ ଡାକତ୍ତଓ ନା । ଅପରାଜିତାଓ ନଯ । କୀ ଯେ ଖାଲି ଚି ଦିଯେ କଥା ବଲାର ଅଭ୍ୟାସ ଛିଲ ବଡ଼ ବୁଡ଼ିର ! ଡାକତେ ଗେଲେଇ ଚିଆଚିପୁ, ନୟତ ଚିଆଚିପଚିରାଚିଜିଚିତା । ବାପରେ, ପାରତ୍ତ ବଟେ । ଅମନ ଏକଟା ଲସା ନାମେ ଆମିତ୍ତ ଦିବି ସାଡା ଦିଯେଛି । ତଥନ ଆସଲେ ନାମ ନଯ ଡାକ ନଯ, ଚୋଖ ବୁଜେ ଶୁଧୁ ଶେ ଘରେ ପୌଛନୋର ଦିକେ ମନ । ଯେନ ଓଇ ସରଟାତେ ଲୁକିଯେ ଆଛେ ଆମାର ପ୍ରାଣଭୋମରା । ଖେଲା ନିଯେଇ ଆଡ଼ି ଭାବ, ଘଗଡ଼ାଝାଟି, ଏମନକି ବଞ୍ଚୁର ସଙ୍ଗେ ମୁଖ ଦେଖାଦେଖିବୁ ବନ୍ଧ ।

ତା ସତି କି ଆର ଆମାର ପ୍ରାଣଭୋମରା ଲୁକିଯେ ଛିଲ ଲସି ଧାସିର କୋର୍ଟେ ? କିଂବା ବୁଡ଼ିବସନ୍ତୀ ଖେଲାୟ ? ଉଛୁ, ଆମାର ପ୍ରାଣଭୋମରା ତୋ ଆସଲେ ଛିଲ ଆମାର ବଞ୍ଚୁଦେର ହଦ୍ୟେର କୁଠୁରିତେ । ସେଟା ମନେପ୍ରାଣେ ଟେର ପେଲାମ ଚୋଦବହୁର ବସି ପୌଛେ ।

ସ୍କୁଲେ ଆମରା ଚାରଜନ ଖୁବ ବଞ୍ଚୁ ସେଇ ସମୟ । ଆମି ମାନସୀ, ଦୀପିକା ଆର ଅର୍ଚନା । ମାନି ଥୁଡ଼ି ମାନସୀ କାହେଇ ଥାକେ, ସେ ଆମାର ପାଡ଼ାରଓ ବଞ୍ଚୁ । ଦୀପିକା ଅର୍ଚନା ଦୂରେ ଦୂରେ । ଦୀପିକା ଭବନୀପୁର, ଅର୍ଚନା ରାମବିହାରୀତେ ।

ତୋ ଏକଦିନ ହଲ କି, କ୍ଲାସ ଏଇଟେର ହାଫଇୟାର୍ଲି ପରିକ୍ଷାର ଠିକ ଆଗେ ହଠାତ୍ କଥା ନେଇ ବାର୍ତ୍ତା ନେଇ ପର ପର ପାଁଚ ଦିନ ସ୍କୁଲେ ଏଲ ନା ଦୀପିକା । ଆମରା ଭେବେ ଆକୁଳ । ଶେବେ ଠିକ କରଲାମ ଓର ବାଡ଼ିତେଇ ଖୋଜ କରତେ ଯାବ । ବିକେଳବେଳା ତିନିଜନେ ମିଲେ ଟ୍ରାମେ ତୋ ଉଠେ ପଡ଼ିଲାମ, ଠିକ ଠିକ ନାମଲାମଓ ଯଦୁବାଜାର ସ୍ଟପେ, ତାରପର ? କାହେ ଠିକାନା ନେଇ । ଆଗେ ମାତ୍ର ଏକବାରଇ ଗେଛି ଓଦେର ବାଡ଼ି, ତବୁ ଖୁଜେ ଖୁଜେ ଶେଷେ ବାର କରା ଗେଲ । ପୁରନୋ ଦୋତଲା ବାଡ଼ି । ବାଇରେର ପ୍ଲାସ୍ଟାର ଖସା । କାଲିଚେ ଶ୍ୟାଓଲାର ଦାଗ ପ୍ରାଚିନ ବାଡ଼ିର ଶରୀରେ । ଦୋତଲାର ବୁଲ ବାରାନ୍ଦାୟ ନକଶା କରା କାଠେର ରେଲିଂ । ଦରଜା ଜାନଲାଗୁଲୋର ମାଥାଯ ଅର୍ଧବୃତ୍ତାକାରେ ଲାଲ ସବୁଜ କାଚ ବସାନୋ ।

କାଠେର ପ୍ରକାଶ ସଦର ଦରଜାର ଏପାରେ କରେକ ସେକେଣେର ଜଳ୍ଯ ଦାଁଡ଼ିଯେ ପଡ଼େଛିଲାମ ତିନିଜନ । ଭରା ବିକେଳେଓ କେମନ ଯେନ ଥମ୍ପଥମ୍ପ କରଛେ ଚାରଦିକ । କେ ଜାନେ ବାବା; ଏହି ବାଡ଼ିଟାଇ ତୋ ! ଦେଖାଇ ଯାକ ନା । ସାହସ କରେ ମାନସୀ ଆଗେ ଦରଜା ଠେଲଙ୍ଗ ।

ঠেলতেই সিংহদুয়ার খুলে গিয়ে সামনে এক শ্যাওলাধরা উঠোন, উঠোনের মাঝখানে মানুষসমান এক চৌবাচ্চা, পাশ দিয়ে লোহার রেলিং দেওয়া সিঁড়ি দোতলায় উঠে গেছে।

ডাকব কি ডাকব না করেও অর্চনা ডেকে ফেলেছে,—দীপিকাআআ...

গোটা বাড়ি ভুত্তড়ে রকমের স্তৰ। বার দুয়েক ডাকার পর দোতলায় খুট করে একটা শব্দ। নীচ থেকেই সোজা দেখতে পাইছি কালচে সবুজ দরজা খুলে গেছে। বাদামি লুঙ্গি আর স্যান্ডেল গেঞ্জি পরা একজন বেরিয়ে এল। গায়ের রং তার ফ্যাকাসে রকমের ফর্সা, অনেকটা চুনের দেওয়ালের মতো, মাথাজোড়া টাক, চোখের তলায় কালশিটে রঙের কালি।

মানসী কনুই দিয়ে কোমরে খোঁচা দিল,—দীপিকার বাবা।

আগে কোনওদিন দীপিকার বাবাকে দেখিনি। গুটি গুটি পায়ে আমি আগে সিঁড়ি দিয়ে উঠে গিয়ে প্রণাম করে ফেললাম,—আমরা দীপিকার বন্ধু।

দীপিকার বাবা হাসল না। গন্তীর গলায় বলল,—তো?

আমরা ভয় পেয়ে গেলাম,—দীপিকা বাড়ি নেই?

—কেন?

—না মানে ও কদিন ধরে স্কুলে যাচ্ছে না তো...

—আর যাবে না।

আমরা পরস্পর মুখ চাওয়াওয়ি করছি।

এ আবার কি কথা! দীপিকার বাবা কি পাগল নাকি!

অর্চনা সাহস করে জিজ্ঞাসা করে ফেলল,—কেন মেসোমশাই?

—কেন আবার কি! পড়তে পাঠাবো না তাই। লেখাপড়া শিখে মেয়েছেলের আর দিগ্গংজ হয়ে কাজ নেই। তোমরা আর ওর খোঁজ করতে আসবে না।

ভদ্রলোকের কথায় এমন একটা ঝাঁঝ ছিল যার তোড়ে আমরা ছড়মুড়িয়ে সিঁড়ি বেয়ে নীচে নেমে গেছি। চলে যাওয়ার জন্য উঠোনও পেরিয়েছি, হঠাৎই দোতলার কোনও ঘর থেকে ছিটকে এসেছে দীপিকা,—অ্যাই অপু, মানি, অর্চনা, তোরা যাস না পিজ। দাঁড়া।

সঙ্গে সঙ্গে পুরুষ কঁপের হক্কার,—খবরদার খুকু, এক পাঁও বেরোবে না।

—কেন, বেরোব না? নিশ্চয়ই বেরোব। আমি স্কুল যাব। পড়াশুনো করব।

দীপিকার পরনে আধময়লা স্কার্ট ব্লাউজ, চোখমুখ ফোলা ফোলা, চুল দেখে মনে হয় বেশ কদিন চান করেনি। আমরা থমকে দাঁড়িয়ে পড়লাম।

দীপিকার বাবা দীপিকার হাত চেপে ধরল,—আমি তোমাকে বেরোতে বারণ করেছি খুকু। যাও। ঘরে যাও।

দীপিকা জোর করে হাত ছাড়াতে গেল, অমনি গালে সপাটে এক চড়। আমাদের সামনেই। ঘাড় ধরে হেঁচড়াতে হেঁচড়াতে দীপিকাকে চুকিয়ে দেওয়া হল ঘরে, দিয়েই দরজায় শিকল,—কী হল? তোমরা এখনও দাঁড়িয়ে আছ কেন? দীপিকার সঙ্গে দেখা হবে না। যাও।

আর্চনা আর্তনাদ করে উঠল,—আপনি ওকে ওভাবে মারলেন?

দীপিকার বাবা উত্তর দিলনা। একই রকম কড়া চোখে তাকিয়ে রাইল আমাদের দিকে।

আমরা বেরিয়ে এলাম। রাস্তায় এসে এ ওর মুখের দিকে তাকাচ্ছি।

—কেস্টা কি বল তো? কেমন যেন মিস্টিরিয়াস না?

—এ আবার কি কথা! পড়তে দেবে না কেন? কেন ঘরে আটকে রাখবে?

—ওর মাকেও তো দেখলাম না! মা কিছু বলছে না বাবাকে?

আর্চনা বলল,—অন্য কোন গঙ্গগোলও হয়ে থাকতে পারে। দীপিকা কারুর সঙ্গে প্রেমটেম করছে নাকি? সেটাই জানতে পেরে...

—দূর, ওর লাভার থাকলে আমরা জানতে পারতাম না!

—তাহলে দ্যাখ, ওর বাবা হয়ত কোন মালদার অশিক্ষিত বনেদি পাত্রটাত্র জোগাড় করে ফেলেছে। ও হয়ত বিয়ে করবে না বলে জেদ ধরেছে তাই...

আমরা তিন জনই মোটামুটি শেষ সভাবনাটার ব্যাপারে একমত হলাম। আবার মনটাও কেমন খুঁতখুত করতে লাগল। এরকমও হয়? একবার মনে হল হতেও তো পারে। এই তো সেদিন বি সেকশনের ভারতী দিন পনেরো ডুব মেরে আচমকা এক মাথা সিঁদুর নিয়ে ভেসে উঠল স্কুলে। কী হাসিখুশি হাবভাব, কথায় কথায় গড়িয়ে পড়ছে বন্ধুদের গায়ে, শাঁখা চুড়িতে বামবাম আওয়াজ তুলে অসভ্য, অসভ্য গল্ল বলছে নিজের সম্পর্কেই।

সে যাই হোক, ভারতীর কথা ভাবতে একটুও ইচ্ছা করছিল না আমাদের। দীপিকার কথা ভেবেই সুন্দর সোনালি বিকেলটা কেমন পাঁশটে মেরে গেল। একটা একদম অচেনা যন্ত্রণা আমাদের বিকেলের ফুসফুস্টাকে নিংড়ে নিচ্ছে। এক বুক মন খারাপ নিয়ে যে যার বাড়ি ফিরে গেছি। খুব মন খারাপ আমাদের। পরদিন। তার পরদিন। তার পরদিনও। লম্বি ধাসসির কোর্ট হঠাতই কেমন বিস্মাদ। আমি মানসীর বাড়িতে যাই। মানসী আমাদের বাড়িতে। কোনও কোনও দিন অর্চনাও আসে। বারান্দার ধাপিতে, সিডির কোণায় বয়ে যায় আমাদের পাঁশটে বিকেল।

সবাইকে চমকে দিয়ে হাফইয়ালি পরীক্ষার দিন আচমকা হাজির দীপিকা। সাদা ব্লাটিং পেপারের মত মুখ, সেলাই করা ঠোট, ঘাড় নিচু করে পরীক্ষা দিয়ে গেল

একের পর এক। আমরা কথা বলতে গেলে ও উদাসীন চোখে শুধু জানালার বাইরে তাকিয়ে থাকে। পরীক্ষা শেষ হল। আমরা তিন জন গোলা পায়রা হয়ে উড়তে উড়তে বাড়ির কাছে হতঙ্গী পার্কটায় গিয়ে বসলাম। প্রচুর কথা জমেছে বুকে। প্রচুর। ঠিক তখনই দীপিকা আমাদের খুঁজে বার করেছে পার্কটাতে।

আমরা হতবাক।

দীপিকা আমাদের পাশে বসে অন্যমনস্থ ভাবে স্নাস ছিঁড়ে দাঁত দিয়ে কাটল একটুক্ষণ। কিছু বুঝি বলতে চায়, পারছে না। একসময়ে দুঃখ করে অর্চনাকে জড়িয়ে ধরে হাউ হাউ করে কেঁদে উঠল। ওরকম বুকফাটা কান্নায় আমার আর কোনও বন্ধুকে কাঁদতে দেখিনি আগে। কখন যেন অর্চনাও কাঁদতে শুরু করেছে। মানসীও। দেখাদেখি আমিও। কেন কাঁদছি না জেনে অবিরাম কেঁদে চলেছি আমরা। তারই মধ্যে হেঁচকি তুলতে তুলতে দীপিকা বলল,—তোরা শুনলে আমার গায়ে থুতু দিবি কিন্তু তোদের ছাড়া আর কাদেরই বা বলব! আমার আর বাঁচতে ইচ্ছে করছে না।

আমাদের কান্না ফুরোল।

—কেন রে!

—কী হয়েছে আমাদের খুলে বল।

—তুই মরতে যাবি কেন? আমরা আছি না।

দীপিকার ভারী ভারী চোখ স্থির কয়েক পলকের জন্য,—আমার মা পালিয়ে গেছিল।

‘মা পালিয়ে গেছিল’ বাক্যটার অর্থ ঠিকঠাক বুবাতে পারলাম না। আমার কাছে তখনও মা হল গিয়ে মা। সামান্য ছুতোনাতায় যে কান ডলবে, চুলের মুঠি ধরবে, বকবক করে নড়িয়ে দেবে কানের পোকা, যতসব অপ্রিয় কুখাদ্য খেতে বাধ্য করবে আমাদের আর সুযোগ পেলেই বাবার কাছে তিনকে সাত করে বলে বকুনি খাওয়ানোর চেষ্টা করবে, পুজোর সময় দুসাইজ বড় জামা কিনে তাই পরতে বাধ্য করবে, কঢ়িৎ কখনও দাদাকে লুকিয়ে ফুচকা আলুকাবলির পয়সা দেবে আমাকে। সেই মা কি কখনও পালাতে পারে! বললাম,—ভ্যাট। কী বলছিস তুই!

—মা কালীর দিবি, সত্যই মা পালিয়েছিল। রবিনকাকার সঙ্গে।

—রবিনকাকাটা কে?

—ও, তোদেরকে তো রবিনকাকার কথা বলিনি। রবিনকাকা বাবার খুব বন্ধু। ভীষণ সুন্দর দেখতে। দারুণ জমিয়ে গঞ্জ বলতে পারে। শুড় ফ্রাইডের আগের দিন সঙ্গেবেলা মা আর রবিনকাকা কী সব কিনতে বেরিয়েছিল, তারপর আর

ফেরে না, ফেরে না!...বাবা বার বার বাসরাঙ্গায় যাচ্ছে আর আসছে। মাঝারাতে রবিনকাকার বাড়িতে গিয়েও খুঁজে এল। নীলা কাকিমা মানে রবিনকাকার বউ বাচ্চা কোলে কাঁদতে কাঁদতে সেই রাতে আমাদের বাড়িতে চলে এসেছে। বাবা রাতভর অবিরাম গজরাচ্ছে। সে কী খারাপ খারাপ গালাগাল! আছড়ে আছড়ে সব জিনিসপত্র ভাঙ্গছে আর লাল চোখে তাকাচ্ছে আমার দিকে, কাল থেকে যদি বাড়ির বাইরে পা রাখিস, কেটে আদিগঙ্গায় ভাসিয়ে দেব। ভোর হতেই কাকিমাকে নিয়ে নালিশ করতে থানায় ছুট। তোরা যেদিন এলি সেদিনই থানা থেকে পুলিশ এসেছিল বাড়িতে, খোঁজখবর করে নাকি জেনেছে মাকে আর রবিনকাকাকে হাওড়া স্টেশন থেকে ট্রেনে উঠতে দেখা গেছে। তারপরই বাবার আবার নতুন করে আস্ফালন...

শুনতে শুনতে কাঁটা দিছিল সর্বাঙ্গে। নিজের বাবা মা চোখের সামনে দুলে উঠছে। দুলে দুলে ভেঙে যাচ্ছে, যেভাবে পাথর পড়ে ছায়া ভাঙে শান্ত দীর্ঘির জলে।

—তারপর তো হাফইয়ার্লি পরীক্ষার চার দিন আগে মা নিজে নিজেই এসে উপস্থিত। যেন কিছুই হয়নি। যেন জাস্ট পাশের বাড়ি থেকে বেড়িয়ে ফিরল।...মাকে দেখেই বাবার সে কী মেজাজ! এমন চেটপাট শুরু করল যে মজা দেখতে বাড়িভর্তি লোক জমে গেল। ভাবলেই আমার...বলতে বলতে আবার কেঁদে ফেলেছে দীপিকা।

আমরা ওর মাথায় পিঠে হাত ঝোলাচ্ছিলাম। ও কেঁপে কেঁপে উঠছিল কান্নার দমকে,—আমি মরে যাব। আমি মরে যাব। আমি মরে যাব।

মানসী নিচু স্বরে জিজ্ঞাসা করল,—আর তোর মা? মা কী বলল?

—মা তো বাবার থেকেও বেশি চেঁচাচ্ছিল। বলল, বেশ করেছি গেছি, আমার যেখানে ইচ্ছে যাব, যখন খুশি ফিরব, তুমি কৈফিয়ত চাওয়ার কে? মদোমাতালের ঘর করি, পুরুষমানুষ হয়ে এক পয়সা রোজগার করার মুরোদ নেই...

—তোর বাবা মদ খায়?

—খায় না আবার। প্রায়ই তো রাস্তিরে চুর হয়ে ফেরে...

এবার আর নিজের বাবা নয়, এবার চোখের সামনে হারুর বাবার ছবি। হারুর বাবা আমাদের পাড়ার গোকুল পরামাণিক, গলির মোড়ের ক্ষুদ্রে সেলুনটার মালিক। সেই গোকুলকাকা যখন রোজ রাস্তিরে সামনের রাস্তা দিয়ে ঢেউ ভেঙে ভেঙে হেঁটে যায়, তখন কাজের শেষে ফুটপাত জুড়ে তাস পেটাতে বসা বন্দি ঠাকুর, সুরিন্দ্র ঠাকুররা চেঁচায়,—আরে ও গোকুলদাদা, সামহালকে চলো সামহালকে, আগাড়ি তুমহারা ভাঁইসবা...

গোকুলকাকা সঙ্গে সঙ্গে গর্জে ওঠে, ছুটতে থাকে খিণ্ডির ফোয়ারা,—কোন শালা আমায় ভঙ্গী দেখায় রে? আমি কি কারূর মায়ের ভাতারের পয়সায় মাল খাই? ভঙ্গী দিয়ে গোকলোর সঙ্গে চালাকি চলবে না হ্যাঁ। বলতে বলতে সোজা হেঁটে নেমে যায় পাশের নর্দমায়, এক হাঁটু পাঁকে। সেখান থেকেও চলে তার গালাগালির পিচকিরি।

আমি আর দাদা তো খড়খড়ি ফাঁক করে হেসেকুটিপাটি। মা দেখলেই টেনে সরিয়ে দেয় আমাদের। বাবা হঙ্কার ছাড়ে,—এই গোকলো কী হচ্ছেটা কি? এটা ভদ্রলোকের পাড়া। বলেই রেডিওর শব্দ বাড়িয়ে দেয় দুণ্ড।

দৃশ্যটা ভাবতেই পেট গুলিয়ে হাসি এল আমার। নিজের মনে ফিক করে হেসেও ফেলেছি। অর্চনা কটমট করে তাকাল আমার দিকে। তারপর দীপিকার কাঁধে হাত রাখল আলতো,—আগে এসব কথা তো বলিসনি কোনও দিন?

দীপিকা হাঁটুতে মুখ গুঁজল,—এ সব কথা কি বলে বেড়ানো যায়? সত্যিই তো বাবা কিছু করে না। দাদু মানে আমার মা'র বাবার রেখে যাওয়া টাকাতেই তো সংসার চলে আমাদের। বাড়িটাও তো দাদুর। বাবা তো ঘরজমাই।

ঘরজমাই শব্দটাও খটু কর বেজেছে কানে। তখনও জানতাম ঘরজমাই শব্দটা প্রায় একটা গালাগাল। নিজের শব্দকোষে গালাগালির সংখ্যা তখনও বড় অপ্রতুল। শালা শব্দটাকেই কী যে নিষিদ্ধ, গর্হিত মনে হত তখন! ঘরজমাই ঠিক ততটা খারাপ না হলেও...আমাদের বাড়ির ভোজপুরী ধোপা সুর করে গাইত, পহেলা কুস্তা পালতু কুস্তা, দুসরা কুস্তা ঘরজমাই!

আমি জিজ্ঞাসা করে ফেললাম,—কেন? তোর বাবার ঘরদোর কিছু নেই?

—থাকবে না কেন? সেখান থেকে ভাইরা তাড়িয়ে দিয়েছে বহু দিন। আমার কাকা জ্যাঠারা কেউ বাবার মুখ দেখে না।

কাল্পার সঙ্গে তীব্র বিষ উগরে দিছিল দীপিকা। বিষ নয়, ঘৃণা। নিজের বাবা মা'র প্রতি ঘৃণা, জীবনের প্রতি ঘৃণা, গোটা বিশ্বসংসারের ওপর ঘৃণা। সঙ্গে একই কথা, বাঁচব না, বাঁচব না। আর আমি তখন চোখের সামনে দেখতে পাচ্ছিলাম আবার বাবা মার মুখ। বাবা মানে যেমন হওয়া উচিত, অন্তত আমার তখনকার ধারণায়, আবার বাবা তো তেমনই। বাবা মানে একটু গন্তীর ধরনের এক মানুষ, বেশি কথা বলে না, সকালবেলা ঘূম থেকে উঠে বাজার যায়, ফিরে এসে মন দিয়ে খবরের কাগজ পড়ে, তারপর চান যাওয়া সেরে মা'র হাতে তৈরি টিকিন্টা নিয়ে সারাদিনের মত অফিস চলে যায়, ফেরে সেই রাস্তার আলোগুলো ঝলে যাওয়ার পর, সঞ্জেবেলা নিয়ম করে রেডিওতে খবর শোনে, মাঝে মাঝে আমাদের

অঙ্ক ইংরিজি দেখিয়ে দেয়, কখনও কখনও টোঙাভর্তি গরম জিলিপি কিনে আনে মোড়ের দোকান থেকে, কখনও বা বছরকার আমটা লিচুটা, জামটাম, আর হঠাতে হঠাতে পড়া ধরে বকাবকা করে ভীষণ। এই বাঁধাধরা সংজ্ঞার বাইরেও তবে অন্যরকম বাবা আছে! বাবা মানেই তবে সম্পূর্ণ বিশুদ্ধতা নয়! বাড়ি ফিরে সেদিন বার বার সন্দিখ চোখে তাকাচ্ছিলাম নিজের বাবা মা'র দিকে। মুখের উপর কোনও মুখোশ আছে কি? হয়ত আছে, হয়ত নেই। কে জানে!

ক্লাস এইট থেকে নাইনে ওঠার পরীক্ষায় খুব খারাপ রেজাল্ট করল দীপিকা। সায়েস তো পেলাই না, প্রোমোশনটাও অন ট্রায়াল। বড়দিনের ছুটির সময়ই খবর পেলাম ওকে অন্য কোথাও যেন পাঠিয়ে দিচ্ছে ওর রবিনকাকা আর মা, সেখানেই হোস্টেলে থেকে পড়াশুনা করবে। এর পর ওর আর কোনও খৌজখৰ পাইনি। দীপিকা ক্রমশ হারিয়ে গেছে আমার বিকেল থেকে। এখন বন্ধু বলতে আমরা দুজন। আমি আর মানসী। অর্চনা মাঝে মাঝে আসে বিকেলবেলায়, তবে মাঝে মাঝেই। ক্লাস নাইনে ওঠার পরই পড়াশুনা নিয়ে ও ভীষণ সিরিয়াস হয়ে উঠেছিল। রোগা সোগা মেয়ে, নানারকম অসুখেও ভুগত মাঝেমধ্যে।

স্কুল থেকে ফিরে আমি আর মানসী হেঁটে বেড়াই এডিক-ওডিক। তখন আর আমরা শিশু নেই, কেঁচো, ব্যাঙের প্রজনন প্রণালী পড়তে রোমাঞ্চ বোধ করি। পুংকেশর গর্ভকেশর মিলন কল্পনা করে পুলকিত হই। লুকিয়ে লুকিয়ে মানসীদের ছাদে বসে লেডি চ্যাটার্লিং লাভারের অনুবাদ পড়ে শিউরে উঠি, কিছু দাগ দেওয়া পাতা বেছে বেছে পড়তে থাকি বার বার। রবিবার দুপুরে অনুরোধের আসরে শোনা কোনও গানের মোহজড়ানো বিভ্রমে আশ্চৰ্য হই সারা সপ্তাহ। দূরের কোন বাড়িতে গ্রামাফোন রেকর্ডে বাজতে থাকা 'গানে মোর কোন ইন্দ্রধনু' শুনতে শুনতে বইয়ের অক্ষরগুলো চোখের সামনে থেকে ভোজবাজির মত মিলিয়ে যায়। বিকেলবেলা ঘাসের লন ধরে হাঁটতে হাঁটতে নিজেদের অর্থহীন কথায় নিজেরাই হেসে কাচের মত টুকরো টুকরো হয়ে যাই। আর তখনই অনুভব করি ছায়া ছায়া অদৃশ্য অনুসরণকারীদের উপস্থিতি। হঠাতেই কোন সাইকেল অসম্ভব ধীরগতিতে চলতে থাকে পাশে পাশে। পরিচিত গানের কলি স্বরযন্ত্রে ধাক্কা দেয়। দু-একটা চিঠিও পায়ের কাছে হসহাস উড়ে এসে পড়ে,— ড.লিৎ, তুমি নেই তো পৃথিবী নেই। মা তোমাকে বউ হিসেবে পেলে খুব খুশি হবে। তেকোনা পার্কের সামনে কাল বিকেলে অপেক্ষা করব। চলে এসো। ইতি, তোমার পথ চেয়ে থাকা একজন। কী সাহস! কী সাহস! আমরা বিরক্ত হতে গিয়ে হেসে ফেলি। চারদিক তম্ভ তম্ভ করে খুঁজেও সেদিন আর দেখা- পাই না সেই অচেনা প্রেমিকের। চিঠি ছাঁড়েই

উধাও বীরপুঙ্গব। আমরা আবার কাঠালি চাঁপার গন্ধমাখা সবুজ ঘাস ধরে ইঁটতে থাকি। বিরক্তির সঙ্গে মেশে কৌতুহল, রাগের সঙ্গে অহংকারী পুলক। আমরা টের পাই প্রতিটি বিকেলে এখন নীরবে কুসুমের মতই প্রস্ফুটিত হচ্ছে সে। আমাদের ঘোবন।

তা সেই ঘোবনের ডাক প্রথম এল মানসীর কাছে। একদিন বিকেলে মানসীকে ডাকতে গেলাম, মানসী নেই। ম্যাজেনাইন ফ্লোরে স্থূল আসা তাদের পেয়ংগেস্টের কাছে কেমিস্ট্রি পড়ছে। দরজা ধাক্কা দিতে বেরিয়ে এসে বলল,—তুই যা, আমি পরে যাচ্ছি। প্রবীরদার কাছে কটা কেমিক্যাল ইকুয়েশান বুঝে নিচ্ছি।

নীচে নেমে অপেক্ষা করলাম, মানসী এল না।

পর দিনও একই ঘটনা। মানসী হাসি মুখে বেরিয়ে এল,—কাল বেরোতে পারলাম নারে, আজ ঠিক যাব। ড্রিগনমেড্রির দুটো অঙ্ক করে নিয়েই...

সেদিনও আমার বিকেলটা একা একাই কাটল।

পর দিন আবার একই ঘটনা। মানসী হি হি হাসছে,—মা কালীর দিবি, কাল পার্কের দিকে গিয়ে তোকে খুঁজেছিলাম, তুই চলে গেছিলি। আজ একটু অ্যামোনিয়ার প্রপার্টগুলো বুঝে নিয়েই...

সেদিন দরজা বন্ধ হয়ে যাওয়ার পর খানিকক্ষণ কান খাড়া করে দাঁড়িয়ে রইলাম। ভিতর থেকে মন্দ শব্দ ডেসে আসছে না! শব্দই তো। শব্দগুলোর কোন অর্থ নেই। অন্তত সে অর্থ অ্যামোনিয়ার চ্যাপ্টারে তো নেইই।

নীচে নেমে আর অপেক্ষা করিনি। পরিচিত রাস্তা ধরে কৃষ্ণচূড়ার ফুল মাড়িয়ে একা একাই হেঁটেছি। দুর্বোধ্য অপমানে কান গরম। ক্ষেত্রে দুঃখে বন্ধুর মিথ্যাচারিতায় ক্লিষ্ট আমি একই পথ চক্র দিয়ে ফিরছি। ধীরে ধীরে একটা চাপা কষ্ট আচ্ছন্ন করে ফেলছিল আমাকে। কষ্ট, না হিংসে? আমার একমাত্র বন্ধু মানসী প্রেমের সন্ধান পেয়ে গেছে আমার আগেই। ঠিক করলাম ওর সঙ্গে আর কথা বলব না।

, কিন্তু মানসী পর দিনই স্কুলে আমার হাত চেপে ধরেছে,—অপু বিশ্বাস কর, তুই কী ভাবছিস জানি না...

, —তোর কি ধারণা প্রেমে পড়লে বন্ধু টের পায় না।

মানসী মুহূর্তের জন্য লাল,—প্রবীরদার সঙ্গে তোর পরিচয় নেই নারে? চল, আজ তোর সঙ্গে আলাপ করিয়ে দেব।

—আমি আলাপ করে কী করব? তোর লাভার, তুই...

—আহ অপু, ছেলেমানুষি করিস না। জানিস তোর কথা কত বলেছি প্রবীরদাকে! তোকে আজ নিয়ে যাবই।

আমি তখন অনেক উপন্যাস পড়ে ফেলেছি। জানি প্রেমের সিনে তৃতীয় ব্যক্তিকে
বলে কাবাবমে হাজির। তাছাড়া আমি কেন ওদের মধ্যে...?

মানসী কানের কাছে মুখ নিয়ে এল,—ভাবতে পারবি না প্রবীরদা কী ভীষণ
রোমাণ্টিক। সেদিন আমার হাত ধরতে...দ্যাখ্ দ্যাখ্ ভাবতেই আমার কেমন গায়ে
কঁটা দিয়ে উঠছে...

আমার তখন হিংসে ভেসে গেছে কৌতুহলে,—কী কথা হয় রে তোদের
দুজনের?

—কত কথা। মানসী গা মুচড়োল,—এই আমি কী ভালবাসি, ও কী ভালবাসে,
আমার মা বাবা কেমন, ওর দেশে কে কে আছে, এই এম-এসসি করে ও কী
করবে, বিয়েতে কারুর বাড়িতে আপন্তি হবে কি না...

—তোরা বিয়ের কথাও ভেবে ফেলেছিস?

—ভাবব না? তাড়াতাড়ি বিয়ে না করে ফেললে ওর যদি অন্য কারুর দিকে
মন ঘুরে যায়?

—যাহ, প্রকৃত ভালবাসা থাকলে লক্ষ বছর অপেক্ষা করা যায়। প্রাঞ্জ প্রেমিকার
মত বললাম,—তুই লায়লামজনু পড়িসনি? হীরুরনবা?

—তুই ঠিকই বলেছিস রে। প্রবীরদাও তাই বলে। বলে দরকার হলে দশ
বছর অপেক্ষা করব। বলে তুমি আমার জন্য অপেক্ষা করবে তো? মা কালীর
দিবি, আমার অত ধৈর্য নেই রে।

মানসীর কথার ভঙ্গিতে হেসে গড়িয়ে পড়ছিলাম আমি। কোনও রকমে
বললাম,—বালিকা, রহ ধৈর্যৎ, রহ ধৈর্যৎ...

এক দিন বিকেলে অর্চনার বাড়ি থেকে একটা বই নিয়ে ফিরে দেখি মানসী
আমাদের বাড়িতে বসে দিবি তেঁতুলের আচার খাচ্ছে। আমাকে দেখে চোখে
আঙুলে ঠোঁটে এক রহস্যময় ইঙ্গিত করে বলে উঠল,—কিরে, কাল যাচ্ছিস তো?

—কোথায়!

—কেন তুই কাল স্কুল থেকে যাচ্ছিস না বেনহার দেখতে? স্কুলে টাকা জমা
করিসনি?

ভীষণ চমকেছি। মানসীর কথা মার কানেও গেছে। মা আমাকে জিজ্ঞাসা
করল,—তুই তো বলিসনি বাড়িতে এসে!

মানসীর রহস্যময় ইঙ্গিত ততক্ষণে বুঝে গেছি, বললাম—সে তো কাল টাকা
দিলেও হবে। আমি ভেবেছিলাম আজ তোমাদের জিজ্ঞাসা করে...

দাদা ভিতরের বারান্দায় বসে জলখাবার খাচ্ছিল। সদ্য তখন ফাস্ট ইয়ারে

পড়ছে। বারান্দা থেকেই চেঁচিয়ে বলল,—যা যা দেখে আয়, যা একটা চ্যারিয়ট
রেস আছে না!

রাস্তায় এসে মানসীকে বললাম,—ব্যাপার কিরে? গুল মারলি কেন?

মানসী আমার কাঁধ জড়িয়ে ধরল,—মা কালীর দিবি, প্রবীরদা এমন করে
তোর সঙ্গে আলাপ করতে চাইল...

—ইস, চাইলেই হল? আমি আলাপ করলে তো...

—পিংজ অপু, ও তিনটে টিকিট কেটে ফেলেছে। জংলীর। শাশ্বী কাপুর আর
সায়রাবানু।

—স্কুল থেকে বেরোবি কী করে?

—আমি কাল স্কুল যাচ্ছি না। তুই টিফিনের সময় পেট ব্যথাট্যাথা কিছু বলে...

মিথ্যা কথা বলতে কি যে বুক টিপটিপ করেছিল স্কুলে। হলে পৌঁছেও মনে
হয় জনঅরণ্যের প্রতিটি মানুষ যেন আমার ভীষণ পরিচিত, সকলেই যেন এক
দৃষ্টে তাকিয়ে আমারই দিকে, যেন এখখনি বাড়ি গিয়ে জানিয়ে আসবে মা বাবাকে।
অল্লবয়সী যে কোনও ছেলে দেখলেই মনে হয় দাদার বন্ধু না! হল অঙ্ককার হতে
তবে হাঁপ ছেড়ে বাঁচলাম। এতো আর বাবা মার সঙ্গে ত্রীত্রীমা, পথের পাঁচালি,
লালুভুলু কি কাবুলিওয়ালা দেখা নয়, এ হল সবথেকে প্রাণের বন্ধু আর তার
প্রেমিকের সঙ্গে বসে প্রায় নিষিদ্ধ এক হিন্দি সিনেমা দেখা, যার এক বর্ণ ভাষাও
আমার বোধগম্য নয়। চোখের সামনে শুধু এক উদাম দস্যু পুরুষ ইয়াছ টিংকার
করে ঝাপিয়ে পড়ছে পন্দের পাপড়ির মতো কোমল আর ঝুঁপসী এক প্রেমিকার
ওপর। বরফের দৃশ্য দেখতে দেখতে আমারই যেন গায়ে জ্বর এসে গেল। প্রতি
পলে পাশে বসা প্রেমিকযুগলের ফিসফিসানিও কানে আসছে, অঙ্ককারেও টের
পাচ্ছি মানসীর শরীরকে বেড় দিয়ে আছে প্রবীরদার বলিষ্ঠ হাত।

শো-এর আগেই আলাপ হয়েছিল প্রবীরদার সঙ্গে, হাফটাইমে দু একটা টুকটাক
কথা, পর্দায় যখন বুনো প্রেম শেষ হল তখন আর ভয় সংকোচ নেই, মুখে আমার
কথার খই ফুটছে—তারপর মশাই, এই যে আমাকে পাপের ভাগী করলেন, তার
শাস্তিটা পাবে কে? প্রেমিক প্রেমিকার মাঝে ঈশ্বরও থাকতে ভয় পান, আমি
তো নেহাতই এক ফচকে শয়তান।

কী করে যে বলছিলাম ওসব কথা! তা যাই হক, হল থেকে বেরিয়েই আমি
আর মানসী আলাদা, প্রবীরদা আলাদা। বাসে উঠে প্রবীরদা দূরের সিটে সম্পূর্ণ
অন্যমনস্ক মুখ এক অচেনা তরুণ।

পাড়ায় এসে উন্দেজনায় ফেটে পড়ছিল মানসী,—এই অপু, বল না, বল না,
কেমন লাগল প্রবীরদাকে?

গন্তীর বিচারকের মুখ করে রায় দিলাম,—মন্দ নয়। বেশ উইটি। তোর টেস্ট আছে।

মানসী বিশাল লম্বা নিঃশ্বাস ফেলল,—যাক, আমার যা ভাবনা হচ্ছিল।

সময়ের মনে সময় এগোয়। বর্ষা, শরৎ, হেমন্ত ফুরিয়ে শীত এসেছে। অ্যানুযাল পরীক্ষা চলাকালীন বারান্দায় দাঁড়িয়ে রাস্তায় পাড়ার জুনিয়ার মেয়েদের খেলা দেখছি, সেদিনই অক্ষ পরীক্ষা ছিল, ট্রিগনমেট্রিটা ভাল হয়নি, সেজন্য মনটাও বেশ খারাপ, পর দিন বায়োলজি পরীক্ষার জন্য পড়তে বসায় তেমন উৎসাহ পাচ্ছি না, এমন সময় মানসী এল। তার মুখচোখও কেমন আনন্দনা, আমারই পাশে দাঁড়িয়ে খেলা দেখছে অথচ কোনও কিছুই যেন দেখছে না। গত ক'মাস ধরে ওর যেন কিরকম ছাড়া ছাড়া ভাব। প্রায়ই বিকেলে কোথাও না কোথাও অভিসারে নিপাত্ত হয়ে যায়, পুজোর ক'দিন একটি সঙ্গেতেও ওর টিকি দেখা যায়নি। একদিন জিঞ্জাসা করেছিলাম,—খুব সাহস বেড়েছে দেখছি, মাসিমা যদি জানতে পারে?

—তুই কি ভাবছিস মা কিছুই আন্দাজ করে না? প্রবীরদাকে মারও খুব পছন্দ। হবে নাই বা কেন বল? ব্রাইট স্টুডেণ্ট, অত সুন্দর চেহারা, ভাল ফ্যামিলি, দেশে কত জমিজমা বাড়িঘর...

—তাই তোর এত সাহস? আজ বেলুড় দক্ষিণেশ্বর, কাল সিনেমা, পরশু লেক... খুব চালাচ্ছিস? তো এখনও কি শুধু হাত ধরাধরিই, না একটু এগিয়েছে?

—যাহ। প্রচণ্ড জোরে চিমটি কেটেছে মানসী,—তুই বড় ফাজিল হয়েছিস! বলতে বলতে গলা নামিয়েছে,—কিস্ করেছে।

মিস্ মার্পলের মত ওর চোখের দিকে তাকিয়েছি আমি,—কেমন লাগে রে? টকটক? মিষ্টিমিষ্টি? ভীষণ ভাল?

—ও বলে বোঝানো যায় না। তোর হোক, বুঝতে পারবি। স্বর্গসুখ রে স্বর্গসুখ।

প্রবীরদার সঙ্গে এর মধ্যে দু একবার দেখা হয়েছে এদিক ওদিক, হেসে কথাও বলেছি এক আধটা, ভালই লেগেছে। হিংসে এখন অতীত। মনের গভীরে ওদের প্রেম অনুক্ষণ এক গোপন আনন্দের উৎস হয়ে উঠেছে আমার। কীভাবে ওদের প্রেম পূর্ণতা পাবে তাই নিয়ে ভাবি দিনরাত। যেন ওদের প্রেমের সার্থকতাতে আমারও কিছু অংশীদারি রয়ে গেছে।

পাশে দাঁড়ানো মানসীকে জিঞ্জাসা করলাম,—কিরে মানি, পরীক্ষার সময়তেও ধ্যান চলছে?

মানসী মাথা ঝাঁকাল, নাহ, কালকের বায়োলজি পরীক্ষার কথা ভাবছি।

—বাজে বকিস্ না। তোর নাকটানা দেখেই আমি বুঝতে পারি সর্দি হয়েছে কিনা। প্রবীরদার সঙ্গে ঝগড়া করেছিস?

শীতের শুকনো পত্রপুষ্পবিহীন কৃষ্ণচূড়া গাছের দিকে তাকিয়েছিল মানসী।
হট্ট করে আমার হাত চেপে ধরেছে,—ও কেমন বদলে যাচ্ছে রে অপু।

—কেন? কী বলেছে তোকে?

—বলবে আবার কি। দুচার মিনিট কথা বলেই আমাকে আজকাল কাটাতে
চায়। বেরোতে বললে পড়াশুনোর ছুতো দেখায়।

—বারে, পড়াশুনো করবে না? রেজাল্ট ভাল হলে তো তোরই লাভ। সে'ও
তো তোরই জনো।

—হঁহ, আমার জন্যে না হাতি। মেয়েদের চোখ ঠিক বুঝতে পারে। তুই একবার
ওর সঙ্গে কথা বলবি?

—আমি! আমি কি বলব! সদ্য পড়া উপন্যাস উগরে দিলাম মানসীকে,—
দ্যাখ্ মানি, প্রেম হল এক ধরনের সাধনা, ব্রত। দুজন নারীপুরুষের মধ্যে চিরস্তন
সম্পর্কের ইমারত গড়ে ওঠার শক্ত ভিত। এখানে তৃতীয় মানুষের ভূমিকা নেই
রে। প্রবীরদাকেও তো দেখেছি, মিথ্যে ভাবিস না, প্রবীরদা খুবই ভালবাসে তোকে।

মানসী হঠাতেই খেপে গেল,—থাক, তোকে আর লেকচার মারতে হবে না।
যদি কোনও দিন মরে যাই...

আমি ওর মুখ চেপে ধরলাম,—তুই তো লায়লাকেও হার মানালি রে। অল
রাইট, কাল পরীক্ষা শেষ হোক, ধরছি প্রবীরদাকে।

পরীক্ষার পর মানসীর ঘ্যানঘ্যানানি এড়াতে না পেরে শেষ পর্যন্ত এক বিকেলে
গেলাম প্রবীরদার ঘরে। আমাকে দেখে প্রবীরদা প্রথমটা খুবই অবাক। শুধু অবাক
নয়, কেমন যেন মনে হল খুশিও।

সরাসরি কথা পাড়লাম,—অ্যাহি মশাই, আমার সুন্দর বন্ধুটাকে আপনি এত
কষ্ট দিচ্ছেন কেন?

প্রবীরদা অল্প থমকাল,—কষ্ট দিয়েছি! কই নাতো!

—বাজে কথা বলবেন না। ওর সঙ্গে আপনি ভাল করে কথা বলেন না, বাইরে
বেরোতে চান না, কথা বলতে গিয়ে হাই তোলেন, ব্যাপারখনা কি?

আমার আক্রমণে বিন্দুমাত্র বিচলিত নয় প্রবীরদা, মিটিমিটি হেসেই চলেছে,—
তোমার বন্ধুর কথা ছাড়ো। নিজের কথা বলো। তোমাকে যে কী সুন্দর দেখতে
লাগছে আজ। এখনুনি যদি সুচিত্রা সেন তোমাকে দেখত...

একটা শিরশিরে চোরা শ্রোত বয়ে গেল আমার শরীর বেয়ে। জীবনে প্রথম
কোনও পুরুষের মুখে আমার রূপের স্ফুর্তি!

—ইস্, ফাজলামি হচ্ছে? দেব মানিকে বলে তখন টেরটি পাবেন।

চকিতে প্রবীরদা এগিয়ে এল আমার দিকে,—তোমার মনে হচ্ছে আমি ফাজলামি করছি? তুমি জানো তুমি কত সুন্দর? আয়নায় ভাল করে দেখেছ নিজেকে?

প্রবীরদার চোখ ক্রমশ ঘোলাটে, অস্বচ্ছ। আমি সরে আসার আগেই আমার হাত চেপে ধরেছে,—বিশ্বাস করো অপরাজিতা, তোমাকে দেখার পর থেকে, তোমার সঙ্গে কথা বলার পর থেকে, মানসী অসহ্য হয়ে গেছে। ম্যাডমেড়ে। জোর করে ওর সঙ্গে বেরিয়েছি, এদিক ওদিক গেছি, কিন্তু সে প্রায় বাধ্য হয়ে।
তুমি ছাড়া...

কেউ যেন সিসে গলিয়ে ঢেলে দিচ্ছে আমার কানে। সজোরে নিজেকে ছাঢ়িয়ে দু হাতে কান চেপে ধরলাম,—কী পাগলের মত যা তা বলছেন! এ তো ট্রেচারি, চিটিং, ছি ছি ছি...ছিৃ।

পলকে আমার সামনে হাঁটু গেড়ে বসে পড়ল প্রবীরদা। দু হাতে জড়িয়ে ধরেছে আমার কোমর। এক ধাক্কায় ফেলে দিয়ে ছিটকে এসেছি ভেজানো দরজার কাছে। নিচু স্বরে হিসহিস করে উঠলাম,—জানোয়ার। জানোয়ার কোথাকার। মানি একটা জানোয়ারকে ভালবেসেছিল।

নীচে উদ্বিঘ্ন মানসীর সামনে এসে দাঁড়ানোর সময়েও হৃৎপিণ্ড পাগলা ঘট্টি বাজাচ্ছে। মুঠো শক্ত করে চোয়াল ঘষলাম। মানসী যেন কিছু আঁচ করতে না পারে।

—কী বলল রে?

—কিছুই না, এমনি হাসিঠাট্টা করছিল। শক্ত রাখতে গিয়েও আমার গলা কেঁপে গেল,—তুই ওকে ভুলে যা মানি। ও বোধহয় অন্য কাউকে...

মানসী অন্ধের মত আঁকড়ে ধরল আমাকে, বলল? বলল সে কথা? বলল আমাকে ভালবাসে না?

—বলেনি। কথা শুনে মনে হল। আমি ঠোক গিললাম,—হয়ত ইউনিভাসিটিতে কাউকে...হয়ত নিজের দেশেরই কেউ...

মানসী এক ছুটে দোতলার সিঁড়ির কাছে গিয়ে ধপ করে মাটিতে বসে পড়ল: দু হাঁটুতে মুখ শুঁজে ভেঙে পড়েছে শব্দহীন কান্নায়, কান্নার দমকে ফুলে ফুলে উঠেছে।

আমারও চোখ ফেটে যাচ্ছিল। নিজেকে প্রাণপণে সামলানোর চেষ্টা করছি,—কাঁদিস না মানি। একটা মোংরা বাজে লোকের জন্য তুই কাঁদবি কেন? ও তোর মতো যেয়ের কান্নার ঘোগ্য নয়।

বলতে গিয়ে বমি এসে যাচ্ছে। তখনও যেন আমার শরীরটাকে চাটছে ওই
পুরুষ নেকড়েটা। নেকড়ে নয়, শেয়াল।

এই তবে প্রেম? ঘেঁঘো। ঘেঁঘো। ঘেঁঘো।

এর পর বেশ কিছুদিন কেমন যেন থম মেরে গিয়েছিলাম আমরা। মানসী
তো পুরোপুরি বিধ্বস্ত। মানসিক ভাবে, শারীরিক ভাবেও। নিয়ম মতো স্তুলে
যায়, একেক দিন বিকেলবেলা জোর করে ওকে টেনে বাইরে বার করি, কখনও
নিজেই বাড়িতে বসে থাকি চুপচাপ, চোখে জমে থাকে বিষাদের বরফ। তবে
সময় তো সম্মোহনের মন্ত্রমাখা একমুখী ধাবমান তীর, সেই সম্মোহনেই বিষাদ
মুছে যায়, নিরাময় হয় শোকের ক্ষত। সেই সম্মোহনেই প্রথম পুরুষের দেওয়া
অপমান ভুলি আমরা। আবার নতুন করে ইঁটতে শুরু করি হলুদ বিকেলে। ঘূমন্ত
রিঙ্গাঅলার কাঁধের গামছা চুরি করে হাসিতে গড়িয়ে পড়ি, পাড়ার ছোট মেয়েদের
সঙ্গে দাগবসন্তী খেলায় মেতে উঠি এক আধদিন, দাদার কাছে বাধ্য ছাত্রীর মতো
বসে অ্যালজেব্রা কষি দুজনে। আমরা দুজনেই ঠিক করেছি হায়ার সেকেন্ডারির
পরে ডাক্তারি পড়ব। হাজার হাজার ঝুঁগী আসবে আমাদের কাছে, তাদের কাছে
আমরাই ঈশ্বর, তাবলেই কী যে শিহরন জাগে! তার জন্য অবশ্য ভাল রেজাল্ট
করা দরকার। অর্চনার চিন্তা নেই, ও যা লেখাপড়ায় ভাল, ডাক্তারিতে চাঞ্চ পাবেই।
তবে ইদানীং মেয়েটা একটা বিশ্বী মাথার যন্ত্রণায় মাঝে মাঝেই বড় কষ্ট পায়।
ইলেভেন ওঠার পর থেকে তো প্রায়ই কামাই করছে। প্রিটেস্টের আগে পাক্ষা
কুড়ি দিন দেখা নেই। এখন আর অর্চনার সঙ্গে তেমন যোগাযোগ না থাকলেও
পুরনো একটা টান তো আছেই। সেই টানেই আমি আর মানসী ওকে দেখতে
গেলাম।

অর্চনাদের বাড়িটা আগে একতলা ছিল। এখন দোতলা তিনতলা উঠে গেছে।
লোহার ব্যবসায়ে অর্চনার বাবা জ্যাঠার নাকি এখন দারুণ রমরমা। বাড়ির সামনে
বেশ খানিকটা জায়গা জুড়ে সুন্দর বাগান, বাগানের ঠিক মাঝখানে একটা গঞ্জরাজ
ফুলের গাছ। সাজানো বাগানের মাঝে আলটপকা গাছটা কেমন যেন বেমানান।

অর্চনা দোতলার ঘরে শুয়েছিল, আমাদের দেখে উঠে বসেছে। খুবই রোগা
হয়ে গেছে কদিনে, চোখের তলায় নীলচে ছোপ। ক্ষীণ স্বরে ডাক্তাল,—আয়। এতদিন
পরে খৌজ নিতে এলি?

মানসী বলল,—রোজই ভাবি আসব, হয়ে ওঠে না রে। এত পড়ার চাপ...

আমি টোক গিললাম। শুধুই কি পড়ার চাপ? যোগাযোগের অসুবিধে? নাকি
অন্য কারণও আছে? নিজেদের তৈরি করা জগতে ভুবে আমি আর মানসী একটু

স্বার্থসচেতন হয়ে যাইনি কি ? নিজেদের নিয়েই নিজেরা মগ্ন আছি। দীপিকার কথাও তো আজকাল মনে পড়ে না আমাদের। অপরাধী মুখে প্রশ্ন করলাম,—এখন কেমন আছিস ?

অর্চনার মা ঘরেই ছিল, করণ মুখে বলে উঠল,—দ্যাখো না এত ডাঙ্কার দেখানো হল, এবার আর মাথা ব্যাথাটা কিছুতেই যেতে চাইছে না। হঠাৎ হঠাৎ বেড়ে যায়। তখন কী হয়ে যায় ওর ! হাত পা ছুঁড়তে থাকে, চোখ উল্টে যায়, গেঁ গেঁ শব্দ ওঠে গলা থেকে, দেওয়ালে পাগলের মত মাথা ঠোকে তখন।

—ডাঙ্কারবাবুরা কী বলছেন ?

—একেক ডাঙ্কারের একেক মত। মাথার ছবিও তো তোলা হল, কিছু পাওয়া গেল না। কেউ বলছে এ এক ধরনের হিস্টিরিয়া, কেউ বলছে নার্ভের দোষ, কেউ বলছে ব্রেনে কোথাও কিছু হয়েছে...। অর্চনার মা দীর্ঘশ্বাস ফেলল,—কী যে হল !

অর্চনা চোখ বুজে ফেলল, ঠোট দুটো কেমন সাদাটে হয়ে গেছে, কাঁপা গলায় বলল,—কবে যে আবার স্কুল যেতে পারব !

মানসী বলল,—ওষুধ পড়ছে তো। দ্যাখ না, দু চার দিনের মধ্যেই ভাল হয়ে উঠবি।

আমাদের কথাবার্তার মাঝে অর্চনার জেঠিমা আমাদের জন্য সিঙ্গাড়া মিষ্টি নিয়ে এসেছেন। অর্চনার মা'র মত এঁর কপালেও এক ধ্যাবড়া সিদুর, সিঁথি জবজবে লাল, ঘরেও এঁরা খুব দামি দামি তাঁতের শাড়ি পরেন। অর্চনার জেঠিমার চেহারা বেশ দশাসই, অর্চনার মা'র মতো রোগাসোগা ছেটখাটো নয়, চোখ দুটো জগদ্বাণী ঠাকুরের মত বড় বড়, টানা টানা। তিনি বললেন,—আর গুচ্ছের ওষুধ খাইয়ে কাজ নেই। ডাঙ্কারদের কেরামতি বোঝা গেছে। পরশু গুরুদেব এসে পড়ছেন, তাঁর হৌওয়াতেই অনু আমাদের ঠিক সেরে উঠবে।

রাস্তায় এসে মানসীকে বললাম,—কী হয়েছে ডাঙ্কাররা ধরতে পারছে না কেন বল, তো ?

—কে জানে, ডাঙ্কাররা তো আর ধৰ্মন্তরি নয়। অনেক অসুখই তো আছে ধরা পড়ে না। বড় বড় ডাঙ্কাররাও...

—তার মানে ডাঙ্কার হলে আমরাও অনেক রোগ ধরতে পারব না ? ঝুঁগী মরে যাবে ?

মানসী হেসে ফেলল,—আগে থেকে এত ঘাবড়ে যাচ্ছিস কেন ? হয়ত ওরা যাদের দেখিয়েছে তারা ধরতে পারেনি, বিজ্ঞান এখন অনেক উন্নতি করেছে. কত সব জটিল রোগের ওষুধ বেরিয়ে গেছে...

আমি বললাম,—তাছাড়াও মাথার ওপর তো ভগবান আছেন। অর্চনাকে ভগবানই
ঠিক ভাল করে দেবেন।

মানসী অঙ্গ উভেজিত হল,—ওষুধ না খাওয়ালে ভগবানের বাবারও সাধ্য
নেই ওকে ভাল করার। শুনলি না ওর জেষ্ঠিমা কী বলল?

—দূর, ওটা কথার কথা। নিজের ছেলেমেয়েকে কেউ ওষুধ না খাইয়ে থাকতে
পারে! দ্যাখ হয়ত গুরুদেবই কিছু ওষুধ বিষুধ জানেন... তাঁর ওষুধেই হয়ত ভাল
হয়ে যাবে অর্চনা।

তখনও আমাদের মনে এরকমই অনেক সাদামাটা সরল বিশ্বাস। জীবনের প্রতি।
মানুষের প্রতি। ঈশ্বরের প্রতি। বাড়ি ফিরেও তাই ঠাকুরপ্রণাম করতে গিয়ে মনে
মনে বলছি,—হে ঠাকুর, অর্চনাকে তুমি ভাল করে দিও। যে করে হোক।

এর পর ক’দিন প্রিটেস্টের চাপে অর্চনাকে আর দেখতে যাওয়া হয়নি। পরীক্ষা
শেষ হওয়ার ঠিক পরেই একদিন স্কুলে গিয়ে দেখি আমাদের ক্লাসের মেয়েরা
এক জায়গায় জটলা বেঁধে দাঁড়িয়ে কী যেন বলাবলি করছে, তখনও প্রেয়ারের
সময় হয়নি। অন্যদের মতো আমি আর মানসীও ভিড়ে চুকে পড়লাম,—কী হয়েছে
রে?

—ওমা, তোদের সঙ্গে এত ভাব তোরা জানিস না? অর্চনা মা কালী হয়ে
গেছে। ওদের গুরুদেব নাকি বলেছেন...

পুরোটা শোনার আগেই প্রার্থনার ঘণ্টা পড়ে গেল। খোলা আকাশের নীচে
সার বেঁধে দাঁড়িয়ে আমরা হাতজোড় করে গাইছি,—তোমারই গৃহে পালিছ স্নেহে,
তুমি ধন্য ধন্য হে...

ক্লাসে ফিরে আবার সেই জটলা। আবার সেই রোমহর্ষক আলোচনা।

মানসী জিজ্ঞাসা করল,—তোরা কেউ নিজের চোখে দেখেছিস?

কেয়া চোখ ঘোরালো,—দেখে কাজ নেই, যা শুনেছি তাই যথেষ্ট। দুনিয়াশুন্দ
লোক সবাই জেনে গেছে। প্রত্যেক শনি মঙ্গলবারে নাকি ভর হচ্ছে অর্চনার, মা
কালী আসছেন ওর শরীরে।

মানসী অবিশ্বাসী গলায় বলল,—যাহু, এই আমরা সেদিন গিয়ে দেখে এলাম...

—আমিও তো প্রথমে বিশ্বাস করিনি। ওরা নাকি আর ডাক্তারও দেখাচ্ছে
না। গুরুদেব কিসব শেকড়বাকড় খাওয়াচ্ছে, তাই খেয়ে নাকি মড়ার মত পড়ে
থাকে সারাদিন। বিশ্বাস না হয়, আজ তো মঙ্গলবার, গিয়ে দেখে আয় না।

ছুটির পর উর্ধ্বশ্বাসে ছুটেছি।

অর্চনা দোতলার সেই ঘরেই চোখ বুঁজে শুয়ে। পরনে চওড়া লালপাড় সাদা

ତାତେର ଶାଡ଼ି, ଆରଓ ଶୀର୍ଘ ପ୍ୟାକାଟିର ମତ ଚେହାରା, ଶୁଦ୍ଧ ମେଘଲା ବିକେଳେର ଶେଷ ଆଲୋ ଏସେ ଓର ଫ୍ୟାକାସେ ମୁଖ୍ଟାକେ ଯା ଏକଟୁ ଉଜ୍ଜ୍ଵଳ କରେ ରେଖେଛେ । ଆମାଦେର ଦେଖେ ଅନେକ କଷ୍ଟେ ଚୋଖ ଖୋଲାର ଚେଷ୍ଟା କରଳ, ପାରଲ ନା, ଆପନା ଥେକେଇ ଚୋଖ ବଞ୍ଚ ହେୟ ଯାଚେ । ଜଡ଼ାନୋ ସ୍ଵରେ ଶୁଦ୍ଧ ବଲତେ ପାରଲ,—ଶୁଲ ହଚେ? ପରୀକ୍ଷା ଶେଷ ହେୟ ଗେଲ ନାରେ? ଅନେକ ପଡ଼ା ଏଗିଯେ ଗେଛେ?

ମାନସୀ ଅର୍ଚନାର ଅସ୍ଥିସାର ହାତେ ହାତ ରାଖଲ,—ତେମନ କିଛୁ ନା, ତୁଇ ସେରେ ଓଠୁ, ଠିକ ଧରେ ନିତେ ପାରବି ।

ଅର୍ଚନାର ବଞ୍ଚ ଚୋଖେର କୋଳେ ଦୁଫୋଟା ଜଳ ଟିଲଟିଲ,—ଫିଜିଆଟା ଏଖନେ କତ ବାକି ରଯେ ଗେଛେ ଆମାର...

କଥା ଶେଷ ହେୟାର ଆଗେଇ ଅର୍ଚନାର ମା ଘରେ ତୁକେ ଆଁତକେ ଉଠେଛେ,—ଏକି! ତୁମି ଓକେ ଛୁଯେଛ କେନ? ଶନି ମଙ୍ଗଲେ ଓକେ ଛୋଇୟା ଏକଦମ ବାରଣ ।

ମାନସୀ ଭଯେ ଭଯେ ହାତ ଛେଡେ ଦିଲ,—କେଳ ମାସିମା?

—ଶୁରୁଦେବ ବଲେଛେନ ଯେଦିନ ଓର ଶରୀରେ ମା ଅଧିଷ୍ଠାନ କରବେନ, ସେଦିନ ଓକେ ବାଇରେର ଲୋକ ସ୍ପର୍ଶ କରତେ ପାରବେ ନା । ତୋମରା ଏକ କାଜ କରୋ, ନୀଚେର ଘରେ ଗିଯେ ବୋସୋ, ଏକଟୁ ପରେ ଓର ଆରତି ଆରତ ହବେ, ପ୍ରସାଦ ନିଯେ ଯେଓ ।

ଭଦ୍ରମହିଳାର ସ୍ଵରେ ଏମନ କିଛୁ ଛିଲ, ଆମରା ମନ୍ତ୍ରମୁଖେର ମତ ନୀଚେ ନେମେ ଏଲାମ । ବଡ଼ ହଲଘରଟାଯ ଏର ମଧ୍ୟେଇ ଧୂପଧୂନୋ ଦେଓୟା ଶୁରୁ ହେୟ ଗେଛେ । ଅର୍ଚନାର ଜେଠିମା ଗରଦେର ଶାଡ଼ି ପରେ ଗଞ୍ଜାଜଳ ଛିଟୋଛେନ ଗୋଟା ଘରେ । ଫାଁକା ଘର ଆମାଦେର ଚୋଖେର ସାମନେଇ ଭିଡ଼େ ଭିଡ଼; ଆରଓ ଖାନିକଷ୍ଣ ପର, ଲାଲ ପୋଶାକପରା, ବାବରିଚୁଲ ପରିପାଟି କରେ ଆଁଚଡ଼ାନୋ, ସୌମ୍ୟଦର୍ଶନ ଏକ ଉଜ୍ଜ୍ଵଳଚୋଖ ସନ୍ନାସୀ ଖଡ଼ମ ଖଟଖଟିଯେ ନେମେ ଏଲେନ ଓପର ଥେକେ । ମୁହୂର୍ତ୍ତ ଦିବ୍ୟ ଗଞ୍ଜେ ଚତୁର୍ଦିକ ମାତୋଯାରା । ସକଳେ ଭକ୍ତିଭରେ ଉଠେ ଦାଢ଼ିଯେଛେ । ଦେଖାଦେଖି ଆମରାଓ । ଅଜାନ୍ତେଇ ଆମାର ମୁଖ ଥେକେ ବେରିଯେ ଏଲ,—କୀ ଅଲୌକିକ ଗଞ୍ଜ ରେ ମାନି ।

ମାନସୀ ଜୋରେ ଜୋରେ ନାକ ଟାନଲ,—ଗନ୍ଧଟା ଖୁବ ଚେନା ଚେନା ଲାଗଛେ ରେ ଆମାର! କୋଥାଯ ଯେନ...କୋଥାଯ ଯେନ...! ବଡ଼ମାଇମାର କ୍ରେଙ୍କ ପାରଫିଟମଟା କି...!

ଭକ୍ତଦେର ବାବା ବାବା ରବେ ମାନସୀର ଗଲା ଢାକା ପଡ଼େ ଗେଲ । ତିନି ସଯତ୍ନେ ପାତା ଅଜିନାସନେ ବସଲେନ । ମନ୍ତ୍ର କଷ୍ଟେ ସକଳକେ ବଲଲେନ,—ବୋସୋ । ବଲେଇ ଅର୍ଚନାର ବାବାର ଦିକେ ତାକିଯେଛେନ,—କଇ, ଆମାର ବେଟି କୋଥାଯ? ଆମାର ଥ୍ୟାପା ମା?

ଅର୍ଚନାର ବାବା ଆର ଜ୍ୟାଠତୁତୋ ଦାଦା ଥାଯ କୋଲପ୍ରାଜା କରେ ନିଯେ ଏଲ ଆଧା ଅଚେତନ ଅର୍ଚନାକେ । ଜ୍ୟାଠା ତାକେ ସ୍ଥାପନ କରଲେନ ଲାଲ ଶାଟିନମୋଡ଼ା ବେଦିର ଓପର । ଅର୍ଚନାର ଦୁଇ ବୋନ ଦ୍ରତ ଏସେ ତିନଦିକେ ତିନିଥାନା ତାକିଯା ଦିଯେ ଦିଲ । ସେଇ ତାକିଯାର

ঠেকাতে আধশোরা অর্চনা কেমন নিজীব নিষ্পাণ ভাবে বুলছে। টকটকে লা; একটা শাড়ি তার শরীর ঘিরে আঞ্চেপ্রষ্ঠে জড়ানো, গামে ব্রাউজ নেই, মাথার চুল খোলা, কপালে অ্যাণ্ডো বড় একটা রক্ষচন্দনের ফোটা। গুরুদেব তার গলায় পঞ্চমুখী জবার মালা পরিয়ে জলদগঙ্গীর গলায় হস্কার ছাঢ়লেন,—মা মাগো করালবদনী তারা ব্রহ্মাময়ী, একবার বুকে চেপে বোস্ মা, বদরস্ত সব বেরিয়ে থাক...মা...মাগো...

চিৎকারের জন্য কি না জানি না অর্চনার স্থির শরীর একটু নড়েচড়ে উঠল। তারপর আচমকাই গলা থেকে ছিটকে এসেছে গৌগো শব্দ, ঠোট বেয়ে কষ গড়াচ্ছে, এক মাথা চুল ঝাপাং করে নেমে আসছে মুখের ওপর, আবার ঝাকুনি খেয়ে ছড়িয়ে পড়ছে। ঘর জুড়ে অস্ফুট মা মা ধ্বনি। আচমকা কে যেন কাঁসর বাজাতে শুরু করল, অর্চনার মা শাখ বাজাচ্ছে, বাবা জ্যাঠা জেঠিরা সাষ্টাঙ্গে প্রণত মেঘের পায়ের কাছে। গুরুদেব একটু করে ফুল ছিড়ে ভক্তদের হাতে দিচ্ছেন আর প্রশ্ন করছেন,—বলো, তোমার কী জিজ্ঞাস্য আছে? মা'র কাছে কী জানতে চাও তুমি?

এক এক করে মানুষ এগিয়ে যাচ্ছে সামনে, মাকে প্রণামী দিয়ে জানতে চাইছে নিজের ভৃত-ভবিষ্যৎ, আর গুরুদেব মায়ের থরথর ঠোটের কাছে মুখ নিয়ে গিয়ে শুনে নিচ্ছেন উন্নত। আমার কী রকম গা ছমছম করছিল, সুগন্ধী খোঁয়ায় সব আবছা হয়ে আসছে। হঠাৎ দেখি নীলসাদা স্কুল ইউনিফর্ম পরা মানসী এগিয়ে যাচ্ছে বেদির দিকে। একেবারে সামনে গিয়ে প্রশ্ন করল,—মা, আমাদের অর্চনা কবে ভাল হবে মা?

এবার আর গুরুদেব অর্চনার দিকে ফিরলেন না, মানসীকে কাছে টেনে নিয়েছেন, মণিমুক্তোখচিত আঙুলগুলো মানসীর মাথার ওপর,—ভাল হবে কী রে বেটি, তোর বন্ধু তো ভাল হয়ে গেছে।

বাড়ি ফিরে সবিস্তারে সকলকে বর্ণনা দিলাম পুরো ঘটনাটার। মা তো শুনে গদগদ,—আমাকে সামনের শনিবার একবার নিয়ে চল তো।

বাবা ধরকে উঠল,—খবরদার না। যত সব বুজুরুকি। ভগুমি।

দাদা বলল,—পুলিশে খবর দেওয়া উচিত। গুরুদেবটাকে ইমিডিয়েটলি অ্যারেস্ট করুক।

আমি তর্ক করে উঠলাম,—কেন? তিনি কী দোষ করলেন? তাঁর ওষুধ খেয়ে মাথার যন্ত্রণা আর একটুও নেই অর্চনার, সেটা জানিসু? তাছাড়া আমরা নিজের চোখে দেখে এসেছি ওর ভেতরে সত্যি সত্যি মা কালী...

দাদা রেগে গেল,—হায়ার সেকেন্ডারি দিবি, এখনও এত গাধার মতো কথা বলিস কী করে রে অপু?

আমি দাদার ওপর খুব রেগে গেলাম। তর্ক করলাম না বটে, তবে বাবার কথাও মানতে পারলাম না মনে মনে। বিশ্বাসেই ঈশ্বরকে পাওয়া যায় আমি জানি। ঠিক করলাম এর পরদিন মা কালীর কাছে গিয়ে পরীক্ষার রেজাল্টটা কী হবে জেনে আসব। অর্চনার বোন বলছিল ওর বাবা জ্যাঠারা নাকি একটা মন্দির করে দেবেন শুরুদেবকে, সেখানে মায়ের বিগ্রহ প্রতিষ্ঠা হয়ে গেলেই মা কালী অর্চনার শরীর থেকে বেরিয়ে আসবেন, তখন সম্পূর্ণ সুস্থ হয়ে উঠবে অর্চনা।

অর্চনাটা অবশ্য তার আগেই মরে গেল।

সেদিন ছিল রাখিপূর্ণিমা। সকাল থেকেই টিপটিপ বৃষ্টি। কেয়ার মুখে ঘবর পেয়ে আমি আর মানসী পড়িমরি করে ছুটেছি। গিয়ে দেখি ক্লাসের প্রায় অর্ধেক মেয়ে পৌঁছে গেছে। কয়েকজন দিদিমনিও। ভেঙে পড়েছে গোটা অঞ্চল। অত লোক, তবু কারুর মুখে একটা শব্দ নেই।

উঠোনের ফুলে ভরা গন্ধরাজ গাছটার নীচে বিশাল এক বোম্বাই খাটে শুয়ে আছে অর্চনা। রাঙ্গলাল শাড়ির আড়ালে শুকনো সরু কাঁঠালিচাঁপা ডালের মতো শরীর প্রায় দেখাই যায় না, ছোট কপালে টিপ যেন শেষ বিকেলের সূর্য, গলায় জবাফুলের মোটা মালা।

আমার সমস্ত শরীর ঝনঝন করে উঠল। স্পষ্ট দেখতে পাচ্ছি অর্চনা চোখ খোলার চেষ্টা করছে, পারছে না...স্কুল হচ্ছে অপু? অনেক দূর পড়া হয়ে গেল নারে? ফিজিঙ্কটা এখনও কত বাকি রয়ে গেছে আমার...। দু'হাতে মুখ ঢেকে ফেললাম। চারদিকে এ কী ভয়ানক ভাঙ্গুর চলছে? ভাঙ্গছে, ভাঙ্গছে। ভাঙ্গনে সব ভেসে গেল। অদ্বা। প্রেম। সম্পর্ণ। ভঙ্গি। বিশ্বাস। আমার ভেজা চোখ মাড়িয়ে অর্চনা চলে গেল। দীপিকা চলে গেল। প্রবীরদারাও। বিকেল বড় তাড়াতাড়ি ফুরিয়ে গেল। আমাদের বিকেল। আমাদের হলুদ বিকেল।

এখন শুধু সামনে এক যুদ্ধের প্রস্তুতি। শরতের বাতাস কাঁপিয়ে মাঝে মাঝেই সাইরেন বেজে উঠে। এয়াররেড। অল ক্লিয়ার। এয়াররেড। ছদ্ম মহড়ায় স্কুলে খোঁড়া ট্রেনে অথবা বালির বস্তার আড়ালে লুকোই আমরা। সঙ্গে হতেই রাঙ্গার বাতিগুলো মুখ ঢাকে কালো ঠুলিতে, ঝুঁক জানালাদরজার কাছে আড়াআড়ি ভাবে সাঁটা হয় কাগজের ফালি। পুজোর আগে শহর জুড়ে প্রতিরোধের সাজসাজ রব।

আমার মনের ভেতরেও এক যুদ্ধের প্রস্তুতি চলতে থাকে অবিরাম। ক্রমশ বড় হয়ে উঠিঃ-আমি। সত্যিকারের বড়।

দৃষ্টিহীন

আমার বাবা মারা গিয়েছিলেন একা একা। শেষ সময়ে তাঁর বিছানার পাশে আমরা কেউই ছিলাম না, যদিও মা ছাড়া আমরা সকলেই তখন হাসপাতালে। দাদা ছোড়দা দিদি, আরও অনেকে। আমিও।

মারা যাওয়ার ঠিক ন'দিন আগে বাবাকে হাসপাতালে ভর্তি করা হয়। মস্তিষ্কে রক্তক্ষরণ। ক'দিন ধরেই তিনি ইনটেনসিভ কেয়ারে ছিলেন, আমরা কেউ তাঁর দেখা পেতাম না। দেখা পেয়েই বা কী হত! ডাক্তার-নার্সদের মুখে শুনতাম তিনি নাকি কোমাতেই আছেন। বাবাকে বাঁচানোর জন্য খরচে কার্পণ্য করিনি আমরা, নামী হাসপাতাল, দামী চিকিৎসা সবই হয়েছিল। ডাক্তাররা যখন যেমন বলেছে ওমুধ ইনজেকশন কিনে দিয়েছি, দিনেরাতে সর্বসময়ে কেউ না কেউ পালা করে থেকেছি, বাবার চিকিৎসায় যেন সামান্যতম ত্রুটি না হয় সেদিকে আমাদের সতর্ক নজর ছিল। আমরা কাজের মানুষ, প্রত্যেকেরই সুবিধে অসুবিধে আছে, সেগুলো সামলে-সুমলে চার ভাইবোন একসঙ্গে মিলতাম বিকেলে। ভিজিটিং আওয়ারের পর চারজনই বড় ডাক্তারের সঙ্গে কথা বলতাম। তিনি খুব একটা আশা দেননি, তবু যেন মনে হত এত দিন যখন কেটে গেছে, বাবা হয়তো এ্যাত্রা বেঁচে গেলেন।

বাড়ি ফিরে মাকে রোজকার সংবাদ দিতাম আমরা। মা সচরাচর কিছু বলত না। শুনত শুধু। নীরবে। বাবা হাসপাতালে যাওয়ার পর থেকেই কেমন যেন থম মেরে গিয়েছিল আমাদের স্বল্পভাষী মা।

বাবা টিকলেন না। মারাই গেলেন। এক চৈত্রের বিকেলে।

নামে চৈত্রমাস হলেও দিনটা ছিল খুব শুমোট। গরম। শেষ বসন্তে যে একটা এলোমেলো বাতাস বয় তার কোনও চিহ্নই ছিল না কোথাও। শুকনো পাতারা

উড়ছিল না, শহরের সমস্ত গাছ নিষ্পন্দ, হাসপাতালের পুকুরের জলেও তরঙ্গ
ছিল না এতটুকু। সব কিছুর মধ্যেই ছিল এক মৃত্যুর পূর্বাভাস।

আমরা অবশ্য তেমন কিছু লক্ষ করিনি।

লক্ষ করার তখন অবকাশই বা কোথায়? অন্তত আমার? সেদিন দুপুর থেকেই
আমার নিঃশ্বাসের কষ্ট শুরু হয়, বিকেল নাগাদ বেশ বেড়ে যায় চাপ। কষ্টটা
নতুন কিছু নয়, তখন প্রায়ই হত। কোনও ঝুত একটু চড়া হলেই ওই রোগ ছিল
আমার নিত্যসঙ্গী। সে কিবা শীত, কিবা গ্রীষ্ম, কিবা বর্ষা। শুমোট হলেও নিঃশ্বাসে
টান, ঘোর বর্ষায় দম আটকে আসে, ঠাণ্ডা হাওয়া চললেও ভাল করে শ্বাস নিতে
পারি না। কড়া গন্ধ আমার শক্তি, ধূলোবালি বিভীষিকা, যে কোনও মানসিক উদ্বেগই
আমার ফুসফুসের শমন। এই চেনা কষ্ট যে এক আসন্ন মৃত্যুর সঙ্কেত, আমি
তা বুঝব কী করে!

সিঁড়িতে বসে তখন হাঁপাছি আমি, দাদাদিদিরা এলোমেলো কথা ছেড়ে আমাকে
নিয়ে ব্যস্ত হয়ে পড়ল। দিদি বলল, তোর তো ব্যাগে ট্যাবলেট আছে, একটা
খেয়ে নে না।

ছোড়দা বলল, জল এনে দেব?

বড় বউদি বলল, তোমার কাছে স্প্রে থাকে না, মুখে একটু টেনে নাও...

ছোট বউদি বলল, ওকে একটু চা এনে দাও। গরম চা খেলে এখন আরাম
হবে।

আমার অস্পষ্টি হচ্ছিল। আমি আর খুকিটি নেই, উন্ত্রিশ বছর বয়স হয়েছে
আমার, চাকরিবাকরি করি, নিজের ভাবনা নিজেই ভাবা আমার প্রকৃতি। তা ছাড়া
হাসপাতালে বসে আমাকে নিয়ে বিরুত হয়ে ওঠাও ঠিক পছন্দ হচ্ছিল না আমার।
হাত তুলে দু'দিকে মাথা নাড়লাম—কিছু লাগবে না।

জামাইবাবু তবু কোথেকে ছুটে এক ভাঁড় চা নিয়ে এসেছে। খেতেই হবে।

ভাঁড় হাতে নিয়ে সবে চুমুক দিয়েছি, তখনই ডাকটা এল। মৃত্যুদুরের মতো
কে যেন হাঁকছে, আই সি ইউ সেভেন্টিন... আই সি ইউ সেভেন্টিইইন...! পেশেন্টের
বাড়ির লোক কেউ আছেন?

আমাদের বাবা চিকিৎসার রায় যে আই সি ইউ সেভেন্টিন হয়ে গেছেন, সেটা
বুঝতে কয়েক সেকেন্ড সময় লেগেছিল আমাদের।

দাদা হঠাৎ সিগারেট ফেলে লাফিয়ে উঠল, আমাদের ডাকছে! বাবা...

হড়মুড় করে ছুটল সকাই। চেষ্টা করেও আমি উঠতে পারলাম না কিছুতেই।
বুকের ভেতর তখন আমার আস্ত পাহাড়ের ভার, শ্বাসকষ্টে চোখ ঠেলে বেরিয়ে

আসছে, সামনে শুধু চাপ চাপ ধোয়া। বাবাকে দেখতে যাব কী, মনে হচ্ছিল
আমিই বুবি তক্ষুনি মরে যাব।

কতৃক্ষণ এ অবস্থা চলেছিল মনে নেই। বড়জোর আরও মিনিটখানেক। তারপরেই
চাপ ভাবটা সরতে লাগল। ধীরে ধীরে ঝিমিয়ে এল শরীর। অস্তুত এক ঘোরের
মধ্যে দেখতে পেলাম নতমুখে নেমে আসছে দিদি-দাদারা, আমার সামনে এসে
দাঁড়িয়ে রইল স্থাণুবৎ।

দাদা নিচু স্বরে, অনেকটা টেলিগ্রাফিক মেসেজ শেষ হওয়ার ভঙ্গিতে বলল,
ওভার!

কে যেন প্রশ্ন করল। বোধহয় আমার মাসতুতো ভাই, টাইমটা নেট করেছ?
—আমরা পৌছনোর আগেই...। ওরা বলল পাঁচটা সাত।

ছোড়দা ক্ষুক স্বরে বলল, আমাদের আরেকটু আগে ডাকতে পারত!

মৃত্যুর আগে বাবার কি একবারও জ্ঞান ফিরেছিল! বাবা কি খুঁজেছিলেন
আমাদের!

দিদি কাঁদছিল, বড় বউদি ছেট বউদিরাও।

দাদা সিগারেট ধরাতে গিয়ে কয়েকটা কাঠি নষ্ট করল। চোখের কোল মুছল
আঙুল দিয়ে, এখানে দাঁড়িয়ে কাঙ্কাকাটি কোরো না। বাড়ি গিয়ে মাকে খবর দাও,
আমরা বড়ি নিয়ে আসছি।

মা খুব শান্তভাবেই প্রহণ করেছিল দুঃসংবাদটা। যেন জানতই বাবা আর ফিরবে
না। যেন এই ক'দিন ধরে একটা এলেবেলে যুদ্ধের মহড়া দিছিলাম আমরা।
অমোঘ নিয়তির সঙ্গে। কিছুক্ষণ স্থির থেকে বলল, এবার তাহলে তোমাদের শেষ
কর্তব্যগুলো সেরে ফ্যালো।

মা চিরকালই শক্তপোক্ত মানুষ, নিজেকে প্রকাশ করে না সহজে। তা বলে
বাবার মৃত্যুতেও এত নিরুন্তাপ! এত সমাহিত!

নিজেকে দেখেও খুব আশ্চর্য হচ্ছিলাম আমি। বাবার জন্য যতটা কাঁদা উচিত,
ততটা কাঙ্কা আসছে না। বরং কেমন নির্ভার লাগছিল নিজেকে। সেই যে ভয়কর
টানটা হাসপাতালে উঠেছিল, সেটা যেন কোন ম্যাজিকে উঠাও। সামান্য চাপ ভাব
একটা ছিল বটে, তবে তা তেমন কিছু নয়। অথচ আমি ট্যাবলেটও খাইনি, স্প্রেও
নিইনি, বাতাসে গুমোট ভাবও কমেনি এতটুকু! কেন এমন হয়েছিল!

মেয়েরা সাধারণত শুশানে থায় না, যেতে চায়ও না, কিন্তু আমি গেলাম।
দিদি গেল না, বউদিরাও কেউ গেল না, আমি কেন গেলাম কে জানে! ভেতর
থেকে কেউ কি ঠেলেছিল আমাকে? শেষ দেখা পাক না-পাক, সবাই তো দৌড়ে

গিয়েছিল, একা আমি যেতে পারিনি—এই ঘটনাটুকুই কি উচিত-অনুচিতের বোধ উস্কে দিছিল? নাকি কর্তব্যে অবহেলার বোধ?

শ্বানে পৌছতে সেদিন রাত হয়েছিল অনেক। প্রায় সাড়ে বারোটা। বেশ কিছু আঘায়স্বজন দেরি করে এল, তার জন্য অপেক্ষা করতে হয়েছিল। শ্বানে গিয়েও অপেক্ষা, ইলেক্ট্রিক চুল্লির সামনে সেদিন মৃতদেহের মিছিল। শুনে দেখা গেল আমরা হচ্ছি পনেরো নম্বরে, যত তাড়াতাড়িই হোক, ঘন্টা ছ'য়েকের আগে বাবা চুল্লিতে ঢোকার সুযোগ পাবেন না।

হালহকিকত বুঝে দাদাই তুলল কথাটা, আমার মনে হয় এখানে আমাদের অপেক্ষা করার কোনও মানেই হয় না।

আমরা দাদার কথা ঠিক ধরতে পারিনি। ছোড়দা জিজ্ঞাসা করল, তাহলে কী করব?

—পাশেই তো কাঠের চুল্লি ফাঁকা পড়ে আছে। আমরা বাবাকে কাঠেও পোড়াতে পারি।

গত ন'দিনে পাঁচ রাত জাগার পালা পড়েছিল ছোড়দার, কালও জেগেছিল হাসপাতালে। সে খুব একটা ভাবার সময় নিল না। বলল, কাঠে পোড়ানোই তো ভাল। মোর ট্র্যাডিশনাল। বাবা মাঝে মাঝে বলত না, আমাকে তোরা কাঠেই দিস, চুল্লিতে চুকলে আমার দম বন্ধ হয়ে যাবে।

আমি বাবার দেহটি ছুঁয়ে বসে ছিলাম। এক ঝলক দেখলাম বাবাকে। মরার পরেও দম বন্ধ হওয়ার ভয়! বাবার মাথাতেই এসব আসত বটে!

দাদা জিজ্ঞাসা করল, কী রে পুতুল, তুই কী বলিস?

অন্যমনস্কভাবে বলে দিলাম, তোমরা যা ভাল বোঝ করো।

প্রচুর চন্দন কাঠে চিতা সাজানো হল। জামাইবাবু অনেকটা ঘি কিনে এনেছিল, সবটুকু মাখিয়ে দেওয়া হল বাবাকে। যথাযথ শাস্ত্রবিধি মেনে চিতা প্রদক্ষিণ করল দাদা। বাবার মুখে আগুন ছুইয়ে দিল। চিতা জলে উঠল দাউদাউ।

বাবা পুড়তে শুরু করলেন। বাবা নিঃশেষ হতে শুরু করলেন।

তখনই একটা বাতাস উঠল। বোঢ়ো ঠাণ্ডা। সারাদিনের ভ্যাপসা গরম ফুঁড়ে ছুটে এল এক দামাল কালৈশাথী। রক্তবর্ণ আকাশ ফালা ফালা হয়ে গেল নীল বিদ্যুতের চাবুকে। ঝমাঝম বৃষ্টি নামল।

ঝড়ের আকস্মিকতায় হকচকিয়ে গেছি আমরা। শ্বানেই একটা পাকা শেড ছিল, প্রতিবর্ত ক্রিয়ায় পলকে ছুটে গেছি তার নীচে। নিজেদের মাথা বাঁচাতে।

মুহূর্ত-পরেই হিঁশ ফিরল। বাবা একা! মুহূর্তেই ছুটে গেছি বাবার কাছে। দাদারাও

এসেছে পিছন পিছন। চিতা অবধি পৌছনো হল না, তার আগেই শিউরে উঠেছি আমরা।

যা দেখছি তা কী সত্য!

জল পড়ে চিতা প্রায় নিভু-নিভু। ধিকিধিকি আগনের মধ্যখানে খাড়া উঠে বসে আছেন বাবা। শরীরের প্রায় কিছুই পোড়েনি তখনও, এখানে শুধানে কিছু ঝলসে যাওয়ার দাগ। একমাত্র চোখ দুটো গলে গেছে। চোখের জায়গায় দুটো বড় বড় গর্ত।

ঠিক যেন এক অঙ্ক মানুষ!

দুই

বাবা কোনও দিনই খুব একটা চক্ষুস্থান ছিলেন না। সফলও না। বরং তাঁকে মোটামুটিভাবে সাংসারিক দৃষ্টিহীন এক আদর্শ বিফল মানুষ বলা যায়। চাকরি করতেন খুব সাধারণ। সারাজীবন খেটেখুটে কনিষ্ঠ কেরানী থেকে বড়বাবু হয়েছিলেন, এইটুকুনই তাঁর সাফল্য। অফিসের ছেলেছোকরারা তাঁকে নিয়ে হাসাহাসি করত। বলত, চিন্তদার মাথায় হাত বুলিয়ে দিব্যি সব কাজ করিয়ে নেওয়া যায়, গাধার খাটুনি খেটে ধন্য হয়ে যায় চিন্তদা। সত্যি, চাকুরি নিয়ে বাবার মধ্যে কখনও কোনও ক্ষোভ দেখিনি! অফিসের কর্তাব্যক্তিরা বাবার পরিশ্রমের কোনও মূল্য দেয়নি, তাই নিয়েও বাবার কোনও হিলদোল ছিল না। বাবা শুধু কাজ করেই সন্তুষ্ট।

বাবার এই অল্পে সন্তুষ্টি আমাদের পছন্দ ছিল না। ছেলেবেলাটা আমাদের বেশ অনটনে কেটেছে, হয়তো সেই জন্যই। আমাদের বড় হয়ে ওঠার মূলে বাবার বিশেষ অবদান ছিল না। মাই আমাদের সংসারের শক্ত খুঁটি।

বাবার সামান্য আয়ে কী নিপুণ হাতে ঘেপেজুপে সংসার চালাত মা!

মার সঙ্গে বাবার সব বিষয়েই ঘোরতর অমিল। আমাদের মা প্রকৃত সুন্দরী, বাবাকে চেষ্টা করেও সুদর্শন বলা কঠিন। মার গানের গলাটি চমৎকার, বাবার কঠে সুরের রেশটি ছিল না। মা বলত মুর্তিমান অ-সুর। মা'র সেলাইয়ের হাতটি কী অসাধারণ! শিল্পীর আঁচড়ে আগে কাপড়ে ছবি এঁকে নিত মা, তারপর রং মিলিয়ে সুতোর কাজে ভরাট করত ছবি। দেখে মনে হত যেখানে যে রংটি মানায়, সেখানে ঠিক সেই রংটিই পছন্দ করেছে মা। আর বাবা? তিনি তো ভাল করে রংই চিনতেন না। মেরুন ম্যাজেন্টা রানি সবই বাবার চোখে এক—লাল।

মাঝে মাঝে বড় বিস্ময় জাগে, কী করে বাবার সঙ্গে মার বিয়েটা হয়েছিল।

খুব গরিব ঘরের মেয়ে ছিল মা, সেই জন্যই কি? কিন্তু বাবাও তো এমন কিছু রাজাবাদশা ছিলেন না? শুনেছি, দাদু মানে আমার মার বাবা নাকি একবার এক দুঃটিনায় আহত হন, বাবাই নাকি তাঁকে রাস্তা থেকে তুলে হাসপাতালে নিয়ে যান। বাবার দৌলতেই সেবার প্রাণে বেঁচে যান দাদু। তিনি হাসপাতাল থেকে ফেরার বছরখানেকের মধ্যেই মা-বাবার বিয়েটা ঘটেছিল। সম্ভবত দাদুর আগ্রহেই। মা কি মন থেকে মেনে নিতে পেরেছিল বিয়েটা? কে জানে। তবে লক্ষ করেছি, বাবার প্রতি মার চিরকালই একটা নাকচু ভাব ছিল। শীতল ওদাসীন্যও। বাবার একবার এক কঠিন অসুখ হয়। খুব খারাপ ধরনের প্লুরিসি। আমি তখন ক্লাস ফাইভ কী সিঙ্গে পড়ি। আমাদের কাউকে তখন বাবার ঘরে চুকতে দিত না মা। বাবা আমাদের চুপি চুপি ডাকলেও মা ঠিক দেখতে পেয়ে যেত, ঘর থেকে টেনে বার করে নিত সঙ্গে সঙ্গে। বাবার থালা আলাদা, প্লাস আলাদা, বাবা তখন বলতে গেলে প্রায় অচ্ছুত। একমাত্র মা চুকত বাবার ঘরে। ওষুধবিষুধ খাওয়াত, পথ্য দিত, রাত্রে শুতও বাবার কাছে, কিন্তু বাবার অসুখে মা খুব কাতর হয়ে পড়েছে, এমনটি কথনও মনে হয়নি।

বাবা ছিলেন সম্পূর্ণ বিপরীত মেরুর। আমাদের নাক দিয়ে এক ফোটা কাঁচা জল বরলেও মাকে অতিষ্ঠ করে তুলতেন। শুধু আমাদের কী বলি, কোন আত্মীয়স্বজনের বিপদে অসুখে না ছুটতেন বাবা! নিজের ভাইবোনদের জন্য তো বটেই, এ ছাড়াও যত নিকট-দূরের জ্ঞাতিশুষ্ঠি আছে, কারোর একটু খারাপ খবর পেলেই বাবা সেখানে হাজির।

মা ভীমণ চটে যেত। বলত, সাতজন্মে কে কবে তোমার খোঁজ রাখে? আমাদের হাঁড়ি চড়ে কিনা ভুলেও দেখতে আসে কেউ?

বাবার এক উত্তর, কী করব, থাকতে পারি না যে। বুকের ভেতরটা কেমন আনচান করে।

আত্মীয়স্বজনরা বাবাকে দেখে যে খুব গদগদ হয়ে পড়ত, তাও কিন্তু নয়। একবার তো মেজকাকার বাড়িতে বাবা যথেষ্ট অপমানিত হয়েছিলেন। ভাইবির খুব কাশি হয়েছে শুনে কোথায় কোন বোপ যেঁটে গাদাখানেক বাসকপাতা ছিঁড়ে নিয়ে গিয়েছিলেন। সেই পাতার রস খেয়ে কাকার মেয়ের গলা ফুলে ঢেল। পাতায় বোধহয় বিষাক্ত কিছু লেগে ছিল। কাকিমার মুখে পাঁচ কথা শুনে বাড়ি এসে মুখ চুন করে বসেছিলেন বাবা।

মা বলেছিল, ঠিক হয়েছে। যাও আরও! গাঁয়ে মানে না আপনি মোড়ল!

বাবার মুখ কাচুমাচু, আমি ওদের কাজের মেয়েটাকে পাতা ধূয়ে বাটতে বলেছিলাম। সে যদি ভুল করে...

—থামো তো ! ওদের কি ওষুধ কিনে খাওয়ার পয়সা নেই, তুমি পাতা গেলাতে গেছ ?

বাবার মুখে নির্ভেজাল হাসি, নেড়ির গলা একটু ফুলেছে, কিন্তু সত্যিই কাশিটা চলে গেছে গো। কাশতে কাশতে গলা চিরে গিয়েছিল বেচারীর।

তো এই ছিলেন আমাদের বাবা। যেচে অন্যের দায় নিজের ঘাড়ে নেওয়া, অকারণ উঞ্চেগে আকুল, শিঙ্গসৌন্দর্য বিষয়ে রসকৰবিহীন এক মাটো মানুষ।

কত ঘটনা যে আছে বাবার, বলতে গেলে মহাভাস্তুত হয়ে যায়। কত পারিবারিক প্রলয় ঘটে গেছে বাবার জন্য। মারা যাওয়ার মাসচারেক আগে কী কাণ্ডাই না হল ! ছোড়দার ছেলের সামান্য জ্বর, তেমন কিছুই না, ওরকম জ্বরজ্বারি বাচাদের হয়ই, বাবা ভীষণ ব্যন্তি হয়ে পড়লেন। দিনের বেলা টুটুলের মাথার কাছে বসে আছেন, ঠিক আছে—রাস্তিরেও যা শুরু করলেন, আধ ঘন্টা অন্তর ছোড়দাদের দরজায় টোকা দিচ্ছেন।

—বাচু, টুটুল ঘুমোল !

—এই বাচু, একবার থার্মোমিটার দিয়ে জ্বরটা দ্যাখ !

—বাচু, টুটুল কাশল কেন ? সিরাপটা একটু খাইয়ে দে না ?

একে শীতের রাত, বার বার লেপ ছেড়ে উঠতে হচ্ছে, তার ওপর বাবার প্যানপ্যানানিতে ছোড়দা ছোটবউদি ধৈর্যের শেষ সীমায়।

শেষমেশ ছোড়দা বলে উঠল, আহ বাবা, বিরক্ত কোরো না তো ! টুটুল তোমার ছেলে নয়, আমাদের ছেলে, ওর ভাবনা আমাদেরই ভাবতে দাও।

ছোটবউদি ছ্যারছ্যার শুনিয়ে দিল,—সাধে কি দাদারা কেটেছে এখান থেকে ? ওই আদরের অত্যাচার আর সহ্য হয় না !

মা কোনও দিন বাবার পক্ষ নেয় না, সেদিন ছোট বউদির খেঁটায় দুম করে খেপে গেল, তোমাদের না পোষায় তোমরাও চলে যাও, কে আটকে রেখেছে ?

এক কথা থেকে দু'কথা। দু'কথা থেকে চার কথা। ছোটবউদি পরদিনই ছেলে নিয়ে সোজা বাপের বাড়ি। তিনি না ফেরা পর্যন্ত ছোড়দারও মুখ এতখানি। বাড়ির লোকের সঙ্গে টোটাল নন-কোঅপারেশান।

আমি তখন বাবাকে বলেছিলাম, কী এক-একটা কাণ্ড করে বসো বলো তো ? যেচে মান খোয়াতে তোমার ভাল লাগে ?

বাবার কোনও তাপটুতাপ নেই। বললেন, ওদের কথা গায়ে মাখলে চলে ? রাগের মাথায় কী বলতে কী বলেছে, রাগ পড়লেই সব ঠিক হয়ে যাবে।

—তোমার শিক্ষা হবে না বাবা। দাদার মতো ছোড়দাও যখন মানে মানে সরে পড়বে তখন টেরটি পাবে।

—কী যে তোরা বলিস! বাবলু কি শখ করে এ বাড়ি থেকে চলে গেছে? নেহাত অফিসের কোয়ার্টারে না গেলে নয়, তাই না...

আমার আর বোঝানোর প্রয়োগ হয়নি। দাদা-বউদি যে পৃথক হবে বলেই চলে গেছে, অফিসের কোয়ার্টার পাওয়াটা একটা ক্যামোভেজ, এ কথা বাবার মাথায় কোনওদিনই ঢোকেনি।

দাদার চলে যাওয়াতে আমি অবশ্য তেমন দোষ দেখি না। দাদার যে রকম বড় চাকরি, যে ধরনের মানুষের সঙ্গে দাদার ওঠা-বসা, ফ্লাব-পার্টি, এ বাড়িতে থেকে সেটা মানাত না। তাও কি দাদা বাবার হাত থেকে ছাড়ান পেয়েছিল? দিব্য কর্তাগিনি মনের মতো করে আলাদা হয়েছে, সেখানেও প্রতিদিন সকাল না হতে গিয়ে বসে আছেন বাবা! এটা ঝাড়ছেন, ওটা পরিষ্কার করছেন, এই শোকেসের পুতুল ওই ক্যাবিনেটের মাথায় তুলছেন, যেন ওটা বাবার নিজেরই ফ্ল্যাট। দাদা বাড়িতে পার্টি দিল, সেখানেও হংসো মধ্যে বকো বথা হয়ে বসে আছেন বাবা। অফিসের লোকদের সামনে দুমদাম বেঁকাস মন্তব্য করে বসছেন! বাবলুটা আমার কমজোরি, ওকে যেন বেশি খাটাবেন না! অত মদ খাচ্ছেন কেন, মাতাল হয়ে যাবেন যে! দাদা তো খেপে মেপে এসে মাকেই শাসিয়ে গেল! বাবার যদি ওবাড়ি যাওয়া বন্ধ না করো, তাহলে কিন্তু আমরা মুখের ওপর দরজা বন্ধ করে দেব! সে এক বিদিকিছিরি পরিস্থিতি।

দিদির সংসারেও কম কেছা করে এসেছেন বাবা! দিদির শাশুড়িটার আট বছর আগে সেরিব্রাল হয়েছিল, তারপর থেকে তিনি চবিশ ঘণ্টাই বিছানায়। হাত নড়ে না, পা নড়ে না, পাশ ফিরতে গেলেও ফিরিয়ে দিতে হয়, কিন্তু মুখের কমতি নেই বুড়ির। বেডপ্যান দিতে পনেরো সেকেন্ড দেরি হলে গালাগালির চোটে দিদির ভূত ভাগিয়ে দেবেন, অথচ তাঁর সব কিছু করতে হবে দিদিকেই। আয়া একটা রাখা আছে, তাকে দিয়ে চলবে না। ওই শাশুড়ির পিছনে খাটতে খাটতে দিদির অ্যানিমিয়া হয়ে গেল। মুখ শুনতে শুনতে প্রেসার লো। জামাইবাবু ভীষণ মাতৃভূক্ত, সে মায়ের বিরুদ্ধে কোনও অভিযোগই শোনে না। বাবা গিয়ে ঝপ করে একদিন তাকে বলে এল, তোমাদের আমি মেয়ে দিয়েছি বিপ্লব, যি দিইনি! তোমার মা তো মরবেনই, তার সঙ্গে আমার মেয়েটাকে মারছ কেন?

জামাইবাবুর সঙ্গে দিদির এই লাগে তো সেই লাগে। বাড়ি বয়ে এসে কেঁদে গেল দিদি, মা, বাবাকে থামাও। এমনিতেই প্রচুর অশান্তির মধ্যে আছি, তার ওপর উটকো ঝগড়া আর ভাল লাগে না।

বাবাকে থামানো কি সহজ কথা! বাবার স্নেহের রথ ছুটবেই। এক অস্তুত বাস্তববোধহীন কাছাকোলা মানুষ ছিলেন বাবা।

বাবাকে দেখে আমরা লজ্জাই পেয়েছি চিরকাল। তাঁর দৃষ্টিহীনতায় আমাদের মাথা হেঁট খেকেছে। তাঁকে দেখেই আমরা শিখেছি কী রকম হলে জীবনে ব্যর্থ হয় মানুষ, আর কী রকমটি না হলে এই দুনিয়ায় প্রাপ্তিযোগের কমতি থাকে না।

আমরা কি ছড়ান্ত সফল? জানি না। তবে বাবার মতো হেলাফেলার বস্তও নই। পড়াশুনোয় আমরা ভালই ছিলাম। দাদা ইঞ্জিনিয়ারিং করে মালতিন্যাশনাল কোম্পানির উচ্চতলার চাকুরে। ছোড়দা অ্যাপ্লায়েড কেমিস্ট্রি এম এস সি, নিজের কেমিক্যালসের কারখানা আছে। চালু ব্যবসা। অমাদের মধ্যে দিদি মার গলাটি পেয়েছিল, গানও শিখেছে মন্ত্রণ দিয়ে। এক জলসায় দিদির গান শুনে মুঝ হয়েছিল জামাইবাবু। পাত্র হিসেবে জামাইবাবু এ ক্লাস। চার্টার্ড অ্যাকাউন্ট্যান্ট। নিজেরই ছেট ফার্ম, গাড়ি আছে, ফ্ল্যাটও। আমি কলেজে পড়াই। বিয়ে করিনি।

আমার বিয়ে না করার কারণটা কেউ স্পষ্ট জানে না। সকলের ধারণা ওই বেয়াড়া হাঁপানির টানটার জন্যই বিয়েতে আমার অনীহা। সেরকমই আমি বলতাম কিনা।

এ ছাড়া বলিই বা কী? জগৎসুন্দু লোককে কী করে বলে বেড়াই শৈবাল নামের এক বোকা ছেলে আমার অহঙ্কারেই আঘাত্যা করেছে! হংসোড়বৃজ অপদার্থ ছেলেটা যদি একতরফা আমার প্রেমে পড়ে সে কি আমার দোষ? প্রথম থেকেই তো আমি তাকে বুবিয়ে দিয়েছিলাম, তোমার লিমিট কেরানীগিরি, ইউনিভাসিটির সেরা মেয়েটার দিকে চোখ তুলে তাকানো তোমার শোভা পায় না। শৈবাল শুনল কই! অবুঝ পনা করত। বিরক্ত করত, তুমি রিফিউজ করলে আমি বিষ খাব! রেললাইনে গলা দেব! রাগ করে বলেছিলাম, সেটাও অন্তত করে দেখাও। সত্যি সত্যি করে দেখিয়ে দিল! উল্টোডাঙ্গার কাছে রেললাইনে দু'আধখানা হয়ে পড়ে রইল শৈবাল। পকেটে চিরকুট—কেউ দায়ী নয়।

কিছুটি জানতে পারল না কেউ। আমার দিকে আঙুলও তুলল না। শুধু আমার ফুসফুসটা কেমন কমজোরি হয়ে গেল। সর্বনাশা রোগ বাসা বাঁধল শরীরে। কতবার নিজেকে বলেছি, একটা নিপাট মূর্খের জন্য কষ্ট পাওয়ার কোনও যুক্তি নেই। কিন্তু বুককে চাবকে সিধে করি সে জোর আমার কোথায়? নিজে-নিজেই পুড়ি আমি। নিজের মধ্যেই রচনা করি এক অকারণ যন্ত্রণার বৃন্ত।

একমাত্র বাবাই কি আন্দাজ করেছিলেন কিছু? নাহলে মত্যুর বছরতিনেক আগে কেন হঠাতে বললেন, রোগটা তোর কী করে এল রে পুতুল? এ কষ্ট তো আগে ছিল না তোর! আমাদের বংশেও তো কারও এ রোগ নেই!

মনে আছে তখন শীতকাল। পিঠে তিনটে বালিশ নিয়ে কুকুরের মতো হাঁপাচ্ছি

আমি, হিমকণা জমাট বেঁধেছে বুকে। অজান্তেই জল ঝরছে চোখ বেয়ে। তবু প্রাণপণে হাসার চেষ্টা করেছিলাম, শহরে যা পলিউশন! এ অসুখ এখন ঘরে ঘরে!

বাবা আমাকে দেখছিলেন। হাত বুলিয়ে দিচ্ছিলেন মাথায়। কেউ যেন শুনতে না পায় এমন নিচু স্বরে বললেন, মনের কষ্ট চেপে রাখিস না পুতুল, উগরে দে।

বাবা কি জেনেছিলেন কিছু! না নিছকই অনুমান।

অনুমান, না অনুভব।

আমার অঙ্গ বাবার কি তৃতীয় নয়ন ছিল!

তিনি

বাবার শ্রাদ্ধশাস্তি হয়েছিল খুব ঘটা করে। আমরা চার উপযুক্ত ছেলেমেয়ে প্রচুর খরচা করেছিলাম আদু। চারদিকে যত আঞ্চলিক-পরিচিত আছে, সবাইকে বলেছিলাম। সে প্রায় শ'পাঁচকে মতো হবে। নিয়মভঙ্গের দিনও দেড়শো পাত পড়েছে। কেটারার দিয়ে মাছ মাংস পোলাও মিষ্টি, সে এক এলাহি আয়োজন। সব শেষে বাবা যা যা খেতে ভালবাসতেন সব একটা থালায় সাজিয়ে ছাদে রেখে আসা হয়েছিল। স্বচক্ষে দেখেছি কাকের পাল এসে খেয়ে গেল সবটুকু।

বাবা তৃপ্ত হলেন। আমরাও।

কিছুদিন পর থেকে কয়েকটা ঘটনা ঘটতে শুরু করল। ঘটনা ঠিক নয়, হয়তো এগুলো হওয়ারই ছিল। কিন্তু এমনভাবে ঘটতে থাকল, আমরা নজর না করে পারলাম না। বেশ কিছুদিন ধরে দাদা কোম্পানিতে একটা লিফট পাওয়ার জন্য ছটফট করছিল। হঠাতে পেয়ে গেল। এক ধাপ নয়, একেবারে কয়েক ধাপ। কোম্পানির বাঙালোরের ফ্যাক্টরির প্রায় কর্ণধার হয়ে বসল দাদা। বছরখানেক ধরে ছোড়দা কেমিকাল এক্সপোর্টের চেষ্টা চালাচ্ছিল, হঠাতেই একসঙ্গে তিনি দেশ থেকে অর্ডার—বাংলাদেশ, মালয়েশিয়া, তাইল্যাণ্ড। কয়েক কোটি টাকার অর্ডার, ছোড়দা যা কখনও কল্পনা করেনি। দিদির শাশুড়ি, যাঁর সম্পর্কে ধারণা ছিল তিনি অস্তত হাজার বছর বাঁচবেন আর বিছানায় শুয়ে অবিরাম মানসিক অত্যাচার চালাবেন দিদির ওপর, ঝুপ করে এক ঘুমের মধ্যেই ঠাণ্ডা হয়ে গেলেন চিরতরে।

সবই ঘটল বাবার মৃত্যুর তিনি মাসের মধ্যে।

আমার মধ্যেও এক অভিন্ন পরিবর্তন এল। বাবা চলে যাওয়ার ক্ষণেই শেষ দেখা দিয়েছিল টান্টা, তারপর থেকে যেন একেবারে হাল্কা হয়ে গেছে। গরমকাল

আর বৰ্ধকাল—একটি বারের জন্য পাথর-চাপা-ভাবটা ফিরল না। কল্প, গোঁড়া মেজাজি বলে আমার বদনাম ছিল, কারও সঙ্গে মিশতে ভাল লাগত না, সবটাই কি শারীরিক কারণে? হয়তো না। মনেও বোধহয় কিছু বাধা ছিল। আচমকা আবিষ্কার করলাম, দিব্য হাসিখুশি হয়ে গেছি আমি। জোরে জোরে কথা বলছি, হাসতেও ভাল লাগছে আমার। মাঝেমধ্যে দু'একটা গানের কলিও শুনগুন করছে বুকে।

মাও যেন আর ঠিক আগের মতো নেই। মাকে আমি কোনও দিনই বেশি কথা বলতে দেখিনি, কেজো সাংসারিক কথা ছাড়া মার যেন কোনও কথা থাকত না। সেই মাকে দেখি আমি কলেজ থেকে ফিরলেই কত হাবিজাবি গল্প করে আমার সঙ্গে। ছেলেবেলার কথা, দাদু, দিদী, মামা-মাসিদের গল্প, আরও কত কী যে! কবে একবার ছাতুবাবুর বাজারে চড়কের মেলায় গিয়ে হারিয়ে গিয়েছিল, গরমের ছুটিতে কোন নস্যবুড়ির গাছ থেকে জামরুল পাঢ়তে যেত, কুয়োয় ঘাটি পড়ে গেলে কোথেকে ঘটিতোলা এসে হাজির হয়ে যেত, এরকম অজস্র গল্পের ঝাপি খুলে বসত মা।

মার মধ্যেও এত গল্প জমা ছিল! নাকি আমাকে খুশি দেখেই মার ওই অর্গলমুক্তি! ছোটতে তো আমি হাসিখুশি ছিলাম, তখন মার মুখে ওসব গল্প শুনিনি কেন? মার সুখের স্মৃতি কি হঠাতে উঠলে উঠল?

দাদা ছোড়দা দিদি মা, এমনকি আমার জীবন থেকেও অনেক অবরোধ সরে যাচ্ছিল। খুব দ্রুত। এত দ্রুত যে কাকতালীয় বলে মনেই হয় না। ধন্দ জাগে।

কে ওই অবরোধ সরাছিল—মনের, বাইরের পৃথিবীর?

বাবা!

চার

পুজোর পর বাঙালোর থেকে দাদার চিঠি এল। চিঠিতে দাদা এক অস্তুত কথা লিখেছে। বাবাকে নাকি পর পর তিন চার দিন দেখতে পেয়েছে দাদা। রোজ কাকভোরে দাদা সামনের পার্কে জগিং করতে যায়, সেখানেই নাকি বসে থাকেন বাবা। একটা পাথরের বেঞ্জিতে। কাছে গেলেই মিলিয়ে যান।

আমরা পড়ে খুব হাসাহাসি করলাম। ছোড়দা বলল, দাদার কত বয়স হল রে?

—কত আর! মা-ই জবাব দিল, এই তো পৌরৈ তেতাঞ্জিশ পুরে চুয়াঞ্জিশে পড়বে।

—ওহ, তাহলে নির্ধাত চালশে ধরেছে। চশমা নিতে লিখে দাও।

আমি বললাম, যাহ। চালশে হলে তো কাছের জিনিস দেখতে অসুবিধে হয়, দূরের জিনিস ভুল দেখবে কেন?

ছোট বউদি বলল, আমার মনে হয় দূর বিদেশে আছেন...দাদার বোধহয় বাবাকে এখন মনে পড়ে।

চুটুল সাত বছরেই সর্বজ্ঞ। সে বলল, তোমরা কিছু জানো না, এই সময়ে ভোরে খুব কুয়াশা থাকে, জেন্ট কী দেখতে কী দেখেছে!

ব্যাপারটা হাসি-ঠাট্টাতেই ধামাচাপা পড়ে গেল। সাতদিন যেতে না যেতে দিদি একদিন হাঁপাতে হাঁপাতে উদয় হল বাড়িতে। কী কাণ্ড, পরশুদিন নিউ মার্কেট থেকে বাজার করে বেরোচ্ছি, হঠাতে দেখি বাবা! উল্টোদিকের ফুটপাতে দাঁড়িয়ে আছে। আমি তো ভাবলাম মনের ভুল। হয়তো বাবার মতো দেখতে অন্য কেউ। আমি যখন রাস্তা পেরোচ্ছি, তখনও বাবা ওখানে দাঁড়িয়ে ছিল।

আমি চোখ টিপলাম, তুই আজকাল জামাইবাবুর দেখাদেখি চুমুক-টুমুক দিচ্ছিস নাকি?

—নারে! আজকেও দেখলাম! মিতুনকে নাচের স্কুলে দিয়ে ফিরছি, দেখি ঢাকুরিয়া বিজ দিয়ে হেঁটে আসছে বাবা—আমার দিকে! খুব কাছে এসে হঠাতে উবে গেল!

হাসতে হাসতে বললাম, জামাইবাবুকে বলেছিস?

—কী বলব? বাবার কথা? ও তো হেসে উড়িয়ে দেবে!

আমি দিদির কাঁধে চিমাটি কাটলাম, তোর তো কপাল ভাল রে! বাবাকে দেখেছিস, ভাগিস তোর শাশুড়ি দেখা দেননি:

মা চুপ করে শুনছিল। কিছু বলল না।

রাত্রে ছোড়দাকে শোনালাম গল্পটা। ছোড়দা আগের বাবের মতো হাসল না, বরং খানিকটা গভীরই হয়ে গেল। বলল, আমি তোদের একটা কথা বলিনি পুতুল! বাবাকে আমিও দেখেছি। বেশ কয়েকবার। একদিন ট্রামের পাদানিতে দাঁড়িয়ে ছিল, আমি সিট থেকে উঠে এগিয়ে যেতেই ভ্যানিশ। একদিন এস্প্ল্যানেডে দেখলাম! মনোহর দাস তড়াগের পাশে গম্বুজগুলো আছে না, তার নীচে দাঁড়িয়ে। আমাকেই দেখছিল। পাশে দু'তিনটে ছেলে দাঁড়িয়ে কথা বলছে, তারা কিন্তু কেউ বুঝতে পারছে না ওখানে আরেকটা মানুষ আছে!

ছোট বউদিও ছিন্তিত, হ্যাঁ, তোমার ছোড়দা ক'দিন ধরে ঘুমোতে পারছে না। বলতে বারণ করেছিল, তাই বলিনি। কী করা যায় বলো তো?

আমি কিছু ভেবে পাছিলাম না। বুকের ভেতরটা কেমন যেন শিরশির করছিল।

এরা যা বলছে তা কি কখনও সত্যি হতে পারে? এতগুলো লোক একসঙ্গে হ্যালুসিনেশন দেখবে কী করে?

কলেজ খোলার পরদিনই আমার পালা এসে গেল। ছুটির পর কলেজের ফাঁকা করিডোর দিয়ে হেঁটে আসছি, বাইরের বাগানে স্পষ্ট দেখতে পেলাম বাবাকে। একটা গাঁদাগাছের পাশে একটু ঝুকে দাঁড়িয়ে আছেন। পরনে ধূতি আর ফুলহাতা শার্ট, যেমনটি নিয়ই থাকতেন। ঠোঁট দুটো অল্প ফাঁক হয়ে আছে বাবার, যেন কিছু বলছেন!

আমি কয়েক মুহূর্ত নিশ্চল। বুকটা ধড়াস ধড়াস করছে। চমকটুকু কাটিয়ে পলকে ছুটে গেছি বাগানের দিকে। নেই—কোথাও কেউ নেই! কুঁড়িভরা গাঁদাফুলের গাছ শুধু দুলছে হাওয়ায়!

কলেজ থেকে ফিরেই মাকে কথাটা বললাম। মা যেন কেমন অন্যমনস্ক হয়ে গেল। বেশ কিছুক্ষণ নীরব থেকে ভাঙা ভাঙা গলায় বলল, আমি জানি সে আমাদের ছেড়ে যায়নি।

—তুমিও কি দেখেছ নাকি?

—নাহ। মা মাথা নাড়ল, তবে সব সময়েই মনে হয় আশেপাশেই কোথাও আছে, এই ঘাড় ঘোরালৈ দেখতে পাব।

পরদিন সকালে দিদিকে ডেকে জরুরি মিটিং বসল একটা। আমরা কেউই আমাদের চোখের দেখাটাকে পুরোপুরি বিশ্বাস করছি না, কিন্তু আমাদের সকলেরই মনে হচ্ছে বাবা যেন কিছু বলতে চান। যদি সত্যিই আঘা বলে কিছু থাকে, তাহলে তো তাঁর কথা আমাদের শোনা উচিত। আমরা শেষ মুহূর্তে বাবার কাছে কেউ পৌঁছতে পারিনি, নিশ্চয়ই বাবা খুঁজেছিলেন আমাদের! হয়তো বাবার কিছু বলার ছিল!

অনেক ভেবেচিষ্টে দাদাকে টেলিফোন করলাম। কী করা যায়?

দাদা তেমন সদৃশুর দিতে পারল না। বলল, তোরা যা করবি, তাতে আমিও আছি। আমারও বড় অস্পত্তি হচ্ছে রে।

কয়েক মাস দোলাচলে কাটল। ঘনিষ্ঠ দুঁচারজনের সঙ্গে আলোচনা করা হল, একেকজন একেক রকম পরামর্শ দেয়। কেউ বলে, গয়ায় গিয়ে পিণ্ডি দিয়ে এসো। কেউ বলে, বাড়িতে শাস্তিস্বত্ত্বয়ন করো, হোময়জের ঠেলায় অতৃপ্তি আঘা পালাতে পথ পাবে না। গোটা ব্যাপারটাকে উপেক্ষাও করতে বললে কেউ কেউ। তাদের মতে সময় গেলে মন স্থির হবে, তখন নিজেরাই আমাদের মনের ভুল বুঝতে পারব।

কোনও পরামর্শই আমাদের ঠিক পছন্দ হচ্ছিল না। যেমনই আলাভোলা মেট্রো মানুষ হোন বাবা, তাকে কি ভূত বলে ভাবা যায়?

আরও কিছুদিন কাটল। ধীরে ধীরে বাবার দর্শন পাওয়ার হারটাও কমে আসছিল। দশদিন পরেরোদিন অন্তর হঠাতে কেউ একজন দেখতে পায় বাবাকে। মেট্রো রেলের স্টেশনে। লেকের পাড়ে। চৌরাস্তার মোড়ে।

বাবার বাংসরিকের দিন-কৃতি আগে ছোড়দা একটা কথা তুলল। ছোড়দার বন্ধুর কে এক মামা আছেন, তিনি নাকি সরাসরি আস্থার সঙ্গে কথা বলিয়ে দেন। টাকা পয়সার কোনও ব্যাপার নেই, তিনি নাকি সাধুসন্ন্যাসীও নন, এ নাকি তাঁর এক বিচিত্র খেয়াল। ছোড়দার কয়েকজন বন্ধুও নাকি ওই ভদ্রলোকের মাধ্যমে আস্থার সঙ্গে কথা বলেছে। যদি আমরা চাই, ছোড়দা তাহলে আমাদের পারিবারিক ঘটনা নিয়ে ভদ্রলোকের সঙ্গে আলোচনা করবে।

দিদি তো খুবই রাজি। আমিও নিমরাজি হয়ে গেলাম। মাও বিশেষ আপন্তি করল না।

ছোড়দা ভদ্রলোকের সঙ্গে কথা বলে এল। ভদ্রলোক বললেন, তিনি আসবেন। বাবার বাংসরিকের দিন রাত্রিবেলা। আমাদের সব ভাইবোন আর মাকে উপস্থিত থাকতে হবে।

দাদাকে জানানো হল।

অধীর আগ্রহে বাংসরিকের দিনটার প্রতীক্ষায় রইলাম আমরা। দিন যায়, বুক কাঁপে। বুক কাঁপে, দিন যায়।

কী বলার আছে বাবার?

পাঁচ

বাংসরিকে প্রাণ ছিল না। কোনওভাবে নমো নমো করে শেষ হল কাজটা। আমাদের বুক গুড়গুড় করছিল, অতি সহজ কাজেও ভুল হয়ে যাচ্ছিল বারবার। পিণ্ডানের সময়ে দাদার তো স্পষ্টতই হাত কাঁপছিল। সামান্য ক'জন ঘনিষ্ঠ আস্থায় ছাঢ়া কাউকে নিষ্পত্তি করিনি এবার, তারা সবাই খাওয়াদাওয়া করে চলে যেতেই আমরা টানটান।

অপেক্ষা করছি সন্ধ্যার।

সন্ধ্যা এল। গড়িয়ে গড়িয়ে পার হচ্ছে। যেন ভয় পাচ্ছে এগোতে।

সাড়ে আটটা নাগাদ ভদ্রলোক এলেন। সুপুরি গাছের মতো লম্বা চেহারা। ঝঙ্গু। কৃশ। দেখে বোবা যায় গায়ের রং একসময়ে টকটকে ফর্সা ছিল, এখন

তামাটে। বয়স বছর ষাটেক, কিংবা তার কিছু বেশি। চোখ দুটো ভীষণ তীক্ষ্ণ।
ঙ্গলনয়ন।

আমাদের সঙ্গে নিয়ে মার ঘরের দরজা বন্ধ করলেন ভদ্রলোক। নিজে মেঝেতে
বসলেন, আমাদেরও বসতে বললেন ভূমিতে। ঝোলা ব্যাগ থেকে একটা মাটির
প্রদীপ বার করে সামনে রাখলেন, সঙ্গে এক শিশি রেডির তেল, খানিকটা তুলোও।
প্রদীপে তেল ঢেলে তুলোর সলতে পাকাচ্ছেন।

এ কেমন প্লানচেট! তেপায়া টেবিল নেই! মোমবাতি নেই!

ভদ্রলোক মুখ তুলছেন না, কী যেন বিড়বিড় করছেন। প্রদীপের দিকে দৃষ্টি
রেখে বললেন, ঘরের আলো নিবিয়ে দিন। পাখা বন্ধ করুন।

আলো নিবত্তেই অঙ্কার বেঁপে এল। ছমছম আঁধারে মার গা ঘেঁষে বসেছি
আমরা—দাদা ছোড়দা দিদি আমি।

ভদ্রলোক প্রদীপ জ্বাললেন। শিখা একটু একটু করে উজ্জ্বল, কাপতে কাপতে
হিঁর হল একসময়ে। প্রদীপের শীর্ণ আলোয় চেনা ঘরটাকেও কেমন রহস্যময়
লাগছিল। দেওয়ালে প্রকাণ্ড প্রকাণ্ড ছায়া। ছায়ামূর্তিগুলো কি আমরাই।

ভদ্রলোকের ভারী স্বর শোনা গেল, আপনারা প্রদীপে দৃষ্টি নিবন্ধ করুন।

পীতবর্ণ শিখা দেখছি আমরা। বিভ্রম জাগছে চোখে। শিখা কি রং বদলাচ্ছে!
এই তো হলুদ ছিল! এই নীল! নাকি লাল!

জলদগ্নীর স্বর বাজল আবার, দেখছেন?

সমস্বরে বললাম, দেখছি।

—এবার আপনারা তাঁর মুখ স্মরণে আনুন। ওই শিখাতেই দৃষ্টি রেখে।

বাবার মুখ মনে করার চেষ্টা করছি। কী আশ্চর্য, কোনও মুখই মনে আসে
না কেন? শৈশবের দেখা মুখ নয়, কৈশোরের নয়, যৌবনেরও নয়! প্রাণপনে
মনঃসংযোগের চেষ্টা করলাম। কিছুই স্মরণে আসে না। চুরি করে দেওয়ালের
দিকে তাকালাম। ও হরি, বাবার ছবিটা তো আজ বাংসরিকের জন্য বাইরের
ঘরে নিয়ে যাওয়া হয়েছে! ছবিটা যেন কেমন? ভাঙা-ভাঙা চোয়াল! চশমাপরা
চোখ! চুল পাটপাট করে আঁচড়ানো! কিন্তু বাবার মুখটা কোথায় গেল? যত
ভাবার চেষ্টা করি অন্য মুখ ফুটে ওঠে! শৈবাল!

কেমন যেন সংশয় হল। ঝট করে একবার দিদি-দাদাদের দেখে নিলাম। তাদের
চোখের মণি ইতিউতি ঘুরছে। দিদির সঙ্গে চোখাচোখি হয়ে গেল। সঙ্গে সঙ্গে
দুঁজনেই আবার চোখ রেখেছি শিখায়।

ভদ্রলোক বললেন, আপনারা নিষ্ঠার সঙ্গে চিন্তপ্রিয়বাবুর মুখ মনে করছেন তো?

সত্যি বলতে সক্ষেচ হল। বললাম, হ্যাঁ।

কথাটা যেন কোরাসে বেজে উঠল। আবছায়া মাখা ঘরে মাথা খুড়ছে বার বার। একমাত্র মাই নির্বাক। যেন সমাধিষ্ঠ।

—এবার তা হলে আপনাদের কাছে আসবেন তিনি। কথা বলবেন।

সময় যাচ্ছে। সময় বয়ে যাচ্ছে। কতক্ষণ বসে আছি আমরা? দশ মিনিট? বিশ মিনিট? অনন্ত কাল?

কিছুই দেখতে পাচ্ছি না। উহু, পাচ্ছি। দুটো চোখ। গলে বেরিয়ে এসেছে কোটির থেকে। চোখের জায়গায় দুটো গর্ত। কুচকুচে কালো। নিবিড় অঙ্গকারের মতো কালো।

ভদ্রলোকের মুখমণ্ডল ক্রমশ কঠিন হচ্ছিল। চোয়ালে চোয়াল ঘষছেন, নিশ্চাস ফেলছেন ঘন ঘন। কেমন যেন নির্দয় দেখাচ্ছিল তাঁকে। একসময়ে গমগমে স্বরে বলে উঠলেন, আপনারা মিথ্যে কথা বলেছেন। আপনারা আমার সময় নষ্ট করছেন।

আমরা নিরুত্তর। পাথরে ঘা খেয়ে ফিরে গেল কথাটা।

হাতের ঝাপটায় প্রদীপ নিবিয়ে দিলেন ভদ্রলোক। নিকষ কালিমায় ছেয়ে গেল ঘর। যেন ঘর নয়, কয়লাখনির ভয়ঙ্কর খাদান।

কালো অঙ্গকার গর্জে উঠল, চিন্তপ্রিয়বাবু আসবেন না। তিনি আপনাদের মধ্যে তো ছিলেনই না কোনও দিন।

দাদা মিনমিন করে বলল, তাহলে আমরা তাঁকে দেখি কী করে?

—চোখ আর কতটুকু দেখে! দেখে তো মন! মনকে জিজ্ঞাসা করুন, উত্তর পেয়ে যাবেন!

অলৌকিক বাতাসের মতো ঘর ছেড়ে বেরিয়ে গেলেন ভদ্রলোক। আমরা নিথর বসে আছি। মাও। চৈত্রের তাপে ঘামছি দরদর। আলো জ্বালাতে ভয় পাচ্ছিলাম আমরা। যদি পরম্পরের মুখ দেখে ফেলি! যদি ধরা পড়ে যাই!

ক্রমশ একটা শব্দ শোনা গেল। কান্নার। ফুঁপিয়ে ফুঁপিয়ে কাঁদছে মা। ফ্যাসফেসে একটা আওয়াজ বেরোচ্ছিল মার গলা দিয়ে, অস্ফুটে কী যেন বলছিল মা, আমরা শুনতে পাইনি।

আমাদেরও চোখ ভিজে যাচ্ছিল। বাবাকে আমরা আদৌ দেখিনি কখনও। ঘৃত্যুর আগেও না, পরেও না। যা দেখেছি তা এক নির্জন ভালবাসার অলীক ছায়া।

আমরা কষ্ট পাচ্ছিলাম। বাবার মৃত্যুতে সেই আমাদের প্রথম শোক।

বাবা শুধু একা-একাই মারা যাননি। বাবা বেঁচেও ছিলেন বড় একা।

সাদা গুঁড়ো লাল রং

চা যের কাপে চিনি নাড়তে নাড়তে নীলা বলল,—সরস্বতীর শয়তানিটাদেখেছ! আজ আবার ডুব মারল।

ফাল্মুনের সকাল। শুভময় সোফায় বসে কাগজ গিলছিল। অনেকটা ঝুঁকে, বাহ্যজ্ঞান শূন্য হয়ে। এমন ভয়ঙ্কর দৃঃসংবাদেও তার কোনও হিল্দোল নেই, হাতের ইশারায় নীলাকে বসতে বলল শুধু।

নীলার খটকা লাগল। বাজার যাওয়ার আগে ভারি অলস মেজাজে থাকে শুভময়, নীলার বিরক্তির উত্তরে পাল্টা ছুটকি ছোড়াই তার স্বভাব। আজ শুভময়ের মুখভাব যেন কেমন কেমন!

নীলা জিজ্ঞাসা করল,—কী হয়েছে?

—কেলো কেস। শুভময়ের স্বর চাপা,—সরোজ ধরা পড়েছে।

—কে সরোজ?

—আমাদের সরোজ। অফিসের সরোজ ব্যানার্জী। যার ছেলের পৈতৈতে সেদিন খেয়ে এলে। কাল পার্ক স্ট্রিটের কোন বারে বসে পার্টির কাছ থেকে টাকা নিছিল, ভিজিলেন্সের লোক গিয়ে... একেবারে কঢ় রেডহ্যান্ডেড।

নীলা বাঁকুনি খেয়ে গেল। একেবারে সামান্যও নয়, আবার ভীষণও নয়। সরোজ ব্যানার্জী শুভময়ের পুরনো সহকর্মী, তবে তেমন ঘনিষ্ঠ বন্ধু নয়। ইদানিং দুজনেই এক অফিসে পোস্টেড বলে শুভময়ের মুখে নাম শুনেছে সরোজের, তবে দেখেছে সাকুল্যে ওই এক বারই। ওই পৈতৈর দিনই। মুখটাও মনে পড়ে গেল নীলার। ফর্সা, গোলগাল, মাথায় অল্প টাক, চোখ দুটো হাস্যময়। কথাৰাত্তায়ও ভারি অমায়িক, নীলাদের খাবার টেবিলের সামনে দাঁড়িয়ে সারাক্ষণ তদারকি করছিল। মাংস

পোলাও-এর পালা শেষ হয়ে যাওয়ার পরও কেটারারকে ডেকে লাল্টুর পাতে
জোর করে দুটো ফিশফাই চাপিয়ে দিল। বেচারা লাল্টু একটা ফাই তো ছুঁতেই
পারল না। দেখে ভদ্রলোকের কী হাসি! কী মিসেস চক্রবর্তী, আজকাল ইয়াং
ছেলেরাও ডায়েটিং শুরু করেছে নাকি! আমরা তো ওই বয়েসে...। শুভময় যে
এত মুখের রক্ত তুলে পয়সা রোজগার করেছে, খাবেটা কে!

সেই লোকটা ধরা পড়েছে!

নীলা অবিশ্বাসের সুরে বলল,—যাহু।

—যা নয়, হ্যাঁ। থার্ড পেজের লাস্ট কলামটা দ্যাখো।

ধবরের কাগজখানা হাতে নিল নীলা। তেমন বড় সড় কিছু খবর নয়, জোর
সাত আট লাইন। তবে তাকালেই হেডিংটা চোখে পড়ে যায়—যুৰ নিতে গিয়ে
সরকারি অফিসার ধৃত। ভেতরের লাইনের ক্ষুদি ক্ষুদি অক্ষরগুলো পড়ছে নীলা।
চোখ কুঁচকে, দৃষ্টি থেকে কাগজ বেশ খানিক তফাতে রেখে। সম্প্রতি নীলার
চোখে চালশে এসেছে, চশমা করানো হয়নি। গড়িমসি। কী হবে ছাতার মাথা
চোখে দুটো ঠুলি এঁটে! সিনেমা টিভি তো খালি চোখেই দিব্যি সাফ দেখা যায়।

শুভময় বড় বড় চুমুক দিচ্ছে কাপে। মাথা ঝাঁকাচ্ছে, ছি ছি ছি, মানইজ্জত
সব চলে গেল। কোথাও আর মুখ দেখানো যাবে না।

—তোমার কি? পড়া থামিয়ে নীলা টেরচা চোখে তাকাল,—তোমাকে ধরেছে?

—এই না হলে মেয়েছেলের বুদ্ধি! দেখছ না, অফিসের নাম ধাম সব ছেপে
দিয়েছে!

—তো? বিশ্বসুন্দু সবাই বুঝি তোমার অফিসের নাম জেনে বসে আছে?

—চেনা লোকেরা তো জানেই। শুভময় গৌঁজ মুখে কিংসাইজ সিগারেট
ধরাল,—বাকিরাও জানে। না জানার ভান করে।

—জানলে জানে। অত কেয়ার করার কী আছে?

কথাটা নীলা বলল বটে, তবে স্বরে যেন তেমন প্রত্যয় ফুটল না। আশঙ্কাটা
তার বুকেও ছাঁক করে উঠেছে। এই না বাপের বাড়ি থেকে ফোন এসে পড়ে।
বাবা দাদা করবেনা, তারা যথেষ্ট বুবাদার। কিন্তু বউদি? তা ওই কৌতুহলী মার্জারীকে
সামাল দেওয়ার ক্ষমতা অবশ্য আছে নীলার। স্ট্রেট কাটু বলে দেবে, চোর ডাকাত
আজকাল কোন্ অফিসে নেই ভাই! আগেও ছিল, চিরকালই থাকবে। উৎকোচ
শব্দটা বাংলা নয়, সংস্কৃত।

শুভময় কাকে যেন ফোন করতে উঠল। বেধহয় অফিসের কোনও বন্ধু-
টঙ্কুকে। নিচুপ্রামে বাক্যালাপ চলছে, এত নিচু যে স্বরযন্ত্রের ওঠা নামাকে অলীক

বলে শ্রম হয়। ফিরে এসে আবার একটা সিগারেট ধরাল, দু টান দিয়েই নিবিয়ে দিল। এক হাতে কপাল চেপে বসে আছে। হঠাতে পাড়ার থিয়েটারের স্বগতোক্তির ঢৎ-এ বলে উঠল,—একেবারে ক্যালাস। একুশ বছর চাকরি হয়ে গেল, অ্যাদিন পর ধরা পড়ার কোনও মানে হয়!

আক্ষেপের মর্মার্থ সঠিক উদ্ধার করতে পারল না নীলা। আগে ধরা পড়লে তার বুঝি কোনও মানে হত?

চিন্তিত মুখে নীলা প্রশ্ন করল,—এখন তা হলু কী হবে?

—কার? সরোজের? শুভময় ফৌস করে শ্বাস ফেলল,—ধরে নাও, চাকরি গন্ত।

—চাকরিই গন্ত?

—আপাতত সাসপেন্ড হবে, কেস চলবে... যদি তরে গেল তো ভাল, নইলে... হাতে নাতে ধরা পড়েছে, এ কেমে বাঁচা খুব মুশ্কিল।

—ইশ, ফ্যামিলিটা তো তাহলে ভেসে গেল!

—হ্যাঁ। অত সুন্দর সুন্দর দুটো ছেলেমেয়ে... তুমি তো দেখেছ, ছেলেটা সামনের বছর সি বি এস সি দেবে। মেয়েটাও কী একটা কনভেন্টে পড়ে। ক্লাস এইট। ভাইবোন দুটোই নাকি লেখাপড়ায় খুব ব্রিলিয়ান্ট।

—মেয়েটার কথাবার্তাও খুব মিষ্টি। কী সুন্দর প্রজাপতির মতো উড়ে উড়ে সকলকে আপ্যায়ন করছিল।

—মেয়েটার চোখে কী একটা প্রবলেম হচ্ছে। সরোজ মেয়েকে নিয়ে খুব চিন্তায় ছিল। গরমের ছুটিতে ম্যাজ্বাসে নিয়ে গিয়ে দেখিয়ে আনবে বলছিল।

—আহারে। নীলার মন দৃঢ়ে ভরে গেল,—ওদের বাড়িতে একটা ফোন করো না। তোমার অ্যাদিনের কলিগ, একটা তো খৌজখবর নেওয়া উচিত।

এক মুহূর্ত থমকে থেকে শুভময় বলল,—খেপেছ? এই সময়ে? কী করতে কী হয়ে যাবে...। থলি দাও, বাজার সেরে আসি। আজ একটু সকাল সকাল অফিস বেরোব।

পাঞ্জাবি চড়িয়ে বেরিয়ে গেল শুভময়।

লাল্টু এখনও ঘুমোছে। হায়ার সেকেন্ডারি পরীক্ষার আর তিন হশ্তা মতো বাকি, রাত জেগে পড়ে ছেলে, উঠতে বেলা হয়। নীলা ছেলের ঘরে চুকে চারদিকের ছত্রখান চেহারাটা দেখল একবার। টেবিল অগোছালো, জামাকাপড় লুটোছে মেবেয়, খাটময় বই খাতা। বালিশের পাশে ওয়াকম্যান। গান শুনতে শুনতে অঙ্ক করে লাল্টু, ওতে নাকি মনোযোগ বাড়ে। ছেলে শুয়েও আছে দ্যাখো কেমন কুঁকড়ে মুকড়ে, যেন শিশুটি! আপন মনে হাসল নীলা, দ্রুত হাত চালিয়ে মোটামুটি বিন্যস্ত করল।

ঘরটাকে। বেরিয়ে রান্নাঘরে যাওয়ার মুখে কী ভেবে একটু থামল। সেন্টার টেবিল
থেকে ছোঁ মেরে কাগজটা তুলে নিয়ে সোজা চালান করে দিল নিজেদের ঘরের
বিছানার নীচে। শুভময়দের খবরটা লাল্টুর না দেখাই ভাল। এমনি অবশ্য ছেলের
কাগজ পড়ার তেমন নেশা নেই, ওই খেলার পাতাই যা দেখে দুচার মিনিট।
দরকার কি, যদি চোখে পড়ে যায়! কী ভাবতে কী ভাববে, উল্টোপাল্টা প্রশ্ন
জুড়বে, মিছমিছি বিৱৰত হবে শুভময়।

নীলা কর্মসূজে নেমে পড়ল। সিঙ্কে গত রাতের বাসনের কাঁড়ি, একটা একটা
করে মাজছে। চেপে চেপে। ঘমে ঘমে। সরস্বতীটা মহা নেয়কহারাম। এত টার্কা
মাইনে দেওয়া হয়, তবু কথায় কথায় কামাই, কথায় কথায় কামাই। এ মাসে
ছাড়বে না নীলা, মাইনে কাটবে। কাজ ছেড়ে দেয় দিক, ভাত ছড়ালে কাকের
অভাব হয় না। চড়াৎ করে মনে পড়ল, কাপড়ের স্কুপ ভেজানো রয়েছে বাথরুমে।
হা সৈক্ষণ্য, ওসব এখন কে কাচে, কে মেলে! কদিন ধরে শুভময়কে বলছে, একটা
ওয়াশিং মেশিন কেনো, একটা ওয়াশিং মেশিন কেনো...! আচ্ছা, সরোজ ব্যানার্জীর
ছেলেমেয়ের স্কুলে খবরটা জানাজানি হলে কী হবে? ইস্, বাচ্চা দুটোর ইহকাল
পরকাল বরবারে হয়ে গেল। লাল্টু ঘঙ্গ ঘঙ্গ কাশছে কেন? উঠে পড়েছে কি?
সকালের দিকে এখনও বেশ ঠাণ্ডা ঠাণ্ডা ভাব থাকে, ফুল স্পিডে ফ্যান না চালিয়ে
ঘুমোয় না ছেলে, পরীক্ষার আগে অসুখ বিসুখ না বাধিয়ে বসে। কী ব্রেকফাস্ট
করা যায় আজ লাল্টুর জন্য? সেই টোস্ট ওমলেট কলা? নাকি চিকেন স্যান্ডুইচ
বানিয়ে দেবে? ফ্রিজে তো মুরগি সেন্ক করা আছেই। দুধ খাওয়া নিয়ে বড় নকর
ঝকর করে লাল্টু, আজ একটু চকোলেট গুলে দিতে হবে। সরোজ ব্যানার্জী কি
বারে মদ গিলছিল? মনে হয়, তাইই। মোদোমাতালরা ভাবি অসাবধান হয়। ভাগিয়স
শুভময়ের ওই কুত্তাভ্যাসটি নেই! ও হরি, শুভময়ের ভাতও তো বসাতে হবে।
বাজার থেকে মাছ আনলে নো প্রবলেম। দু পিস্ ভেজে দিলেই সেনামুখ করে
খেয়ে নেবে শুভময়। যদি মাংস আনে? কিংবা পাবদা, কি চিতল? কাল রাতে
লাল্টু মালাইকারিন কথা বলছিল, শুভময়ের কানে গেছে, যদি চিংড়ি নিয়ে হাজির
হয়? দেখা যাবেখন। আলু টালু ভেজে দিলেও চলবে, সঙ্গে ধি। সরোজবাবুর
বউ কি কাল রাতেই খবর পেয়েছিল? পুলিশ বোধহয় জানিয়ে দেয়, নাহলে
সারা রাত...!

বিজ্ঞবিজ্ঞে ঘামের মতো সরোজ ব্যানার্জীর ভাবনাটা কিছুক্ষণ লেগে রইল নীলার
মন্তিষ্ঠে, তারপর উবে গেল। কত কাজ হাতে, কত কাজ!

চিন্তাটা ফিরে এল সংক্ষেবেলা। শুভময় অফিস থেকে ফেরার পর।

শার্ট ছাড়তে ছাড়তে শুভময় বলল,—বুবালে গো, যা ভয় পেয়েছিলাম, তাই।
কেস পুরো জন্মিস হয়ে গেছে। সরোজ আজ বেল পায়নি।

নীলা হাঁ হয়ে গেল,—কেন?

—পেল না। আরও সাত দিন এখন পি. সিতে থাকবে। পি. সি মানে জানো
তো? পুলিশ কাস্টডি। থানার হাজত। সাত দিনে রস একেবারে নিংড়ে নেবে।

—সে কী! একজন শিক্ষিত ভদ্রলোককে চোরছ্যাচোরদের সঙ্গে রাখবে?

—কপাল। শুভময় হাত ওল্টাল,—যা ইন্টারোহিশান চলবে না! ...পেট থেকে
সর্বেদানা পর্যন্ত বার করে আনবে।

নীলা ঘাবড়ে যাওয়া মুখে বলল,—তোমাদের কথা কিছু বলে দেবে না তো
সরোজবাবু?

—ধূৎ, আমাদের কথা কী বলবে?

—না, মানে তোমরাও তো...নীলা বুদবুদটা গিলে নিল।

লাল্টু টিউটোরিয়ালে, আটটা সাড়ে আটটার আগে ফিরবে না। এখন এই চার
দেওয়ালের মধ্যে লুকোছাপা ঝশহাশ না করলেও চলে। শুভময় হো হো হেসে
উঠল—দূর দূর, আমরা কি আয় তবে সহচরী হাতে হাত ধরি ধরি করে কাজ
করি নাকি? যার যার, তার তার। একজনের সিঙ্গেট অন্যজন জানবে কী করে?

আশ্চর্ষ নীলা রান্নাঘরে গিয়ে কফির জল চড়াল। সঙ্গের পর শুভময় চা তেমন
পছন্দ করে না। বিকেলে একবার বেরিয়েছিল নীলা, টুকটাক সাংসারিক জিনিসপত্র
কিনতে। গোটা কয়েক বার্গার এনেছিল সেসময়ে, হট অ্যান্ড কোল্ড থেকে। দুটো
বার্গার বার করে ওভেনে গরম করতে দিল।

সরোজের থেকে বিপদের কোনও আশঙ্কা নেই বুঝে সরোজের ওপর আবার
যেন একটু মায়া জন্মাচ্ছিল নীলার। দুঃখী দুঃখী গলায় প্রশ্ন ছুড়ল—ওদের বাড়ির
লোকের খবর কিছু পেলে?

—শুনলাম তো সরোজের মিসেস কোটে গিয়েছিল। ভাল উকিল টুকিলও
লাগিয়েছে। নো রেজাল্ট। বউটা নাকি খুব কানাকাটি করছিল কোটে।

—তোমায় কে বলল?

—অনিমেষ, আবার কে। ও তো আজ সারাক্ষণ কোটে ছিল।

অনিমেষকে ভালই চেনে নীলা। সে নাকি খুব দাপুটে অফিসার। শুভময়দের
অ্যাসোসিয়েশানের একটা মাথাও বটে। শুভময় বলে, অনিমেষ ভারী আপরাইট
মানুষ। ঠিকাদার কন্ট্রাক্টর ছাড়া কারুর কাছে সে মাথা নোয়ায় না। এমনকী নিজের
বাবা মার কাছেও না। পাছে নত হতে হয় সেই কারণে মিনিবাসে পর্যন্ত ওঠা

ছেড়ে দিয়েছে অনিমেষ, গাড়ি ট্যাক্সি ছাড়া সে দু পা'ও চলে না। অফিস কলিগদের বিপদে আপদে সব সময়ে অনিমেষ পাশে থাকে। তাই চাকরিতে তের জুনিয়ার হলেও অনিমেষের ওপর শুভময়ের গভীর শ্রদ্ধা, নীলা জানে।

কফি আর বার্গার নিয়ে শোওয়ার ঘরে এল নীলা। মুখ হাত ধূয়ে পাজামা পাঞ্চাবি পরে নিয়েছে শুভময়, গড়াচ্ছে বিছানায়। ট্রেটা বিছানার পাশের টেবিলে রাখল নীলা, বেতের গোল মোড়া টেনে খাটের ধারে বসল,—আর কী বলল অনিমেষ?

—কী আর বলবে! দুঃখ করছিল। সরোজের মিসেসকে সান্ত্বনা দিছিল...

—কাল ঠিক কী ঘটেছিল কিছু শুনলে?

—ও ইঁয়া, সে তো এক কেছাকেলেঙ্কারি কাণ। শুভময় তড়ং করে উঠে বসেছে। একটা বার্গার হাতে ভুলে নিল,—ঠক্কর ব্রাদার্স বলে একটা পার্টির লাইসেন্স নাকি সরোজ অনেক দিন ধরে আটকে রেখেছিল। দরেটের বনছিল না বোধহয়। ওই শালারাই কাল টোপ দিয়ে ওকে নিয়ে গিয়েছিল, প্রীন হেভেনে। পার্টির কাছ থেকে একশো টাকার একটা বাস্তিল নিয়ে যেই না সরোজ ব্রিফকেসে ভরতে গেছে, অমনি ডিজিলেন্সের লোক এসে ক্যাক। সরোজ নাকি নার্ভাস হয়ে সঙ্গে সঙ্গে টাকাটা মাটিতে ফেলে দিয়েছিল, বাট ততক্ষণে দা গেম ইজ ওভার। টেবিলে জলের প্লাস ছিল, সরোজের হাত ধরে প্লাসে চুবিয়ে দিয়েছে, দেন অ্যান্ড দেন প্লাসের জল লাল।

নীলা মুখের ইঁ বন্ধ করতেও ভুলে গেল—বুবালাম না।

—তুমি একটা ট্যাঙ্গোশ! ডিটেকটিভ সিরিয়ালে দ্যাখো না, অপরাধীর দুর্ক্ষর্ম প্রমাণ করার জন্য ফিঙ্গার প্রিন্ট লাগে? সরোজের হাতের ছাপ তোলার জন্য নোটের গায়ে এক ধরনের গুঁড়ো লাগানো ছিল। সাদা সাদা কী যেন নাম! মিনপ্রথেলিন না ফিনপ্রথেলিন। লালটু বলতে পারবে।

—আহ, লালটুকে এর মধ্যে টানা কেন!

—না, মানে...লালটু সায়েন্সের স্টুডেন্ট তো, হয়ত জিনিসটার নাম জানে। ...ইঁয়া, যা বলছিলাম। ওই গুঁড়ো মাখা হাত জলে ডোবালেই জল নাকি লাল হয়ে যায়। এই জন্যেই না বলে কট্ রেডহ্যান্ডেড। এখন আর সরোজ ডিনাই করতে পারবে না। সাক্ষীরা ছিল, তারা দেখেছে। সঙ্গে নোটেও আঙুলের ছাপ...

নীলার হঠাং কেমন শীত শীত করে উঠল। কী সরোনেশে ব্যাপার! গুঁড়োটা ও সাদা সাদা, জলেরও কোনও রং নেই, অথচ ওই গুঁড়োমাখা হাত জলে পড়লেই...!

অস্ফুটে নীলা বলল,—ধরারও এত সব পাঁচ পয়জ্বার আছে নাকি?

—আছে বৈকি। ফাঁদ কি এক রকম হয়?

—তুমি জানতে ব্যাপারটা?

শুভময় উন্নতির দিল না। কফির কাপে চুমুক দিতে দিতে সিগারেট ধরিয়েছে। চোখ ঘুরছে এদিক ওদিক। খাটে আলগা ঠেসান দিল,—তবে আমরাও ছাড়ছি না। ওই ঠক্কর ব্রাদার্সকে আমরা এমন শিক্ষা দেব...! হতে পারে সরোজের সঙ্গে তার ইয়ে চলছিল। হতে পারে সরোজেরই দোষ। বেশি স্কুইজ করার চেষ্টা করছিল। বাট দিস ইজ আনএথিকাল।

—কোন্টা আনএথিকাল? স্কুইজ করা?

—উহ, ওই ধরিয়ে দেওয়াটা। তোরা টাকা দিস কেন বাছা? তোরা হারামজাদা চোর নোস? রবি ঠাকুর কী বলেছেন? অন্যায় যে করে, আর অন্যায় যে সহে...! শুভময় স্পষ্টতই উন্নেজিত,—আমরা সইব না। ছুটির পর অনিমেষকে নিয়ে বসেছিলাম। ডিসিশন হয়ে গেছে। এককাটা হয়ে ঠক্কর ব্রাদার্সকে বয়কট করব আমরা। দেখি শালা কী করে ব্যবসা করে খায়! দরকার হলে অন্য পার্টিদেরও সমর্থে দেব।

—সবাই তোমাদের কথা মানবে? তুমই তো বলো, তোমাদের অফিসে যে যার নিজের ধান্দা নিয়ে চলে।

—এটা মানবে। মানতেই হবে। সারভাইভালের প্রশ্ন না? ইউনাইটেড উই স্ট্যান্ড, ডিভাইডেড উই ফল!

রাতে শুয়ে ঘুম আসছিল না নীলার। এলোমেলো কথা ভাবছিল। শুভময়ের কথা, সরোজ ব্যানার্জীর কথা...। নীল অঙ্ককারে হঠাত হঠাত দেখতে পাচ্ছে সরোজ ব্যানার্জী বসে আছে হাজতে, তার বড় ছেলেমেয়ে মুখ কালো করে দেখতে এসেছে তাকে, দাঁড়িয়ে আছে গরাদের এপারে। কী লজ্জা! কী অপমান! কে বেশি হেনস্থা হচ্ছে? সরোজ ব্যানার্জী, না তার বাড়ির লোকজন? কেন এত লোভ করল সরোজ ব্যানার্জী? মেয়ের চিকিৎসার জন্য? শত বিপদে পড়লেও এমনটা করবে না শুভময়। মুখে যতই তড়পাক, শুভময় কক্ষনো খামচা খামচি করে না। কাজ হাসিল হলে যে যা ভাল মনে দেয় শুভময় তাতেই খুশি। সারা মাস খেটে ক'পয়সাই বা পায় শুভময়! কারুর পাকা ধানে মই না দিয়ে কটা টাকা বাড়তি আনলে যদি একটু বেশি সুখ কেনা যায়, সেটা কি খুব দোষের?

নীলা টের পেল শুভময় নড়াচড়া করছে। মৃদু স্বরে বলল,—ঘুমোওনি?

—গরম লাগছে।

—গরম, না হাতি! নীলা আলগা ছুল স্বামীকে,—উল্টোপাল্টা ভাবনা করছ' তো?

—নাহু কী আর ভাবব...

শুভময় চুপ করে গেল। ঘর যেন নিয়ুম হঠাৎ। পাখা ঘুরছে সোঁ সোঁ, একথেয়ে চাপা শব্দে বেড়ে যাচ্ছে নৈশশ্বর্য। অঙ্ককারে সময়ও যেন সহসা প্রলম্বিত হয়ে গেল।

খানিকক্ষণ পর শুভময়ই কথা বলল,—শুনছ?

—উঁ?

—এবার বৌধহয় আমাদের একটু রয়ে সয়ে চলার সময়।

নীলা ছেট হাই তুলল,—হঠাৎ এ কথা?

—বোঝাই তো, সারাক্ষণ সকলের চোখ টাটাচ্ছে। আঞ্চীয়স্বজন পাড়াপড়শি সব্যার।

—তো?

—আড়ালে আবডালে কে কী ফিসফাস করে ঠিক নেই...

—তো?

—তো তো করছ কেন? সব কথা কি খুলে বলতে হবে?

এই অঙ্ককারও যেন সব কথা খুলে বলার জন্য যথেষ্ট আড়াল নয়!

নীলা ভার ভার গলায় বলল,—ঘুরিয়ে পেঁচিয়ে কথা বলছ কেন? সোজাসুজি বলো। কী বড়মানুষিটা করি আমরা যে লোকের চোখ টাটাবে?

—আমরা নয়, তুমি। কলকাতায় এসেই ফ্ল্যাট ফ্ল্যাট করে পাগল হয়ে গেলে। ঠিক আছে, চিরটা কাল বাইরে বাইরে ঘুরছি, আজ এখানে বদলি, কাল ওখানে। এবার যখন কলকাতায় মোটামুটি থিতুই হয়েছি, একটা নয় নিজের আশ্রয় বানালাগ্ই। কিন্তু তারপর?

—কী তারপর?

—লিস্ট দিতে হবে? আজ হাড়ে আদা দিয়ে চালু ফ্রিজ পাল্টে গভার সাইজের ফ্রিজ কিনছ, কাল কালার টিভির মডেল বদলাচ্ছ। কথায় কথায় গয়না গড়াচ্ছ, শাড়ি কিনছ...এই সেদিন পনেরো হাজার দিয়ে নতুন সোফা কিনলে...পরশুদিনই তুমি সাড়ে তিন হাজার দিয়ে একটা বালুচরী কেনেনি? আবার বউদিকে ফোনে ঘটা করে দাম জানাচ্ছিলে! পৃথিবীসূন্দৰ লোক কি ঘাসে মুখ দিয়ে চলে, আঁা?

—সব আমার ঘাড়ে চাপিয়ে দিছে? ছেলেকে আহ্বাদ করে ভিসিআর কিনে দিল কে? প্যাকেট প্যাকেট বিদেশী সিগারেট ওড়াচ্ছ... বোন ভগীপতিকে নিয়ে দীঘা বেড়াতে যাবে, টুরিস্ট বাস নয়, গাড়ি ভাড়া করে চলো... এগুলো বুঝি কারুর নজরে পড়ে না?

—ঠিক আছে, নয় আমরা দুজনেই করি। এবার থেকে একটু সমজে বুঝে চললে...

—থামো তো। রামের ঠাঃ ভেঙেছে বলে কি শ্যামকেও খুড়িয়ে হাঁটতে হবে? নীলা খ্যাক খ্যাক করে উঠল,—পাড়াপড়শি আঞ্চীয়স্বজন দেখিও না। সবার সব আমার জানা আছে। ঘাঁটলে প্রত্যেকের গু থেকেই গন্ধ বেরোবে।

—সকলের গু তো এক্ষুনি পাওয়া যাচ্ছে না। যারটা নিউজ হয়েছে, তারটা নিয়েই এখন সকলে খোঁচাখুঁটি করবে।

—রাত দুপুরে সতীপনার নাটক শুরু করলে কেন বলো তো? নীলা মটকা মেরে উল্টো দিকে পাশ ফিরল। গরগর করতে করতে বলল,—বেশ তো, কাল থেকে তেলাপিয়া নাইলন ট্রিকা ছাড়া মাছ আনবে না। খিংড়ে কুমড়ো দিয়ে থলি ভরতি কোরো, তাই তোমাদের পাতে ঢেলে দেব। দেখি, বাপ ছেলের কদিন রোচে!

—খচে যাচ্ছ কেন? ভালুর জন্যই তো বলছি। শুভময় নীলাকে টানার চেষ্টা করল,—সরোজটা এমন একটা স্টুপিডের মতো কাজ করল...

নীলা ঠেলে সরিয়ে দিল শুভময়কে। সে যত বার শুভময়কে সরোজের থেকে পৃথক করার চেষ্টা করে, ততই নিজেকে সরোজের সঙ্গে মিলিয়ে ফেলে শুভময়।

কে স্টুপিড? সরোজ, না শুভময়?

দুটো দিন যেতে না যেতে সব আবার স্বাভাবিক। অথবা গয়ংগচ্ছ।

সরোজ সংবাদের আর কোনও প্রচার নেই, সকালবেলা অলস মেজাজে চায়ে চুমুক দিতে দিতে খবরের কাগজের পাতা উল্টোতে পারছে শুভময়। বাজার থেকে চিতল চিংড়িও আসছে নিয়মিত। আসছে মুরগি মাটন, আসছে পনীর কলা আপেল আঙুর বেদানা। স্বামী আর ছেলের জন্য নিত্যনতুন খাবার বানাচ্ছে নীলা, পুষ্টি আর জিভ দু দিকেই খেয়াল রেখে। পায়েস পুড়িং কাবাব ঠাঁপ...। একদিন দুপুরে দোতলার ফ্ল্যাটের সেনগিনির সঙ্গে বেরিয়ে নিউ মার্কেট চলন নীলা, চবিশ মিটার পর্দার কাপড় কিনে আনল। প্রায়শই বিকেলে পার্টির গাড়ি নামিয়ে দিয়ে যাচ্ছে শুভময়কে, ঘরে চুকেই ঘটাঃ ঘটাঃ আলমারি খুলছে শুভময়। সুরেলা বাজনাওলা নতুন গ্যাস লাইটারটায় শোভা পাচ্ছে শুভময়ের পকেটে। উপহার।

এর মধ্যে শুভময় একদিন জানাল সরোজ জামিন পেয়ে গেছে। মুক্ত হয়েই সরোজ পরদিন অফিসে এসেছিল, গুলি ফুলিয়ে বলে গেছে আরও বড় উকিল লাগাবে। সেই উকিল নাকি কোর্টে ভিজিলেন্স অফিসারদের প্যান্টজামা খুলে নেবে।

শুনে নীলার কী হাসি। যেন কল্পচোখে ভিজিলেন্সের দুঁদে লোকগুলোকে দেখতে পাচ্ছে। জাঙ্গিয়া পরে কোর্টের বারান্দায় মলিন মুখে চোখ মুছছে লোকগুলো।

হাসতে হাসতেই স্বামীকে চিমটি কাটল,—তাহলে যে তুমি বললে সরোজবাবুর দফা রফা ?

—সেরকমই তো মনে হয়েছিল। অবশ্য ওটা সরোজের বারফাটাইও হতে পারে। চালবাজ টাইপের লোক, ভাঙবে তবু মচকাবে না।

—উহ, নিশ্চয়ই কোনও ক্যাচ আছে। দ্যাখো হয়তো তোমাদের ভিজিলেন্সকেই ম্যানেজ করে ফেলেছে সরোজবাবু। ভিজিলেন্সের লোকেরা তো আর কন্থল থেকে নৌকো ভাসিয়ে কলকাতায় আসেনি। তেমন টাকনাদার চার খাওয়ালে তাদেরও গাঁথা যেতে পারে।

—আই ডাউট। ওখানে ট্যাফো করতে পারবে কি ? সত্যি খুঁটি যদি ওর থাকে, অন্য জায়গায় আছে। মিনিস্ট্রি মহলে। ওর ভায়রাভাই নাকি কোন্ এক মন্ত্রীর পি.এ-র বোতলবন্ধু। সে কোনও কলকাঠি নাড়লেও নাড়তে পারে।

নীলা প্রাণপনে মনে করার চেষ্টা করল ওপর মহলে তাদের কেউ জানাশুনো আছে কিনা, হতাশ হয়ে হাল ছেড়ে দিল। ধূস্, কেন এত ভাবছে সে ? শুভময় তো সরোজ নয়।

অন্য কথায় গেল নীলা,—তোমাদের সেই ঠঁকর ব্রাদার্সকে টাইট দেওয়ার কী হল ? ছেড়ে দিলে ?

—সে হারামজাদা তো এখনও ঘাপটি মেরে বসে আছে। অফিসের ত্রিসীমানা মাড়াচ্ছে না। সেন্স অফ গিল্ট। অপরাধবোধে ভুগছে। শুভময় ঠোঁট চিপল,— তবে একটা মোক্ষম উপকার হয়েছে। বলো তো কী ?

নীলা ফ্যালফ্যাল চোখে দুদিকে ঘাড় নাড়ল।

—এই জন্যই তো তোমায় ট্যাডোশ বলি। শুধু ট্যাডোশ নয়, তুমি একটি চালকুমড়ো। অন্য পার্টিরা এখন আতঙ্কে কেঁচো হয়ে থাকে, বুবালে ? টুসকি বাজালেই অ্যামাউন্ট গুঁজে দেয়। শুভময় চোখ মারল,—রেটও চড়েছে।

ঈশ্বরকে মনে মনে ধন্যবাদ দিল নীলা। মঙ্গলময় তিনি, যা করেন মানুষের ভালুর জন্যই করেন। সরোজ ব্যানার্জীর ধরা পড়া শাপে বর হয়ে গেল।

নাহ, শুভময় নয়, সরোজটাই স্টুপিড। শুভময় ধরা পড়লে সরোজ এই পরিস্থিতিটার ফায়দা লুটতে পারত।

পরের পরের দিন ছবিটা আমুল বদলে গেল। অফিস থেকে প্রায় ছুটতে ছুটতে বাড়ি ফিরল শুভময়। মুখ শুকিয়ে আমসি, ঘামছে দরদর। নীলাকে শোওয়ার ঘরে টেনে নিয়ে এসে বলল,

—খুব খারাপ খবর। শিয়ারে শমন।

নীলা উৎকৃষ্টিত হয়ে প্রশ্ন করল,—কী হয়েছে?

—ঠক্কর ব্রাদার্স মেইন কালপ্রিট নয়। সর্বের মধ্যে ভূত। আমাদের ডিপার্টমেন্টই বেশ কয়েকজনকে বাঁশ পুরে দিয়েছে। নাম পাঠিয়ে দিয়েছে ভিজিলেন্স। সেই ফ্রেই আমাদের অনেক পার্টিকে ট্যাপ করেছিল ভিজিলেন্স, আলটিমেটলি ঠক্কর ব্রাদার্সই দ্বারা ঘূঁটি হতে রাজি হয়। সরোজ ব্যানার্জীর ভিকটিম হওয়াটা মিয়ার অ্যাক্সিডেন্ট। ওটা সরোজ না হয়ে অন্য কেউ হতে পারত।

—যাই। নীলা ধপ করে বিছানায় বসে পড়ল,—গুজব টুজব নয় তো?

—একদম না। এ হল গিয়ে একেবারে ঘোড়ার মুখের খবর। আমাদের অফিসের মিসেস মুখার্জিকে তো চেনো। বেঁটে মতন, গোলগাল মুখ, চশমা পরা, টিকটিকির ল্যাজের মত চুল... তোমার সঙ্গে রিভিয়েশান ক্লাবের ফাঁশানের দিন আলাপ হয়েছিল...

—বুঝেছি। যে মহিলা হাসের মত ঘূৰ খায়, তাই তো?

—হ্যাঁ হ্যাঁ। নারী প্রগতি! সমান অধিকার! মেয়েছেলেরাই বা কম যাবে কেন!
...ওই বলছিল।

—সে জানল কোথাকে?

—ওরেবাস, ওর যা দারুণ নেটওয়ার্ক। হেডকোয়ার্টারে রেণুলার বাতাসা ছড়ায়, অনেক পোষা গুপ্তচর আছে। শুভময় বড় করে শ্বাস টানল,—এ তো হল খারাপ খবরের ট্রেলার। আসল দুঃসংবাদটি শুনলে পিলে চমকে যাবে। ভিজিলেন্স সাসপেন্ট করছে ওই ঠক্কর ব্রাদার্সের মেথডে কাউকে পাকড়াও করা যাবে না, তাই এবার তারা সরাসরি বাড়িতে হানা দেবে। মানে আর যাদের নাম আছে, তাদের বাড়িতে। হঠাৎ করে। কাক পক্ষীও টের পাবে না।

নীলার মুখ ফ্যাকাশে হয়ে গেল,—কার কার নাম আছে?

—সে লিস্ট তো আর অফিসে টাঙিয়ে দেয়নি। মিসেস মুখার্জির খোঁচড়াও পুরো ডিটেলস জানে না। তবে...

—কী তবে?

—লিস্ন নীলা। শুভময়ের স্বর গভীর,—সাবধানের মার নেই। ঘরদোর ক্লিন রাখাই ভাল।

ইঙ্গিত বুঝল নীলা। এত হিসেবী, এত সতর্ক বলেই না শুভময়ের ওপর নীলার এত আস্থা। এই গুণের জন্যই শুভময়রা কখনও সরোজ হয় না।

তবু নীলা মিনমিন করল,—আমাদের কী এমন হিরেজহরত আছে?

—নো। যেটুকু না থাকলেই নয় সেটুকুই শুধু বাড়িতে থাকবে। বাকি সব লকারে চালান করে দাও।

—লকারও যদি দেখতে চায়?

—আহ, ব্যাকের লকার নয়। অনিমেষ আমাকে একটা প্রাইভেট লকারের সন্ধান দিয়েছে, বড়বাজারে।

—সেফ তো? চোটপেট হয়ে যাবে না তো?

—আরে না না। মিনিস্টারদের সুইস ব্যাকের থেকেও সেফ।

দরজায় ছায়া। নীলা চমকে তাকাল। লক্ষ্মী। সরস্বতীর বদলে কাজে ঢুকেছে। সকালবেলা আসে, সঙ্গেয় যায়।

লক্ষ্মীর দুহাতে কফির পেয়ালা। ইশারায় টেবিলে রাখতে বলল নীলা। রেখেও দাঁড়িয়ে আছে মেয়েটা।

নীলার ভুরু জড়ো হল,—কিছু বলবি?

—রাতের জন্য কটা ঝুঁটি করব আজ?

—যা করিস তাই করবি। বারো চোদ্দটা। ...লাল্টুকে জলখাবার দিয়েছিস?

—হ্যাঁ।

—কী করছে দাদা? পড়ছে?

—হ্যাঁ।

দু এক সেকেন্ড দাঁড়িয়ে থেকে লক্ষ্মী চলে গেল।

চোখের কোণ দিয়ে মেয়েটার চলে যাওয়া দেখল নীলা। মেয়েটার আড়িগাতার অভ্যেস নেই তো? কী নিঃসাড়ে এসে দাঁড়িয়েছিল! শুনেছে কি কিছু?

নীলা দরজায় এসে গলা ওঠাল,—লক্ষ্মী শোন্। ...ঝুঁটি করতে হবে না। আটাটা মেখে রেখে চলে যাস।

শুভময় পোশাক বদলে দ্রুত কফি শেষ করল। তারপর আলমারি খুলেছে। কী একটা ফাইল দেখছে উল্টেপাল্টে।

নীলা বকের মতো গলা বাড়াল,—কী ওটা?

—অ্যাসেট স্টেচমেন্টের কপি। দেখছি কী কী শো করা আছে। ...নতুন ফ্রিজ টিভি কিছুরই তো এন্ট্রি নেই দেখছি।

—ও দুটো পুরনোর সঙ্গে একচেতন করে কিনেছ। তাও ক্যাশে নয়, মাসে মাসে ইনস্টলমেন্ট শুনতে হয়। ...ও নিয়ে কেউ ঝামেলা করবে না।

—ফ্যাচ ফ্যাচ কোরো না। কিঞ্চিৎ মাল বলে কি সাত খুন মাপ? মাসে মাসে কত করে কিঞ্চিৎ শুনতে হয় সেটা ওরা দেখবে না? যদি জিঞ্জাসা করে মাসে

সাড়ে দশ হাজার টাকা মাইনে পেয়ে একত্রিশশো টাকা ইনস্টলমেন্ট গোনেন কী
করে? মনে রেখো, সঙ্গে আবার ফ্ল্যাটের লোনের আঠাশশো আছে।

—বলবে, পেটে কিল মেরে চালাই।

—ও রকমই কিছু বলতে হবে। মানলে হয়। ...সে কি এই ফ্ল্যাট দেখেও
মানবে সাড়ে তিন লাখের মাল?

—বাবে, প্রোমোটার তো কাগজেকলমে দাম দেখিয়েই দিয়েছে। তোমারও
সমস্ত পেপার সাবমিট করা আছে।

—ইঁয়া, ওই যা রক্ষে। তবে ওরা কি বুঝবে না কতটা দুধে কত জল মেশানো
হয়! ...কিন্তু কিছু করতে পারবে না। ...ফ্রিজ টিভির মেমোগুলো অন্তত বার করে
রাখো।

কোনও কাগজপত্রই নীলার সেভাবে গোছানো থাকে না। কোনওটা খুচরো
কয়েনের বাক্সে, তো কোনওটা শাড়ির ভাঁজে...। তবে সবই পাওয়া গেল।

শুভময় চোখ কুঁচকে বিল মেমো দেখছে, নীলা ফস করে বলে উঠল,

—তোমার ডি. সি. আরের কোনও কাগজপত্র কিন্তু আমার কাছে নেই।

থাকার কথাও নয়। ডি. সি. আর'টি খাঁটি জাপানি জিনিস, খিদিরপুরের চোরাই
মার্কেট থেকে কেনা। স্মাগলড় গুডসের রসিদ দেওয়ার রীতি এখনও চালু হয়নি।

শুভময় চিন্তিত মুখে বলল,—ওটা কদিনের জন্য তোমার বাপের বাড়িতে রেখে
আসা যায় না?

—পাগল! গত মাসে বউদি চেয়েছিল দিইনি, এখন যেচে রাখতে গেলে...!
বরং তোমার বোনের বাড়ি চালান করো।

—হ্ম। নট আ ব্যাড আইডিয়া। ...লাল্টু কিছু ভাববে না তো?

—ভাবার কী আছে! ওকে কি এখন টিভিও দেখতে দিই! বলব, তোমার
পরীক্ষা বলে পিসিকে দেখতে দিয়েছি। শুভাকেও তাই বলব।

বলতে বলতে দরজাটা আলগা ভেজিয়ে দিয়ে এল নীলা। আলমারির লকার
খুলে গয়না বার করল। এক জোড়া বালা, এক জোড়া চূড়, দুটো নেকলেস,
কানের ঝুমকো গোটা চারেক, বেশ কয়েকটা টাব, আংটি।

শুভময় আঁতকে উঠল,—বাড়িতেই এত গয়না রেখে দিয়েছ?

—ঘুরিয়ে ফিরিয়ে পরি যে। নীলা টোক গিলল,—কাল ব্যাকে রেখে আসব।

—খবরদার না। ব্যাকেও বেশি রাখবে না। সব একটা দুটো করে রেখে বাকিগুলো
শুভাকে দিয়ে আসবে। কালই।

—সব? শুভাকে? শুভা কী ভাববে?

—সে আমার দায়িত্ব। আমার বোন, আমি বুঝিয়ে বলব।

হ্যাঁ, তারপর ফোকটের মাল ভেবে সব ঝোড়ে দিক, মনে মনে বলল নীলা। তার অপ্রসম মুখ দেখে কিছু যেন আঁচ করল শুভময়। একটু যেন দ্বিধান্তিও হয়েছে,—ঠিক আছে, ওগুলোও সব প্রাইভেট লকারে পুরে দেব। বটুয়ায় একসঙ্গে ভরে রাখো।

আলমারির দুই তাকের মাঝে টানা চ্যাপ্টা গোপন কুঠুরি। তার থেকে এবার শুক এক করে নোটের বাস্তিল বার করছে শুভময়। একশো টাকার, পঞ্চাশ টাকার, দশ টাকারও আছে। পুরনো পুরনো মলিন বাস্তিল।

শুভময় শুনছে। এক বার, দু বার, বার বার। চোখ ছেট করে তাকাল,

—একটা পঞ্চাশ টাকার বাস্তিল কম আছে মনে হচ্ছে!

—কম!

—হ্যাঁ। শুভময় আবার গোটা তাক হাতড়াল,—নাহু, ভেতরে তো নেই।

—কম কী করে হবে! ভাল করে গোনো।

—বিশ বার কাউন্ট করেছি। বলতে বলতে আরেক বার গুল শুভময়,—থাকার কথা একচল্লিশ, আছে ছত্রিশ।

—অসম্ভব! টাকার কি ডানা আছে?

—সে তুমিই জানো। বের করোনি?

—আমি ওখানে হাতই দিইনি।

—এ তো মহা চিন্তার কথা হল। তোমার শাড়ির ভাঁজে ফাঁজে নেই? তুমি তুলবার সময়ে কোনওদিন ভুল করে... যা ন্যাতা ছ্যাতা করে রাখার স্বত্ত্বাব।

—বাজে কথা বোলো না। ঘট করে কথাটা নীলার গায়ে লেগে গেল। ঘপাং ঘপাং করে নামাচে শাড়িগুলো,—দ্যাখো দ্যাখো, কোথায় আছে দ্যাখো।

—ও কি আর এখন পাওয়া যাবে? কোথায় কোন স্যাকরার গর্ভে চুকিয়ে দিয়ে এসেছ! কিংবা শাড়ি কিনে বসে আছ। হারামের মাল পেয়েছ...

—চেঁচিও না। তোমার ওই তাকের টাকায় আমি কক্ষনো হাত দিই না। যা খরচা করি, সব এই লকারের টাকা থেকে করি। কিংবা যা ভিক্ষে দাও তা থেকে করি। নীলার দাঁতে বিষ এসে গেল,—নিজে কোথাও ফুর্তিফার্তা করে ওড়াও নি তো? এখন ভুলে গিয়ে ঢং করছ!

—আমি ফুর্তিফার্তা করি? কী ফুর্তি করি?

—সে তুমিই জানো। আমি তো আর তোমার পেছনে গোয়েন্দা লাগাইনি।

ক্রমশ গলা চড়ছে দুজনের। মানুষ থেকে শ্বাপন, শ্বাপন থেকে ক্রমে সরীসৃপ হয়ে যাচ্ছে স্বামী স্ত্রী।

ভট্টাং করে দরজা খুলে গেল,—কী ব্যাপার? সঙ্ঘেবেলা হঠাত ফাইট শুরু করলে কেন?

দুজনেই থতমত খেয়ে চুপ।

লাল্টু ঘরে ঢুকল,—একি! সব এমন লগুভগু করল কে? এদিকে গয়না, ওদিকে শাড়ি...!

ছড়ানো টাকা শাড়ির আড়ালে চাপা দেওয়ার অক্ষম চেষ্টা করল নীলা। শুভময় চটপট বলে উঠল,—একটা টাকা রাখা ছিল... পাছিন না।

—কত টাকা?

—পাঁচ হাজার।

—পঞ্চাশ টাকার একটা গোছা তো? লাল্টুর স্বর নির্বিকার,—ওটা আমি নিয়েছি।

—তুই! নীলা শুভময়ের গলা কোরাসে বেজে উঠল,—কেন?

—দরকার ছিল।

—কী দরকার? আমাদের বলিসনি কেন?

—সব ব্যাপার কি তোমাদের বলা যায়!... তবে ওড়াইনি।

নীলা স্থিত হয়েছে খানিকটা। ছেলের এই ভাবলেশহীন আচরণ সহ্য হচ্ছে না তার। কড়া সুরে বলল,—কী এমন ব্যাপার যে আমাদেরও বলা যায় না?

—শুনবে? খুব সিক্রেট। লোককে আবার বলে বেড়িও না। শর্টস টিশার্ট পরা লাল্টুর মসৃণ চোয়ালে রহস্যময় হাসি খেলে বেড়াচ্ছে। একটা চোখ ছোট করে বলল,—আমাদের টিউটোরিয়ালের জ্যোতির্ময় স্যার তিনটে পেপারের কোয়েশেন দিয়েছেন। ফিজিক্সের দুটো পেপার আর কেমিস্ট্রির সেকেন্ড পেপার। তিন দুগুণে ছ'হাজার চেয়েছিলেন, বলে কয়ে পাঁচ হাজারে করিয়েছি। জেনুইন কোয়েশেন। একদম অরিজিনাল। না হলে টাকা ফেরত।

ঘরে কি বাজ পড়ল? মাটি কাঁপছে নাকি? ফ্যানটা যথেষ্ট জোরে ঘুরছে না?

শুভময় বিস্ফারিত চোখে দেখছে ছেলেকে। কোনওক্রমে বলল,—কোয়েশেন পেপার কিনে পরীক্ষা দিবি তুই?

—হাতে এসে গেলে নেব না? উনি বেচছেন, তাই তো কিনছি। আমি তো আর একা নই, অনেকেই...

—এত যে তোর রাত জেগে পড়া, নোট বানানো, ঘড়ি দেখে উত্তর লেখা, সবই কি ফাঁকি? শুধু আমাদের দেখানোর জন্য? নীলার গলা কেঁপে গেল।

—তা কেন? খেটে তো আমি যাট সন্তুর পেতেই পারি। তাই বলে কি সেখানেই
থেমে থাকব? কটা টাকা দিলে যদি নাইনটি পারসেন্ট এসে যায়, সেটা কি দোষের?

লাল্টুর গলায় অভিমান,—মনে রেখো, মাধ্যমিকে আমি স্টার মিস করেছিলাম।

নিজের ঘরে ফিরে গেল লাল্টু।

নীলা অবশ হাতে শাড়িগুলো তুলছে এক এক করে। গয়নাগুলো জড়ো করছে,
টাকাও। হঠাৎ আয়নায় চোখ পড়ে গেল। দর্পণে পাশাপাশি দুটো মুখ। শুভময়
আর নীলা। দুজনে দেখছে দুজনকে।

কী সরাবে এখন! কোথায় সরাবে!

দুই নারী

প্রথমটা দেখে চিনতে পারেনি অতসী। পারার কথা ও নয়। কুড়ি বছর আগে
যে মুখ একবারই দেখেছিল মাত্র, যে মুখের একটাই শুধু ছবি লুকানো
আছে তার কাছে, সেই মুখ চিরকালের মতো হৃদয়ে গেঁথে থাকলেও,
এ মুখের সঙ্গে সে মুখের মিল পাওয়া কঠিন। হঠাতে দেখে মনে হয় ভুবনপুরে
কোন গরীবদুঃখী সাহায্যের জন্য এসেছে বুঝি। প্রায়ই যেমন আসে। সেই রকমই
জীৰ্ণ শীৰ্ণ চেহারা। চোখের তলায় ঘন কালো ছোপ। ভাঙা লম্বাটে মুখ। গায়ের
চামড়া খসখসে। কঢ়ার হাড়দুটো বিকটরকম উঁচু হয়ে আছে। মাথা ভরা রক্ষণ
চুল এলোমেলো। ক্ষয়াটে শরীর ঘিরে জড়ানো হলুদপাড় সাদা তাঁতের শাড়িটার
দশা ও দীনহীন। তবু সব কিছু সন্ত্রেও মহিলার মুখেচোখে এক ধরনের আভিজাত্য
আছে। বোঝা যায় অবস্থার ফেরেই দরজায় দরজায় ঘূরতে হচ্ছে মহিলাকে।

অতসী জিজ্ঞাসা করল,—কি চাই?

ক্লান্ত মুখে শুকনো হাসি ফুটল,—আমাকে চিনতে পারছেন?

অতসী খতমত খেল সামান্য,—না...মানে ঠিক...কে বলুন তো!
—আমি তন্ত্র।

তন্ত্র। তন্ত্র। ছেট্ট এক ফোটা নাম। দুটো মাত্র শব্দ। তবু এখনও, এতদিন
পরও, কী তীব্র বিষ তাতে! অতসী নতুন করে সেই বিষহোবল খেল যেন।
প্রায় সঙ্গে সঙ্গেই ছিটকে সরে গেছে কয়েক পা। আশ্চর্য! এতক্ষণ কেন চিনতে
পারে নি! সেই তো! ইঁয়া সেই। ওই তো সেই নীলচে চোখ। নীলচে নয়, কটা।
ওই তো দিগন্তের আকাশের মত সেই নতমুখী দৃষ্টি। ছলনামাথা। ওই তো অতসীর
সব অহংকারকে পিষে দেওয়া পাতলা টেপা ঠোঁট। ঠোঁটের কোণে ছেট্ট বাদামী
তিল। সবই রয়েছে।

অতসীর গলা আপনা-আপনি কঠোর হয়ে গেল,—তুমি ! তুমি কি জন্য এখানে
এসেছ ?

তন্দ্রা টেক গিলল। শুকনো হাসিটা ঠোটে লেগেই আছে,—আপনার কাছে
একটু দরকারে এসেছিলাম।

—তোমার সাহস তো কম নয় !

তন্দ্রার গলায় তবু কাতর অনুনয়,—একটু যদি সময় দ্যান...

—আমার সময় নেই। তুমি এখন আসতে পারো।

অতসী মুখের ওপর দরজাটা বন্ধ করে দিয়েছিল প্রায়, আচমকা তন্দ্রা ভোল
পাল্টেছে। অতসীকে স্তুতি করে দিয়ে আধবোৰা পাল্লা দুটো চেপে ধরেছে
শক্তহাতে,—আমি কিষ্ট ফিরে যেতে আসিনি। আপনার সঙ্গে কথা বলতে এসেছি।

—আমি তোমার সঙ্গে একটি কথাও বলব না।

—তাতে লাভ হবে না। তন্দ্রার গলার আওয়াজ অসম্ভব শান্ত অথচ কী উদ্ধৃত,—
আজকে না শুনলে আমি আবার আসব। বার বার আসব। সেটা নিশ্চয়ই আপনি
চাইবেন না। দরকার হলে আপনার ছেলের কাছেও যেতে পারি আমি।

অতসীর এবার বাকরোধ হওয়ার পালা। তন্দ্রা কি অতসীকে ভয় দেখাতে
এসেছে ! এতদিনকার গোপন কথাগুলো সব ফাঁস করে দেওয়ার ভয় ! কি বা
বলতে চায় এখন ! এতদিন ছিলই বা কোথায় ? অতসীর বুকের ভিতরটা আচমকা
হ হ করে উঠল। অনেক কষ্টে সংযত করল নিজেকে। গলার কঠিন ভাবটাকে
তবু কাটানো গেল না,—তুমি কি ব্ল্যাকমেল করতে এসেছ আমাকে !

তন্দ্রার মরিয়া ভাব যেমন দুম করে এসেছিল, তেমনই দুম করে মিলিয়ে গেছে।
দরজার পাল্লা ধরে থাকা তার হাত দুটো ক্রমে শিথিল হয়ে এল। উদ্ভেজনায়
হাঁপাছে হাপরের মত। হাঁপাতে হাঁপাতেই মাথা নাড়ল দু'দিকে।

অতসীর চোখ তবু তীক্ষ্ণ—কি চাও ?

এবারও দু'দিকে মাথা নাড়ছে তন্দ্রা। দরজা ছেড়ে পাশের দেওয়ালটাতে ঠেস
দিয়েছে। ঘামছে অসম্ভব ! শেষ চৈত্রের বাঁ-বাঁ রোদে বোধহয় হেঁটেই এসেছে
এতটা পথ। সঙ্গে ছাতা-টাতাও নেই। ফর্সা মুখখানা টকটকে লাল।

—একটু বসতে দেবেন ? মাথাটা ঘূরছে।

কখখনো না। বলতে গিয়েও অতসী চমকেছে। তন্দ্রা সত্যি সত্যি টলছে। গোটা
শরীর কাঁপছে মৃদু মৃদু। পড়েই যাবে নাকি ! একটা মানুষ, সে যেই হোক না
কেন, তারই দরজায় অজ্ঞান হয়ে পড়ে থাকবে আর সে নিশ্চিন্তে দরজা বন্ধ
করে দেবে ! তন্দ্রাকে দেখতে দেখতে মুহূর্তের মধ্যে কথাগুলো ভেবে নিছিল

অতসী। ভাবতে ভাবতেই সিদ্ধান্ত নিয়ে ফেলল। বিরস মুখে দরজা ছেড়ে দাঁড়িয়েছে,—এসো। ভেতরে এসে বোসো।

ঘরে চুকেই তন্ত্রা বসে পড়েছে সামনের সোফটাতে। জোরে জোরে শ্বাস নিচ্ছে। হাঁপানি-টাপানি আছে নাকি! অতসী ঘরের কোণায় গিয়ে ফ্যান চালিয়ে দিল। সুইচ বোর্ডের সামনে থেকেই জিঞ্চাসা করল,—জল খাবে?

তন্ত্রা খুব আস্তে আস্তে মাথা নাড়ল।

বাইরের ঘর থেকে ভিতরে চুকে অতসী আবারও দ্রুত চিন্তা করে নিছিল। একটু পরেই খুকুরা এসে পড়তে পারে। খুকু আর তার শাশুড়ি। ওদের সঙ্গে বিকেলে আজ বাবলার জন্য সম্বন্ধটা পাকা করতে যাওয়ার কথা। এখনি যদি ওরা এসে পড়ে! তন্ত্রাকে দেখে খুকু যদি জানতে চায়, কে মা! কিম্বা খুকুর শাশুড়ি! অতসী কি উন্নত দেবে? চিনি না? তার মধ্যেই হয়ত তন্ত্রা সবিস্তারে পরিচয় দিয়ে দেবে নিজের! দিতেই পারে। তন্ত্রার মত মেয়ের পক্ষে কিছুই অসম্ভব নয়।

ফিজ থেকে জলের বোতল বার করে অতসী নিজের গলাতেই ঢেলে নিল খানিকটা। এ সময় প্রতিদিন বাড়িঘর যেমন থাকে তেমনই নির্জন। রাতদিনের কাজের মেয়েটা বেধহয় ছাদের ঘরে ঘুমোতে গেছে। অতসী এখন রেজকার মতো একা। একাই। কবেই বা একা ছিল না! স্বামী, সংসার, সন্তান সব কিছু থেকেও তো চিরটাকাল একদম একা সে। স্বামী যখন বেঁচে ছিল, তখনও। যখন নেই, তখনও। ছেলেমেয়েরাই বা কতদিন আর শুধু মায়েরই থাকে!

জলের বোতল হাতে নিয়ে অতসী বাইরের ঘরে ফিরল। লম্বা সোফায় শরীর ছড়িয়ে চোখ বুজে পড়ে আছে তন্ত্রা। রোগা শরীরটা গুটিয়ে কেমন ছেট হয়ে গেছে। এখনও কাঁপছে থিরথির করে। অতসীর নজরে পড়ল তন্ত্রার চুলগুলোও প্রায় সব পেকে গেছে। মুখে দাগ পড়েছে বয়সের। ক্ষণিকের জন্য অতসী স্থির। কত বয়স হল তন্ত্রার! অতসীর থেকে বেশ ছেট। কম করেও বছর পাঁচকের তো বটেই। খুব বেশি হলেও তন্ত্রা এখন চুয়াল্লিশ, কি পঁয়তাল্লিশ। এর মধ্যেই এত বুড়িয়ে গেল কি করে। কিসের অভাব। টাকা পয়সার! না সঞ্চয়ের! অতসী বুঝতে পারছিল না। পারছিল না বলেই আরও রাগ বাড়ছিল তার। সঞ্চয়ের অভাবে কেন হবে? সঞ্চয়ের অভাবে যদি কারুর ক্ষয়ে যাওয়ার কথা থাকে, সেটা তো অতসীরই। অথচ অতসী, এই পথঙ্গশেও দিব্য সুস্থ সবল। তাকে দেখে কেউ বলবে না তার মেয়ের বিয়ে হয়ে গেছে, ছেলের বিয়েও হব হব।

অতসী টেবিলে জলের বোতলটা রেখে আলতো ধাক্কা দিল তন্ত্রাকে,—কি হল তোমার?

তন্দ্রা চোখ খুলল না। দাঁত দিয়ে নীচের ঠোট সঙ্গেরে চেপে ধরে আছে।

—শুনছ? জল এনেছি।

তন্দ্রা তবুও নিশ্চল।

অতসীর অস্বস্তি বাড়ছিল। হঠাতে করে এ আপদ কেন চেপে বসছে ঘাড়ে! তন্দ্রাকে মোটামুটি ভুলেই গেছিল সে। মোটামুটি কেন, পুরোপুরিই। সঞ্চয় যতদিন বেঁচে ছিল, সঞ্চয়ের সঙ্গে এই মহিলাও মিশে ছিল অতসীর প্রতিটি রক্তবিন্দুর সঙ্গে। প্রতি মুহূর্তে বিপন্ন করে তুলত অতসীর অস্তিত্বকে। কী তীব্র অপমান আর যন্ত্রণায় যে কেটেছে তখনকার দিনগুলো! সংশয়ের কাঁটা সর্বক্ষণ বুকে ঝিখে থাকত। এই বুঝি আজও সঞ্চয় ফিরল না রাতে! এই বুঝি ট্যুরে যাওয়ার নাম করে ফুর্তি করতে গেল তন্দ্রাকে নিয়ে! তখনকার প্রতিটি দিনের কথা, প্রতিটি রাতের কথা আমৃত্যু রয়ে যাবে অতসীর বুকের গভীরে। শেষের দিকে সঞ্চয় বলত, এখনও তুমি একটা কথা নিয়ে ঘ্যানঘ্যান করো কেন বলোতো! তুমি যা চাও আমি তো সব দিয়েছি তোমাকে। গাড়ি, বাড়ি, স্বাচ্ছন্দ্য, আরাম। এখনও আমায় তুমি একটু শাস্তিতে থাকতে দেবে না!

অতসী ঝাঁঝিয়ে উঠত,—এটাকে তুমি ওই একটা কথা বলছ? চাই না আমার গাড়ি বাড়ি। চাই না সুখ আরাম। আমি, আমার সারাটা জীবন, আমার ছেলে মেয়ে... সব, সবাইকে ছারখার করে দিয়েছে তোমরা। তুমি আর ওই রাঙ্কুসী।

—ওফ! সঞ্চয় চিংকার করে উঠত,—কি চাও তুমি খুলে বলো তো? তুমি কি চাও আমি এ বাড়ি ছেড়ে চলে যাই? সারা জীবনের মতো?

অতসীও চেঁচাত,—তাই যাও। দিনের পর দিন এই মানসিক অত্যাচার আমি আর সহ্য করতে পারছি না।

অতসীর হৃৎপিণ্ড ধকধক করে উঠল। তাই কি অত তাড়াতাড়ি চলে গেল সঞ্চয়! মাত্র পঞ্চাশে পা দিতে না দিতেই! অফিস থেকেই কর্মচারীরা সঞ্চয়ের ঠাণ্ডা শরীরটাকে বাড়িতে পৌঁছে দিয়েছিল। নিজের অফিসঘরে বসে কাজ করতে করতে বুকে ব্যথা বলে অজ্ঞান হয়ে যায় সঞ্চয়। সেখানেই সব শেষ। স্বামীর নিখর দেহটার দিকে তাকিয়ে বুক ফেটে কান্না আসতে চাইলেও কিছুতেই কাদতে পারে নি অতসী। পনেরো বছরের জগাট অভিযান-স্তর সমস্ত জাগতিক অনুভূতিগুলোকে দুমড়ে মুচড়ে শেষ করে দিয়েছিল। বাবলাটা সবে ইঞ্জিনিয়ারিং পাস করেছে তখন। খুবু হায়ার সেকেন্ডারি দেবে। বাবলা ঠিকমতো বাবার ব্যবসা দেখতে পারবে কিনা, খুকুটাকে আরও বড় করতে হবে এইসব ভাবনাচিন্তায় তন্দ্রা কখন ছান হয়ে গেছে অতসীর জীবন থেকে। হয়ত-বা সঞ্চয়ও।

ভাবতে গিয়ে সঞ্চয়ের মৃত্যুর পাঁচ বছর পর আজ কেন চোখে জল আসছে

অতসীর ! সঞ্জয়ের জন্য মন কেমন করছে ! সঞ্জয় যেমনই হোক যেভাবে থাকুক, তবু ছিল তো ! অতসীর কাছেই ! কেন অত তাড়াতাড়ি চলে গেল ! কে দায়ী তার অকালমৃত্যুর জন্য ! অতসী ! নাকি ওই মহিলাই ! ওর জন্যই তো সঞ্জয়... !

অতসী আঁজলা ভরে ঠাণ্ডা জল নিয়ে ছাঁড়ে মারল তন্দ্রার মুখে চোখে। জলের ছোঁয়া পেরে তন্দ্রা নড়ে উঠেছে। চোখ মেলল। ঘোলাটে নীল চোখে অতসীর দিকে ফ্যালফ্যাল তাকিয়ে রইল কিছুক্ষণ। ধীরেধীরে চোখে ভাষা আসছে।

অতসী জলের বোতল এগিয়ে দিল তার দিকে। মুনে মনে বলল, অনেক নাটক হয়েছে। জল খাও। খেয়ে বিদেয় হও।

তন্দ্রা উঠে বসে পুরো বোতল জল ঢেলে নিল গলায়। আঁচল তুলে ঘাড় গলা মুছল। নিশাসের কষ্ট এখনও অল্প অল্প রয়েছে বোৰা যায়।

অতসীর এক বিন্দুও মায়া এল না মনে। তীক্ষ্ণ গলায় প্রশ্ন করল,—শরীর ঠিক হয়েছে?

তন্দ্রা যেন বহু কষ্টে বসতে পারছে। থেমে থেমে দুর্বল স্বরে বলল, শরীরটা একদম ভাল নেই। কথায় কথায় মাথা ঘোরে। বুক ধড়ফড়। ডাঙ্কার বলছে শরীরে নাকি রক্ত নেই। বিশ্বি অ্যানিমিয়া...

অতসীর একটুও শুনতে ইচ্ছে করছিল না। জলের বোতলটা সামনে থেকে সরিয়ে শো-কেসের মাথায় রেখে দিতে দিতে বলল,—মিনিট পাঁচেক বিশ্রাম তো হয়ে গেল, আরও দরকার ?

তন্দ্রা এই চকিতি নিষ্ঠুরতায় থমকেছে। মলিন মুখে তাকিয়ে রঁয়েছে অতসীর দিকে।

—কি দেখছ ?

—আপনাকে বোধহয় অসুবিধেয় ফেললাম।

—তা ফেলেছ ! অতসী স্পষ্ট উত্তর দিল,—এখুনি আমার মেয়ে আর মেয়ের শাশুড়ি এসে পড়বে। তুমি যদি এখন চলে যাও...

তন্দ্রা ওঠার নামও করল না। নিজীব চোখ দুটো তার স্থির হয়ে আছে।

—আপনার কাছে বড় বিপদে পড়ে এসেছিলাম। খুব কষ্টে দিন কাটছে...

প্রথম বাক্যটা অতসীই উচ্চারণ করেছিল না একদিন ! মান-অপমান শিকেয় তুলে; লজ্জার মাথা খেয়ে এই মহিলার কাছেই বাধ্য হয়েছিল ছুটে যেতে। সেদিনও এই রকমই নীলচে চোখ উদাস তন্দ্রার। অতসী বলেছিল,—বড় বিপদে পড়ে আমি তোমার কাছে এসেছি। তুমিই একমাত্র পারো সঞ্জয়কে আবার আমাদের কাছে ফিরিয়ে দিতে। কথা দাও আজ থেকে আর কোনও সম্পর্ক রাখবে না সঞ্জয়ের সঙ্গে...

তন্ত্রা কথা দেয়নি। ভাসা ভাসা দু'চোখ ফিরিয়ে রেখেছিল অন্যদিকে।

অতসী তখন মরিয়া। সব কিছু তখন যে ভেসে যেতে বসেছে। সুখ, শান্তি, স্থামী, সংসার, ছেলে, মেয়ে, স্বপ্ন, প্রেম, সব, সব কিছু।

—দ্যাখো, তোমার এখনও বয়স আছে। তুমি দেখতেও সুন্দরী। ইচ্ছে করলে এখনও একটা ভালো ছেলে দেখে দিয়ে করতে পারো। কেন মিছিমিছি একজন বিবাহিত লোকের জন্য নিজের জীবন নষ্ট করছ তুমি?

তন্ত্রা কেঁদে ফেলেছিল হ হ করে। সে কী ভয়ানক বাঁধভাঙ্গা কান্না। কাঁদতে শুধু বলেছিল,—সে আর হয় না। আর হয় না।

—কেন হয় না।

—আমি বলতে পারব না, আপনি তাকেই জিজ্ঞাসা করবেন।

অতসী ঘুরে গিয়ে তন্ত্রার মুখোমুখি সোফাটায় বসল।

তন্ত্রাও নিজেকে শুছিয়ে নিয়েছে,—আমি জানি আপনি আমাকে কখনও ক্ষমা করতে পারবেন না। বিশ্বাস করলু, আমি তাকে অনেকবার বুঝিয়েছি...

অতসী খর চোখে তাকাল,—পুরোনো কথা থাক। কি বলতে এসেছ তাড়াতাড়ি বলে ফ্যালো। আমার সময় নেই।

তন্ত্রার গলা ডুবে এল,—মেয়েটার বিয়ের ঠিক করেছি।

অতসীর মুখ ফস্কে বেরিয়ে গেল,—কার মেয়ে?

তন্ত্রা চোখ সরিয়ে নিল অতসীর চোখ থেকে,—আমার মেয়ে।

—ও। ভালো তো। কত বড় হয়েছে সে? বলতে বলতে অতসী নিজেই মনে মনে হিসেব করে নিছিল। পনেরো আর পাঁচ কুড়ি। নাহ, তার একটু কমই। বছর উনিশেকের হয়েছে এখন।

তন্ত্রা বলল,—ছেলেটা ভাল। একটা প্রাইভেট কোম্পানির জুনিয়ার আফসার। বৈশাখেই দিন স্থির হয়েছে।

—বেশ।

—অনেক খরচা। কিছুই জোগাড় করতে পারছি না। আপনি যদি...

এতক্ষণে তন্ত্রার আসার কারণ জলের মত পরিষ্কার। অতসী ঝপ করে উঠে দাঁড়াল,—আমি কি করতে পারি?

তন্ত্রা উঠতে গিয়েও বসে পড়েছে,—জানি আপনি আমাকে খুব নির্ণজ্ঞ ভাবছেন। ভিধিরি ভাবছেন। আমার সত্তিই আর কোনও উপায় নেই।

—কেন? তুমি এখন আর চাকরি করছ না?

—না। সে তো কবেই ছেড়ে দিয়েছিলাম। মেয়ে হওয়ার পর পরই। ওই জোর করে ছাড়িয়ে দিয়েছিল।

—তাই? নাকি নিজেই তখন সমাজে মুখ দেখাবার উপায় ছিল না?

—সে আপনি যা খুশি ভাবতে পারেন। তন্ত্রা কপালে হাত রাখল। মুখের ওপর ট্যুড় আসা চুলগুলোকে সরাচ্ছ,—ও অবশ্য যতদিন বেঁচে ছিল আমার কেন্দ্রও অভাব রাখেনি।

—তা তার মধ্যেই তো বেশ গুছিয়ে নিয়েছিলে। অতসীর গলায় শ্লেষ ফুটল।

তন্ত্রা গায়ে মাখল না ব্যঙ্গটাকে। বিড়বিড় করে বলছে,—তা যদি পারতাম। সে চলে যাওয়ার পর কিভাবে যে কেটেছে পাঁচটা বছুর...কি করে বড় করেছি মেয়েটাকে...।

বারবার তন্ত্রার মুখে সংশয় সম্পর্কে ও, সে, সর্বনামগুলো সহজ হচ্ছিল না অতসীর। বিরক্ত মুখে কথা ঘোরাতে চাইল,—কত টাকা দরকার?

তন্ত্রাও ফিরল কাজের কথায়। হয়ত-বা অতসীর প্রশ্নে উৎসাহিত হল একটু,—সে তো অনেক, গয়নাগাটি কিছুই নেই। অন্তত হাজার পঞ্চাশেক যদি দ্যান...মুন্নিরও তো তার বাবার সম্পত্তিতে কিছু অধিকার আছে।

তন্ত্রার শেষ কথাটা শেল হয়ে বিঁধেছে বুকে। অতসী টান টান হল,—তুমি কি অধিকার ফলাতে এসেছ?

কথাটা বলে ফেলে তন্ত্রাও বোধহয় বুঝেছে বলা ঠিক হয়নি। আরও বিনীত ভাব তাই এনেছে গলায়,—নাহ। আমি আপনার কাছেই এসেছি।

—আমি যদি না দিই?

তন্ত্রা চৃপ।

অতসীর মনে হল তন্ত্রা নতুন করে শান দিচ্ছে তার অন্তর্গুলোতে। আজ যদি অতসী মুখের ওপর না বলে দেয় কি করতে পারে তন্ত্রা? মামলা করে রক্ষিতার সন্তান সম্পত্তির ভাগ চাইবে? চি চি ফেলে দেবে চারিদিকে? বাবলা খুকু জেনে যাবে তাদের বাবার কীর্তিকলাপের কথা? অতসী ভিতরে ভিতরে শিউরে উঠছিল। গোপন লজ্জা চিরকাল নিজের কাছেও লুকিয়ে রাখার চেষ্টা করেছে সে। পনেরো বছর ধরে যা কিছু কান্না, যত রাগারাগি, মান অভিমান সবই ছিল শুধু সংশয়ের সঙ্গেই। বাইরের কেউ যদি কোথাও থেকে জেনে থাকে তো জেনেছে, অতসী কারূর কাছেই নালিশ নিয়ে ছোটেনি। আঘীয়স্বজনের কাছে যায়নি। বঙ্গুবাঙ্গবদের কাছে না। বাবলা খুকুকে পর্যন্ত জানতে দেয়নি কিছুই। ওরা শুধু সর্বসময় বাবা মা'র বাগড়াখাটি দেখেছে। বাগড়ার কারণ জানে নি। অতসীও চায়নি বাবলা খুকু কখনও অশ্রদ্ধার চোখে দেখুক তাদের বাবাকে। আজ যদি তন্ত্রা...!

তন্ত্রা অবশ্য সে ধরনের প্রসঙ্গ আনল না। হয়ত দাবী জানানোর মতো তেমন যুৎ পাচ্ছে না শরীরে। খানিকক্ষণ নীরব থেকে বলল,—সেটা আপনার বিবেচনা।

বাইরের রাস্তায় একটা গাড়ি এসে থেমেছে। খুকুরা এসে গেল নাকি ! অতসী দ্রুত এগিয়ে গেল বাইরের খোলা দরজার দিকে। খুকুদের নয়, অন্য কারুর গাড়ি। কাকে যেন নামিয়ে দিয়েই ফিরে যাচ্ছে। ধূ-ধূ রোদুরে গাড়ীটা মিলিয়ে যাওয়ার পরও অতসী তাকিয়ে রইল প্রথর রোদের দিকে। সুর্মের প্রচণ্ড উভাপে চৈত্রের দুপুর বড় তপ্ত এখন। এ সময়েই যখন তখন কালবৈশাখী আসে। হঠাৎ হঠাৎ অঙ্কার হয়ে যায় দশদিক। বড় এসে ওলোট-পালোট করে দেয় পৃথিবীটাকে।

অতসী অস্থির পায়ে ফিরল তন্ত্রার কাছে,—তোমাকে একটা কথা জিজ্ঞেস করব ?

—বলুন।

—তুমি কি শুধুই আমার বিচার-বিবেচনা জানতে এসেছ ? নাকি আইনের হমকি দিতে এসেছ ?

বেশ কিছুক্ষণ ঠাণ্ডা ছায়ায় বসে অনেকটা ধাতস্ত হয়েছে তন্ত্রা। অনেকক্ষণ পর হাসল আলগাভাবে। আলগা, কিন্তু ধারালো খুব। চেহারা ভেঙে গেলেও হাসির ভঙ্গিটা তার এখনও আগের মতোই। হাসি বা কান্নার চেহারা বোধহয় বদলায় না কখনই। সব বয়সে, সর্ব অবস্থায় হাসি কান্নার রূপ একইরকম। তন্ত্রার হাসিমাখা যে ছবিটা অতসীর কাছে এখনও আছে, সেই হাসির সঙ্গে এ হাসির তেমন তফাত নেই। ছবিটাকে আচমকাই একদিন সঞ্চয়ের জামার পকেটে আবিষ্কার করেছিল অতসী। মনে একটু খটকা লাগলেও তখনও সন্দেহকে পাঞ্চা দেয়নি তেমনভাবে। দশ বছরের বিবাহিত জীবন একদিনের ঝাড়েই ওভাবে তচ্ছন্ছ হয়ে যাবে কে জানত ! খুকুটা তখনও স্কুলে যাওয়াই শুরু করেনি, বাবলা সাত কি আট। সঞ্চয় অফিস থেকে ফিরতে সোজা মনেই অতসী তাকে প্রশ্ন করেছিল,—এই ছবিটা কার গো ?

সঙ্গে সঙ্গে সঞ্চয় চমকে উঠেছে,—তুমি ও ছবি কোথায় পেলে ?

সেই মুহূর্তে সঞ্চয়ের মুখচোখে, সঞ্চয়ের স্বরে এমন কিছু ছিল যাতে অতসীও চমকেছে। চকিতে ছবিটাকে লুকিয়ে ফেলেছে পিছনে,—তোমার শার্টের পকেটে ছিল।

সঞ্চয়ের ভূরু জড়ো,—তুমি আমার জামা-প্যান্ট ঘাঁটো নাকি আজকাল ?

অতসী হতবাক,—ঘাঁটতে যাব কেন ? কাচার জন্য বার করেছিলাম...

—ছবিটা আমায় দাও।

—আগে বলো কে মেয়েটা ?

—আমাদের অফিসে কাজে চুকেছে।

—তার ছবি তোমার পকেটে এল কি করে ?

—আমাকে কি তুমি জেরা করছ ?

—না। জানতে চাইছি।

—আমিই রেখেছি।

সঞ্চয় চিরকালই এরকম স্পষ্টবাদী। নিজের গোপন অপরাধগুলোকেও চিরদিন স্পষ্ট ভাষায় জানিয়ে দিতে কখনও দ্বিধা করেনি। আজকাল মাঝে মাঝে অতসীর মনে হয় অত সত্যবাদী সঞ্চয় না হলেও পারত। অতসী বহু যন্ত্রণা থেকে মুক্ত থাকতে পারত তাহলে। জীবনে বোধহয় কিছু কিছু নিষ্ঠুর সত্য অজানা রয়ে যাওয়াই ভাল।

অতসী সোজাসুজি তাকাল তন্দ্রার দিকে।

খুকুরা এসে পড়ার আগে তন্দ্রার সঙ্গে একটা বোঝাপড়া করতে চায়,—তুমি কিন্তু আমার প্রশ্নের জবাব দিলে না।

তন্দ্রার হাসি মুছল,—কি বলি বলুন তো?

—যা সত্যি তাই বলবে।

—সত্যিকে কি মেনে নিতে পারবেন আপনি?

—কি বলতে চাও খোলাখুলি বলো।

আড়স্টভাবে সোফায় হেলান দিল তন্দ্রা। মুখ উঁচু করে কয়েক সেকেন্ড পাখার বাতাস টানল বুকে,—যদি বলি আপনার কাছ থেকে আমি দুটোই চাই? বিবেচনা আর আইনের বিচার দুটোই।

—কি হিসেবে?

—হিসেব বুঝি না। যা মনে এল বললাম। হয়ত আপনি যেমন বাবলা খুকুর মা, আমিও তেমনি মুন্নির মা, সেই হিসেবেই।

অতসী ধৈর্য হারাল। বেশ জোরেই বলে উঠেছে,—না। বাবলা খুকুর নাম তুমি মুন্নির সঙ্গে উচ্চারণ করবে না। বাবলা খুকু আর মুন্নি এক নয়।

তন্দ্রা একটুও উত্তেজিত হল না,—দেখলেন তো, আপনি সত্যিটাকে মেনে নিতে পারলেন না। বলতে বলতে চোখ বুজেছে। আপন মনে বলে চলেছে,— অনেক ঘটনা থাকে যা মানুষ না চাইলেও ঘটে যায়, কিন্তু ভুল করেও হয়ে যায় অনেক কিছু। কখনও কখনও পরিস্থিতির ওপর কারুর কোনও হাত থাকে না। বলতে বলতে আরও গলা নামিয়েছে,—একদিন আপনাকে বলেছিলাম, আমার উপায় ছিল না। সত্যি তো উপায় ছিল না। মাটি কি ইচ্ছে করলেই তার ফসল উপড়ে ফেলে দিতে পারে? আপনি কি পারতেন? আপনিও তো বাবলা খুকুর মুখের দিকে তাকিয়ে....

—আমার কথা এখানে আসে না। অতসী তর্ক করে উঠল,—আমি সঞ্চয়ের স্তৰী ছিলাম। আমার একটা সামাজিক পরিচয় ছিল।

—হ্যাঁ, ওই টুকুনি যা তফাত ছিল আপনার সঙ্গে আমার। কথা নয়, কথার ভিতর দিয়ে আস্তে আস্তে যেন ঘোরে ডুবে যাচ্ছে তন্দ্রা,—আপনাকে ছেড়ে সে আমার কাছে চলে আসেনি। আমাকে ছেড়েও আপনার কাছে ফেরেনি। কেন ফেরেনি কখনও ভেবে দেখেছেন কি? কেন আপনার পাশে শুয়েও সে আমার কথা ভেবেছে? আমাকে ছেড়ে চলে গেছে আপনার বিছানায়?

অতসী থমকেছে এতক্ষণে। এ কি হৈয়ালি তন্দ্রার!

তন্দ্রা থামছে না। যেন নিজের কাছে প্রশ্ন করে নিজেই উত্তর দিয়ে চলেছে,—কারণ তার চোখে আমি আপনি সমান ছিলাম। আমি না হয়ে অন্য কেউও হতে পারত, কিন্তু আপনি না হয়ে আর কেউ। একটুখানি সামাজিক চিহ্ন ছাড়া আপনার আমার আলাদা পরিচয় আছে কি?

তন্দ্রার কথাগুলো ভেসে যাচ্ছে। ভাসতে ভাসতে ছাড়িয়ে গেল গোটা ঘরে; আপনি না হয়ে অন্য কেউ তো হতে পারত। আমি না হয়ে আর কেউ। ঠিক। ঠিকই তো। অতসী নিজেও জানে না কখন অন্যমনস্কভাবে সোফা ছেড়ে উঠে দাঁড়িয়েছে সে। কখন চলে গেছে খোলা জানলার ধারে। অতসী কে ছিল সঞ্চয়ের? তন্দ্রাই-বা কে! এক অর্থে দু'জনেই তো পৃথক পৃথক দুটো পরগাছা মাত্র। সঞ্চয়েরই অর্থে লালিত। সঞ্চয়েরই তৃষ্ণায় জারিত।

অতসী জানালায় দাঁড়িয়ে ফিসফিস করে উঠল,—আর বোলো না। আর বোলো না। এবার থামো। বলতে বলতে মুখ ফুরিয়েছে। চড়া রোদ্দুর থেকে অঙ্ককারে তাকাতেই সব ঝাপসা। অতসীর নিজের হাতে সাজানো ঘরসংসার, আসবাবপত্র সব, সব কিছি। ঝাপসা আঁধারে শুধু দেখা যাচ্ছে তন্দ্রার মুখ। তন্দ্রার মুখ? না ওটা অতসীরই মুখ? অতসী বুঝতে পারছিল না। পায়ে পায়ে আবারও কখন ফিরে এসেছে তন্দ্রার কাছে। তন্দ্রার হাতে হাত রেখেছে।

—আমার খুব কষ্ট হয় জানো।

—আমারও।

—আমার মাঝে মাঝে বড় কাঁদতে ইচ্ছে করে।

—আমারও।

বলতে বলতে কাঁদছে দু'জনে। বুক ভাঙা কান্না। পাঁচ বছর পর এই প্রথম। সঞ্চয়ের মৃত্যুর পর এই প্রথম।

এভাবেই দুই নারী অন্দরের ছায়ায় বসে কাঁদছিল সংগোপনে। কখন খুকু আর খুকুর শাশ্বতি এসে দাঁড়িয়েছে খোলা দরজায় কেউ খেয়াল করেনি। কখন যে দুপুর গাড়িয়ে গেছে তাও খেয়াল করেনি কেউই। বেলার মনে বেলা ফুরিয়ে যাচ্ছিল তাদের।

দ্বিতীয় মুখ

তাক এসেছে গো...ও বাবারা...ঘরকে চলো...।

সকাল থেকে আকাশবাণীর মত বেজে উঠছে শব্দগুলো। কিছু সময় পর পরই। আশ্চর্য! প্রিয়বন্ধু খবরের কাগজ থেকে মুখ তুলে স্ত্রীর দিকে তাকালেন,—কি ব্যাপার বলো তো? বুড়ির আজ হলটা কি?

—কে জানে। মৃন্ময়ী ঠোঁট ওল্টালেন। এইমাত্র রান্নাঘর থেকে এসেছেন। আঁচলে হাত মুছতে মুছতে এগিয়ে গেলেন জানালার ধারে। একটু ঝুঁকে ঘাড় কাত করে দেখার চেষ্টা করলেন বুড়িকে। নাহ। দেখা যাচ্ছে না। বিরক্ত মুখে বিড়বিড় করে উঠলেন,—বার বার বলছি একটা কিছু ব্যবস্থা করো...

—কি ব্যবস্থা করব? প্রিয়বন্ধুর স্বরেও বিরক্তি এবার।

—কেন? অন্য কোনও জায়গা নেই মরার? দরজা অন্তি গিয়ে মৃন্ময়ী ফিরে দাঁড়ালেন,—আর কারুর বাড়ির সামনে এমন পড়ে থাকুক না, দেখি কেমন তারা দিনের পর দিন...

—একথা তো আমি প্রথমদিনই বলেছিলাম। প্রিয়বন্ধু শব্দ করে খবরের কাগজের পাতা ওল্টালেন,—তোমরাই তখন বেশি মায়া দেখালে...

—ঠিক আছে। এক কথা নিয়ে রোজ খোঁটা দিতে হবে না। মৃন্ময়ী দ্রুত বেরিয়ে গেলেন ঘর থেকে।

প্রিয়বন্ধু চোখ থেকে চশমা নামালেন। মেয়েদের নিয়ে এই এক মুশ্কিল। কখন কি চায় নিজেরাই জানে না। বুড়ির এখানে আস্তানা গাড়া নিয়ে প্রথম প্রথম তিনি যখন আপত্তি জানিয়েছিলেন তখন এই মৃন্ময়ীই প্রতিবাদ করেছিলেন সব থেকে বেশি,—আহা, থাক না। বাড়ির ভেতরে তো আর ঢুকে আসছে না। স্বাস্থ্যাতেই পড়ে আছে...

তিনি বলেছিলেন,—বাড়ির সামনেটা তো নোংরা হচ্ছে। কোন্দিন দরজার সামনে হেঁগে মুতে রাখবে...

—না বাবা। শিশুও অমনি শাশুড়ির পক্ষ নিয়েছিল—আমি লক্ষ করে দেখেছি, বুড়ির কিন্তু ওসব সেক্ষ ঠিক আছে। বাথরুম পেলে কোমর ঘসে ঘসে ওইদিককার ড্রেনের কাছে চলে যায়।

—তাছাড়া কতটুকুই-বা খায় যে...মৃন্ময়ীর স্বর ভিজে গিয়েছিল মমতায়,—, সকালে এক বাটি ভাত দিয়েছিলাম; বিকেলে দেখি পাঁচটা দানাও খেয়েছে কি খায় নি।

হ্যাঁ, এইভাবেই বুড়ি মাস দেড়েকের ওপর রয়ে গেছে বড় শাশুড়ির আশ্রয়ে। প্রিয়বৃত্তর এই ঘরেরই কোলে ছোট আয়তক্ষেত্র মাপের ঝুল বারান্দা। তার ঠিক নীচে, ফুটপাথের ওপর সদর দরজার বাঁ দিক ঘেঁসে, সারাটাদিন গুটিসুটি পড়ে থাকে। সম্পত্তি বলতে নোংরা দুটো কাঁথা কানি আর এইটুকুন এক ছেঁড়া পৌঁটলা। ছেঁটুমতন দলা পাকানো শরীর। যত না ছোট, বয়সের চাপে তার আরও ছেঁট দেখায়। কংকালসার দেহ। মাথাভরা কাশবন। চামড়ার রঙ ফ্যাকাশে কালো। সেই রঙের ওপর ইহজীবন বুঝি ঘন সর ফেলে জুড়িয়ে যেতে চাইছে। বুড়িকে দেখে অন্তত প্রিয়বৃত্তর সেরকমই মনে হয়। ঠাণ্ডা সরের গায়ে যেমন তেমন অজস্র ফাটল। ফাটলের ফাঁকে ছাই ছাই ময়লা। বুড়ি যে কোথাথেকে এল, কেন এল কেউ বলতে পারে না। শত প্রশ্ন করেও উন্নত মেলে নি কোনও। প্রথমে সকলে ভেবেছিল বোৰা বোধহয়। মোটেই না। দু-দুটো দিন ঘাপটি মেরে পড়ে থাকার পর দুম করে কথা বলে উঠেছিল একদিন,

—ডাক এসেছে গো, ও বাবারা...

তারপর থেকে মাঝে মাঝেই শব্দটাকে সুর করে করে উচ্চারণ করে চলে। শুধু ওই শব্দকটাকেই। আর কোনও বুলি বুঝি শেখেনি কোনওদিন। শেখেনি? নাকি জীবনের কথা সব ফুরোতে ফুরোতে ওই কটা বাক্যতে এসে ঠেকেছে? সময় অসময় নেই, যখন তখন খেলা করে উঠছে কথা কটাকে নিয়ে। খেলা? নাকি সাবধানবাণী? নাকি শুধুই কান্না? কে জানে?

প্রিয়বৃত্ত ঘর ছেড়ে ঝুল বারান্দায় এসে দাঁড়ালেন। বুকটা আচমকা কেমন টিপ্পিপ করছে। বুড়ি আবার কাঁদছে খুনখুনে সুরে। জড়ানো গলায়। কি যে হল? কিদে ঠিদে পেয়েছে কি? কিছু খাবার দিলে হয়ত... ঘাড় ঘুরিয়ে মৃন্ময়ীকে ডাকতে গিয়েও সামলে নিলেন। থাক্। মৃন্ময়ী আজকাল অকারণে বড় অবুঝ হয়ে পড়েন। আসলে মেয়েদের কঞ্জনার ঘুড়ি একবার আকাশে উড়তে শুরু করলে তাকে মাটিতে নামানো বড় কঠিন। কী যে এক যুক্তিহীন আশংকা মাথায় চুকেছে মৃন্ময়ীর!

যুক্তিহীনই তো। বুড়ি আসার দিন পনেরোর মাথায়, গোবিন্দর মা হঠাতে সেদিন আজগুবি খবরটা এনে ছড়িয়ে দিল চারদিকে। তড়বড় বাসন মাজতে মাজতে খই এর মতো গল্প ছড়াল,—হাইশ একটা পেয়েছি গো মা। বুড়ির ঘর নাকি সেই বাসন্তীর দিকে। গাঙ্গ পেরিয়ে যেতে হয়।

—তুমি কি করে জানলে?

—বুড়ির গাঁয়ের একজন আমাদের এদিকে এসেছে। সেই খবর দিল। তোমরা দেখেছ তাকে। ওই তো, ও পাড়ার মোড়ের বাড়িতে কাজ ধরেছে।

—সে কি! অত দূর থেকে এখানে এল কিভাবে?

—কিভাবে আবার। ঘরের লোকরাই ফেলে দিয়ে গেছে। দ্যাখো না বুড়ি একেবারে ধূম পাগল।

—আশ্চর্য! তারজন্য ফেলে দিয়ে যাবে?

—যাবে না? শুনলাম শুধু পাগলই নয়, বুড়ি ডাইনিও হয়ে গেছে। পটাপট সব গেরামের লোকদের মেরে ফেলছিল। তাই পাঁচজনে যুক্তি করে...

—যাহু। এরকম আবার হয় নাকি! ছেলের বউ-এর আগে বিস্মিত প্রশ্ন ছুঁড়ে ছিলেন মৃগ্যায়ী,—কোথায় ফেলে গেছিল?

—অত বিস্তার বলতে পারবনি বাপু। শহরে এনে ফেলে দিয়ে গেছে শুনেছি। তারপর কি হল, কিভাবে এখানে এল তা ওই বুড়িই জানে। গোবিন্দর মা বিজ্ঞের মত মাথা দুলিয়েছিল,—তবে ডাইনি হয়ে গেছে একথা ঠিক। দ্যাখো না কেমন না খেয়েও বেঁচে থাকে।

কথাটা আংশিক সত্য বটে। অহোরাত্র একই জায়গায় তিন মাথা এক করে বসে থাকে বুড়ি। খেতে দিলে খোঁটে, না দিলে চায় না। নড়াচড়া করে না বিশেষ। পাশ দিয়ে যেতে যেতে লোকজন কখনও-বা পয়সা ছুঁড়ে দেয়। বুড়ি ফিরেও তাকায় না। কাঁথাকানির ওপর শুধুশুই চিকচিক করে ধাতব চাকাগুলো। তবে রাত পোহালে সকালবেলা সেগুলোকে আর দেখা যায় না। কোন্ মন্ত্রবলে রাতারাতি উধাও হয়ে যায়।

বাবলু বলে,—উধাও হবে কেন? রাতিরে কেউ তুলে নিয়ে যায়। মানুষের দ্বারা সবই সন্তুষ্ট।

শিপার চোখ ছলছল করে তখন,—মানুষ বোলো না। বলো মানুষ নামের পশু। মানুষ কখনও মানুষকে অমন ছেঁড়া পেঁটলার মত ফেলে দিতে পারে?

—পারে। মানুষই পারে। দ্যাখো নিজের ছেলেরাই হয়ত মার বোঝা কেউ নেবে না বলে...

—উফ্‌। শিথা শিউরে ওঠে।

মৃন্ময়ী হয়ত তখন ঘপ করে বলে বসেন,—এরকমই হয়। মা বাপ অথব হয়ে পড়লে বোৰা হয়ে যায়।

এসব কথা হয় সাধারণত খাবার টেবিলে। রাস্তিৱেলা। ছেলে বউ শ্বশুৱ শাশুড়ি একসঙ্গে খেতে বসেন যখন। তারপর সবার খাওয়া হয়ে গেলে শিথা কুড়িয়ে বাড়িয়ে কিছু খাবার রাতের জন্য দিয়ে আসে বুড়িকে। উবু হয়ে সামনে বসে বলে,—খেয়ে নাও একটু। শুনছ? ও বুড়ি?

জৱদাব বুড়ি পিটপিট তাকায়। ছানিচোখে কি দেখে কে জানে! দেখেই শুধু। শিথা কিছুক্ষণ বসে থেকে উঠে আসে। বারান্দায় দাঁড়িয়ে দৃশ্যটা প্রায়ই দেখেন প্রিয়বৃত। মেয়েটার মন এখনও খুব নরম। হাজার হোক ছেলেমানুষ তো! মৃন্ময়ীও আগে আগে নামতেন নীচে। বুড়ির সঙ্গে কথা বলার চেষ্টা করতেন। আজকাল আর যান না। ওপর থেকে হয়ত বা প্রিয়বৃতকে ফিসফিসিয়ে প্রশ্ন করেন,—সত্তি বুড়ি ডাইনি নয়ত?

—কি যে বলো। প্রিয়বৃত হেসে ওঠেন জোৰে,—তুমিও দেখছি গোবিন্দু-মার মত কথা বলছ।

—কি জানি বাপু! মৃন্ময়ী আরও গভীর হয়ে যান,—আমার যেন কেমন লাগে। বউটা এত গায়ের কাছে গিয়ে বসে...

—থামো তো। প্রিয়বৃত ধমকে ওঠেন,—বোকার মত কথা বলো না।

মৃন্ময়ী রেগে ওঠেন,—আমি তো শুধু বোকার মতই কথা বলি।

প্রিয়বৃত বারান্দা থেকে ঘরে ফিরলেন। প্রচণ্ড গরম যাচ্ছে। বৰ্ষা এবার দেরি করছে বড়। আবাটের মাঝামাঝি হতে চলল এখনও মৌসুমী বায়ুৰ দেখা নেই। বৃষ্টি শুরু হলে বুড়িটাকে রাস্তায় ফেলে রাখা খুব অমানবিক কাজ হবে। সদর দরজার এপারে সরু প্যাসেজটাতে যদি জায়গা দেওয়া যায়, মৃন্ময়ী কি খুব আপন্তি করবেন? প্রিয়বৃত পাখাটাকে জোর করে দিলেন। বেলা বাড়ছে। উষ্ণতা গাঢ় হচ্ছে ক্রমশ। জানালার গায়ে দাঁড়িয়ে থাকা তেজী রোদের দিকে চোখ রাখলেন। এখন শুধুই বেলা বাড়ার সময়। অবসরই অবসর এখন। রিটায়ারমেন্টের পর ভেবেছিলেন কিছু একটা কাজকর্ম শুরু করবেন নতুন করে। নিদেনপক্ষে কোনও ছোট ব্যবসা। ভাবতে ভাবতেই দিন যাচ্ছে। এরপর কোন্দিন হয়ত বুড়িটার মত অর্থব হয়ে পড়বেন। ওরকম একটা জড়বস্তু মাত্র। ওহ। নিজের জীবন নিজের কাছেই ক্রমে কেমন অসহায় হয়ে পড়ে। না। মরে যাওয়াৰ কথা ভাবতে পারেন না প্রিয়বৃত। তিনি আরও আরও অনেকদিন বাঁচতে চান।

বিছানায় বসেই প্রিয়বৃত শুনতে পেলেন মোটরবাইকের গর্জন। বাবলু অফিস চলে গেল। শব্দটার রেশ মিলিয়ে যাবার সঙ্গে সঙ্গেই বুড়ির গলা বেজে উঠল আবার,

—ডাক এসেছে গোওও...

কিসের ডাক? কেন ডাক? বুড়ি আজ যেন বেশি ভয় দেখাতে চাইছে তাকে? ঘোটেই ভয় পান না তিনি। খাট থেকে নেমে বারান্দার দিকের দরজাটা হঠাৎ চেপে বন্ধ করে দিলেন প্রিয়বৃত।

বিকেল থেকে মেঘ জমতে শুরু করেছে আকাশে। ঘন মসিবর্গ আষাঢ়ে মেঘ। তবে বৃষ্টি নামেনি এখনও। নামেনি বলেই গুমোট তীব্র আরও। দোতলার বারান্দাতে দাঁড়িয়েও দরদর ঘামছেন প্রিয়বৃত,—কটা বাজল বলো তো?

মৃন্ময়ী ঝুঁকে ঘরের দেওয়ালঘড়ি দেখলেন,—নটা বাজে প্রায়। বলেই উদ্বিপ্প মুখে মোড়ের দিকে তাকালেন,—বাবলুর কি হল বলো তো?

—কি হবে, নিশ্চয়ই কাজে আটকে গেছে। মৃন্ময়ী নয়, যেন নিজেকেই নিজে বোঝাচ্ছেন প্রিয়বৃত। ছেলেটা সাধারণত এত দেরী করে না। নতুন বিয়ে কুরেছে, সঙ্গের মধ্যেই ফিরে আসে।

—বউমাকে কিছু বলে যায় নি?

—ওফ, কতবার বলব? মৃন্ময়ী অধৰ্য হচ্ছেন,—তোমাকে আজকাল এক কথা এতবার করে বলতে হয়।

—তাতে কি এমন মহাভারত-অনুন্দ হয় শুনি? প্রিয়বৃতও রেগে উঠলেন দুম করে,—তোমার ছেলে তো আজকাল অফিস যাওয়ার সময় একবার দেখা করেও যায় না। আগে আগে তাও...

—সে তো আমাকেও বলে যায় না। বউ পেয়ে লায়েক হয়ে গেছে। মৃন্ময়ীর গলায় সামান্য অভিমান।

—ঠিক আছে। ঠিক আছে। একজনকে বলে গেলেই হল। বউমাকে তো বলে যায়। প্রিয়বৃতের গলা শাস্ত হল,—যাও না, আরেকবার বউমাকে জিঞ্জেস করে এসো না বেরোনোর সময় কিছু বলে গেছে কিনা।

—আমি যেতে পারব না। মৃন্ময়ী পাশের ল্যাম্পপোস্টটার দিকে চোখ রাখলেন,—দরকার হয় তুমি যাও।

—বেশ। তাই যাচ্ছি। প্রিয়বৃত ঘরে চুকতে গিয়েও থমকে দাঁড়ালেন,—একটা ব্যাপার লক্ষ করেছ?

—কি?

—বুড়িটা কিন্তু অনেকক্ষণ ধরে চুপ মেরে আছে। বলেই অপস্তুত নিজের কাছেই। কেন বললেন কথাটা? এমনিই?

মৃদ্যুম্যী সঙ্গে সঙ্গে ছুটে এসেছেন ঘরে,—সত্যি তে। কখন সুর থামল বলো তো?

—বোধহয় বাবলু যাবার পর পরই। বলতে গিয়েও প্রিয়বৃত্ত সামলে নিলেন। দূর, অহেতুক ভয় দেখানোর মানে হয় না। শিশুর ঘরের সামনে গিয়েও দাঁড়িয়ে রইলেন কয়েক সেকেণ্ড। ঠিক কখন কান্না থামিয়েছে বুড়ি! বাবলু যাওয়ার পর পরই! নাকি আরও পরে! না একটু আগে! মনে পড়ছে না। ইদানীং সব কিছু হঠাত হঠাত এমন গুলিয়ে যায়! শিশুর ঘরে আস্তে টোকা দিলেন,—বাবলু আজ এত দেরি করছে কেন বউমা?

—জানি না বাবা। শিশু উঠে এল,—বুঝতে পারছি না।

—ওর অফিসের ফোন নাস্বারটা আছে তোমার কাছে? আমি যে কোথায় রেখেছি...

—আছে। শিশু হাসল নরম করে,—তবে এখখনি বাস্ত হবার কি আছে? আর কিছুক্ষণ দেখে...

—আশ্চর্য! না বলে গেলে এত দেরি তো করে না কখনও। প্রিয়বৃত্ত বিড়বিড় করে উঠলেন।

মেরেটো তবু শান্ত হাসছে,—নিশ্চয়ই কোনও কাজে আটকে গেছে। আর কিছুক্ষণ দেখা যাক।

প্রিয়বৃত্ত মষ্টর মাথা নাড়লেন। বলতে পারলেন না তাহলে তুমি একা ঘরে চুপচাপ শুয়ে কেন? কেন বাইরের ঘরে বসে রোজকার মত টিভি দেখছ না? নাহু। ছেলের বউকে এভাবে বলা যায় না। ধীর পায়ে নিজের ঘরে ফিরলেন। ঠিক তখনই ঝুপ করে চারদিকের আলো নিভে গেল। লোডশেডিং।

—ব্যস। এখন তিনি ঘণ্টার ধাক্কা।

মৃদ্যুম্যী টেবিল হাতড়ে দেশলাই খুঁজছেন,—যা বলেছ। ছেলেটা সারাদিন পর ফিরে গরমে পচে...

—বৃষ্টিটা এসেও আসছেনা। মোমবাতি জ্বলবার পর প্রিয়বৃত্ত হাতপাখা টানলেন।

—এখন না আসাই ভাল। বাবলুটা তাহলে রাস্তায় ভিজবে।

—তা অবশ্য ঠিক। এখনকার বৃষ্টি মোটেই ভাল নয়।

দুজনে মিলে জঞ্জনা করে চলেছেন আবোল-তাবোল। প্রসঙ্গ থেকে প্রসঙ্গান্তরে

যাচ্ছেন। কথা থেকে কথায়। দেওয়াল ঘড়ি সশব্দে রাত বাড়িয়ে চলেছে। কারেন্ট গিয়েও চলে এল। বৃষ্টি এসেও এল না।

শিশা একসময় এসে দাঁড়াল দরজায়।

—বাবা, আমি একবার পাশের বাড়ির থেকে ফোন করে দেখব?

—কোথায় করবে?

—ওর অফিসে।

—তুমি থাকো। আমি যাচ্ছি। প্রিয়বৃত্ত ব্যস্তভাবে পঞ্জাবি গলালেন গায়ে। সাড়ে দশটা বেজে যাওয়ার পর থেকে মৃদ্ধায়ী যেন অসাড় হয়ে গেছেন। কথাই বলছেন না। প্রিয়বৃত্ত যখন নেমে আসছেন নীচে, তখনই শিশার পাশে এসে দাঁড়ালেন হঠাৎ।

—শোন।

—কি হল?

—তোমরা কি এখনও মনে করো আমার সন্দেহ ভুল?

—কি সন্দেহ? প্রিয়বৃত্তর গলা কেঁপে গেল।

—বুঁুকেও না বোকার ভান করছ কেন? তোমাদের ওই ডাইনি বুড়িটার কথা বলছি।

—আহ। প্রিয়বৃত্ত মুখ ফিরিয়ে নিলেন—উল্টোপাল্টা চিন্তা ছাড়ো তো। আমি দেখছি। অথবা ভয় পাওয়ার কিছু নেই।

কিছু নেই ঠিকই, তবু কেন যে বুক কাঁপে! ছেলেটা মোটর সাইকেলে অফিস যায়...রাস্তাখাটে রোজাই তো কোনও না কোনও...বীভৎস দুর্ঘটনার দৃশ্যকে জোর করে মন থেকে তাড়াবার চেষ্টা করলেন প্রিয়বৃত্ত। কাছের লোকেদের সম্পর্কে কেন যে খারাপটাই আগে মনে আসে! রাস্তায় নেমে লম্বা শ্বাস টানলেন। আকাশ ঘোর লাল বর্ণ ধারণ করেছে। পূর্ব কোণে একবালক বিদ্যুৎও দুলে উঠল। বুড়িটার সামনে কয়েক মুহূর্ত স্থির দাঁড়িয়ে রইলেন। এই অসহ্য গরমেও কাঁথা মুড়ি দিয়ে গুটিয়ে মুটিয়ে পড়ে আছে। ঠিক একটা নোংরা আবর্জনার মত দেখাচ্ছে ঘূমন্ত শরীরটাকে। এই গরমে পাগল ছাড়া কেউ এভাবে ঘুমোতে পারে না। এগিয়ে গিয়ে প্রতিবেশীর দরজার বেল টিপলেন প্রিয়বৃত্ত।

না। বাবলুর অফিসে টেলিফোন ধরল না কেউ। বেশ কয়েকবার নম্বর ঘোরালেন। বেজেই চলেছে। জিতেনবাবু জিঞ্জাসা করলেন,—আর কোথাও কি খোঁজ করা যায়? যদি অন্য কোথাও গিয়ে টিয়ে থাকে?

জিতেনবাবুর বড় ছেলে বলল,—চিন্তা করবেন না। আমি এগিয়ে দেখছি।

তার মা বললেন,—কী কাণ্ড ! বাবলু তো এমন করে না কখনও ! এগারোটা
বেজে গেছে...

প্রিয়বৃত্তির সব গুলিয়ে যেতে আরঙ্গ করেছে। কোথায় যাওয়া যায় এখন ?
থানায় ? হাসপাতালে ? কোন্ হাসপাতালে যাবেন ? বাবলু কি আইডেনটিটি কার্ড
পকেটে নিয়ে বেরিয়েছে ? হ্যাত বেওয়ারিশ হয়ে পড়ে আছে মর্গে। কতদিন ধরে
পই পই করে বলেছেন মোটর সাইকেল বেচে দেওয়ার জন্য... প্রিয়বৃত্তি দুহাতে
চুল খামচে ধরলেন। পায়ের তলার মাটি কাঁপছে। হ্যাত পড়েই যেতেন, জিতেনবাবুর
ছেলেরা এসে জাপটে ধরেছে।

—কি হল মেসোমশাই ?

প্রিয়বৃত্তি কোনওরকমে দুদিকে মাথা নাড়লেন।

—চলুন। বাড়িতে চলুন। আমরা দেখছি... যদি থানায় যাবার দরকার হয়...

—আরেকটু দেখি। আর আধ ঘণ্টাটাক। প্রিয়বৃত্তি শব্দ করে শ্বাস ফেললেন।
টলমলে পায়ে বাইরে এলেন। জিতেনবাবু নেমে এসেছেন সঙ্গে। প্রিয়বৃত্তি চেষ্টা
করেও প্রশ্নটাকে ধরে রাখতে পারলেন না ঠোটে।

—আচ্ছা, ওই বুড়িটার সম্পর্কে আপনার কি মনে হয় ?

—হঠাতে বুড়িটার কথা কেন ? জিতেনবাবু রীতিমত অবাক।

—না। এমনি। আপনি কি কিছু শুনেছেন ?

—কি বলুন তো ?

—ওই যে গোবিন্দের মা বলে... প্রিয়বৃত্তি টেঁক গিললেন।

—ওহো। সেই আবাটে হঞ্জ ? সত্যি, কোন্ যুগে দেশটা পড়ে আছে বলুন
তো। এদিকে কম্পিউটার, স্যাটেলাইট...

প্রিয়বৃত্তি চোখ বন্ধ করলেন। এই কথাগুলোই শুনতে চাইছিলেন কাকুর মুখ
থেকে। রাস্তায় বেরিয়ে দেখতে পেলেন শিশা, মৃন্ময়ী দুজনেই নেমে এসেছেন
নীচে। একেবারে সদর দরজায়। পায়ে পায়ে ওদের সামনে এসে দাঁড়ালেন,—
আমার এখনও মনে হচ্ছে বাবলু কোথাও আটকে পড়েছে।

—ফোন পেলে না ?

—না। বেজে যাচ্ছে।

—কি হবে ? মৃন্ময়ী ফুঁপিয়ে উঠলেন। শিশাৰ চোখেও অক্ষ টলটল। দেখাদেখি
আকাশও আর চুপ থাকতে পারল না, বড় বড় ফোঁটা ঘরে পড়ল শরীরে। প্রিয়বৃত্তি
পা বাড়ালেন,—আমি এগিয়ে দেখছি।

শিশা নেমে এল,—চলুন, আমিও যাই।

—যাবে? চলো। প্রিয়বৃত্ত পুত্রবধুর পাশাপাশি হাঁটতে শুরু করেছেন। কোথায় যাবেন জানেন না। শুধু বুঝতে পারছেন যাওয়া দরকার তাঁরও। শিপ্রারও। ভুল হল। মৃমারীও তো খুঁজছেন ছেলেকে। খুঁজছেন বলেই না পিছু ডাকলেন আবারও,—
দাঁড়াও।

বেশ জোর বৃষ্টি শুরু হয়ে গেছে। বোঢ়ো হাওয়াও ছুটে আসছে বৃষ্টির পিঠে চড়ে। মেঘ ছংকার দিয়ে উঠল। আকাশ চিরে ফালা ফালা হল বিদ্যুৎ। রাস্তার বাতিশগলো বাপসা আচমকাই। সেই আলোয় ভুতুড়ে ছায়ার মত মৃমারী দলাপাকানো বুড়িটার ছেঁড়া কাঁথায় পা রেখে দাঁড়িয়েছেন। দুই চোখ ঝলছে নিভছে আকাশের মত।

—এই আপদটাকে আগে বিদায় করো। এখনুনি।

রাস্তাঘাট বেশি নির্জন হয়ে গেছে যেন। এত নির্জন যে গা ছমছম করে। আশপাশের বাড়ির বাতিরাও নিভু নিভু। আলো আঁধারে বুড়ির দিকে তীক্ষ্ণদৃষ্টিতে তাকিয়ে তিনজনই। ভেজা কাঁথার তলায় আরও গুটিয়ে যাচ্ছে বুড়ি। গুটোতে গুটোতে এস্তুকুন ডেলা। প্রিয়বৃত্ত এদিক ওদিক তাকালেন। না, কেউ লক্ষ করছে না তাঁদের। জিতেনবাবুরাও না। বিবেককে বোঢ়ে নিতে একটুও সময় লাগল না। পাড়া প্রতিবেশীর কি, তাদের ঘরের সামনে তো আর বুড়ি পড়ে নেই! তাদের কারুর ছেলেও হারিয়ে যায়নি তাঁদের মত। যদি কেউ দেখে দেখুক। প্রিয়বৃত্ত নিঃশব্দে কাঁথা শুল্ক বুড়িকে ওঠানোর চেষ্টা করলেন। সঙ্গে হাত লাগিয়েছেন মৃমারী। শিপ্রাও এগিয়ে এল। কাঁথার তিন কোণ ধরে আছে তিনজনে। বুড়ি ভেতরে নিথর। বুঝি জেনেই গেছে এরকম হবে! এরকমই এক জায়গা থেকে অন্যত্র পাচার হওয়া।

বৃষ্টি ভেজা অঙ্ককারে যখন প্রায় মোড়ের মাথায় তিনজনে, তখনই আওয়াজটা শোনা গেল। মেঘের মত শুমগুম শব্দ দূর থেকে কাছে আসছে। আরও কাছে। একেবারে সামনে এসে থামল,—একি! তোমরা বৃষ্টিতে এখানে দাঁড়িয়ে? ছিছি। ...ওটা কি? তোমাদের হাতে?...ইস্। একটা কাজে এমন বিশ্রীভাবে

...বাবলু একাই বৃষ্টির মতো কথা বলে চলেছে। বাকি তিনজন নির্বাক। তিনজন নয়, চারজন। বুড়িটাও তো শব্দ করছে না কোনও। শূন্যে ঝুলছে একাই। একবার তো ডেকে উঠতে পারে,

—ঘরকে চলো গো এবার...ও বাবারা...

থাক। এ সময় কারুর কোনও কথা না বলাই ভাল।

শহিদের বাবা

মুখে মুখে ছড়িয়ে গেল খবরটা। মধুপুর গ্রামের বাসিন্দা দীনবন্ধু সাহু ছেলে
রমেশ সাহ কাশ্মীর যুদ্ধে শহিদ হয়েছে। আশপাশের চা-দোকান মুদিখানা
বটতলা বাজার স্কুল পথগায়েত-অফিস সর্বত্র আজ ঘুরে ফিরে একটাই নাম।
রমেশ সাহ। রমেশ সাহ।

সংবাদটা এসেছিল কাল সন্ধেয়। শ্যামপুর থেকে কাল বেলাবেলিই ফিরেছিল
দীনবন্ধু। মনমেজাজ বিশেষ ভাল ছিল না, কাল সোমবার ছিল হপ্তা পাওয়ার
দিন, ঘুরিয়ে দিয়েছে হরেন পাল। গজগজ করতে করতে এসে হাত-পা ধুল, সবে
চা মুড়ি নিয়ে বসেছে, তখনই গাঁয়ে মিলিটারি।

দীনবন্ধুর বাড়ি অবধি আসেনি মিলিটারির জিপ। রাস্তা নেই। বাঁশবাগানের
ওপারে গাড়ি রেখে পায়ে হেঁটে গটমট হাজির দুই জলপাইরঙ্গ উদি— দীনবন্ধু
সাহ কি এই বাড়িতেই থাকেন?

মুড়ির কাসি ফেলে ধড়মড় উঠে দাঁড়াল দীনবন্ধু, আজ্জে হ্যাঁ। আমিই দীনবন্ধু।

সঙ্গে সঙ্গে ঘটাং স্যালুট, —আমরা ফোর্ট উইলিয়াম থেকে আসছি। আপনার
ছেলে রমেশ সাহ...

লোকটার স্বরে বুঝি হিমেল আভাস ছিল, বুকটা ধড়াস করে উঠেছিল দীনবন্ধুর।
তার উর্ধ্বর্তন চোদ্দো পুরুষে কেউ কখনও মিলিটারিতে দায়িনি, ছেলেও সেনাবাহিনীতে
যোগ দিয়েছে মাত্র সাত মাস, এদের রীতিপ্রকরণ সম্বন্ধে তার কোনও ধারণাই
নেই। লোকটার কথার মাঝেপথেই তার গলা থেকে শব্দ ছিটকে এল,

—কী হয়েছে আমার রমেশের?

টুপি খুলুল লোক দুটো। মাথা নামিয়ে বলল, —তিনি আর নেই। বিহার

রেজিমেন্টের পাঁচ নম্বর ব্যাটেলিয়ানের বীর সিপাহি রমেশ সাহ রংক্ষেত্রে বীরের মৃত্যু বরণ করেছেন। গত সতেরোই জুন...

আরও কী সব যেন বলে যাচ্ছিল লোক দুটো। কী ভাবে বরফের মাঝে পাহাড় চূড়া দখলের লড়াই-এ অসীম শৌর্য দেখিয়েছে রমেশ, কতগুলো শক্তিশৈল্যকে সে খতম করেছে, কালাশনিকভের গুলি বুকে নিয়েও সে দমেনি, একা হাতে রক্ষা করার চেষ্টা করেছে বাংকার...সাত দিন পর তার দেহ উদ্ধার করা হয়েছিল, হিন্দু মতে দাহকার্যও সারা...সেনাবাহিনীর তরফ থেকে আঘাত সময় মতো যোগাযোগ করা হবে পিতা দীনবঙ্গু সাহের সঙ্গে, রমেশ সাহের শেষ স্মৃতিচিহ্ন পৌঁছে দেওয়া হবে...

এত কথার কিছুই যেন দীনবঙ্গুর কানে প্রবেশ করছিল না। আঁধার ঘনিয়ে এল চোখে, টলতে টলতে উঠোনে পড়ে গেল। সনকা ছুটে বেরিয়েছিল ঘর থেকে। প্রথম অভিষাতে ঢুকরে উঠল, তারপরই কী বুকচাপড়ানি আর আছাড়ি-পিছাড়ি। দীনবঙ্গুর বুড়ি মা চপলাবালা কাঁপা কাঁপা পায়ে দাঁড়িয়ে ছিল দাওয়ায়, কী ঘটেছে বোৰা মাত্র তারও কষ্ট চিরে খোনা খোনা বিলাপখনি। ভজন-হরি-শ্যামাও সুর তুলেছে। শ্যামা কাঁদছে অবোরে, ফেঁপাচ্ছে দু ভাই।

গ্রামে মিলিটারির জিপ সচরাচর ঢোকে না। এই মধুপুর গ্রামে তো কঞ্চিনকালেও না। হয়তো বা সেই কারণেই গোটা মধুপুর ভেঙে পড়েছিল দুই ফৌজির পিছু পিছু, গোল গোল চোখে শুনছিল মিলিটারির বার্তা, নিজেদের মধ্যে ফিসফাস করছিল। সামরিক উর্দিরা বিদায় নিতেই তারা ঘিরে ধরেছে দীনবঙ্গুর পরিবারকে। কেউ বা দীনবঙ্গুকে ওঠানোর চেষ্টা করছে, কেউ সনকাকে সামাল দিচ্ছে...

তবু ক্রম্ভনরোল থামছিল না। একুশ বছরের তরতাজা ছেলেটাকে হারানোর দুঃখ মথিত করছিল গোটা গাঁয়ের বাতাস।

আজ সকাল থেকে অবশ্য পরিস্থিতি খানিকটা অন্য রকম। উচ্চকিত কান্না আর নেই, পরিবেশ শোকস্তুর। ঘন ঘন লোক আসছে দীনবঙ্গুর বাড়ি। পরিচিত। অর্ধ পরিচিত। অপরিচিত। যে শোমে সে-ই একবার উঁকি দিয়ে যায়। স্থানীয় এক রাজনৈতিক দলের উৎসাহী ছেলেছেকরারা বটপট একখানা মিছিলও বার করে ফেলল। প্যাকার্ড হাতে গ্রাম ঘূরছে, দীনবঙ্গুর দরজায় এসে দাঁড়াল, ধ্বনি তুলছে মুহূর্মুহু। বীর জওয়ান রমেশ সাহ জিন্দাবাদ। শহিদ রমেশ সাহ অমর রহে। রমেশ তোমায় ভুলছি না ভুলব না।...

বেলা বেড়েছে। সূর্য এখন প্রায় মাঝে গগনে। এবার যদিও আঁধাড় মাসে বর্ষা

হচ্ছে খুব, আজ আকাশে তেমন মেঘ নেই। রোদ বেশ চড়া, গা হাত-পা জলে যায়। গুমোটও বেড়েছে বড়, গাছের পাতা পর্যন্ত নড়েছে না।

দীনবন্ধুর খড়ের চালার সামনেটায় এখনও বড়সড় জটলা। কোলাহল। কাচাবাচ্চাও আছে অনেক, ঘুরে ঘুরে তারা উত্তেজনার আঁচ পোহাছে। কাঁচা উঠোনের একেবারে মধ্যখানে দীনবন্ধু, শোকার্ত মুখখানিতে এখন রীতিমত ঘোরলাগা দশা। চার দিক থেকে অজস্র প্রশংসাবাক্য উচ্চারিত হচ্ছে রমেশের নামে, হাঁ করে শুনছে। একেবারে নীরবণ সে নেই, কথা বলছে টুকটাক।

হঠাতেই ঘৃদু শোরগোল উঠল। প্রায় ছুটতে ছুটতে আসছে পঞ্চায়েত-প্রধান কাম গাজিপোতা উচ্চ বিদ্যালয়ের ভূগোল শিক্ষক দিবাকর ঘোষ। চেঁচাছে,—তড়িৎবাবু আসছেন! তড়িৎবাবু আসছেন!

বলতে বলতেই পৌঁছে গেছে তড়িৎ ব্যানার্জি। স্থানীয় এম এল এ। উলুবেড়িয়া কলেজের অধ্যাপক। মাঝেবয়সী। বাড়ি কাছেই, অনন্তপুর। পরনে ট্রাউজার বুশশার্ট, হাতে খেতশুভ্র পুষ্পস্তবক।

সসম্রমে সরে দাঁড়িয়েছিল লোকজন। ফুলের গোছা হাতে তুলে দিয়ে ভারী অন্তরঙ্গ ভঙ্গিতে দীনবন্ধুর কাঁধে হাত রাখল তড়িৎ। সমবেদনা মাখানো স্বরে বলল, —তোমায় যে কী বলে সাজ্জনা জানাব... ভাষা খুঁজে পাচ্ছি না। রমেশ আমাদের গোটা কল্পটিটুয়েঙ্গিকে গর্বিত করল।

নেতাদের করম্পর্শে বোধহয় বিশেষ কিছু থাকে, দীনবন্ধুর শোকটা নতুন করে চাগাড় দিয়ে উঠল। কালোকুলো খসখসে চামড়ার মানুষটা ফোঁপাতে ফোঁপাতে বলল, —আমি এখনও বিশ্বাস করতে পারছি না বাবু। আমার রমেশ...

—উঁহ, একদম চোখের জল নয়। জানো, তুমি কে? আমাদের দেশমাত্রকার বাহাদুর সন্তানের বাবা তুমি। আজ রমেশের জায়গায় আমার ছেলে যদি যুক্তে মারা যেত, আমি নিজেকে পরম সৌভাগ্যবান মনে করতাম। আমি তোমাকে হৰ্ষা করি... কী যেন নাম তোমার? হঁয় হঁয়া, দীনবন্ধু। তুমি ধন্য।

দীনবন্ধুর বুকে এখনও চাপ ভাবটা অনড় হয়ে আছে বটে, তবু যেন সে চেরা রোমাঞ্চ অনুভব করল। কোথায় এম এল এ বাবু, আর কোথায় গরিব দীনু মিস্টিরি... আজ কি সব তুল্য-মূল্য হয়ে গেল? যুদ্ধে মরে রমেশ এত উঁচুতে উঠিয়ে দিল তাকে?

তড়িৎ পাশে দাঁড়ানো দিবাকরকে নিচু গলায় জিঞ্জেস করল, —দীনবন্ধু যেন কী করে?

—কাঠের কাজ।

—চুতোর? আই মিন সূত্রধর? তড়িৎ গলা কাড়ল, —আই মিন শিল্পী? বাহু
বাহু, শিল্পীর সন্তান দেশের জন্য যুদ্ধ করছে, ভাবা যায়!

দীনবন্ধু নয়ে পড়ল। মিনমিন করে বলল, —আজ্জে, আমি তেমন কিছু নই।
শ্যামপুরে পালেদের ফার্নিচারের দোকানে রোজ হিসেবে খাটি।

—ঠিক আছে ঠিক আছে, ওই হল। নিজের হাতে বানাও তো কিছু, না কী।

—আজ্জে, তা বানাই। টুল চেয়ার তক্ষপোশ...। ওই তো উঠানে কাঠ রেখেছি,
ঘরেও কাজ করি অঙ্গস্থল।

—অতি উন্নত। ছেলেমেয়ে কটি?

—চারটি। বলেও শুধরে নিল দীনবন্ধু। খাস ফেলে বলল, —আজ্জে, এখন
তিনটি।

—পড়াশুনো করে তো সব?

—ছোট দুটো এখনও তো পড়ছে। একজন পাঁচ কেলাসে, একজন সাত।
মেয়েও সাত কেলাস অবধি পড়েছিল...। দীনবন্ধু মাথা নামাল, —ইস্কুল বিল্ডিং-
ফি চায়, দিতে পারিনি।

—উন্মত্তি। একবালক দিবাকরের চোখে চোখ রেখে নিল তড়িৎ, —কতি বয়স
হল মেয়ের?

—আজ্জে, সতেরো। এই তো, বড় ছেলের পরেই...। বিয়ের যুগ্ম্য হয়ে গেছে।

—তো দিয়ে দাও বিয়ে। একজন শহিদের ঘর থেকে মেয়ে পাবে, এ তো
যে কোনও ছেলের ভাগ্যের কথা। বলতে বলতে আবার তড়িতের দৃষ্টি দিবাকরে।
কর্তৃত্বের সুরে বলল, —শুনুন। সরকার তো দীনবন্ধুকে যা দেওয়ার দেবেই,
আপনারাও লোকালিটি থেকে কিছু অ্যারেঞ্জ করুন।

—অবশ্যই। ভাবছিলাম যদি একটা রমেশ সাহ ফাল্ট খোলা যায়...

—ভাবনা কয়, কাজ বেশি। ঢিলেমি করবেন না, লোকাল পিপ্লের সেন্টিমেন্ট
থাকতে থাকতে... আমার নামে পাঁচশো এক ধরবেন। ছোটমোটো একখানা
অনুষ্ঠানেরও আয়োজন করুন, সেখানে রমেশ সাহের স্মৃতিপূর্ণও হবে, দীনবন্ধুকেও
আমরা অভিনন্দন জানাব। ওই দিনই লোকসমক্ষে দীনবন্ধুর হাতে টাকাটাও তুলে
দেওয়া যাবে। মানুষ বুঝুক কারা দেশের সুস্তানের জন্য ভাবে। শেষ বাক্যটি
উচ্চ থামে বলেই আবার তড়িতের গলা থাদে, —ওরা এখনও আসেনি, না?

বেঁটেখাটো দিবাকর দ্রুত ঘাড় নাড়ল। আরও নিচু গলায় বলল, —এখনও
না।

ওরা কারা, কেন এখনও আসেনি, ওদের আসা না আসার অর্থ কী, বুঝতে

পারছিল না দীনবন্ধু। তবে ভারী অভিভূত হয়ে পড়ছিল সে। একবার বিধায়ক, একবার পঞ্জায়েত প্রধান, পেশুলামের মতো ঘাড় ঘুরছে তার।

তড়িৎ ব্যানার্জি ব্যস্ত মানুষ, কোথাও তাকে দুদণ্ড ছির দেখা যায় না। আজ তার তাড়াছড়া নেই একটুও। দিবি অলস মেজাজে কথা বলছে উপস্থিত জনতার সঙ্গে। নানান বিষয়ে। রমেশ সাহ। যুদ্ধ। দেশপ্রেম। আন্তর্জাতিক রাজনীতি। প্রতিটি শব্দে ফুটে উঠছে দেশ ভক্তি, সীমান্তে আহত নিহত সৈনিকদের জন্য মমতা সহানুভূতি। কী করে কার্গিলে এত অনুপ্রবেশকারী চুকে পড়ে, কেন শয়ে শয়ে অমূল্য প্রাণ বিনষ্ট হয়, তাই নিয়েই তার ক্ষোভ বিস্তর। বর্তমান যুদ্ধের পিছনে কী গভীর দেশি-বিদেশি রাজনৈতিক চক্রস্ত লুকিয়ে আছে, তা বোঝাতেও কসুর করল না সে। শ্রোতারা মন্ত্রমুখের মতো শুনছে, ক্ষণে ক্ষণে উদ্বীপিত হচ্ছে, শিহরিত হচ্ছে।

সহসা বাঁশবাগানের ধারে এক লাল মারুতি-ভ্যান। হড়মুড়িয়ে নেমে আসছে জনা চার পাঁচ, একজনের কাঁধে ইয়া বড় ভিডিও ক্যামেরা। টিভির লোক। কুচোকাঁচার দল পৌঁ পৌঁ ছুটেছিল সেদিকে, একজন হ্যাট হ্যাট করে খেদাচ্ছে তাদের।

প্রায় সঙ্গে সঙ্গেই আরও দুই তরুণের আবির্ভাব, তাদেরও একজনের কাঁধে ক্যামেরা ঝুলছে। সংবাদপত্রের প্রতিনিধি।

কলরব উঠল একটা। তড়িৎ মুহূর্তে শশব্যস্ত, —যাক, দুটো মিডিয়াই এক সঙ্গে এসে গেছে তাহলে।

সংবাদপত্র আগে পৌঁছে গেল দীনবন্ধুর কাছে। তড়িৎ ঘাড় দেখতে দেখতে বলল, —কী হে বাদল, তোমরা লেট করলে যে? কথা ছিল সাড়ে এগারোটার মধ্যে হাজির হবে?

দিনরাত পত্রিকার আঞ্চলিক সংবাদদাতা কী যেন বলতে যাচ্ছিল, তার আগে টিভি গোষ্ঠীর অগ্রবর্তী যুবকটি গলা ওঠাল, —হোয়াট আ মেস! রাস্তার কাদায় পাক্কা চালিশ মিনিট গাড়ি ফেঁসে গেল!

—কোথায়?

—এই তো নাউল না নউল কী যেন জায়গার নাম, তার কাছেই। মাটির রাস্তায় ঢোকার সময়ে।

—ওদিকে পুজোর পর কাজ শুরু হবে। তড়িৎ গলা খাঁকারি পিল, —আমার কল্পিটুয়েঙ্গিতে বর্ষাকালে আমি ঠিকাদারদের পথস্থাটে হাত দিতে দিই না।

—ও আচ্ছা, আপনিই এখানকার এম এল, এ? নমস্কার। নমস্কার।

অতঃপর টিভি-সংবাদপত্র-বিধায়ক পঞ্চায়েত প্রধানের ছোট কনফারেন্স, উপচে
পড়া ভিড়কে পাশে সরিয়ে। নতুন উদ্দীপনায় যুবকের দল আবার ধ্বনি বাজাচ্ছে,
রমেশ সাহ অমর রহে অমর রহে...। এরই মধ্যে পুলিশ ভ্যানও এসে গেল একখানা।
শ্যামপুর থানা থেকে। সন্তুষ্ট আরও কোনও ভি আই পি আসছে রমেশ সাহের
বাবার কাছে। আগাম প্রস্তুতি।

দীনবন্ধু দিশেহারা হয়ে যাচ্ছিল। রমেশের গরিমা ত্রুম্ফ যেন শোককে ছাপিয়ে
যাচ্ছে। সেই রমেশ, যার লেখাপড়ায় এতটুকু মাঝে ছিল না, পর পর দু-বার
মাধ্যমিকে গাজু খেয়ে পড়াশুনেই ছেড়ে দিয়েছিল। সেই রমেশ, যে সংসারের
নিতি অভাব অন্টনে উত্ত্যন্ত হয়ে বাবা মাকে না জানিয়ে সেনাবাহিনীতে গিয়ে
নাম লিখিয়েছিল! সংসারে টাকা পাঠাবে বলে।

কথার ফাঁকে ফাঁকে দীনবন্ধুকে খুঁজে নিয়েছে টিভি ক্যামেরা। লেপ্স অ্যাডজাস্টমেন্টের
পালা চলছে। বাদল সাহাও পকেট থেকে নেটবই বার করে ফেলল।

টিভির আগেই সংবাদপত্রের প্রশ্ন শুরু, —আচ্ছা দীনবন্ধুবাবু, খবরটা শুনেই
আপনার ঠিক কী রিঅ্যাকশান হয়েছিল?

দীনবন্ধু ফ্যাল ফ্যাল তাকাল।

—মানে, আপনার মনের কী অবস্থা হয়েছিল? খুব আঘাত পেয়েছিলেন? নাকি
গর্বে বুক ফুলে উঠেছিল?

দিবাকর সরে এসেছে দীনবন্ধুর পাশটিংতে। কানে কানে বলল, —বলো কষ্টও
পেয়েছ, গর্বও হয়েছে।

দীনবন্ধুর শুধু শেষটুকু কানে গেল। ঘড়ঘড়ে গলায় বলল, —গর্ব হয়েছে।

—আপনি যদি কাইস্টলি আপনার ছেলের সম্পর্কে কিছু বলেন...। আমাদের
পত্রিকার পাঠক অমর জওয়ান রমেশ সাহের জীবন সম্পর্কে জানতে চায়।

আবার ফাঁপরে পড়ল দীনবন্ধু। এই ভিড় ভাড়াকার মাঝে রমেশের কোন
কথাটা বলা উচিত এখন? রমেশ তরতরিয়ে নারকেল গাছে উঠতে পারত?
গাঙ্গুলিদের বড় দিঘিটা রমেশ এক দমে পার হয়ে যেত? রমেশ খুব ডানপিটে
ছিল, সেটা বলবে কি? বলবে, একবার এক ঘায়ে একটা কেউটৈ মেরেছিল রমেশ?
ডানপিটে বলবে, নাকি সাহসী? ছেলে বাঁপের কাজে হাত না লাগিয়ে বসে বসে
অন্ন ধৰংস করত বলে দীনবন্ধু প্রচুর গালাগাল করত রমেশকে, এ কথাটা নিশ্চয়ই
এখন বলা যায় না!

দীনবন্ধু কথা হাতড়াচ্ছিল। স্মৃতি হাতড়াচ্ছিল।

টিভির লোক উশখুশ করে উঠল, বাদলকে বলল, —আপনি ওঁকে নার্ভাস
করে দিয়েছেন, অনেক টাইম লেগে যাবে, আমাদের আগে সেরে নিতে দিন।

বাদল গঙ্গীর মুখে বলল, —ডিস্টাৰ্ব কৰছেন কেন? লেট মি ফিনিশ।

—চটছেন কেন মশাই? আমাদেৱ প্ৰবলেমটা ফিল কৰুন। চাৰটেৱ মধ্যে ক্যাসেট জমা দিতে হবে, না হলে নিউজটা আজ কভাৱ কৰা যাবে না। আমৰা যাওয়াৱ পৰ আপনি সারাদিন ধৰে প্ৰশ্ন কৰুন না।

—আমাৰও আইটেমটা কালকেই বেৰোবে।

—সে তো আপনি নটাৱ সময়েও ম্যাটাৱ পাঠাতে পাৱনে। সৱুন, সৱুন।

বিবাদেৱ উপক্ৰম হয়েছে, তড়িৎ জলদি হস্তক্ষেপ কৰল, —বাদল, তুমি তো
লোকাল ছেলে, অতিথিদেৱ আগে ছেড়ে দাও।

বাদল সৱে গেল মুখ হাঁড়ি কৰে। নোট বই পকেটে ঢোকায়নি। টিভিৰ প্ৰশ্নকৰ্তাৱ
উত্তৰণলোই সে টুকে নেবে বোধহয়। সঙ্গী ফটোগ্ৰাফাৰকেও কী ইশাৱা কৰল,
সে পটাপট শাটাৱ টিপছে।

টিভি ক্যামেৱা প্ৰস্তুত। যন্ত্ৰ ঘূৰছে এদিক ওদিক। দীনবন্ধুৱ ভেজা কালো জীৰ্ণ
খড়েৱ চাল হয়ে আকাশ গাছগাছালি ছুঁয়ে এল ক্যামেৱা। কৰ্ডলেস মাইক্ৰোফোন
হাতে আৱ একজন এসে দাঁড়িয়েছে দীনবন্ধুৱ মুখেৱ সামনে। মাইক্ৰোফোনেৱ সুইচ
বাৱ কয়েক অন অফ কৰে নিয়ে বলল, —বাড়িৰ সকলকেও একটু ডাকুন না
পিজ।

ছেলেমেয়েৱা পিছনেই আছে। ইয়ৎ অসহায় মুখে অন্দৱেৱ পানে তাকাল দীনবন্ধু।
ইঙ্গিত বুবো দৌড়ে ঘৰে গেল শ্যামা, মুহূৰ্ত পৱে ফিৱে এল। শুকনো চোখে
বাবাৱ দিকে তাকিয়ে দু দিকে মাথা নাড়ছে।

দিবাকৰ বলল, —থাক না ভাই, আবাৱ ওদেৱ টানাটানি কেন? প্ৰশ্ন যা আছে
দীনবন্ধুকেই কৰুন।

টিভিৰ লোক খুশি হল, কি বিৱৰণ, বোৰা গেল না। পেশাদাৱ ভঙ্গিতে মুখে
মাইক্ৰোফোন ধৰেছে, —আছা দীনবন্ধুবাবু, আপনাৱ ছেলেৱ যে এই জ্বলন্ত
দেশপ্ৰেম, এৱ প্ৰেৱণা উনি পেয়েছিলেন কোথাখেকে?

দীনবন্ধু হকচকিয়ে গেল।

তড়িৎ তাড়াতাড়ি বলে উঠেছে, —এক সেকেন্ড। আমাৱ একটা কথা ছিল,
সেটা প্ৰথমে বলে নিই?

—কী কথা?

—আমৰা একটা রঁমেশ সাজ ফান্ড খুলছি। জনগণই খুলছে, আমি শুধু ইনিশিয়েটাৱ।
দীনবন্ধুকে আমৰা একটা...

—আগে দীনবন্ধুবাবুকে কভাৱ কৰে নিই? তাৱপৰ না হয়...

—তাই হোক। তড়িৎ কাঁধ ঝাকাল। সামান্য আহত যেন। বলল,

—আপনাদের প্রশ্নের সিলেকশান ভাল নয়। দেশপ্রেমের আবার প্রেরণার কী আছে? প্রতিটি নাগরিকই দেশকে ভালবাসে।

টিভির লোক কথাটা গায়ে মাখল না। মাইক দীনবন্ধুর দিকে বাড়িয়ে বলল,

—রমেশ সাহ কবে নাগাদ কার্গিল গিয়েছিলেন?

দীনবন্ধু নতুন ধন্দে। আমতা আমতা করে বলল,—আজ্জে, আমি তো ঠিক জানি না।

—উনি আপনাদের চিঠি দিতেন না?

—না মানে...রমেশ তো মিলিটারিতে ঢুকলই গত পুজোর পর। দুটো চিঠি লিখেছে এর মধ্যে।

—শেষ চিঠি কবে পেয়েছেন?

—বোশেখ মাসে। ওই যে বড় ঝড়টা হল, তার আগের দিন।

—তাতে কি লিখেছিলেন, ওকে কাশ্মীর পাঠানো হচ্ছে?

—ও তো কাশ্মীর দেশেই ছিল।

—কাশ্মীরের ঠিক কোন জায়গায় ছিলেন উনি? বাটালিক? কার্গিল? মাশকো? দ্রাস?

—আজ্জে, সে আমি বলতে পারব না।

—কোন্ চূড়ো জয় করতে গিয়ে উনি প্রাণ হারালেন? টলোলিং? টাইগার হিল? মিডল অফ জুন তো ওদিকটাতেই...

—আজ্জে, মিলিটারির লোক কাল কী যেন একটা নাম বলল, আমার মনে নেই।

প্রশ্নের পর প্রশ্ন চলছে। দীনবন্ধু সপ্তিত হয়েছে অনেক, উভর দিচ্ছে অকম্পিত স্বরে। উৎসুক জনতা ক্ষণে ক্ষণে ধেয়ে আসছে, প্রায় হমড়ি ধেয়ে পড়ল দীনবন্ধুর গায়ে। টিভিতে মুখ দেখানোর দুর্ভ সুযোগ কেউ বুঝি হাতছাড়া করতে রাজি নয়। অপ্রসন্ন চিরাগাহক কনস্টেবলকে ডাকল, খাঁকি উর্দি সেপাই লাঠি তুলে হঠাল জনতাকে। টিভির অন্য লোকগুলোও ভারী চটপটে, ভজন আর হরিকে সঙ্গে সঙ্গে এনে দীনবন্ধুর দু-পাশে দাঁড় করিয়ে দিয়েছে। হরি খালি গা মোচড়াচ্ছে, সরে যেতে চাইছে বাবার আড়ালে।

ক্ষণিক বিরতির পর ফের মাইক্রোফোন চালু,—এবার শেষ প্রশ্ন। দীনবন্ধুবাবু, আপনার তো আরও দুই ছেলে, তাদেরও কি আপনি দেশের জন্য সেনাবাহিনীতে পাঠাবেন?

এবার দীনবন্ধু ছুপ একটুক্ষণ। বুঝে গেছে এতগুলো লোক এখন কী জবাব
চায়। দুরু দুরু বুকে তার জন্যই বুঝি প্রস্তুত করছিল নিজেকে, তার আগেই ঘর
থেকে উড়ে এল এক আর্ত নারীস্বর, —কক্ষনো না। কোনওদিন না। আবার
একটা ছেলেকে মরতে পাঠাব, অ্যাঃ?

কাট্। কাট্। কাট্।

এডিট্! এডিট্!

প্রশ্নকর্তা চটজলদি মাইক্রোফোন অফ করে দিল।

চরাচরে রাত নেমেছে। ঘন আঁধার মাখা রাত। দিনভার শুকনো থাকার পর
সঙ্গে থেকে বৃষ্টি আরম্ভ হয়েছে টিপটিপ। ঝরেই চলেছে। একটানা। একস্থেয়ে।
বাতাস বইছে অল্প অল্প, তেমন বলার মতো কিছু নয়। ব্যাঙ ডাকছিল।

দীনবন্ধুর ঘরে আজ চুলো জলেনি। দুপুরে প্রতিবেশী নন্দদের বাড়ি থেকে
ভাত এসেছিল, সনকা দাঁতে কুটোটি কাটেনি, ছেলেমেয়ের সঙ্গে বসে দীনবন্ধু একটা-
দুটো দানা খুঁটছিল শুধু। রাতের জন্য যৎসামান্য চিড়ে ভিজিয়েছে শ্যামা। পেট
বড় বালাই।

ঘরে টিমটিম হ্যারিকেন জলছে একখানা। তত্ত্বপোশের কোণায় এখনও নিথর
সনকা, ভজন আর হরি তার পায়ের কাছে গুটিসুটি মেরে শুয়ে। শ্যামা কী যেন
খুটুর খাটুর করছে মেঝেয়। চপলাবালা দাওয়ায়, তিনমাথা এক করে বসে আছে
নিবৃম।

চোলকলমির বেড়ার ধারে ছায়া। গাঢ় আঁধারে গাঢ়তর। এক মানুষের অবয়ব
যেন!

দীনবন্ধু দাওয়াতেই ছিল। খোটায় হেলান দিয়ে। আচম্ভিতে তার শিরদীঢ়া বেয়ে
ঠাণ্ডা শ্রোত বহে গেল। অস্ফুটে ককিয়ে উঠল, —কে? কে ওখানে?

—আমি কাকা। গোবিন্দ।

দীনবন্ধুর বুক ঝাকিয়ে বালক দীর্ঘশ্বাস ঠিকরে এল, —ও, তুই? আয়।

গোবিন্দ ছাতা বক্ষ করে দাওয়ায় উঠল। হাঁটু-মুড়ে বসেছে, —সকালে ছিলাম
না কাকা। বাগনানে খবর পেলাম। পেয়েই হাঁচোড়-পাঁচোড় করে ছুটে আসছি।

—বাগনানেও খবর চলে গেছে?

—সারা দেশ জেনে গেছে কাকা। গোবিন্দের গলা যেন সামান্য ধরে এল,
—কী ভাবে কী হয়েছিল কিছু জানলে?

—কত কথাই তো বলে গেল মিলিটারির লোক। দীনবন্ধু টান টান হল,—

কী যেন একটা আগলাতে গিয়ে বুকে গুলি লেগেছিল। রমেশ মরদের বাচ্চার মতো লড়ে গেছে। ওরা খুব নাম করছিল রমেশের। বলছিল, এমন ছেলে নাকি কোটিতে একটা মেলে। অনেক সঙ্গীরও নাকি প্রাণ বাঁচিয়েছে রমেশ...

কথাশুলো যেন নিজে বলছে না দীনবন্ধু, কেউ যেন তাকে দিয়ে বলিয়ে নিছে। জড়তাহীন স্বর। শোকহীন ভাষা। অঙ্ককারেও জ্বলে উঠল চোখ দুটো। সে চোখ যেন স্পষ্ট দেখতে পাচ্ছে হাজার হাজার মাইল দূরে পাহাড়ের সারি। বিশাল উঁচু। অস্তহীন। সেই অচিন দেশের বরফ ভেঙে ভেঙে ছুটছে রমেশ, গুলি চালাচ্ছে ঢ্যা ঢ্যা ঢ্যা...

—আমার কিন্তু নিজেকে বড় অপরাধী লাগছে কাকা।

গোবিন্দের মলিন স্বরে দীনবন্ধুর আচম্ভ ভাব ছিঁড়ে গেল। অবাক মুখে জিজ্ঞেস করল, —কেন রে?

—আমিই যে ওকে কলকাতার ঠিকানাটা দিয়েছিলাম। যেখানে গিয়ে ও ফৌজে নাম লেখাল।

সনকা এই কারণেই ভাল করে কথা বলে না গোবিন্দের সঙ্গে, দীনবন্ধু জানে। রমেশ যখন সত্য সত্য বাঞ্চপেটোরা বেঁধে চলে গেল, কী'রাগ তখন সনকার! ওই গোবিন্দেই সর্বনাশ করল ছেলেটার! মিটমিটে ডান কোথাকার! নিজে তুই স্কুল ডিডিয়ে কলেজে গেলি, বন্ধুটাকে একটু টানতে পারলি না! উল্টে কিনা কুমন্ত্রণা দিয়ে লড়াই করার চাকরিতে পাঠালি!

গোবিন্দের ওপর দীনবন্ধুও যে এতকাল প্রসন্ন ছিল তা নয়, তবে এই মুহূর্তে তার আর কোনও বিদ্যে জাগছে না। বরং যেন করণাই আসে একটু একটু। রমেশের নাম এখন গোটা দুনিয়া জানে, বিদ্যাদিগ্রন্থ গোবিন্দের নাম জানে ক'জন?

আলগা ভাবে বলল, —তাতে কী হয়েছে? তুই তো আর বন্ধুর খারাপ ভেবে কিছু করিসনি!

—বটেই তো। ভাল হবে ভেবেই না...। বলো, মাসে মাসে রমেশের টাকা আসেনি বাড়িতে?

—ইঁয়া, পাঠিয়েছে তো? যখন যেমন... ছশো সাতশো...

—এখনও পাবে। দু তিন লাখ তো এমনিই দেবে মিলিটারি। তারপর ধরো পেনশন আছে, আরও কী কী সব...। এখানকার গভর্নমেন্টও তো শুনছি দেবে কিছু। তারপর আরও কত জায়গায় চাঁদা উঠছে...

—এত দেবে? দীনবন্ধুর গলা দুলে গেল।

—কেন দেবে না ? দেশের জন্য প্রাণ দিল রমেশ, তার কোনও প্রতিদান নেই ?
কত শক্রসৈন্য খতম করল, কোনও পুরস্কার নেই ? গোবিন্দের স্বরও উভেজনায়
কাঁপছে, —সব হিসেব বুঝে নেবে কাকা ! কিছু ছাড়বে না।

মনে মনে ঢোক গিল দীনবন্ধু। কতদিন ধরে শ্যামপুর বাজারে তার একটা
দোকান দেওয়ার সাধ, সাপুইদের কাঠগোলা থেকে বাছাই সেগুন কাঠ কিনে এনে
বাহারী ইংলিশ খাট বানাবে, শ্যামার ভাল ঘরে বিয়ে দিতে হবে, ভজন হরির
জন্য মাস্টার রাখতে পারলে ভাল হয়, রমেশের মতো তা হলে আর স্কুল পেরোতে
গিয়ে ঠেকবে না, চালাটাকে সারাতে হবে ভাল করে...

ক্ষণিকের ভাবনা ক্ষণিকেই ছিঁড়ে গেল। চপলাবালার স্বর বাজছে, —দীনু রে,
ও দীনু, একটা কথা বলবি আমায় ?

আবহায়ায় কুণ্ডলি পাকানো জরতী দেহটাকে সঠিক ঠাহর করতে পারল না
দীনবন্ধু। আন্দাজ মতো তাকাঞ্চ, —কী কথা ?

—আমাদের রমেশ যাদের মেরেছে, তাদের সব বয়স কেমন ছিল রে ?

শ্যামা দরজায় এসে দাঁড়িয়েছে। বলল, —দাদার বয়সীই হবে। বুড়ো-হাবড়ারা
কি আর যুদ্ধে যায় ?

—ও। আলোআঁধার কাঁপল তিরতির, —তারাও তবে সব বাপ মার কোল
খালি করে... ! তাদের ঘরেও কি আমাদের মতো... ?

দুম করে একটা ধাক্কা খেল দীনবন্ধু। যে দেশকে সে চেনে না, জানে না,
সেখানে পাহাড় আছে, না জঙ্গল, মরঢ়ুমি আছে, না তাদের মতো মধুপুর গ্রাম,
কিছুই তার জ্ঞানবুদ্ধির আওতায় নেই, সেই দেশের কোনও এক কাল্পনিক দীনবন্ধু-
সনকার কথা ভেবে বুকটা মুচড়ে ওঠে কেন ? সে ছেলেগুলো এ দেশে শক্র
হতে পারে, ও দেশে তো তারা দেশপ্রেমিকই ! নাকি নিছকই এক রমেশ ? চাকরি
করতে যুদ্ধে চলে যায় ?

যে যাই বলুক, রমেশ যে কতখানি দেশের টানে যুদ্ধে গেছে, তা দীনবন্ধুর
চেয়ে বেশি আর কেই বা জানে !

পরদিন কাজে গেল না দীনবন্ধু। কালও রাতে ঘুম হয়নি, ছেঁড়া ছেঁড়া তল্লায়
তালবেতাল স্বপ্ন দেখেছে শুধু, এখনও মাথা বিম্বিম। দাওয়ায় বসে থাকতে থাকতে
ধূৎেরি বলে উঠে পড়ল এক সময়ে। নন্দকে নিয়ে সোজা চলে গেল হোটগঞ্জ।
শশী চক্ৰবৰ্তীৰ বাড়ি।

শশী চক্ৰবৰ্তী গরিবের পুৱৰত, খাঁই কম। বাজারে ছেট তেলেভাজার দোকান
আছে তার, বিকেলে খোলে, সকালে ক্রিয়াকৰ্ম পুজোঅৰ্চনা করে বেড়ায়।

শশী চক্রবর্তী বাড়িতেই ছিল। দীনবন্ধুর বাসনা শুনে মাথা চুলকোল, —হম, আদ্ধাৰাণ্ডি একটা তো কৱতেই হয়। কবে যেন মৃত্যু ঘটেছে রমেশের?

—আজ্জে, গেল ইংৰিজি মাসেৰ সতেৱোই।

—তাহলে তো ঘোলো দিন হয়ে গেল রে! অপঘাতে মৃত্যুৰ তিনি দিনে কাজেৰ বিধান।

দীনবন্ধু নন্দ মুখ চাওয়াওয়ি কৱল। নন্দ বলল,—রমেশ তো অপঘাতে মৰেনি ঠাকুৱমশাই? সে তো মৰেছে বীৱেৰ মতো।

—ওই হল। বীৱ কি আৱ ঘৰে হেঁপোকেশো কৰ্ণী হয়ে মৰে? গুলি খেয়ে মৰাও অপঘাতে মৰা। শশী চক্রবর্তী বিজ্ঞেৰ মতো মাথা দোলালো, —যাক গে যাক, ওই নিয়ে তুই মাথা ঘামাস না দীনু। প্ৰায়শিক্ষি একটা কৱ, শাস্তিস্বস্ত্যয়নও কৱে দেব। তুই তো এখন ঘটা কৱেই কৱতে পাৰিস। তোৱ তো এখন খৰচেৰ ভাবনা নেই।

দীনবন্ধুৰ মনটা খচখচ কৱছিল। বিড়বিড় কৱে বলল,—না, থাক। মা ঠাকুমাৰ সামনে কঢ়ি ছেলেটাৰ কাজ....। নমো নমো কৱেই সারি।

—তোৱই নাম বাঢ়ত রে। শশী চক্রবর্তী যেন উৎসাহ হারিয়েছে। উদাসগলায় বলল, —আসিস বিকেলেৰ দিকে একবাৱ, দিন ক্ষণ সব ঠিক কৱে দেব। ফৰ্দটাও তখন নিয়ে যাস।

বেজোৱ মুখে বাড়ি ফিরছিল দীনবন্ধু। শশী চক্রবর্তীৰ অপঘাত শব্দটা বুকে লেগেছে। ঠাকুৱমশাই ভুল বোৱাল কি না কে জানে! বীৱী রোদে হাঁটছে পথে, চেনা লোকেৰ সঙ্গে দেখা হচ্ছে ঘন ঘন। ভাৱী অমায়িক স্বৱে তাৱা কথা বলছে দীনবন্ধুৰ সঙ্গে। রমেশকে বাহবা দিচ্ছে, সেই সুবাদে দীনবন্ধুকেও।

বাড়ি পৌঁছতে একটা বাজল। শ্যামা রান্না চড়িয়েছে আজ, ভাত ফুটছে বগবগ। দীনবন্ধু চাপা স্বৱে জিজ্ঞেস কৱল, —তোৱ মা কোথায়?

—ওই তো, ঘৰে শুয়ে আছে।

দীনবন্ধু অশ্বষি বোধ কৱল। সনকা একটুও সামলে উঠতে পাৱেনি এখনও। কাল রাতভৰ ছটফট কৱেছে বিছানায়, হঠাৎ হঠাৎ উঠে বসে গোঙাচ্ছিল। মেয়েছেলে তো, ঘটে বুদ্ধি নেই। বুৰুল না, ছেলেটা কত মহান একটা কাজ কৱেছে। মধুপুৰে এখন যে তাদেৱ এত সম্মান, সে তো ওই রমেশেৰ জন্যই। যাক গে, শুয়ে থাক। স্তোকবাক্য শুনিয়ে লাভ নেই, সময়ই মনকে শাস্তি কৱবে।

ভাবতে ভাবতে গামছা কাঁধে পুকুৱঘাটে যাচ্ছিল দীনবন্ধু, তখনই বীশবাড়েৰ কাছে এক যান্ত্ৰিক গৰ্জন! মিলিটাৰিৰ জিপথানা না?

সেই দুই জলপাই রঙ উর্দি ! সঙ্গে সৌম্যকান্তি এক পুরুষ ! তারও পরনে মিলিটারি
পোশাক ! বড় অফিসার টফিসার নাকি ?

দুই জওয়ান সামনে এসে ছবছ পরশুর কায়দায় স্যালুট টুকল, —কর্নেল মুখার্জি
আপনার সঙ্গে কথা বলতে চান।

দীনবন্ধুর আর কিসের শক্তা ? তবু সামান্য কুকড়ে গেল। ঝুঁকে নমস্কার করল
লোকটাকে।

• কর্নেল মুখার্জি প্রায় সঙ্গে সঙ্গে দীনবন্ধুর হাত চেপে ধরেছে, —আমরা অত্যন্ত
দুঃখিত সাঙ্গবাবু। আপনার কাছে একটা ভুল খবর পেঁচেছিল। দোষ আমাদেরই।
সংবাদ পাঠানোর আগে আমাদের আরও নিখুত ভাবে চেক করা উচিত ছিল।

দীনবন্ধু ভ্যাবলা মুখে ঘাড় নাড়ল, —বুবলাম না স্যার।

—আপনার ছেলে রমেশ সাহ এখনও সুস্থ শরীরে জীবিত আছে। আশা করছি,
শিগগিরই তাকে আপনার কাছে পাঠাতে পারব।

দীনবন্ধু মুখের ইঁ বঙ্গ করতে ভুলে গেল।

—বাটালিক সেন্টারে সত্যিই একজন রমেশকে আমরা হারিয়েছি। ওই বিহার
রেজিমেন্টেরই। ফিফথ ব্যাটেলিয়নেরই সিপাই। কিন্তু সে রমেশ সাহ নয়, রমেশ
সাউ। তার গ্রামের নাম মাধোপুর। ডিস্ট্রিক্ট গোরখপুর। ইউ পি। গ্রাম আর নাম
দুটোই প্রায় এক হয়ে গিয়ে, প্লাস দুজনে একই সেন্টারে এক সঙ্গে লড়ছিল...।
আমি ভারতীয় সেনাবাহিনীর পক্ষ থেকে আবার আপনার কাছে ক্ষমা চাইছি।

মিলিটারির জিপ কাদা মাড়িয়ে চলে গেছে বহুক্ষণ। ভিড় জমছে আবার।

দীনবন্ধু অসাড়ে কাদছিল। পরশু থেকে এই প্রথম। গৌরব দেশপ্রেম অর্থপ্রাপ্তি
সম্মান— সমস্ত ভারী ভারী পাথরের টুকরোগুলো সরে যাচ্ছে। বুক ক্রমে হাল্কা
হয়ে এল।

...রমেশ রে, বাপ আমার...

দূরে, অনেক দূরে, আর একখানা মিলিটারি জিপ ছুটছে এখন ধূলো উড়িয়ে
মাধোপুরের পথে।

সীমার মধ্যে

এক খণ্ড কাগজ টেবিলে মেলে ধরে লোকটা বলল—এই দেখুন, এই আমাদের প্ল্যান। প্রত্যেক ফ্লোরে তিনটে করে ফ্ল্যাটের প্রভিশন রাখা হয়েছে। দু'পাশে দুটো টু-রুম ডাইনিং, মাঝেরটা ছেট, ওয়ান-রুমড়।

ওরা দুজনেই ঝুকে পড়ে দেখছিল। সাদাটে কাগজের গায়ে অসংখ্য জ্যামিতিক টান। বর্গক্ষেত্র, আয়তক্ষেত্র, রম্ভস। মাত্র ইঞ্চি দশেক জায়গায় তিন তিনটে গৃহ কী অঙ্গুত গাণিতিক নিপুণতায় এঁকে দেওয়া হয়েছে!

মিহির জিজ্ঞাসা করল, সিঁড়ি কোনটা?

—এই তো। ক্রস্টানা অংশটাতে আঙুল বুলিয়ে তিন ইঞ্চি মাপের এক চৌখুপিতে হাত রাখল লোকটা,—এই ফ্ল্যাটটা আপনাদের জন্য চুজ করেছি। তিনতলার ওপর, খোলামেলা, পার্কও পাবেন এদিকটায়। মানে সাউথ পুরো ওপেন। এই এন্ট্রেস, তারপর এটা ড্রয়িং-কাম-ডাইনিং স্পেস, এই ধরন গিয়ে নয় বাই উনিশ মতন। এই একটা বেডরুম, ইলেভেন বাই নাইন পয়েন্ট ফাইভ। অপোজিটে আরেকটা বেডরুম, দশ বাই দশ। বাথরুম সাড়ে চার বাই আট। আর এটা হল গিয়ে বউদির কিচেন। কিচেনটা প্রথমে এত বড় ছিল না, আমি নিজে আর্কিটেক্টের সঙ্গে বসে...। ছেট কিচেনে রান্না করতে বউদিরের বড় কষ্ট হয়।

লোকটা চমৎকার গুছিয়ে কথা বলতে পারে। গাঁটাগোটা চেহারা, গায়ের রঙ বেশ কালো, খাড়া নাক, চোখমুখে একধরনের গরিমা রঙিন বিজ্ঞাপনের মতো ঘলমল করছে। কথা বলার সময় মিহিরের থেকেও শ্রাবণীর দিকে তার দৃষ্টি বেশি। লোকটার দুপাশে দুটো প্রকাণ সাইজের অ্যালসেশিয়ান জুলজুল চোখে বসে।

প্রথমটায় তো চুকেই শ্রাবণী রীতিমত ভয় পেয়ে গিয়েছিল। বাপরে, কী শান্ত
অথচ কী হিংস্র চেহারা!

লোকটা অমায়িক হেসে বলেছিল, ভয় নেই বউদি, ওরা দেখতে যত ভয়ঙ্কর
ততটা কিন্তু হার্মফুল নয়।

শ্রাবণী অন্যমনস্কভাবে পিঠে আঁচল টেনে নিল। লোকটার বৈভবের তুলনায়
অফিসঘরটা বেশ ছোট, খুপরি মতন। টেবিলের দুপাশে গোটা তিনেক চেয়ারেই
জায়গাটা পুরো ভর্তি হয়ে গেছে। একবার তো একটু পা নাড়াতে গিয়ে লোকটার
পায়ে পা ঠেকে গিয়েছিল শ্রাবণীর।

মিহির আবার প্রশ্ন করল, মোট এরিয়া কতটা হবে মনে হয়?

—সার্ভিস এরিয়া নিয়ে ধরমন গিয়ে ছশো নবৃই স্কোয়ার ফুটের মত। আপনাদের
জন্য একদম স্যুটেবল।

—কবে নাগাদ কাজ শুরু করছেন?

—শীগগিরই। খুব শীগগির। মানে প্ল্যানটা স্যাংশন্ হয়ে গেলেই।

—তবু কত দিন লাগতে পারে বলে মনে হয়? বুঝতেই তো পারছেন আমাদেরও
সেই মত টাকা পয়সা আয়েরেঞ্জমেন্ট... মিহির দেঁতো হাসি হাসল,—লোন-টোনের
জন্য অ্যাপ্লাই করতে হবে তো।

—ও নিয়ে ভাববেন না। টাইমলি সব কাগজপত্র আপনাদের দিয়ে দেব। বলেন
তো লোনের বন্দোবস্তও করে দিতে পারি।

—না, না। আমরা অফিস থেকেই লোন পেয়ে যাব। শ্রাবণী তাড়াতাড়ি বলে
উঠল—আপনি আমাদের চারশো টাকা রেটেই দিচ্ছেন তো?

লোকটার মুখে এবার বিনীত হাসি— আমি যতটা পারি ততটাই কমে করার
চেষ্টা করি বউদি। আফটার অল দিস ইজ আ সোশাল সার্ভিস। আপনাদের সামান্যতম
উপকারেও যদি আসতে পারি...

—কবে নাগাদ বুক করতে হবে তাহলে?

—যেদিন আপনাদের খুশি। তবে বোঝেনই তো ফাস্ট কাম ফাস্ট সার্ভ। কোনটা
নেবেন পছন্দ করে যদি আগে থেকেই বুক করে রাখেন তো নিশ্চিন্ত। যতটা
ক্যাশ দিয়ে রাখতে পারবেন ততটাই আপনাদের জুবিধা।

মিহির আরেকবার জ্যামিতিক লাইনগুলোর দিকে তাকাল— নিলে আমরা
পার্কের দিকটাই নেব। তুমি কী বলো?

শ্রাবণী কোনও উত্তর দিল না। তার ঠোটের ফাঁকে ভোরের আলোর মতন
এক টুকরো হাসি ফুটে উঠল মাত্র।

বাইরে বেরিয়ে মিহির জিজ্ঞাসা করল— স্পটটা একবার দেখে থাবে নাকি? ভোরের হাসিতে উজ্জ্বল রোদের ছোয়া লাগল— চলো, দেখেই যাই।

রবিবারের সকাল ছুটির আলস্য মেখে গা এলিয়ে বসে আছে। মোড়ের মাথায় জটলা বেঁধে আড়া দিছে ছেলেরা, পথচারীদের গতি মন্ত্র। শ্রাবণী আর মিহির অবশ্য দ্রুত পা চালাচ্ছিল। বাড়িতে রাস্তাবালা সব পড়ে আছে, মিহিরেরও একগাদা কাজ থাকি। তাছাড়া ওরা ফিরলে তবে রুমি বেরোবে। মেয়ের আজ নাচের ঝাস আছে।

লোকটার অফিস থেকে বেরিয়ে ডানদিকে ঘুরে সোজা কিছুটা ইটলে রিকশাস্ট্যান্ড। সেখান থেকে একটা সরু রাস্তা ভেতরে ঢুকে গেছে। রাস্তার একেবারে শেষপ্রান্তে এক ভাঙ্গচোরা থাচীন একতলা বাড়ি। কলিবিহীন বাড়িটার গায়ে সময়ের ঘন কালো শ্যাওলা। এক সময়ে পাশেই একটা বড় পুকুর ছিল, পুকুরটাকে বুজিয়ে কয়েকটা নতুন বাড়ি উঠেছে ইদানীং। প্রবীণ আর নবীনদের মাঝখানে একফালি জমিতে করপোরেশন থেকে বাচ্চাদের জন্য পার্ক তৈরি করা হয়েছে একটা। পার্কের সামনে এসে দাঁড়িয়ে পড়ল মিহির, পিছনে শ্রাবণী।

—ও, বাবা, এ যে একদম ভুতুড়ে বাড়ি গো!

—ভুতুড়েই তো। এক খুড়খুড়ে বিধবা বুড়ির বাড়ি। বুড়ি অবশ্য একা থাকে না, সঙ্গে এক ভাইবিগু আছে। মাঝবয়সী। আন্মারেড।

—এ বাড়ি ভাঙ্গা পড়লে ওরা কোথায় থাবে?

—যাবে মানে? ওরাও তো একটা ফ্ল্যাট পাচ্ছে। সঙ্গে বোধহয় কিছু ক্যাশও। মিহির আলগা হাসল, —আজকাল এরকম আকছার হচ্ছে। জমি বাড়ির বদলে একটা কি দুটো করে ফ্ল্যাট সঙ্গে কিছু টাকা। মহিলাদের তো সুবিধেই হবে। এরকম একটা ভাঙ্গচোরা বাড়ির বদলে নতুন ফ্ল্যাট...

—যাই বলো বাপু, নিজের ঘরবাড়ি, হোক না পুরনো, তার একটা আলাদা দাম আছে। শ্রাবণী ফোস করে শ্বাস ফেলল, —আমি হলে বাবা কিছুতেই এ বাড়ি ভাঙ্গতে দিতাম না।

—বাহু, কেউ না দিলে আমাদের মত ভুমিহীনরা জায়গা পাবে কোথাকে?

তোমার শখের ফ্ল্যাটই বা কী করে তৈরি হবে?

কথাটা ঠিক, একজন না ছাড়লে অন্য জন পায় কোথাকে। তবু শ্রাবণী কিছুতেই যেন ব্যাপারটাকে মেনে নিতে পারছিল না।

—আছা, এ বাড়ি ভাঙ্গার পর নতুন তৈরি হতেও তো কিছুদিন সময় জাগবে। ততদিন এরা থাকবে কোথায়?

—তার ব্যবস্থাও প্রেমোটারই করে। মিহির পাঞ্জাবির পকেট থেকে সিগারেট
বার করে ধরাল— নিজে আগে কি করবে ঠিক করো তো। ফ্ল্যাটটার চেষ্টা করব,
না করব না?

—চেষ্টা তো করতেই হবে। এভাবে আর পরের বাড়িতে কত দিন উদ্বাস্তুর
মত ঘুরে ঘুরে বেড়ানো যায়? যেখানেই একটু পুরনো হব, বাড়িলা বাঁকা চোখে
তাকাতে শুরু করবে। ভাল লাগে না।

মিহির বড় করে ধোঁয়া ছাড়ল, তবে?

রাত্রে খাওয়া দাওয়ার পর বিছানায় শয়ে মনে মনে হিসাব করছিল মিহির।
হঁশো নবই স্কোয়ার ফুট মানে প্রায় সাতশোই। সাতশো ইন্টু চারশো হলে দু লাখ
আশি হাজার টাকা। এর ওপর রেজিস্ট্রেশন ফি আছে, টুকটাক নানা আনুষঙ্গিক।
সব মিলিয়ে সওয়া তিন লাখ সাড়ে তিন লাখের কাছাকাছি। অফিস থেকে না
নিয়ে এল আই সি থেকে লোন নিলে, তার আর শ্রাবণীর মিলিয়ে যা মাসিক
আয়, তাতে দুলাখ টাকা মতন পাওয়া যাবে। তবে প্রতি মাসে যা শোধ দিতে
হবে তাতে প্রায় শ্রাবণীর মাইনের পুরোটাই চলে যায়। মিহিরের মাইনেতেই পুরো
সংসারটা টানতে হবে তখন। তখন বলতে সেও তো পনেরো বিশ বছর। নতুন
করে আর কোন সংশয় হবে না। রুমির বয়স এখন বারো। পনেরো বছর পরে
মেয়ে সাতাশ হয়ে যাবে। তার আগে তারও তো একটা বিয়ের ব্যাপার আছে।
শ্রাবণী বলেছিল, বাকি টাকা জোগাড় করতে, দরকার হলে, গয়নাগুলো বেচে
দেবে। তার মানে মেয়ের বিয়ের জন্য নতুন করে গয়নাও...। মিহির ভেতরে
ভেতরে বেশ অস্থির হয়ে উঠেছিল।

ওপাশের খাটে শ্রাবণী পিছন ফিরে শয়ে আছে। শ্রাবণীর পাশে জানলার দিকে
রুমি। নাইটল্যাম্পের মৃদু আলোয় ওদের আবছা অবয়ব দেখতে পাচ্ছিল মিহির।
কেমন যেন মায়াবী, কিন্তু ক্লান্ত।

মিহির নিচু স্বরে ডাকল, জেগে আছ?

শ্রাবণী পাশ ফিরেই উন্নত দিল—ইঁ। কেন?

—ভাবছি।

—কি?

—অনেকগুলো টাকার ব্যাপার। আরেকটু ভাবলে হয় না?

শ্রাবণী এবারে এদিকে ফিরল। মুখোমুখি শয়ে আছে দুজনে। মাঝে প্রায় হাত
পাঁচকের ব্যবধান। মেয়ে একটু বড় হওয়ার পরে খাটে আর ধরে না তিনজনের।
আলমারি আর ড্রেসিংটেবিলের মাঝখানটায় ফোল্ডিং খাট পেতে নেয় মিহির।

বাড়ির সামনে পাকা ড্রেন তৈরি হয়ে যাওয়ার পর এ অঞ্চলে মশা অনেক কমে গেছে। রাত্রে আর মশারি টাঙানোর দরকার হয় না। মিহির তবুও স্পষ্টভাবে শ্রাবণীর মুখটা দেখতে পাচ্ছিল না।

শ্রাবণী সামান্য গলা ওঠাল,— এত ভাববার কী আছে? হাজার পঞ্চাশেক টাকা তো রয়েছে ব্যাংকে, তার থেকে তিরিশ চালিশ দিয়ে বুক করা যাবে না?

ব্যাংকে কত আছে মিহিরও জানে। শ্রাবণী প্রতি মাসে মাইনের প্রায় অর্ধেকটাই ফেলে দেয় ব্যাংকে। খরচের বিলাসিতা করে না কখনই। মিহিরের বউ-এর এখন শুধু একটাই স্বপ্ন, নিজের করে মাথা গেঁজার মত ঠাঁই চাই। চাই-ই। কিন্তু সাধ আর সাধ্যের মধ্যে ফারাকটা এত বেশি!

মিহির বলল, বুক হয়ত করে ফেলা যায়, তারপরে কি হবে ভেবেছ?

—কি হবে মানে?

—রুমি বড় হচ্ছে, ওর বিয়ে বলেও তো কিছু টাকা থাকা দরকার।

—সে দেখা যাবে।

—কি ভাবে? লোন নিলে কত টাকা করে মাসে কাটবে জানো?

—জানি।

—তাহলে?

—দ্যাখো, অত ভাবলে চলে না। মেয়ে কবে বড় হবে, কবে বিয়ে হবে, শ্রাবণীর গলা সামান্য নামল, ঘাড় ফিরিয়ে ঘুমস্ত মেয়েকে একবার দেখেও নিল আলতো করে—আমার তো মনে হয় মেয়ে বড় হচ্ছে বলেই আরও বেশি করে এসব ভাবা দরকার। ছেলেমেয়ে বড় হলে তাদের কিছু নিজস্ব প্রাইভেসির প্রয়োজন হয়, আলাদা একটা ঘর, পড়াশুনোর জায়গা...

মিহির চুপ করে রইল। প্রাইভেসি কি শুধু রুমিরই দরকার? এই যে এখন দুজনের মাঝখানে পাঁচ হাতের একটা ফাঁকা জায়গা... এই যে এখন হাত বাড়ালেও শ্রাবণীকে ছুঁতে পারে না মিহির, কোন কোন দিন গভীর রাতে চোরের মত দুজনকে উঠে যেতে হয় পাশের ছোট ঘরে, হাজার সংকোচ আর সাবধানতায় শব্দহীন যিলন...! উপায়ই বা কি? এই দেড়খানা ঘরের ভাড়াই হাজার টাকা। ও ঘরটা সোফাসেট, সেন্টার টেবিল, দুটো ইনডের প্ল্যাটের টব আর একখানা টিভি টেপ রাখাৰ ক্যাবিনেটেই জবরজঙ্গ। ডাইনিং স্পেসও এতটুকুন। চারজনের একটা খাবার টেবিল, ফ্রিজ আৰ ওয়াটাৰ ফিল্টাৰ রাখাৰ পৰ নড়াচড়া কৱা রাস্তা প্রায় নেই। এই ফ্ল্যাটই মিহিরৰা ছেড়ে দিলে দেড়হাজারি হয়ে যাবে। যাবেই। বাসম্যাট্রেডে সুপারমার্কেট তৈরি হওয়াৰ পৰ হ হ কৱে দৰ বেড়ে গেছে এ অঞ্চলেৰ। এখান

থেকে যাতোয়াতেরও সুবিধা কত বেশি, কতরকম বাস, মিনিবাস। টারমিনাস থেকে বসে ডালহৌসি পৌছতে মিহির শ্রাবণীর চল্লিশ মিনিটও লাগে না।

মিহির চিত হয়ে শুয়েছে, শ্রাবণী আবার বলল, এখানে এখন ফ্ল্যাটের কত দর যাচ্ছে জানো? এই তো বাজারের পাশে যেটা উঠছে, মিসেস রায়রা বুক করেছেন, পাঁচশো টাকা স্কোয়ার ফিট। সে জোয়গায় তুমি চারশোতে পেয়ে যাচ্ছ, এটা ছাড়ার কথা ভাবা কি বুদ্ধিমানের কাজ হবে?

—সেটাও তো ভাবছি। মিহির নিজের চুলে আঙুল চালালো। দশ আঙুল ডুবিয়ে আগা থেকে গোড়া অবধি ছুঁয়ে যাচ্ছে, লোকটা এত কমে দিচ্ছেই বা কী করে বলো তো?

—নিশ্চয়ই বুড়ি আর বুড়ির ভাইবির কাছ থেকে ভাল দাঁও মেরেছে।

—সেসবাই মারে। তার জন্য নয়। আমার ভয় হচ্ছে মেট্রিয়াল টেট্রিয়াল ঠিক দেবে তো? তারপর ধরো ভবানীপুর বা রিপন স্ট্রীটের মত ছড়মুড় করে ভেঙে পড়ল...

—লোকটা অত চিটিংবাজ বলে মনে হয় না। প্রশান্তদা বলছিল লোকটা নাকি এক সময় পার্টি-ফার্টি করত, এখন ছেড়ে-ছুড়ে প্রোমোটার হয়েছে... ধান্দাবাজ হলেও বেসিকালি মধ্যবিত্ত মানসিকতারই তো মানুষ।

—হবেও বা। পাশ ফিরতে গিয়ে মিহিরের নেয়ারের খাট দুলে উঠল—বলছ, বুক করে দিই?

—দেওয়াই তো উচিত।

—তারপর?

—পরের ভাবনা পরে। অত ভাবলে কোনদিনই কিছু করা যায় না, বুঝলে। শ্রাবণী বিছানায় উঠে বসল। বাথরুমে যাবে। যাওয়ার সময় বহুদিন পর আলগোছে সামান্য আদর করল মিহিরকে।

মিহিরও হাত বাঢ়াতে যাচ্ছিল, তার আগেই রুমি নড়েচড়ে উঠেছে বিছানায়। মিহির চোখ বুজে ফেলল।

অফিস থেকে ফিরে মিহির দেখল রুমি বিছানায় বসে পড়াশুনো করছে, শ্রাবণীও তার পাশে কাগজ ডটপেন নিয়ে বসে। শ্রাবণী সাধারণত মিহিরের আগেই ফিরে আসে অফিস থেকে। মিহিরের ফিরতে ফিরতে সাড়ে সাতটা আটটা। অফিসের পর একটু তাস-টাস খেলে তবে সে বাড়ি ফেরে।

খাটের কোণে বসে শাটের বোতাম আঙগা করল মিহির,—তুমি আবার কি পড়াশুনো করছ?

শ্রাবণীর আগে কুমি উভর দিল—মার এখন পড়াশুনো কি জানো না? ফ্ল্যাট বুকড় হওয়ার পর থেকে রোজ সঞ্জেবেলা বসে ফ্ল্যাটের নকশা আঁকে। কোন ঘরে কি রাখবে, ড্রয়িং রুম কেমন সাজানো হবে। কুমি কাগজের টুকরোটা এগিয়ে দিল মিহিরের দিকে—দ্যাখো। কতভাবে ফ্ল্যাটটাকে সাজানোর প্ল্যান হয়েছে।

শ্রাবণী লাজুক হাসল,—বারে, যেখানে বাকি জীবনটা থাকতে হবে সেখানটা ঠিকভাবে গুছিয়ে নিতে হবে না?

ফুলস্কেপ কাগজ জুড়ে নকশা আর নকশা। নানা ভাবে, নানা আকারে ফ্ল্যাটের ছবি এঁকেছে শ্রাবণী। কোথাও শুধুই আলাদাভাবে বেডরুম, এগারো বাই নয় পয়েন্ট পাঁচ। কিন্তু দশ বাই দশ। ড্রয়িং কাম ডাইনিং স্পেস নিজের মত করে ভাগ করে দাগ টানা। দরজা জানালার জন্য জায়গা ছাড় দিয়ে কেন দেওয়ালে কি রাখবে, কোথায় খাট, কোথায় কুমির পড়ার টেবিল সব কালির আঁচড়ে সাজানো।

মিহির হেসে ফেলল,—ড্রয়িংরুমের জন্য এতটা জায়গা দিলে ডাইনিং স্পেসটা বড় ছোট হয়ে যাবে না?

—কি আর করা যাবে? শ্রাবণী মোটেই হাসল না—সদর দরজার জন্য তিনফুট বাদ দিলে ড্রয়িংরুমের চওড়াটা হয় মাত্র ছয়। টানা দশফুট লম্বা যদি রাখি, মানে বেডরুমের দরজার আগে পর্যন্ত তাহলে মোট জায়গা দশ বাই ছয়। এইটুকু জায়গায় তুমি কোথায় কি রাখবে বলো? তাও তো ডাইনিং স্পেসটা নয় বাই নয় রেখেছি।

—কিভাবে? দুপাশে বেডরুমে ঢোকার দরজা থাকবে না? সে জায়গাটা তো তোমাকে হিসেব থেকে বাদ দিতে হবে। তারপর ধরো ব্যালকনিতে যাওয়ার দরজাও বাদ।

—তাতে কি? এর মধ্যেই ধরে যাবে।

—ধরবে না। তোমার ডাইনিং টেবিলের সাইজ কি হবে?

কুমি বলে উঠল—ওই ছোট টেবিলটা এবার কিন্তু বাতিল করতে হবে বাবা। মা বলছিল পার্ক স্ট্রীটের কোন দোকানে ডিমশেপের টেবিল দেখে এসেছে, গোল হয়ে বসলে ছ'জন অ্যাট ইজ্জ বসা যায়।

—ও বাবা, টেবিলও দেখা হয়ে গেছে?

—কেন হবে না? শ্রাবণী হাঁটু মুড়ে গুছিয়ে বসল,—আমার নতুন সোফাও দেখা হয়ে গেছে। আমাদের পুরনোটা ওইটুকু জায়গায় ধরবে না। সুপার মার্কেটে

আমি আর কুমি ছেট ছেট বেতের চেয়ার দেখে এসেছি, কুশন দিয়ে সাজিয়ে
রাখলে দারুণ মানাবে।

মিহির প্রশ্ন না করে পারল না, এই খাট আলমারি ড্রেসিং টেবিলগুলো থাকছে
তো? নাকি এরাও বাদ?

—এগুলো ভাগভাগি করে আমাদের আর কুমির ঘরে রাখলে ভালই জায়গা
হবে। শ্রাবণী নিজের আঁকার দিকে ঝুঁকলো,—এই দ্যাখো না, আমি মোটামুটি
সব সেট করেছি। কুমির ঘরে আপাতত ক্যাম্পখাট্টা দিয়ে দেব, ড্রেসিং টেবিলটাও।
বড় আলমারি আমাদের ঘরে বাঁ দিকের দেওয়ালে, ছেট আলমারি কুমির, কুমির
পছন্দমত জায়গায়।

কুমি বলল, আমি কিন্তু পার্কের দিকের ঘরটা নেব।

মিহির হাত ওঠাল,—আরে, দুটো ঘর থেকেই পার্ক দেখা যাবে, ডাইনিং স্পেস
থেকেও। ফ্ল্যাটটা এমনিতে মন্দ হবে না, শুধু ঘরগুলোই যা ছেট ছেট।

—হোক গে, তাও তো নিজের বাড়ি। যত ছেটই হোক। শ্রাবণী গঙ্গীর—
তুমি অফিস যাওয়ার সময় ভদ্রলোকের সঙ্গে দেখা করেছিলে?

—তখন দেখা হয় নি। এই তো ফেরার পথে ঘুরে এলাম।

—কি বলল?

—প্রোমোটাররা যা বলে। প্র্যান স্যাঙ্গশন্ হলেই বাড়ি ভাঙতে শুরু করে দেবে,
তারপর ভিতপুজো তারপরই...তার আগেই কাগজপত্র দিয়ে দেবে বলেছে।

—পুজোর আগে হবে?

—না হওয়ার তো কারণ নেই। বলতে বলতে আচমকা সচেতন হল মিহির,
—কেন? বাড়িঅলা আবার কিছু বলেছে নাকি?

—রোজই তো বলছে। ছেট ছেলের অস্ত্রানে বিয়ে দেবে, ঘর দরকার।

মিহির রেগে উঠল,—কেন? আমাদের এই দেড়খানা ঘর ছাড়া ছেলের কি
ফুলশয্যা হবে না? ওপরে অতগুলো ঘর রয়েছে...

—বজ্জাতি, বজ্জাতি। শ্রাবণীও ঝংকার তুলল,—আসলে আমাদের তুলে
দেওয়ার ধাঙ্কা। ছেলে থাকবে না ছাই। আমরা উঠে খেলেই দেড়গুণ বেশি ভাড়া,
আরও মোটা অ্যাডভাঞ্স... যত তাড়াতাড়ি এখন চলে যাওয়া যায় বাঁচি। বাড়িঅলা
লোকগুলো নিজেদের যে কী ভাবে!

—তুমি বলে দিয়েছ তো আমাদের ফ্ল্যাট তৈরি হচ্ছে?

—বলিনি আবার। মুখের ওপর বলে দিয়েছি।

শ্রাবণী খাট থেকে নামল। রান্নাঘরের দিকে যাচ্ছে। দরজার কাছে গিয়েও

ঘুরে দাঁড়াল,—শোন, প্রোমোটার ভদ্রলোককে বলে দিও মোটামুটি ঘরগুলো তৈরি হয়ে গেলেই আমরা কিন্তু চলে যাব।

চলে যাব। চলে যাব। চলে যাব বলা যত সহজ, যাওয়াটা তার থেকে অনেক বেশি কঠিন। জীবনের সর্বক্ষেত্রেই। এই সামান্য কথাটুকু বুঝতে মিহির শ্রাবণীর অনেকটাই সময় লেগে গেল।

প্রথম প্রথম যখনই সময় পেত কাগজ কলম নিয়ে বসে যেত শ্রাবণী। জায়গা বড় কর, তবু তার মধ্যেই নিজেদের সাজিয়ে নিতে হবে। নিজস্ব ভূমিতে। নিজের মতো করে।

মিহির সময় পেলেই ভাঙ্গাচোরা বাড়িটার সামনে গিয়ে দাঁড়াত। প্রোমোটারের প্ল্যান পাস হওয়ার ঠিক মুখে মুখে হাইকোর্টে ইনজাংশন পড়েছিল। করপোরেশন বনাম গৃহব্যবসায়ীদের মামলা। প্রোমোটার লোকটা বলেছিল, চিন্তার কিছু নেই। মামলার রায় শীগগিরই বেরিয়ে যাবে। বেরোলেই বুনিয়াদ শুরু হয়ে যাবে। মিহির তবুও নেশাচ্ছন্নের মত গিয়ে দাঁড়িয়ে থাকে ভৌতিক বাড়িটার সামনে। চার দিকের নতুন রঙচঙে বাড়িগুলোর মাঝখানে ওই বাড়িটা কী ভীষণ বেমানান, তবু কী অহঙ্কারী! মিহিরকে দেখলেই বাড়িটা দাঁত বের করে যে ব্যঙ্গ করে ওঠে, ভাঙ্গিয়ে আমায়? দখল নিবি?

মিহির প্রবীণার মুখের ওপর সিগারেট ধরায়—নেবই তো। মামলায় জিতে গেলেই নেব। রায় বেরোলেই নেব।

রোজ সকালে খবরের কাগজ খুলে মিহির শ্রাবণী প্রথমে আইন আদালতের পাতা দেখে। রুমিও। রোজ কত মামলার রায় বেরোয়। ধর্ষণের। খুনের। ডাকাতির। বাড়ির মামলার রায় কোথাও নেই। পৃথিবীর কোন্ এক কোণে, দেড়খানা ঘরে, কোন্ শ্রাবণী মিহিরের ফ্ল্যাটের প্ল্যান আটকে গেছে তা নিয়ে কোনও মাথাব্যথা নেই দুনিয়ায়।

অবশ্যে রায় বেরোল। মিহির শ্রাবণী নয়, রুমিরই প্রথম চোখে পড়েছিল খবরটা। যুম যুম চোখে সোফায় বসে কাগজ দেখতে দেখতে লাফিয়ে উঠল রুমি—বাবা, ফয়সালা হয়ে গেছে। নতুন করে প্রোমোটারদের সব প্ল্যান জমা দিতে হবে। এবার নিয়ম সব অন্যরকম।

শ্রাবণীর চোখের সামনে একরাশ ফুলক্ষেপ কাগজ ভেসে উঠল। কাগজ জুড়ে হাজার হাজার জ্যামিতিক টান।

—নতুন করে প্ল্যান তৈরী হবে মানে? আগের মত আর থাকবে না?

—না থাক। কোনও না কোনও ভাবে তো হবেই।

মিহির ততক্ষণাৎ ছুটল গাঁটাগোটা চেহারার সেই সুখী মুখ লোকটার কাছে।

—আপনাদের কাজ এবার তাহলে শুরু হয়ে যাবে তো?

লোকটার মুখে মদু হাসি,—নিশ্চয়ই হবে। এতদিন ধরে আমার ব্যবসাও কি কর মার খেল? আপনাদের ফ্ল্যাটেরই তো শুধু নয়, আর দু-তিনটে জ্যায়গায় কাজ আটকে আছে।

মিহির আশ্চর্ষ বোধ করল,—বাড়িলা মশাই লাইফ হেল করে দিচ্ছে, বুবলেন। ভাড়াবাড়িতে মানুষকে এমন মাথা নিচু করে থাকতে হয়।

—বাড়িলারাই বা কি করবে বলুন! লোকটার স্বরে হঠাৎই বিশ্বজ্ঞানী ভাব,— দিনকাল যা পড়েছে। সব কিছুরই দাম হ ছ করে বেড়ে চলেছে। এই দেখুন না, একটা বছরে ইট লোহার দাম কোথার থেকে কোথায় গিয়ে দাঁড়াল। আমিও কি আর আপনাদের আগের দামে ফ্ল্যাট দিতে পারব?

—মানে?

—মানে কিছু এস্ক্যালেশন তো করতেই হবে মশাই। সাড়ে পাঁচশ'র নীচে আর দিতে পারব বলে মনে হয় না। লোকটা সিগারেট দিল মিহিরের দিকে,— তবে আপনাদের কথা আলাদা। এত দিন ধরে আপনারা আমাকে অ্যাডভাঙ্স দিয়ে রেখেছেন, তাছাড়া বউদিকেও আমি কথা দিয়েছিলাম, শুধু বউদির জন্যই আপনাদের রেট পাঁচশো।

পাঁচশো! মানে পাঁচ সাতে পঁয়ত্রিশ। সাড়ে তিন লাখ টাকা! মিহির দ্রুত হিসাব করে নিছিল। অ্যাডভাঙ্স দেওয়া আছে চলিশ, কুড়িয়ে বাড়িয়ে আর না হয় হাজার পঁচিশকে টাকা জোগাড় করা গেল। হল পঁয়ষট্টি। এল আই সি থেকে দু লাখ। শ্রাবণীর দশভরি সোনা থেকে তিন হাজার টাকা করে হলেও পাওয়া যাবে তিরিশ হাজার। দুলাখ পঁচানবই। বাকিটা? বাকিটা? মিহিরের মুখ থেকে বেরিয়ে গেল,

—পারব না মশাই।

—কেন পারবেন না? যা শর্ট পড়বে আমার কাছ থেকে নিয়ে নিন। ইন্টারেস্ট বেশি নেব না। কুড়ি করে নিয়ে থাকি, আপনার আর বউদির জন্য তারও কনসেশনাল রেট। সিঙ্গাটিন পারেসেন্ট্।

মিহিরের ইচ্ছে করছিল সঙ্গোরে লোকটার হাসি হাসি মুখে একটা ঘূসি চালায়। পারল না। লোকটা পার্টি করত। এ অঞ্চলে এখনও তার অগাধ প্রতিপত্তি। দুপাশে দুটো মারাত্মক কুকুর নিয়ে বসে থাকে লোকটা।

মিহিরের সাধ্য কোথায় রাগটাও দেখানোর !

রাগে ফেটে পড়ল শ্রাবণী,—বদমাইশি। এ শ্রেফ লোকটার বদমাইশি। এত দিন ধরে আমাদের টাকাটা তাহলে আটকে রাখল কেন ?

কড়া রোদে হেঁটে এসে মিহিরের খুব ক্লান্ত লাগছিল। সোফায় গা ছড়িয়ে দিয়ে বলল—ও কথা বলে লাভ নেই। আমরাও তো তুলে নিইনি টাকাটা। আমরাও তো লোভে লোভে...

—এরকম করবে তা কি জানতাম ?

—জানলেই বা কি করতে পারতে ? এখনই বা কি করতে পারো ? বাগড়া ? মারামারি ? সে ক্ষমতা আমাদের আছে ?

শ্রাবণী থমকাল। নিষ্ফল আক্রেগশে দুটো চোয়াল তার টিপ টিপ কাঁপছে। কথা বলতে পারল অনেক্ষণ পর।

—আমরা এখন তবে কি করব ?

—আর একটা বাড়ি দেখে উঠে যাব। সেখান থেকে দিন ফুরোলে আবার একটা বাড়ি। আবার আরেকটা। জীবন আর কদিনের, এভাবেই ঘুরে ঘুরে কেটে যাক না।

মিহিরের দাশনিকতাকে একটুও আমল দিল না শ্রাবণী,—কাল থেকেই তাহলে বাড়ি দ্যাখো। বলতে বলতে একটু যেন উদাস হয়েছে,—এবার দুটো বেডরুম চাই। এই অংগলেই।

—ভাড়া কত পড়বে জানো ?

—কত ? আড়াই হাজার ? তিন হাজার ? আজ থেকে আর একটা পয়সাও জমাব না। আমরা মাইনের সবটাই ভাড়া দিয়ে দেব।

লোডশেডিং চলছে। বাস থেকে নেমে মিহির প্রথমটা অন্যমনক্ষভাবে পুরনো রাস্তা ধরে হেঁটে যাচ্ছিল। সম্বিৎ ফিরতে ঘুরে আবার বড় রাস্তায় উঠল। কালই তারা বাড়ি বদলেছে।

আগেকার বাড়ির থেকে, এবারকার বাড়িটা একটু পিছন দিকে। বাস থেকে নেমে একটু বেশি হাঁটতে হয়। হোক। কদিন পরেই অভ্যাস হয়ে যাবে।

ছায়া ছায়া নাগরিক অঙ্ককার পেরিয়ে মিহির পৌঁছে গেল নতুন ঠিকানায়। শ্রাবণী আজ অফিস যায়নি, মা আর মেয়ে মিলে দুজনে সারাদিন গোছাবে বাড়িটাকে। বাড়িটা ভালই পাওয়া গেছে। চুক্তেই একটা বেশ বড় সড় সাইজের হলঘর।

ড্রয়িং-কাম-ডাইনিং স্পেস। তার বাঁদিকে দুটো বিশাল সাইজের শোবার ঘর। একটা চোদ্দ বাই চোদ্দ, একটা চোদ্দ দশ। উল্টোদিকে আধুনিক কায়দার বিশাল রান্নাঘর, বাথরুম, একটা ছোট স্টোর়েণ্ডও আছে। সব থেকে বড় কথা চবিশ ঘন্টা জল। বাড়িতে চেয়েছিল তিন, শ্রাবণী বলে কয়ে আড়াই হাজারে রাজি করিয়েছে। অ্যাডভাঞ্টাই কমানো যায়নি। ষটা পুরো চলিশ হাজার।

মিহির দেখল শ্রাবণী আর রুমি জানালা দরজাগুলোতে পর্দা ও টাঙ্গিয়ে ফেলেছে। পুরোনা বাড়ির গেরয়াবরণ পর্দা নতুন বাড়ির জানালায় নিথর।

মিহির ঘরে ঢুকে বলল,—সব দেখছি গুছিয়ে ফেলেছ?

শ্রাবণী হাতে একটা মিনি সাইজের লষ্ঠন ধরে আছে। হাবভাব বেশ খুশি খুশি,—তোমার মত অকর্মণ্যের জন্য কাজ ফেলে রেখে আরেকটা দিন ছুটি নষ্ট করি আর কি।

মৃদু হাসল মিহির,—রুমি কোথায়?

—এই তো বিকেলের দিকে পুরনো পাড়ার দিকে একটু গেল। কোন্ বন্ধুর সঙ্গে দেখা করবে।

মিহির জামাকাপড় বদলে বাথরুমে ঢুকল। বেসিনে জল আছে, শাওয়ারেও। ও বাড়িতে বড় জলের কষ্ট ছিল। তিনবেলা মেপে তিনবার জল দিত বাড়িতে। প্রাণভরে স্নান করবে ভেবেও কে জানে কেন শুধু মুখে চোখে জল দিয়ে বেরিয়ে এল মিহির।

শ্রাবণী ডাইনিং টেবিলের সামনে দাঁড়িয়ে চা ঢালছে। মিহির চেয়ার টেনে বসল,—আজকে ফেরার সময় বাসে অবিনাশবাবুর সঙ্গে দেখা হল।

—কে অবিনাশবাবু?

—ওই যে, আমাদের যেখানে ফ্ল্যাট হওয়ার কথা ছিল, তার কাছাকাছিই থাকেন।

—ও।

—ভদ্রলোক বলছিলেন, আপনারা টাকাটা তুলে নিয়ে ভালই করেছেন। ও বাড়ি নাকি এখন ভাঙা যাবে না। বুড়ি আর বুড়ির ভাইয়ি আগের এগিমেন্ট মানছে না। আরও বেশি টাকা চায়।

শ্রাবণীর মুখটা ঝকমক করে উঠল, তাই?

মিহির হাত বাড়িয়ে চায়ের কাপ টানল।

অনেকক্ষণ দুজনে চুপচাপ। অনেকক্ষণ পর শ্রাবণী কথা বলল,—জানো আজ জঙ্গল পরিষ্কার করতে গিয়ে এতগুলো কাগজ বেরোল।

—কী কাগজ?

—হাবিজাবি। ওই সব যা আমি আঁকতাম আর কি।

—তোমার প্ল্যান?

—দূর, এ বাড়িটা ওটার থেকে অনেক ভাল হয়েছে। কত বড় বড় ঘর, কত বেশি জায়গা। ওই ফ্ল্যাটে আমাদের ধরতই না।

লঞ্চনের আলোতেও মিহির স্পষ্ট দেখতে পেল শ্রাবণীর দু চোখ চিকচিক করছে। কেন করছে? মিহির ঠিক বুঝতে পারল'না। মানুষের চোখ কখন চিকচিক করে? আশায়? না হতাশায়? দুঃখে? না সুখে?

মিহিরের চিন্কার করে বলতে ইচ্ছে হল,—আমাদের কি আদৌ কোথাওই ধরে শ্রাবণী? ধরাতে চাইলেও?

কিছুই বলতে পারল না। টিমটিম আলোর পিছনে, নতুন রঙকরা দেওয়ালের গায়ে, দুটো হাল্কা ছায়া প্রকট হচ্ছিল তখন। স্থির। স্পন্দনহীন।

আজ সুবর্ণজয়ন্তী

কা

কভোরে ভেতর দালানে পা রাখতেই টেবিলখানা আজ ঠক করে চোখে
লাগল সুহাসিনীর। ম্যাগো ম্যাকী দশা! অমন ফুটফুটে ষ্টেপাথরের
টেবিল একেবারে কালচিটে মেরে গেছে গো! কেউ একটু গতর নাড়িয়ে
মোছে না!

ঘূম জড়ানো পায়ে টেবিলের কাছে গেলেন সুহাসিনী। হাত রাখলেন পাথরে।
স্নেহে, মমতায়। কত কাল পর এ টেবিল এত ফাঁকা দেখছেন। সারাক্ষণই তো
কারুর না কারুর দখলে। সুহাসিনী যখন শুতে গেলেন তখনও, যখন বিছানা ছাড়লেন
তখনও। এই দেখো বড় তরফের ঝন্টু বউ-ছেলে নিয়ে মুড়িছোলা খাচ্ছে, তামনি
ছোট তরফের নীপু সপরিবারে টোস্ট ওমলেট হাতে বসে গেল। দীপুরা যদি
কর্তাগনীতে একপাশে মাংসভাত খেতে বসে, তো অন্য পাশে ভাতের গর্তে
ট্যালটেলে মুসুর ডাল ঢালে রন্টু। তারা না উঠতেই মন্টুরা ডিমের বোল ভাত।
মোদ্দা কথা, শূন্য নেই কখনই। যেমনটি আছে এখন। খাওয়া না থাকলেই বা
কী! কখনও রন্টুর বউ গোটা টেবিল ছড়িয়ে রেশনের গমের কাঁকর বাছছে, কখনও
আটা টেসছে নীপুর বউ। ঝন্টুর কাজের মেয়েটা মাজা বাসনের উঁই উপুড় করে
দিল, দেখাদেখি দীপুর কাজের মেয়ে ছড়িয়ে দিল ধোওয়া কাপ-ডিশ। জল বরাচ্ছে।
বেশি বয়সে ছেলে হয়েছে বলে মন্টুর বউয়ের আবার আদিখ্যেতা খুব, যখন তখন
ছেলেকে নাড়ুগোপাল সাজিয়ে বসিয়ে দিচ্ছে টেবিলে। মুতবি তো বাবা ওখানেই
মোত, নামিস না লক্ষ্মীসোনা! তা সে নাড়ুগোপাল জল ছেড়েছে কি ছাড়েনি,
অমনি ধুক্কুমার। দীপুর বউ ঝামটে এল, ঝন্টুর বউ ডানা ছড়াল, রন্টুর বউ ফণা
তুলল, নীপুর বউ গলা। কথায় কথায় টেবিল চাপড়ে কীর্তন জুড়েছে পাঁচ বউ,
দোহারকি দিচ্ছে বরেরা। আহা, কী দৃশ্য!

ভাবতেই বিবরিয়া। আলো অঙ্ককারে ভুতুড়ে রকমের একা হয়ে দাঁড়িয়ে থাকা প্রকাণ টেবিল ছেড়ে বিরক্ত মুখে বারোয়ারি বৈঠকখানা পার হলেন সুহাসিনী। এসে দাঁড়িয়েছেন বড় দালানে। সামনে এক সকাল ফুটছে। পরশু শ্রাবণ সংক্রান্তি, আকাশে এখনও ভারী মেঘ, আলো বড় কম। রাতের দিকে কয়েক পশলা বৃষ্টি হয়েছিল, এখনও চারদিক ভেজা ভেজা, প্রশস্ত উঠোনের ছোট বড় ফাটলে জল জমে আছে। গেটের ধারে দুই বৃক্ষ বৃক্ষ পামগাছ সিঞ্চন শরীরে পথ চেয়ে আছে সূর্যের। তা তিনি বোধহয় আজ আর বেরোবেন না, মেঘবন্দি হয়েই থাকবেন সারা দিন। পাখিরা আড়মোড়া ভাঙছে, গলা সাধছে, এবার তাদের নীড় ছাড়ার পালা।

এত ভোরে সুহাসিনী ওঠেন না আজকাল, উঠতে পারেন না। ক্ষমতায় কুলোয় না। রাতভর জেগে জেগে শেষ প্রহরেই চোখ দুটো জড়িয়ে আসে যে। প্রথম রাতেও তন্ত্র আসে অল্প অল্প, কিন্তু তখন চোখের পাতা এক করে কার বাপের সাধ্যি! বড় তরফের ঝন্টু, মন্টু, রন্টু আর ছোট তরফের দীপু, নীপু, পাঁচ শরিকের ঘরে লাগাতার তাণ্ডব চলছে। ও ঘরে গাঁক গাঁক টিভি, তো ও ঘরে ঝাঁঝ ঝাঁঝ টেপ। একতলায় কোনও স্বামী স্ত্রীতে বাধল, দোতলায় ছেলেপিলের। ওপরে রন্টুর ঘরে মিয়াবিবির কোন্দল তো বাঁধা রুটিন। ঝন্টুর দুই ছেলে গোটা সঙ্গে টো টো করে পড়তে বসবে রাত দশটার পর। পড়া তো নয় যেন দুই ভাই পাল্লা দিয়ে ডাকাত তাড়াচ্ছে। নীপুর বড় মেয়েটা গান শিখছে, তারও রাত না বাড়লে গলায় সুর আসে না। দীপু আবার আর-এক কাঠি বাড়া, সবাই নিবলে তিনি জ্বলে ওঠেন। বোতল কুমারের মোছবই শুরু হয় মাঝরাতে। হইশ্বি লাও, সোডা লাও, চিংকার কী! ভি সি আর না ফি সি আর কি যন্ত্র কিনেছে, তাই চালিয়ে বাঁজা বউয়ের সঙ্গে বসে ন্যাংটো মেয়ের লীলা দেখে। আর সে কথা সুহাসিনীকে শুনতে হয় কি না নীপুর মেয়ের কাছে! কী লজ্জা কী লজ্জা! মন্টুটাই যা একটু পদের। শান্তিশিষ্ট, বাড়ির সাতে পাঁচে থাকে না, গলা নামিয়ে কথা বলে, কিন্তু তার আবার অন্য ব্যায়রাম। দেশোক্তির! রাতদুপুর অবধি পার্টির ছেলেরা ঘরে ঢুকছে, বেরোছে, জুতোর মশমশ, চটির ফ্যাটফ্যাট, সাইকেলের কিরিরিং কিরিরিং। এত কিছুর ফাঁক গলে নিদ্রাদেবী আসবেন কোন্ পথে!

অগত্যা সুহাসিনীর একটাই কাজ। প্রহর গোনা। এবং প্রহর গোনা। এবং প্রহর গোনা। দূরের শালিমার ইয়ার্ডে মালগাড়ি শান্তিংয়ের গুম গুম শব্দ বাজে হঠাতে হঠাতে, কুকুরের পাল এ বাড়ির মানুষদের থেকেও বিশ্রী গলায় ঝগড়া করে রাস্তায়, রাত কাঁপিয়ে দুপদাপ ছুটে যায় লরি, মাথার উপর দীপুর ঘর থেকে ছিটকে আসে

অল্পীল শব্দের ফুলকি...যমযন্ত্রণা! এর পর যে সাতটার আগে সুহাসিনীর চোখ
খুলবে না, এ আর বিচির কী!

তা শেষ রাতের ওই মলিন ঘুমটুকুও পুরো হল না আজ। আকাশ ফর্সা হওয়ার
আগে থেকেই ভ্রাম বাজছে। প্রকৃতিতে নয়, পাড়ায়। সঙ্গে পৌপুপো পৌপুপো
পৌ বিউগলু ধৰনি, গটমট জুতোর আওয়াজ। মিন্তিরবাড়ির কাবুল হেঁকে চলেছে,
লেফ্ট রাইট, লেফ্ট রাইট, লেফ্ট রাইট...

সুহাসিনী চোখ কচলালেন। যৎসামান্য ঘুমটুকুই যা সুখ, তাও ঠিকমতো না
হলে মাথা কেমন টলমল করে আজকাল। পঁয়বট্টিতেও সুগার প্রেশার কোনও
উপসর্গই নেই তাঁর, তবু করে। বয়সটা যেন হড়মুড়িয়ে ঘাড়ে চেপে বসছে।
কদিন আগেও দৃষ্টি বেশ পরিষ্কার ছিল, ষাট সত্তর গজ দূরে ওই নারকেল গাছটায়
টিয়াপাখির ঝাঁক উড়ে এলে স্পষ্ট দেখতে পেতেন, এখন গেটের মাথায় কি
নাচছে, শালিখ না কাক, তাও যেন ঠিকমতো ঠাহর হয় না। ছানি পড়বে? একটা
ইন্দ্রিয় বুঝি গেল তবে।

মন্টুদের ঠিকে বি এসে গেছে ভোর ভোর। ঝাঁট দিচ্ছে। মন্টুদের ঘরের
ধূলোময়লা ঠেলে এনে নীপুর দোরগোড়ায় জড়ো করে দিল। হায় রে মা, নীপুর
বউ এখনই বেরোলে কুরুক্ষেত্র বেধে যাবে। সুহাসিনী তাড়াতাড়ি চোখ সরিয়ে
নিলেন।

—গুড মর্নিং পিসিঠাম্বা।

রন্টুর ছেলে দোতলা থেকে চটাপট নেমে আসছে, ঘাড় ফিরিয়ে হাসলেন
সুহাসিনী। ঝাকঝাকে দাঁত মেলে। নাতির কায়দায় বাও করলেন নাতিকে, মন্নিং।
এত ভোরে সেজেগুজে চললি কোথায় রে?

—বারে, আজ স্বাধীনতার পঞ্চাশ বছর না: প্রভাতফেরি আছে।

—ও। ইস্কুলে?

—উচ্ছ, ক্লাবে। শুনতে পাচ্ছ না, কখন থেকে কাবুলদা ছইসিল দিচ্ছে!

—তাই বল্। আমি ভাবছি সকাল থেকে কিসের আবার রাজযজ্ঞ শুরু হল!

টুকাইয়ের পরনে সাদা হাফপ্যান্ট, ধৰধৰে সাদা শার্ট, গলায় ফাঁসের মতো তেরঙা
চাই। লাফিয়ে লাফিয়ে উঠোনের জলকাদা পার হচ্ছে টুকাই, সাবধানে, অতি
সাবধানে।

একতলায় নীপুদের দরজা খুলে গেল। নিজেদের দু'কামরার মহল থেকে এক
লাফে বেরিয়ে এসেছে নীপুর ছেট মেয়ে। টুকাইয়েরই সমবয়সী, সবে ক্লাস ষি।

উজ্জেবিত মুখে চিনিয়ে উঠল মিস্টুলি,—এই, তুই স্কুলে যাবি না?

—আগে কাবুলদাৰ ফাংশন শেষ হোক। টুকাইয়েৱও সোচ্চার উন্তুৰ।

—তাৰ মানে স্কুলে যাচ্ছিস না?

—যাচ্ছি না তো যাচ্ছি না। তোৱ কী রে?

—আজ কিঞ্চি স্কুলে রোল কল হবে। আস্টি বলে দিয়েছে।

টুকাই গেটেৱ সামনে দাঁড়িয়ে গেল—আমি কাল গার্জেনেৱ চিঠি নিয়ে যাব।
মা লিখে দেবে বলেছে।

—আস্টি যদি ধৰে ফেলে?

—ধুস। তুইও তো মাসিৱ বিয়েতে গিয়েছিলি, রাঙাজেঠি জ্বৰ হয়েছে লিখে
দিল, আন্টি ধৰতে পেৱেছে? বলতে বলতে টুকাই ফিরছে পায়ে পায়ে। কাছে
এসে গলা নামাল, তুইও স্কুলে যাস্ না। কাবুলদা আজ হেব্ৰি প্যাকেট দিচ্ছে।
মিস্টুলি দু'পা এগোল, কী দেবে রে?

—অনেক কিছু। প্যাটিস, ফিশচপ, পেস্ট্ৰি, কোল্ডড্্রিফ্স...

—এত?

—বাবে, গোল্ডেন জুবিলি না! সুহাসিনীৱ দিকে আড়ে তাকিয়ে নিল টুকাই,
কাবুলদা বেশি ইঁটাবেও না। ব্যাতাই তলাৰ মোড় পৰ্যন্ত, ব্যাস্। আৱ স্কুল গোটা
শিবপুৰ রাউণ্ড দেওয়াবে, হাতে ধৰাবে টিফিনকেক আৱ লাঢ়ু। কোনটা ভাল?

মিস্টুলি দোনামোনায় পড়ে গেছে। মজা লাগল সুহাসিনীৱ, হাসছেন মিটিমিটি।
নাতি-নাতনিৱাই যা এখন মনেৱ আৱাম।

দুম কৱে নীচেৱ ঘৰেৱ জানালা খুলে গেল। নীপুৰ বউ ইঁক পাড়ছে, মিস্টুলি,
ঘৰে চলে এসো। হাঘুৱেপনা কৱতে হবে না।

সিঁড়িৰ মুখ থেকে তক্ষুনি ঝক্কার উড়ে এল, কি হচ্ছে কি টুকাই? কতদিন
না বাবণ কৱেছি গায়ে পড়ে কাৰুৱ সঙ্গে কথা বলবে না!

—আমি বলি নি মা। মিস্টুলি আমায় ডাকল।

—জানি তো। নিজেৱা লোভে লক লক, অপৱকে বলে হাঘুৱে!

—তোৱ ছেলেকে কিছু বলিনি মণিকা, নিজেৱ মেয়েকে বলেছি। কুঠুৱি থেকেই
কথা ছুড়ছে নীপুৰ বউ, তোৱ গায়ে লাগল কেন?

—কথা ঘুৱিও না রাঙাদি। কে কোন্ মনে কী বলে সব বুঝতে পাৱি।

—সে তো বুঝবিই। তুই হলি গিয়ে বটতলাৰ উকিলেৱ বেটি...

শুক্র হল। দস্তবাড়ি জেগে গেছে। এবাৱ বাপবাপান্ত শাপশাপান্ত চাপান-উতোৱ
চলল।

সভয়ে সৱে এলেন সুহাসিনী। ভেতৱ দালানে। সকাল সকাল বিছানা ছেড়ে

এই তো লাভ ! দিনভর গা ম্যাজম্যাজ করবে এখন, পুজোআচার্য মন বসবে না, সুচিন্তা মাথায় আসবে না, একটা পেঁকো গন্ধ সারাক্ষণ ম ম করবে নাকে । টেবিলে চোখ পড়াটাই যত নষ্টের মূল । যার ঝিরকুটেপনা দেখে চোখ করকর করে, তার পানে চোখ যায় কেন !

চোখেরও বলিহারি, সেই ফিরে ফিরে টেবিলটাকেই দেখে ! পায়াগুলোও গেছে ! রঙ নেই, পালিশ নেই, ছ'খানা পায়ারই কী করুণ হাল ! মাঝের একটা পায়া কেতরে আছে না ? কাছে গিয়ে পরথ করলেন সুহাসিনী । যা ডেবেছেন তাই, জোড় খুলে লতলাত করছে, কোনও ক্রমে মেঝে আর পাথর ছুঁয়ে আছে পায়া । আলগা চাপ দিলেন সুহাসিনী, ঠেললে যদি স্বস্থানে ফেরে ।

মন্টু দাঁত ব্রাশ করতে করতে পিছনে এসে দাঁড়িয়েছে,—উবু হয়ে কী দ্যাখো গো পিসি ?

—পায়াটা তো গেছে রে । একটু গজাল পেরেক এনে ঠুকে দিতে পারিস না ? একটা মিস্ট্রিও তো ডেকে আনতে পারিস ।

—ও টেবিলের কি আর কিছু আছে পিসি ! এক পায়া সারালে আর-এক পায়া যাবে ।

—সব কটা সারাবি । একসঙ্গে সারাবি ।

—তা হলে তো একদিন এস্টিমেটে বসতে হয় । তোমার অন্য ভাইগোদেরও বলে দ্যাখো, সবাই যা বলবে তাই হবে ।

দায় এড়ানো কথা । জানে পাঁচ শরিক কখনও একত্র হবে না । দুই শরিকেই বা কী করেছিল, সুহাসিনীর দুই দাদা ! প্রাসাদের মতো বাড়ি খসে ভেঙে পড়ছে, বড়দা দেখায় ছোড়দাকে আঙুল, ছোড়দা দেখায় বড়দাকে । যে যার মতো কলি ফেরায় নিজের অন্দরের, বহিরঙ্গে কী রূপ দেখেও দেখে না । তাদেরই তো ছেলেপিলে সব, পৃথক আর কি হবে ! হিংসেয় জলে মরে, বিধাতার পরিহাসটুকু বোঝে না । অত বিবাদ, হেঁশেল ভিন্ন, কথা বন্ধ, তবু যেই না ছোট ভাই চিতেয় উঠল, অমনি পিছু নিল বড় ভাই । তিনটে মাস কাটতে না কাটতে । বছর না ঘূরতে বড় গিন্নিও হাঁটা দিয়েছে পরপারে । আর পোড় খেয়ে, মার খেয়ে, ছোট গিন্নির ঠাই শেষে মেয়েদের দোরে । এখানে এসে তার তো এখন তুইথুলি মুইথুলি দশা । দীপু বলে, নীচে নীপুর ঘর বড়, ওখানে থাকো । নীপু বলে, ওপরে আলো হাওয়া বেশি, সেখানে যাও । বেচারা ছোট বউ, ননদকে যে একটি দিনের তরে সইতে পারল না, এখন এ বাড়ি এলে তার ঘরই তার আশ্রয় । ভাগ্যে একখানা কামরা সুহাসিনীকে লেখাপড়া করে দিয়ে গিয়েছিলেন বাবা, বালবিধিবা মেয়ের

নামে টাকা রেখেছিলেন ব্যাক্সে, তাই না এমন ভাইপোদের অন্নদাস হতে হল না কখনও !

টেবিলটায় ভর দিয়ে উঠে দাঁড়ালেন সুহাসিনী। হৃদয় নিংড়ে একটা লম্বা শ্বাস গড়িয়ে এল। নিজের জন্য নয়, ছোট বউদির জন্য নয়, বেচারা টেবিলখানার জন্য। কী ছিল রে তুই, কী হয়েছিস!

এই বুবি তবে জগতের নিয়ম! এজমালি হয়ে গেলে সাত রাজার ধন এক মানিকও ফেলনা হয়ে যায়। হায় রে।

সাত রাজার ধনই বটে। এমন টেবিল এ অঞ্চলের আর কেউ আর দ্বিতীয়টি দেখেনি আগে। শুধু তারা কেন, তাদের পরিচিত কেউ দেখেছে বলেও শোনা যায় না। যেমন আকার, তেমনই বাহার। প্রকাণ্ড দালানে পড়ে থাকে বলে এর বিশালত্ব মালুম হয় না, আড়ে দৈর্ঘ্যে কমপক্ষে একখানা ছোটখাটো ঘরের সমান। ছ’ ছ’খানা কারুকাজ করা দামি কাঠের ঠ্যাং, ঝকঝকে সাদা পাথরের গাঁ ঘেঁষে লতাপাতার অপরূপ নকশা, ঠিক চৌকোও নয়, গোলও নয়, ডিম-শেপও নয়, টেবিলখানার এ এক আকর্ষ্য আকৃতি।

এ টেবিলের সঠিক ঠিকুজিকুষ্টিও কারুর জানা নেই। তবে এই শ্রেতপাথরের টেবিলখানা ঘিরে একদা অনেক গল্পকথা চালু ছিল চারদিকে। গোটা তল্লাটে দক্ষবাড়ির মার্বেল টেবিল এখনও এক জীবন্ত কিংবদন্তি। কেউ বলে এর বয়স একশো, কেউ বলে তিনশো, আবার কেউ-বা বলে পাঁচশো। কোনও পরিস্থিতিতেই অনুমানটা সত্ত্বে আশির নীচে নামে না, তাতে নাকি এই টেবিলের মর্যাদাহানি হয়। চূড়ান্ত নব্যপন্থীদের মতে কলকাতার শেষ বড়লাট যখন এখান থেকে দিল্লিতে রাজ্যপাট উঠিয়ে নিয়ে যাচ্ছিলেন, তখনই নাকি অর্ডার দিয়ে বানিয়েছিলেন টেবিলখানা। শেষমেশ ডিজাইনটা গিন্নির পছন্দ না হওয়ায় পেঁজাই ভারী গন্ধমাদল তিনি আর সঙ্গে নিয়ে যাননি, বেচে দিয়ে যান এক পার্শ্ব ব্যবসায়ীকে। সেই পার্শ্ব বণিক, পেস্টেজি না সোরাবজি কী যেন নাম, তিনিও বছর দুয়েকের বেশি ব্যবহার করেননি টেবিল। ব্যবসাপন্তের গুটিয়ে দেশের পশ্চিম মুলুকে পাড়ি দিয়েছিলেন তিনি, তখনই চুকিয়ে দিয়ে যান এক নিলামঘরে, সেখান থেকেই দক্ষবাড়িতে পা রেখেছে এ টেবিল।

এ গল্পের শেষটুকুনি নিয়ে কোনও দিমতই নেই, কিন্তু প্রথমটা প্রায় কেউই বিশ্বাস করে না। পাড়ার রোয়াকে, বৃক্ষদের আড়ায়, এর ওর বৈঠকখানায় কদিন আগেও সব থেকে চালু গঞ্জটা ছিল আর-একটু অন্য রকম। টেবিলটা সাহেব,

পার্শি, নিলামঘর হয়েই দন্তবাড়িতে চুকেছিল বটে, তবেও টেবিল নাকি সাবেবদেরও নয়। দিল্লির বাদশা ফারুখশিয়ার নাকি একবার এক জবরদস্ত অসুখে পড়েছিলেন, যাই হাই দশা। এক সাহেবের ডাক্তার, ইংরেজই হবে, সে নাকি প্রায় ভেলকি দেখিয়ে যমের দরজা থেকে বাদশাকে ফিরিয়ে এনেছিলেন। সেই সুন্দেহেই প্রচুর উপটোকন পেয়েছিলেন সাহেব, ওই টেবিলও তার মধ্যে একটি। তারপর ডাক্তারের বৎসরদের হাত ঘুরে ঘুরে কলকাতার নীলামঘরই হয় তার অস্থায়ী আস্তানা।

এই উপাখ্যানটিই অধিকাংশ লোকের মনপ্রসন্দ। হয়তো নবাব বাদশার গন্ধ আছে বলেই। তবে ফারুখশিয়ারই ওই লা-জবাব মেজখানির প্রথম মালিক কিনা তাই নিয়েও বিস্তর মতবিরোধ আছে। কেউ বলে ফারুখশিয়ারের পূর্বপুরুষ রাজপুতদের কাছ থেকে ভেট পেয়েছিল ওটা। আবার কেউ বা বলে কোন এক ভীল রাজার জঙ্গলমহল থেকে এই মহার্ঘ বস্তুটিকে লুঠে এনেছিল রাজপুতরা। সেই অরণ্যচারী কোথেকে এটি পেয়েছিল, নিজে বানিয়েছিল কি না, এমন এক শৌখিন টেবিলে তার কি প্রয়োজন ছিল, তা নিয়ে অবশ্য আর তর্কাতর্কি জমত না বিশেষ, তার আগেই লোকজনের হাই উঠত।

এসব কাহিনী উপকাহিনী সুহাসিনীরও অজানা নয়, বরং আরও বেশি জানেন। বাইরে প্রচারিত সব গল্পেরই মূল উৎস তো এই দন্তবাড়িই, তারাই না এসব কাহিনী ফেঁদে টেবিলটাকে ঘিরে এক রহস্যের বাতাবরণ তৈরি করেছিল। এদের মধ্যে সেরা গঞ্জোবাজ ছিলেন সুহাসিনীর বাবা। মাত্র দু'বছর শ্বশুরঘর করে সতেরো বছরে বাপের বাড়ি ফিরে আসা বিধিবা মেয়ের মন ভোলাতে হঠাত হঠাত আজব গঞ্জো ফাঁদতেন তিনি। একবার বলেছিলেন এ টেবিল নাকি হস্তিনাপুরের রাজসভায় ছিল, এর ওপরেই নাকি পাশা খেলেছিলেন শকুনি আর যুধিষ্ঠির!

ওই আষাঢ়ে কাহিনীও কি পঞ্জবিত হয়েছিল তাঙ্গাটে? সুহাসিনীর জানা নেই। তবে এও ঠিক, বাবার মুখে গল্প শুনে শুনে একসময়ে তাঁর সত্ত্ব ধারণা জন্মেছিল এই টেবিল বুঝি অজর অমর অক্ষয়।

আজ, এই শেষ বয়সে এসে, সুহাসিনীর মনে বড় ধন্দ জাগে। অজর অমরই যদি হবে, কাঠের পায়া তবে খসে খসে পড়ে কেন? পাথরের নয় লয়ক্ষয় নেই, অনন্তকাল টিকলেও টিকতে পারে, কিন্তু কাঠ? হাঁ...ফেরতা হওয়ার কালে পায়া কাঠামো কি বদল হয়েছে বারবার? হতেই পারে। সুহাসিনীর বিয়ের বছরেই তো মেরামত হল একবার, নয় কি? সেবারেই না...।

বাপ রে, সে কী রই রই কাণ! সেও ছিল এক শ্রাবণ মাস, অস্তানে সুহাসিনীর বিয়ে, স্থির হল পুজোর আগে সারাই হবে টেবিল। ঠাকুর্দা সাহেব কোম্পানিতে

এন্টেলা পাঠালেন, হ্যাট কোট পরা সাহেব মিস্ট্রি নিয়ে হাজির। দশ-বারো জন মজুর হৈইয়ো মারি জওয়ানদারি করে বৈঠকখানা থেকে দালানে বার করছে টেবিল, চাগাড় দিয়ে তুলল কষ্টেস্টে, শেষে দরজা পেরোতে গিয়েই বিপত্তি। দুই মজুর চৌকাঠে হোচ্ট খেয়ে হড়মুড়িয়ে পড়ল, সামাল দিতে না পেরে বাকিরা ফেলেই দিল টেবিলখানা। সঙ্গে সঙ্গে দু'দিক থেকে দু' কোণ ভেঙে টুকরো। ঠাকুর্দার কী আফসোস, সাহেবদের খবর না দিয়ে নিজেরই নাকি মিস্ট্রি লাগানো উচিত ছিল!

সেই থেকেই ও টেবিল পড়ে আছে ভেতর দালানেই। খুঁতো হয়ে। তার গল্প ইতিহাস নিয়েও আর তেমন মাথা ঘামায় না এ-বাড়ির কেউ, ভাঙা টুকরো দুটোর জন্য হাহতাশ তো কবেই উবে গেছে। দেড়েমুসে ভোগ করছে সবাই, এই না সুখ।

কী অত্যাচার! কী অবহেলা! কী অনাদর!

তারস্থে মাইক বাজছে। ভোরের কুচকাওয়াজের পর থেকেই। কখনও হিন্দি, কখনও বাংলা, কখনও দেশাঞ্চবোধক, কখনও রবীন্দ্রসঙ্গীত। দেশপ্রেমের বান ডেকেছে চারদিকে।

সুহাসিনী সকালের পুজোয় বসেছেন। পুজো মানে তেমন কিছু উপচার সাজিয়ে বসা নয়, রাধাকৃষ্ণের যুগল মূর্তির সামনে দু' বেলা দু' দণ্ড নিরামলা হওয়া। আজ আসন পাততে একটু দেরিই হয়ে গেল। স্নানে যাবেন, মন্টুর বউ বলল আজ নাকি শুভদিন। কিসের শুভদিন শ্রীহরিই জানেন, ঘরে ঘরে তো কলহের কামাই নেই! নীপু, রন্টু সেই থেকে গজরাছিল, সবে থামল। খানিক আগে কী মুখখারাপটাই না করল দীপু, কানে আঙুল দিতে হয়। তারে মেলা পাঞ্জাবিতে তার কে না কে ত্রেড মেরে রেখেছে! ঝন্টুর বড় ব্যাটার কারসাজি হলেও হতে পারে, গেঁফ গজাতে না গজাতেই যা ত্যাদোড় হয়ে উঠেছে ছোকরা। তার পরও মন্টুর বউয়ের মুখে শুভদিন কথাটা শুনে সুহাসিনীর বুক যে কেন কুনকুনিয়ে ওঠে! স্নানে না গিয়ে ঘর গোছাতে বসলেন সাতসকালে। কী বা আছে ঘরে, একটা ছোট পালঙ্ক, আয়না বসানো ঢাউস কাঠের আলমারি, ছোট একটা সিলুক, দুটো মিটসেফ, আর একখানা সাবেকি আলনা। তাই ঝাড়তেই ঘড়ির কাঁটা সাড়ে আটটা পার। আর-একটু আগে হত, যদি না রাজের লোকের আমোদ দেখতে সতেরোবার ছুটতেন বাইরে।

হ্যাঁ, আমোদ একটা হচ্ছে বটে। দিনটা তো প্রতিবারই আসে, প্রতিবারই যায়, সুহাসিনী তেমনভাবে টের পান কই! এবার যেন জাঁকজমক চোখে আঙুল দিয়ে

খোঁচাচ্ছে। লরির পর লরি চলেছে তিকির তিকির, লরির পিঠে দুলে দুলে গান গাইছে ছেলেমেয়েরা। ব্যান্ড পাটিই গেল কত, সাতটা আটটা দশটা...গুনে শেষ হয় না।

গুমগুম কিল পড়ছে দরজায়, ধ্যানে বিষ্ণু ঘটল সুহাসিনীর। হাঁক পাড়লেন, কে রে?

—আমি। শামু।

হঠাৎ ঝন্টুর ছোট পুতুর কেন! সুহাসিনী গলা খাঁকারি দিলেন, কি চাই?

—দরজা খোল না। একসাইটিং নিউজ।

সেভেনে উঠল ছোঁডা, খুব ইংরিজি ফটর ফটর করে। ধীরে সুস্থে দরজা খুললেন সুহাসিনী, কি নিউজ শুনি?

শামুর পরনে এখনও স্কুলড্রেস। হাঁপাচ্ছে, তুমি রান্না বসাওনি তো পিসিঠাম্মা?

—আ মোলো যা, এখনও বলে আমি দাঁতে কুটোটি কাটিনি! সুহাসিনী চোখ ঘোরালেন, কেন?

—রান্না বসিও না। আজ তোমার নেমন্তন্ত্র।

—কোন্ চুলোয়?

—আজ একটাই চুলো জুলবে।

কথাটা সুহাসিনীর বোধগম্য হল না, ফ্যাল ফ্যাল তাকাচ্ছেন।

শামু কায়দা করে ঘাঁড় ঝাঁকাল, আজ সবাই মিলে ফিস্ট হবে। বাবা, বড়কাকা, মেজকাকা সব একসঙ্গে বসে ডিশিশান নিয়েছে। মা তোমায় বলতে বলল। তোমার জন্য আজ স্পেশাল ভেজিটেরিয়ান ডিশ।

সুহাসিনী দপ করে চটে গেলেন, বচ্ছরকার দিনে আমায় নিয়ে মজা হচ্ছে?

—মজা নয় পিসিঠাম্মা, ফ্যাস্ট। বড়কাকা তো একটু আগে খুব চেঁচাচ্ছিল, বাবা গিয়ে প্রোপোজালটা দিতেই গলে জল। ছোটকাকা, রাঙ্গাকাকা সবাই জয়েন করছে।

—আর তোর কাকিমারা?

—মিলে গেছে। শামু চোখ টিপল, হাতে হাত ধরে সব রান্না করবে আজ। লম্বা লাইন করে।

সুহাসিনীর তবু বিশ্বাস হয় না। শামুটা অশ্বানবদনে ফক্সুড়ি মেরে যেতে পারে। এক্ষুনি হয়তো কোনও বউকে জিজ্ঞেস করতে গেলে ছ্যারছ্যার চারটি কথা শুনতে হবে সুহাসিনীকে।

তখনই মন্টুর মহলের দিকে চোখ গেল। ধোপদুরস্ত পাজামা পাঞ্জাবি পরে

ছেলে কোলে বেরিয়েছে মন্টু। গলা ওঠালেন সুহাসিনী, অ মন্টু, এদিকে শোন।
শামু যা বলছে তা কি সত্যি?

মন্টু হাসিমুখে এগিয়ে এল, কী ব্যাপারে বলো তো?

—আজ নাকি তোরা সবাই এ বাড়িতে ফিস্ট করছিস?

—সবাই বলছে কেন, তুমিও আছ। চাঁদা তুলে একসঙ্গে খাওয়াদাওয়া আর
কি। ভাবছিলাম, আজকের দিনটা অভিনব উপায়ে সেলিব্রেট করব...দাদা প্রস্তাবটা
দিল...

সুহাসিনী প্রায় গলে গেলেন, আমায় কত দিতে হবে?

মন্টু হো হো হেসে উঠল, তোমার কিছু লাগবে না। তুমি আজ গোল্ডেন
জুবিলির চিফ গেস্ট।

—কেন, দিই না কিছু?

—উঁহ, সবাই মিলে আমরা ডিসাইড করেছি। দাদা, মেজদা, রন্টু, নীপু...

—তোরা সবাই একত্র হয়েছিলি! আহুদে চেখ পিটপিট করছেন সুহাসিনী,
টেবিলের কথাখানা তুলেছিলি বাপ?

মন্টুর বুকতে বুকি কয়েক সেকেন্ড সময় লাগল। তারপরই হেসে উঠেছে
আবার। আরও উচ্চেঃস্থরে, তুমি কী গো পিসি। আজকের দিনে কেউ অমন
সেঙ্গেটিভ কথা তোলে!

—একবার বললে পারতিস।

—বলবধন। সময়মতো। তাল বুঝে। বলতে বলতে ঘড়ি দেখছে মন্টু, দামুটা
এখনও ফিরছে না কেন? আমাকে আবার বেরোতে হবে...

—কোথায় গেছে দামু?

—বাজি কিনতে। আমিই পাঠালাম। গোল্ডেন জুবিলিতে বাড়িতে ফ্ল্যাগ তোলা
হবে, একটু পটকা ফাটবে না তা কি হয়! এটা সেরেই আমাকে একবার হাওড়া
ময়দান ছুটত হবে। বক্তৃতা আছে। সেখান থেকে একবার বাক্সাড়া ঘুরে...চার
পাঁচটা আইটেম রান্না হবে, দেড়টা দুটোর আগে ফিরলেই হল, কি বল পিসি?...এই
শামু, তোর দাদাকে দ্যাখ না, কোথায় গেঁজে গেল!

শামু উর্ধ্বর্ষাসে ছুটেছে। পায়ে পায়ে উঠোনে নামল মন্টু। দোমহলা বাড়ির
দিকে ফিরে চেঁচাচ্ছে, দাদা, মেজদা, রন্টু, নীপু, কী হল রে তোদের? তাড়াতাড়ি
নাম।...মেয়েরা, এসো।

সবার আগে একতলা থেকে বেরিয়ে এল নীপু, নীপুর বউ। সঙ্গে বুলবুলি,
সে আজ সালোয়ার-কামিজ ছেড়ে শাড়ি পরেছে। দোতলা থেকে বাজারের থলি

হাতে নেমে আসছে দীপু আর মন্টু, রন্টুর বউ তাদের পিছন পিছন। রন্টু আর দীপুর বউ হাসতে হাসতে সিঁড়ি ভাঙছে, বাকি দুই বউ বেরিয়ে এল মন্টুর ঘর থেকে।

সুহাসিনীর চোখে পলক পড়ছিল না। পিলপিল করে হাস্যমুখে জড়ো হচ্ছে পাঁচ শরিক, এও কি সম্ভব। গেটে একটা ইয়া বাঁশ বাঁধা হয়েছে, তার ডগায় পতপত নেচে উঠল তেরঙা ঝাঙা। পটকা ফাটছে, শাঁখ বাজছে, উলু দিচ্ছে বউরা...। সুহাসিনী ভোরের দুঃখ ভুলে গেলেন।

পতাকার এত গুণ! নাকি জুবিলির!

নাহ, সত্যিই আজ শুভদিন।

জবুর মেনু হয়েছে আজ। বাসমতি চালের ভাত, সোনামুগের ডাল, দিশি ভেটকির ফ্রাই, ইলিশের ভাপা, মুরগির কারি, আমসম্ভুর চাটনি। শেষ পাতে দইও আছে। ছেলেপিলেদের খাওয়া সারা, কর্তারা এবার বসল। শ্বেতপাথরের টেবিলে। পাঁচ বউ পরিবেশন করছে ঘুরে ঘুরে। সুহাসিনী প্রধান অতিথি হলেও হাত গুটিয়ে বসে নেই, মোড়ায় বসে তদারকি করছেন খাওয়াদাওয়ার।

বেলা বাড়ার পর মেঘ সরে গেছে অনেকটা। সূর্যের হাসিখুশি মুখ দেখা যায় মাঝে মাঝে। রোদ কম, ঝাঁঝও কম। বাঞ্চিবোঝাই বাতাস বইছে থেকে থেকে, ঘাম জমছে অল্প অল্প, তাপ কম বলে ঘামটুকু মন্দ লাগে না। উঁচু সিলিং-এ ঘূরন্ত পাথার হাওয়ায় আরাম হচ্ছে বেশ।

ফিশফ্রাই-এ কামড় দিয়ে নীপু বলল, তুমিও আমাদের সঙ্গে বসে গেলে পারতে পিসি।

—মরণ! সুহাসিনী মুখ টিপে হাসলেন, আমাকে কোনও দিন তোদের ওই টেবিলে বসতে দেখেছিস?

—আজ বসতে। সারা জীবনে তো মাটিতে বসেই খেয়ে গেলে।

—আমার মাটিই ভাল। আমি ওসব ছোঁয়াচুঁয়ি মেচেপনার মধ্যে নেই। বাপ-দাদার আমলেই টেবিলে বসলুম না...

বন্টু বলল, পিসির খাবার তোমরা আলাদা করে রেখেছ তো?

—ইঁয়া দাদা। দীপুর বউ উন্তুর দিল,—পিসির রান্না আলাদা গ্যাসে হয়েছে। আমিখের ছোঁয়া বাঁচিয়ে।

রন্টু মিটিমিটি হাসছে, পিসি আজ কি কি সাঁটাচ্ছে?

নীপুর বউ মুখে আঁচল চাপা দিল, ছানার ডালনা, আলু কাঁচকলার কোঞ্চা, নারকেলের পুর দিয়ে পটলের দোল্মা,...

—ও গ্র্যান্ড! করেছ কি পিসি? তোমারই তো আজ কপাল গো।

সুহাসিনীর অন্তরটা তর হয়ে যাছিল। খাওয়ার লোভে নয়, তার প্রতি সকলেরই এই নজরটুকু দেখে। হোক না ক্ষণিক, তবু এ তো সত্যি বটে। মুহূর্তের জন্য মনে হল এই সুস্থী সময়ে টেবিলটার কথা তোলেন একবার। তার আগেই ঝন্টু বলল, পিসি, লাস্ট তুমি কবে এমন মেনু খেয়েছ গো?

দীপু অস্ফুটে বলল, তুই খাওয়ার আগে।

ঝন্টু ভুঁড়ু কুঁচকে তাকাল, কি বললি?

দীপু খাক খাক হাসল, বলছি, তুই যবে লাস্ট এত ভাল মেনু খেয়েছিস, তার আগে।

—তুই কিন্তু আমায় টন্ট করলি দীপু।

নীপু ফস করে ফুট কেটে উঠল, ওমা, তুমি টন্টও বোব?

রঞ্টু বলল, অমন ভাবে কথা বলছিস কেন রে? আমরা কি ভুখ্খার পার্টি, খেতে পাই না? নাকি কন্ট্রিবিউশান কম দিয়েছি?

দীপু বলল, কন্ট্রিবিউশান দেখাস না রঞ্টু। তোরা তিনজন, দাদার ফ্যামিলি চারজন, তোদেরও যা কন্ট্রিবিউশান, আমাদের দুজনেরও তাই।

রান্নাঘরের দরজা থেকে মন্টুর বউ নাক গলাল, তার জন্যই তো আপনার পাতে বড় পেটিটা পড়েছে মেজদা। মেজদি কি ওটা এমনি এমনি আলাদা করে সরিয়ে রেখেছিল?

নীপু মন্টুকে বলল, কী ভাষা রে বউয়ের! লঘুগুরু জ্ঞান মুছে গেল!

মন্টু কড়া গলায় বলল, নিজের দাদাকে জিজ্ঞেস কর, একশো টাকা চাঁদা দিয়ে সে কিছু আমাদের কিনে নেয়নি।

—না, তোমরাই কিনেছ। বামটে উঠল দীপুর বউ, তাকিয়ে তাকিয়ে কার পাতে কী পড়ল তাই দেখা হচ্ছে! জন্মে কোনও দিন চালিশ টাকা কিলোর চাল খেয়েছে! আমাদের কলাণে তো জুটল। এখন হাত শুঁকে শুঁকে বছর চালাও।

ঝন্টুর বউ খেকিয়ে উঠল, চোপ। এমন চাল আমার ঘরের ঝি-চাকরে খায়।

—হ্যাঁ। নীপুর বউ ভেংচে উঠেছে, আমরা তো চাঁদে থাকি, কার উনুনে কি বসে দেখতে পাই না। মেঝে থেকে মুড়ি কুড়িয়ে টিফিন বাস্তে ভরে কে?

সুহাসিনী প্রথমটা হকচকিয়ে গিয়েছিলেন। সংবিধি ফিরতে চিন্কার করে উঠলেন, অ্যাই, কি হচ্ছে কি? থামো থামো, এমন একটা দিন কেউ বাগড়া করে নষ্ট করে!

ঝন্টু গজে উঠল, দিন মারিও না পিসি। ওই মন্টুটার জন্য আজ হারামীদের সঙ্গে এক পাতে বসতে হল।

নীপু হল ফোটাল, তোমার যেন মোলা কম হ্যাহ !

—তবে রে শালা। থালা ঠেলে উঠে পড়েছে বন্টু। ছুটে গিয়ে ঘেঁষি চেপে
ধরেছে নীপুর। দীপু দাঁড়িয়ে উঠে এল লাখিতে চেয়ার ফেলে দিল, দৌড়ে এসে
হেঁচকা টান দিল বন্টুকে, পলকে পাঞ্জাবি ছিঁড়ে ফালা ফালা।

তিনি মিনিটে দালান রণক্ষেত্র হয়ে গেল।

ফাঁকা হয়ে গেছে টেবিল। শ্বেতপাথরের টেবিল ঘিরে থাকা লোকজনও। যার
যার থালা বাটি প্লাস নেমে গেছে কলতায়, পাঁচ অংশে ভাগ হয়ে মুখ থুবড়ে
পড়ে আছে। সাদা টেবিল জুড়ে এখন শুধু আধখাওয়া মাংসের টুকরো, মাছের
কঁটা, চাটনির মশ, ডেলা ডেলা ঝাল ঝোল মাখা ভাত। লাল পিঁপড়ে উঠছে
সার বেঁধে, প্রায় ছেয়ে ফেলেছে টেবিলটা। আঁশ আঁশ দুর্গন্ধে ভারী হয়ে আছে
দালানের বাতাস।

বাথরুম থেকে বালতি টেনে আনলেন সুহাসিনী, জল ভরা। খালি পেটে মোচড়
দিচ্ছে, ন্যাতা ভিজিয়ে মুছতে শুরু করলেন টেবিলটাকে। প্রাণপণে নাকে কাপড়
চেপে রেখেছেন, তবু শুলিয়ে ওঠে গা। তার মধ্যেই নজরে পড়ছে টেবিলময়
চুলের মতো সরু সরু দাগ। অসংখ্য। পাথরও কি ফাটতে শুরু করল!

দামু বুলবুলি উকি দিচ্ছে বারোয়ারি বৈঠকখানা থেকে। কৌতুহল চাপতে না
পেরে দালানে বেরিয়ে এল টুকাই মিস্টুলি শামু। যে পিসিঠাম্বা জন্মে কোনও
দিন এঁটো টেবিলে হাত ছোঁয়ায় না, সে কিনা পাথরে ন্যাতা বোলাচ্ছে! এ যে
বড় আজৰ দৃশ্য!

দরদর ঘামছেন সুহাসিনী। একা হাতে আর পারছেন না। অতিকায় টেবিল
ক্রমশ বিশাল থেকে বিশালতর হয়ে উঠছে।

ঝ্রান্ত স্বরে সুহাসিনী ডাকলেন, দেখিস কি বাছারা? আয়। তোরা অন্তত হাত
লাগা।

অনুভব

ডালের হাতা বাড়াতে গিয়ে থমকে গেলেন প্রতিমা। এখনও নির্মাল্যের শুক্রোপর্ব চলছে। পাতে লেগে থাকা ঝোলটুকু কাঁচিয়ে নিচেন নির্মাল্য, এক মনে আঙুল চাটছেন।

এক মনে, না আনমনে? এইবার বেয়াইমশাইয়ের ধরনধারণ অন্যরকম, লক্ষ করছেন প্রতিমা। বড় শাস্ত চুপচাপ ধরনের হয়ে গেছেন নির্মাল্য। দুর্গাপূর ইস্পাত কারখানায় প্রাঙ্গন ডেপুটি চিফ ইঞ্জিনিয়ার যেন এখন অতীতের মলিন ছায়া। আগের মতো গমগম হাসি নেই, হঠাত হঠাত রসিকতা নেই, তিনবার ডাকলে একবার সাড়া পাওয়া যায়, পাঁচ দশ মিনিট আগের কথা বেমালুম ভুলে যান, সাধারণ প্রশ্ন করলে ফ্যালফ্যাল তাকিয়ে থাকেন। বুড়ো বয়সে বট মরে গেলে পুরুষমানুষের কি এই দশাই হয়?

প্রতিমা গলা খাঁকারি দিয়ে প্রশ্ন করলেন,—শুক্রেটা ভাল হয়েছে বেয়াইমশাই? নির্মাল্য নড়েচড়ে উঠলেন,—অতি উত্তম। আহা, যেন অমৃত।

—দেব আর একটু?

—না, থাক। ভাল জিনিস অল্লই ভাল। বেশি খেলে ভালর স্বাদ মরে যায়।

উলটোদিকের চেয়ারে সিতাংশু ডালের প্রতীক্ষায় ভাত ভেঙে বসে। টেরচা চোখে বেয়াইকে দেখতে দেখতে তিনি বলে উঠলেন,—এত ভাল লাগল? আমার তো মনে হল তেতো একটু বেশি হয়ে গেছে।

—তাই কি? না না। একেবারে মাপা তেতো, মাপা নুন, মাপা মিষ্টি...

—সবই মাপা? সিতাংশু বাঁকা হাসলেন,—তা হলে বোধহয় আমারই জিভের দোষ।

বটেই তো, বটেই তো। সারাটা জীবন যে লোক বউয়ের ক্রটি খুজে বেড়ান
তাঁর আর এ ছাড়া কীই বা মনে হবে! সাধে কি প্রতিমা রাখাঘরে যাওয়া ছেড়েছেন!
এহ, পোস্ত একেবারে আলুনি করে ফেলেছ, বাঁধাকপিতে মণখানেক চিনি ঢালার
কী দরকার ছিল, নাদা নাদা আলু দিলেই কি তরকারি ভাল হয়—এই তো সব
মন্তব্যের ছিরি! কতকাল পর মাত্র কটা দিনের জন্য ছেলের শঙ্গুর এসেছেন বাড়িতে,
পোলাও মাংস কালিয়া কাবাব নয়, রোজ একটা কি দুটো নিরামিষ পদ স্বহস্তে
রেঁধে খাওয়াচ্ছেন প্রতিমা। সামান্য নারকেল কুমড়ি কি মোচার ঘণ্ট কি শুভুনি,
তাই সোনা মুখ করে খেয়ে ত্রীহারা মানুষটা এক-আধটা প্রশংসাবাক্য উচ্চারণ
করছেন, অমনি টিপ্পনী শুরু হয়ে গেল!

প্রতিমা হড়াস করে স্বামীর পাতে ডাল ঢেলে দিলেন। গোমড়া মুখে বললেন,—
বেগুনভাজা দেব?

—প্রাণ চাইলে দেবে।

—তোমার তো আবার শতেক প্যাখনা। লস্বা ফালি চলবে না, কালো হয়ে
গেলে মুখ ভ্যাটকাবে...। সিতাংশুর থালায় অবহেলাভরে ভাজা বেগুন ফেলে আবার
নির্মাল্যর প্রতি মনোযোগী হলেন প্রতিমা। কানে লেগে থাকা ক্ষণপূর্বের স্তুতির
রেশটুকু ফেরাতে চাইছেন। মুখ হাসি হাসি করে বললেন,—আপনার আবার বেশি
বেশি। ওই কচু ঘেঁচু শুক্রোকে কেউ অমৃত বলে না।

—আমি বলি। নির্মাল্যর সরল উত্তর, আপনার বেয়ান চলে যাওয়ার পর থেকে
এ সব রান্না আর জোটে কই!

—কোথায় বেয়ানের রান্না, কোথায় আমার!

—অমন করে বলছেন কেন? আপনার বেয়ানের হাত একরকম ছিল, আপনার
আর একরকম। দুটোই ভাল, তবে দুরকম।

—হ্যাঁ, একজনেরটা চিনি, অন্যজনেরটা গুড়। দুটোই মিষ্টি, কী বলেন?

কড়া চোখে স্বামীর দিকে তাকালেন প্রতিমা। টুকুস চিমটি কেটে সিতাংশু
নির্বিকার, হ্যা হ্যা হাসছেন। সামনের মানুষটা তাঁর ব্যঙ্গে ব্যাথিত না উদাস, সে
দিকে আক্ষেপই নেই।

খাওয়া দাওয়ার পাট চুকিয়ে ঘরে এসে সিতাংশুকে ধরলেন প্রতিমা,—তোমার
কী আক্ষেল গো? অভাগা মানুষটাকে অমন হল ফোটাও কেন?

সিতাংশু হাই তুলতে তুলতে দিবানিদ্রাকে আহুন জানাচ্ছেন। অলসভাবে
বললেন,—খারাপ কী বলেছি? আগেও তো কতবার এ বাড়ি এসেছেন, এমন
গদগদ প্রশংসা তো কখনও শুনিনি! কেন, তখন বড় পাশে থাকত বলে?

—কী ছি, কী ভাষা! বেচারার বউ মারা গেছে এখনও বছর ঘোরেনি...

—তো? তার জন্য তোমার রান্না নিয়ে আদিখ্যেতা মেনে নিতে হবে?

প্রতিমা চিড়বিড়িয়ে ঝলে উঠলেন,—আমার রান্না নিয়ে দুটো ভাল কথা বলা মানে আদিখ্যেতা? নিজের মুখে মধু নেই বলে...

—মধুবাকেই গলে গেলে গিল্লী? সিতাংশু বিছানায় গড়ালেন,—শোনো, নির্মাল্য দস্তিদার মহা ধূর্ত চিজ। ওটা তোমার প্রশংসা নয়, মুরিয়ে নিজের ছেলের বউয়ের নিন্দে করা। আরে বাবা, সে বেটি আজকালকার মেয়ে, কেন বসে বসে শ্বশুরের জন্য শুক্কে। ঘণ্ট রান্না করতে যাবে? ওর নিজের মেয়ে রাঁধে? জন্মে কোনওদিন শ্বশুর শাশুড়িকে তাঁদের পছন্দের পদ করে থাইয়েছে?

কী পঁ্যাচ, কী পঁ্যাচ! জিলিপির ঠাকুরদাদা অমৃতি! এমন পাঁচোয়া লোককে সামলে কী করে যে চল্লিশটা বছর ঘর করলেন প্রতিমা! এ দিকে কুট কুট করে ছেলের বউ-এর নিন্দে করবেন, ও দিকে তার সামনে একেবারে আদর্শ শ্বশুরটি। বাবুসোনা হওয়ার পর চাকরি করা নিয়ে নৃপুরের সঙ্গে প্রতিমার যথন খটাখটি বেধে গেল, অমনি উনি রামমোহন বিদ্যাসাগর সেজে গেলেন। লেখাপড়া-জানা মেয়ে, ঘরে বসে শুধু সংসার আর বাচ্চা সামলাবে নাকি! করবে, নিশ্চয়ই চাকরি করবে। বাবুসোনাকে দূম করে বোর্ডিং স্কুলে পাঠানোর বন্দোবস্ত করে ফেলল নৃপুর, বেচারা প্রতিমার নাতির জন্য মন পোড়ে, একা একা দিন কাটতেই চায় না। দোষের মধ্যে দোষ, ফস করে একদিন নৃপুরকে বলে ফেলেছিলেন, একটা মাত্র ছেলেকে বাড়ি থেকে বিদ্যায় না করে দিলে কি চলছিল না! বাপ রে, সঙ্গে সঙ্গে কর্তার কী মেজাজ! ও ছেলের মা, ছেলের ভবিষ্যতের কথা ভেবে যা ভাল বুজেছে তাই করেছে, তুমি কথা বলার কে হে!

এই বেয়াইমশায়ের কথাই ধরা যাক না। পিঠের ব্যথায় কষ্ট পাচ্ছেন, দুর্গাপুরে অনেক ডাক্তারবাদি করেছেন, আসানসোলে গিয়ে বড় অর্থোপেডিক দেখিয়ে এসেছেন, কিছুতেই কিছু হচ্ছে না, মেয়ে বাবাকে কলকাতায় এনে স্পেশালিস্ট দেখাবে—এ তো ভাল কথা। কিন্তু প্রতিমাকে আগে একবার জানাতে কী কষ্ট ছিল? প্রতিমা জানলেন কখন? না, বেয়াইমশাই কলকাতায় পা দেওয়ার পর। এর জন্য একবার অভিমান প্রকাশ করতেই কর্তার কী ধমক! বলি, বাপটা কার! তোমার, না নৃপুরের? তার বাপকে ডাক্তার দেখানোর আগে তোমার অনুমতি নিতে হবে! সেই লোক ঘরের কোণে বসে এখন ছেলের বউয়ের কুছে গাইছে! প্রতিমা যদি একবার মুখ ফুটে নৃপুরকে কিছু রাঁধতে বলেন, অমনি তো খিঁচিয়ে উঠবেন! সারাদিন অফিসে খটাখুটি করে মেয়েটা, আবার হেঁশেলেও চুকবে! লোক বটে একখানা! একজনকে দেখলেই শ্রীকৃষ্ণের বিশ্বরূপ দর্শন হয়ে যায়।

প্রতিমা মনে মনে জুতসই জবাব তৈরি করছিলেন, আবার 'সিতাংশুর গলা
কানে উড়ে এল,—কী ধ্যাম করছ বসে বসে? বেয়াইয়ের সাটিফিকেটটা কোথায়
ঝোলাবে? শুটাকে মাদুলি করে পরে থেকো...আগাতত একটু গড়িয়ে নাও!।
অনেকক্ষণ রাখাঘরে কাটিয়েছ, এর পর তো আবার কোমরে ব্যথা হাঁটুতে ব্যথা
করে তড়পাবে।

প্রতিমা ঝৌঁকে উঠলেন,—হ্যাঁ বেয়াইমশাই পাশের ঘরে, আর আমরা এখানে
জোড়ে শুয়ে নিদ্রা দিই! লজ্জাশরম তো কিছু নেই! ছোঃ!

—লজ্জাশরম? আমরা দুর্গাপুর গেলে বেয়াই-বেয়ান বুবি সারাক্ষণ আমাদের
মুখের সামনে মুখ লাগিয়ে বসে থাকতেন?

—ভুলে যেও না তখন বেয়ান ছিলেন।

—তবে আর কী! যাও, বেয়াইয়ের সামনে গিয়ে তা তাথিয়া তা থিয়া নাচো।

—নিজে ঘুমোও না। আমাকে নিয়ে প্যাচাল পাড়ছ কেন?

দ্রেসিংটেবিল থেকে চশমা নিয়ে খবরের কাগজ হাতে খাটের কোণটিতে এসে
বসলেন প্রতিমা। উলটোছেন এ পাতা সে পাতা, হেডিংশুলো দেখছেন। হিমালয়ের
কোন এক শৃঙ্গে উঠেছে বাংলার কয়েকটি মেঝে। বাহু বাহু। সরবরে তেলের
দাম আবার চড়ল। কোনও মানে হয়! প্রেমিক-প্রেমিকার যুগল আঞ্চহত্যা। মরণ,
বেঁচেছিলি কেন অ্যাদিন! বধুত্যার দায়ে শাশুড়ি হাজতে। সর্বোনাশ, কোন প্রতিমার
কপাল পুড়ল! প্রতিমা ঝুঁকলেন কাগজে, মন দিয়ে খবরটা পড়ছেন। চশমার
পাওয়ারটা ঠিক নেই, ঘরের অঙ্ক আলোয় ভাল মতো ঠাহর হচ্ছে না লেখাগুলো।
উঠে আলো জ্বালতে গিয়েও নিরস্ত হলেন। চোখে সামান্যতম আলো পড়লেই
ঘুম ভেঙে যাবে সিতাংশুর, অনর্থ শুরু করে দেবেন।

কাগজ হাতে ঘর থেকে বেরতে গিয়েও দাঁড়িয়ে পড়লেন প্রতিমা। ফরর ফরর
নাক ডাকছে সিতাংশুর, দ্যাখ না দ্যাখ গভীর ঘুমে চলে গেছেন মানুষটা। কার্তিকের
শেষ, উত্তরের জানলা দিয়ে শিরশিরে বাতাস চুকছে, প্রতিমা জানলার পাল্লাটা
টেনে দিলেন। মাথার ওপর ফুল স্পিডে ঘুরস্ত ফ্যান পুট পুট দু পয়েন্টে কমিয়ে
বেরিয়ে এসেছেন বারান্দায়।

পুবমুখো বারান্দায় খানদুয়েক বেতের চেয়ার, ছোট একটা টেবিল। অতনু আর
নূপুরের শৌখিন বসার আয়োজন। এক ধারে সিতাংশুর ইজিচেয়ারও আছে।
হেমন্তের দুপুরে এ বারান্দা ভারী আরামের।

একটা চেয়ার টেনে বসতে গিয়ে হঠাতেই নীচের কাঁচা উঠোন মতো জায়গাটায়
প্রতিমার দৃষ্টি আটকে গেল। নির্মাল্য। উবু হয়ে বসে নিরীক্ষণ করছেন কী যেন।
কখন নেমে গেলেন দোতলা থেকে?

প্রতিমা গলা ওঠালেন,—ওখানে কী করছেন বেয়াইমশাই ?

নির্মাল্য ঘাড় তুললেন,—আপনার বাগান দেখছি।

—কোথায় বাগান ! সবই তো আগাছা ।

—কেন, কটা ফুলের চারাও তো বেরিয়েছে ।

—তাই বুঝি ?

প্রতিমার মন প্রসন্ন হয়ে গেল । এ বাড়ির কেউই ত্রেমন গাছ অন্ত প্রাণ নয় । একমাত্র ঠারই যা এক সময়ে অল্পস্বল্প উৎসাহ ছিল । টগর শিউলি গন্ধরাজের চারা লাগিয়েছিলেন কয়েকটা । গাছগুলোয় এখনও ফুল ফোটে, তবে আর তেমন যত্নাস্তি করা হয় না । সে শক্তি নেই, সে উদ্যমও নেই । এখন শুধু ফি বছর পুজোর পর কিছু মরসুমি ফুলের বীজ এনে ছড়িয়ে দেন উঠোনের ওদিকটায় । পুরনো অভ্যসের মতো । অয়ে অবহেলায় বেশিরভাগই সূর্যের মুখ দেখতে পায় না, দুটো চারটে গাঁদা বেঁচে যায় কৃচিৎ কখনও । হিলহিলে শরীর নিয়ে লিকলিক বেড়ে ওঠে, নবীন সোনালি ফুলে উঠোন আলো হয়ে যায় । বেশ লাগে দেখতে । এ বছরও তবে ফুটবে কয়েকটা ?

পায়ে পায়ে প্রতিমা একতলায় নেমে এলেন । নির্মালার পিছনে এসে দাঁড়িয়েছেন । অভিভাবকের সুরে বললেন,—দুপুরে না শয়ে এসব হচ্ছে ?

নির্মাল্য যেন শুনতেই পেলেন না । আপন মনে বললেন,—চারাগুলোর এই হাল কেন ? মাটি না তৈরি করলে হয় !

—ও সব ঝঞ্চাটে কে যায় ! প্রতিমা ঠোঁট ওল্টালেন,—নিজে থেকে যা হয়, হোক না ।

—তা বললে হয়, পৃথিবীতে নতুন প্রাণ আসছে, তাদের একটু খাতিরদারি করতে হবে না ?

প্রতিমার বুকে টুং করে বাজল কথাটা । অচেনা পাখির ডাকের মতো । কোমল দুপুরটার মতো । হাসলেন,—কী করতে হবে শুনি ?

—খুরপি-টুরপি কিছু একটা দিন । মাটি ঝুরো করি, আগাছা সাফ করি...

—খুরপি কোথায় পাব ?

—নেই ? তা হলে একটা লোহার শিক গোছের কিছু...

সেকেন্দের জন্য প্রতিমা ভাবলেন, আছে কি ? হাঁউ, আছে তো ! বাথরুমে । চৌবাচ্চার মুখ চেপে আটকানোর জন্য । আনতে গিয়ে খুঁজে পেলেন না । বাসন্তীর মা কোথায় যে রেখেছে !

রান্নাঘর হাতড়ে শবে স্টিলের খুন্ডিটা নিয়ে এলেন প্রতিমা। সঙ্গে একখানা কাটারিও। গভীর মনোযোগে মাটি খোঁড়ায় নেমে পড়েছেন নির্মাল্য। দেখতে দেখতে বেশ খানিকটা মাটি গুঁড়ো হয়ে গেল। প্রতিমাও কোমর বেঁধে নেমে পড়লেন, হাতে ঘষে ঘষে ঝুরো করছেন মাটি। সেই মাটি ফুল গাছের গোড়ায় চেপে চেপে দিচ্ছেন নির্মাল্য, কাটারি দিয়ে ছেঁটে ছেঁটে দিচ্ছেন আগাছা।

কাজ করতে করতে কথা চলছে দুজনের। গাছের কথা। ফুলের কথা। এলোমেলো কথা।

নির্মাল্য—এ তো বেশ ভাল জাতের গাঁদা। ফুল প্রায় টেনিস বলের সাইজে হবে।

প্রতিমা—কই হয়! আমি তো এইটুকু টুকুই দেখি।

নির্মাল্য—ফুলের জন্য খাটতে হবে। সার দিতে হবে, জল দিতে হবে। জানেন তো, গাছ কক্ষনো বিট্টে করে না। আপনি গাছের কথা ভাবুন, গাছও আপনার কথা ভাববে।

প্রতিমা—ছিলেন তো ইঞ্জিনিয়ার, গাছগাছালির খবর এত জানলেন কী করে? নেশাটা কি নতুন?

নির্মাল্য—নেশা বলছেন? গাছ কত ভাল সঙ্গী জানেন?

প্রতিমা—তা বটে। যা ইচ্ছে কথা শোনাতে পারেন, জবাবটি দেবে না।

নির্মাল্য কাটারি চালানো থামিয়ে বিচির চোখে তাকালেন প্রতিমার দিকে। চশমার আড়ালে রংগিন টো যেন ঝিকঝিক করে উঠল। হাসি, অথচ যেন হাসি নয়। অন্যমনক্ষম স্বরে বললেন,—নীরব থেকেও তো অনেক কথা বলা যায়। আপনার বেয়ানকে তো চিনতেন, দিনে রাতে কটা কথা বলত সে?...আমি তো একাই বকে মরতাম।

কাছেই ট্রেনলাইনে ঝমঝম শব্দ বাজিয়ে একটা ট্রেন শহর থেকে শহরতলির দিকে চলে গেল। উন্নত থেকে দক্ষিণে। শীতের হাওয়ার মতো।

প্রতিমা অস্ফুটে বললেন,—বেয়ান বড় তাড়াতাড়ি চলে গেলেন। অসময়ে।

—মৃতুর কি সময় অসময় আছে? নির্মাল্য ছেঁট খাস ফেললেন,—পৃথিবীতে তার কাল ফুরিয়েছিল, সো শি হ্যাড টু ডিপার্ট। আফসোস শুধু একটাই। চিকিৎসা করানোর সুযোগ দিল না। টিভি দেখতে দেখতে একটা উঃ শব্দ করল, ব্যস্ত, দি এন্ড। সেরিব্রাল হয়েও তো কতজন বেঁচে যায়। যায় না, বলুন?

প্রতিমা অস্বস্তি বোধ করছিলেন। কথার মোড় ফেরাতে ব্যস্তভাবে বলে উঠলেন,—এহে, আপনার সর্বাঙ্গ যে একেবারে মাটিতে মাখামাখি হয়ে গেল!

নির্মাল্য কাটারি রেখে উঠে দাঁড়ালেন। হাত ঝাড়ছেন, পাঞ্চাবি ঝাড়ছেন, হাতের

পিঠ দিয়ে কপাল মুছছেন। বাড়ির এ দিকটা থেকে অনেকক্ষণ রোদ সরে গেছে, তবু ঘেমেছেন বেশ। শেষ কার্তিকের দুপুরেও।

মানুষটাকে দেখে প্রতিমার ভারী মায়া জাগছিল। কেমন আলাভোলা ধরনের হয়ে গেছেন, আস্থামশ্ব। আঁচলে আলগা হাত মুছে নিয়ে নির্মাল্যর পাঞ্চাবির পিঠ ঝেড়ে দিলেন প্রতিমা।

তখনই দোতলায় ঢোখ চলে গেল।

সিতাংশু।

চারটের সময় চা না দিলে সিতাংশুর দিবানিদ্রা ভাঙে না, আজ উঠে পড়েছেন যে বড়!

সঙ্গে নামার মুখে মুখে ফিটফাট বাবুটি সেজে সিতাংশু তৈরি। ঘর থেকেই হাঁক দিলেন,—বেয়াইমশাই, রেডি তো?

নির্মাল্য দোতলার বারান্দায়, সিতাংশুর ইজিচেয়ারে। বসে বসেই সাড়া দিলেন,—আজ আর বেরোব না ভাবছি।

—সে কী! ক্লাবে যাবেন না?

—ইচ্ছে করছে না।

—আরে চলুন চলুন, চবিশ ডিল খেলেই ফিরে আসব। সিতাংশু ছড়ি হাতে ঘর থেকে বেরিয়ে এলেন,—সুরেন পরিমলদের সঙ্গে তো আপনার ভাল ফ্রেন্ডশিপ হয়ে গেছে। দেখবেন, গল্ল শুরু করতে না করতেই সঙ্গে কাবার।

—আজ ছেড়ে দিন বেয়াইমশাই। কাল ডাক্তারের কাছে যাব, আজ একটু রেস্ট নিই।

প্রতিমা ঘরে সঙ্গে দিচ্ছিলেন। ঠাকুরের সামনে ধূপ দোলাতে দোলাতে গলা ওঠালেন,—ওঁর যখন ইচ্ছে করছে না, জোর করছ কেন? তুমি তাসুড়ে মানুষ, তুমি ঘুরে এসো।

মুখে বিদঘুটে এক ধৰনি তুলে ছড়ি ঘোরাতে ঘোরাতে বেরিয়ে গেলেন সিতাংশু।

এ অঞ্চলে মশা খুব। গোটা জায়গাটা এক সময়ে জলাভূমি ছিল। এখন অবশ্য অগুস্তি বাড়ি হয়ে গেছে। তবু জলাভূমির স্মৃতি ভুলতে দেয় না মশারা, সঙ্গে হলেও হানা দেয় ঝাঁকে ঝাঁকে।

দোতলার ঘরগুলোতে মসকিউটো রিপেলেণ্ট জ্বালিয়ে জানালা দরজা সব ভেঙ্গিয়ে দিলেন প্রতিমা। বারান্দায় এসে বাতি জ্বলে দিলেন,—এক কাপ চা খাবেন নাকি বেয়াইমশাই?

নির্মাল্যর উত্তর নেই। সামনের তরল আঁধারে দৃষ্টি হারিয়ে আছে।

কয়েক মুহূর্ত ইতস্তত করে প্রতিমা সিঁড়ির দিকে এগোলেন। বাসন্তীর মা
বিকেলের রান্না করতে এসে গেছে, দু কাপ চা দিয়ে যেতে বললেন তাকে। ফিরে
চেয়ারে বসেছেন।

ঈষৎ উদ্বিঘ্ন মুখে জিজ্ঞাসা করলেন,—শরীরটা কি খারাপ লাগছে বেয়াইমশাই?

নির্মাল্যর মৃদু স্বর শোনা গেল,—নাহ, ঠিকই আছি।

—পিঠের ব্যাথাটা আবার হচ্ছে না তো?

—সামান্য। বলার মতো কিছু নয়।

প্রতিমা অনুযোগের সুরে বললেন,—মিছিমিছি তখন মাটি কোপাতে গেলেন,
অমন ঝুঁকে ঝুঁকে কাজ করা আপনার একদম উচিত নয়।

—দূর, ও জন্য কিছু হয়নি। বরং গাছের পরিচর্যা করলেই আমি বেশ থাকি।
নির্মাল্যর দুই হাত ইজিচেয়ারের দুই হাতলে,—আমার যন্ত্রণাটার মূল অনেক গভীরে।
প্ল্যাটে কাজ করার সময়ে একবার একটা অ্যাস্ট্রিডেন্ট হয়েছিল। বছর পাঁচশ আগে।
লোহার সিঁড়ির সাত আট ধাপ ওপর থেকে পা পিছলে পড়ে গিয়েছিলাম।

—ও মা, কী সর্বোনেশে কথা! আগে শুনিনি তো?

—না, চোট তখন তেমন লাগেনি কিছু। হাড়গোড়ও ভাঙেনি, রক্তপাতও
হয়নি... তবে তারপর থেকে ঠায় বসে থাকলেই... রিটায়ারমেন্টের পর থেকে তো
হাঁটাচলা কমেই গেছে। বসেই থাকি। আর সেই সুযোগ বুঝেই ব্যথা আবার চড়াও
হয়েছে।

—বসে থেকেই যখন ব্যায়রাম, বসে রইলেন কেন? ওঁর সঙ্গে হেঁটে এলেই
পারতেন।

—তাস পাশা আমার ভাল লাগে না বেয়ান। জন্মে কখনও খেলিনি তো।
স্পেড হার্ট নো ট্রাম্প শুনলে কেমন চমকে চমকে উঠি। নিজেকে বেশ ইডিয়টিক
লাগে। তবে হ্যাঁ, বেয়াইমশাইয়ের বন্ধুরা সজ্জন ব্যক্তি, গল্পগুজব করাই যায়। কিন্তু
মুশকিল হল, ওঁদের টপিক একটাই। পলিটিক্স। মিস্ট্রি মজুর খাটানো মানুষ তো,
ভেঁতাবুদ্ধি। ওই সূক্ষ্ম বুদ্ধির শাস্ত্রটি আমার পছন্দ হয় না।

শেষ বাক্যটির মর্মার্থ ঠিক অনুধাবন করতে পারলেন না প্রতিমা। অপাস্ত
দেখলেন, বেয়াইমশাই একটু যেন কাত হয়ে গেছেন, মুখ চোখ কুঁচকোনো। ব্যথাটা
যত কম বলছেন তত লঘু নয় বোধহয়।

নরম স্বরে প্রতিমা জিজ্ঞাসা করলেন.—পিঠের ঠিক কোনখানে হচ্ছে ব্যথাটা?

—শিরদীড়ার ডান দিকে। বেয়ে বেয়ে কাথ অবধি উঠলেই চিত্তির, একেবারে বিছানায় আছড়ে ফেলে দেবে।

—আগে কি একটা বাড়াবাড়ি ছিল?

—ছিল না। আবার ছিলও। আপনার বেয়ান গরম তেল কী সব মিশিয়ে মালিশ করে দিত, বাড়তে পারত না।

—কী মালিশ? নৃপুর জানে?

—নাহ। ওসব ছিল আপনার বেয়ানের নিজস্ব তুকতাক।

—আমার একটা বেদনার মলম আছে। মালিশ করতে হয় না, আলগা বোলালেই কাজ হয়। দেব?

হ্যাঁ না কিছুই শোনা গেল না। চুরাচৰে এখন গাঢ় অঙ্ককার। রাস্তার বাতি জ্বলে গেছে। মিহি কুয়াশায় চারপাশের বাড়ি আলো কেমন অস্পষ্ট দেখায়। প্রবল প্রতিযোগী দুই রিকশা তীক্ষ্ণ হৰ্ণ বাজাতে বাজাতে সামনে দিয়ে ছুটে গেল। হাওয়া দিচ্ছে মাঝে মাঝে। এলোমেলো, ঠাণ্ডা ঠাণ্ডা।

বাসন্তীর মা চা রেখে গেছে। আঁচল গায়ে ভাল করে জড়িয়ে নিয়ে কাপে চুমুক দিলেন প্রতিমা। আলগা বললেন,—এ বছর শীতটা ভালই পড়ার মনে হয়। সবে নভেম্বরের দশ তারিখ, এখনই বাতাস কী ঠাণ্ডা হয়ে গেছে!

নির্মাল্য বললেন,—হ্যাঁ।

—আপনাদের ওদিকে তো অনেক বেশি শীত পড়ে।

—হ্যাঁ, ডিসেম্বরে বেশ টেম্পারেচার নেমে যায়। কথাটা বলেই নির্মাল্য একটুক্ষণ চুপ। তারপর বললেন,—আপনার বেয়ান বড় শীতকাতুরে ছিল। দুটো মাস তো একেবারে জবুথবু হয়ে থাকত। প্রতি বছরই বলত, এ শীতটা আর কাটবে না। গত বছর কথাটা ফলে গেল।

প্রতিমা জিজ্ঞাসা করতে পারলেন না সেরিব্রালের সঙ্গে শীতের কী সম্পর্ক! হয়তো নির্মাল্য বলবেন, মৃত্যুভয়ই সেরিব্রাল টেনে এনেছে! কোনও কথা বলাই এখন বিপদ। নির্মাল্যের সব কথাই এখন ঘূরেফিরে স্তৰীতে চলে যায়।

কথা ঘোরানোর জন্য প্রতিমা বলে উঠলেন,—তা আপনি এখন একটা পাতলা পাঞ্জাবি পরে আছেন কেন? গায়ে একটা চাদর আলোয়ান কিছু জড়ান।

—কিছু লাগবে না। ঠাণ্ডা আমার বেশ লাগে।

—জাণুক। তবু একটা কিছু গায়ে দিন। হিম পড়ছে। এ সময়টাই অসুখবিসুখ হয় বেশি।

ইজিচেরার আবার নীরব।

প্রতিমা চা শেষ করে উঠে পড়লেন। নির্মালার ঘরে গিয়ে চাদর আনতে কেমন বাধো বাধো ঠেকল, এসেছেন নিজেদের ঘরে। সিতাংশুর তুবের চাদরখানা হাতে নিয়ে এক সেকেন্ড ভাবলেন কী যেন। তারপর ড্রেসিংটেবিলের দেরাজ থেকে মলমটাও নিয়ে ফিরে এলেন বারান্দায়।

টিউব আরামকেদারার হাতলে রেখে বললেন,—লাগিয়ে নিন। চাদরটা তারপর জড়িয়ে নেবেন গায়ে।

কথা শেষ হতে না হতেই সিঁড়িতে পায়ের শব্দ। ছড়ি হাতে আবির্ত্ত হলেন
সিতাংশু।

প্রতিমা অবাক হয়ে বললেন,—এর মধ্যে তোমার চবিশ ডিল হয়ে গেল?

—ধূস, কেউ আসেনি। ছড়ি টেবিলে শুইয়ে চেয়ারে বসলেন সিতাংশু,—একা একা কতক্ষণ মাছি মারব?

—আশ্চর্য! তোমার তাসবন্ধুরা ডুব মেরেছে! সুর্য আজ কোনদিকে উঠেছিল গো?

সিতাংশু দূম করে চটে গেলেন,—কেন, তারা কি একদিন বাড়িতে রেস্ট নিতে পারে না?

—তুমি না বলো, তাস খেলাই তোমাদের বিশ্রাম? প্রতিমা খোঁচালেন।

সিতাংশু গুরু হয়ে গেলেন।

মুখ খুললেন সেই রাতে। শোওয়ার সময়ে। মশারি গুঁজতে গুঁজতে। ঘড়ঘড়ে গলায় বলে উঠলেন,—টিউব শেষ?

প্রতিমা হ্লাস উঁচু করে জল খাচিলেন। হালকা বিষম খেলেন,—কিসের টিউব?

—ন্যাকা সেজো না। আমার কি চোখ নেই? গোটা মলমটাই কি বেয়াইয়ের পিঠে ঘষা হয়ে গেল?

—গোটা মলম কোথায়? একটুখানি তো পড়ে ছিল।

—বললেই হল? পুজোর পর ওটা কেনা হয়েছে। পাক্কা দু মাস চলে, আমার হিসেব আছে।

—কী ছেট মন গো তোমার!

—হ্যাঁহ্, আমারই তো ছেট মন! ন্যাজাল ড্রপের শিশি খুলে নাসিকাগহুরে ফেঁটা ফেঁটা তরল ঢালছেন সিতাংশু। জোরে নাক টানলেন কয়েকবার। সঙ্গে সঙ্গে মুখটাও বিকৃত হয়ে গেল,—নিজের মন তো খুব বড়। আমি মানুষটা ঠাণ্ডায় হিহি করে কাঁপতে কাঁপতে বেরিয়ে গেলাম, তাকে একটা শাল কম্ফর্টার দেওয়ার কথা মনে পড়ল না, আর তিনি আমারই ইঞ্জিচেয়ারে শুয়ে আমার চাদরে ওম নিছেন! দুর্ভাগ্য অভাগ হওয়ায় ভারী মজা, অ্যাঁ?

ରାଗେ ସେଙ୍ଗାଯ ପ୍ରତିମାର ସର୍ବାଙ୍ଗ ରି ରି କରେ ଉଠିଲ । ଏକ ପା ଘାଟେ ବାଡ଼ିଯେ ବସେ ଆଛେନ, ଏଥନ୍ତି କୁଚୁଟେପନା ହିସୁଟେପନା ଗେଲ ନା ! ବାସଟି ବହର ବୟସ ହୟେ ଗେଲ ପ୍ରତିମାର, ଏଥନ୍ତି ତାକେ ସନ୍ଦେହ କରା ! ଛି ଛି ଛି ଛି ।

ବିଚାନାୟ ଏସେ ବେଡ ସୁଇଚ ନିଭିଯେ ଶୁଯେ ପଡ଼ଲେନ ପ୍ରତିମା । ଅଞ୍ଚକାରେ ଦାଁତେ ଦାଁତ ସବହେନ । ଏଇ ଜନ୍ୟଇ ଦୁପୁରେ ବାରାନ୍ଦା ଥେକେ ଉଁକି ମାରଛିଲ ? ତାମେର ଆସର ଥେକେ ଫିରେ ଏସେହେନ ? ଟିକଟିକିପନା ?

ପ୍ରାଣ ଥାକତେ ଏଇ ମାନୁଷଟାର ସଙ୍ଗେ ଆର କଥା ବଲବେନ ନା ପ୍ରତିମା ।

ପରଦିନ ରାତ ଆଟଟା ନାଗାଦ ଡାକ୍ତାର ଦେଖିଯେ ଫିରଲେନ ନିର୍ମାଳ୍ୟ । ମେଯେ ଜାମାଇ-ଏର ସଙ୍ଗେ । ମେଯେର ଡାକ୍ତାରଓ ତେମନ କିଛୁ ଆଶାର କଥା ଶୋନାଯନି । କଟା ବାଥାର ଓୟୁଧ ଲିଖେ ଦିଯେଛେ, ସଙ୍ଗେ ଫିଜିଓଥେରାପିର ନିର୍ଦ୍ଦେଶ । ଆର ଟେସ୍ଟ ଦିଯେଛେ ଏକକାଢ଼ି । ମାଥାର ଚଳ ଥେକେ ପାଯେର ନଖ ସବେରଇ ଏକବାର ପରୀକ୍ଷା ଚାଯ ଡାକ୍ତାର । ସମସ୍ତ କରେ ଟରେ ଆବାର ମାସଖାନେକ ପର ହାଜିର ହତେ ହବେ ତାର ଚେଷ୍ଟାରେ, ତଥନ ତିନି ଉପ୍ୟୁକ୍ତ ବିଧାନ ଦେବେନ !

ବାଡ଼ି ଏସେ ନିର୍ମାଳ୍ୟ ଖାନିକକ୍ଷଣ ମନମରା ହୟେ ବସେ ରଇଲେନ ।

ନୂପୁର ଅତନୁ ନାନା ରଙ୍ଗରସିକତା ଜୁଡ଼େ ତାକେ ପ୍ରଫୁଲ୍ଲ କରାର ଚେଷ୍ଟା କରଛେ, ତାଓ ତାର ମୁଖେ ହାସି ନେଇ । ଅବଶ୍ୟେ ହାନ ମୁଖେ ଘୋଷଣା କରଲେନ, କାଲଇ ଭୋବେ ତିନି ଦୁର୍ଗାପୁର ଫିରତେ ଚାନ । ବାଡ଼ିର ଜନ୍ୟ ତାର ମନ କେମନ କରଛେ ।

ପ୍ରତିମା ଭେତର ଥେକେ ସିଁଟିଯେ ଗେଲେନ । ମନେର ମଧ୍ୟେ ଏକଟା କ୍ଷୀଣ ସଂଶ୍ୟ ଉଁକିର୍ବୁକି ଦିତେ ଲାଗଲ । କାଳ ରାତେ ତାଦେର ସ୍ଵାମୀ-ସ୍ତ୍ରୀର ସଂଲାପ କି କାନେ ଗେଛେ ନିର୍ମାଳ୍ୟର ? ଯେତେଇ ପାରେ । ବେଆକ୍ଲେ ଲୋକଟାର ତୋ ମାତ୍ରାଜ୍ଞାନ ନେଇ, ସବ କଥାଇ ଉଁଚୁ ପର୍ଦାଯ ବଲତେ ଭାଲବାସେ । ନାକି ସିତାଂଶୁର ବ୍ୟବହାରେ ଆହତ ହୟେଛେନ ନିର୍ମାଳ୍ୟ ? ଏଇ ସନ୍ତ୍ରବ । ସିତାଂଶୁର ଯା ଚ୍ୟାଟାଂ ଚ୍ୟାଟାଂ କଥାର ବହର । କିଂବା ନିର୍ମାଳ୍ୟ ନଜର କରେଛେ ସିତାଂଶୁ ପ୍ରତିମାର ବାକ୍ୟବିନିମ୍ୟ ବନ୍ଧ ହୟେ ଗେଛେ ? ବେୟାଇମଶାଇ ନିଜେକେ ଯତଇ ଭୋତାମାସିକ୍ଷ ବଲୁନ, ତାର ବୁଦ୍ଧି ଖୁବ ପ୍ରଥର । ଆଲାଭୋଲା ହତେ ପାରେନ, ଶିଶୁ ତୋ ନନ । କୁଟୁମ୍ବେର କାହେ ମାନସମାନ କିଛୁ ରଇଲ ନା । କୀ ଲଜ୍ଜା, କୀ ଲଜ୍ଜା ।

ଅନେକ ରାତ ଅବଧି ପ୍ରତିମା ଦୁ ଚୋଥେର ପାତା ଏକ କରତେ ପାରଲେନ ନା । ପାଶେର ମାନୁଷଟା ଦିବିୟ ସୁଖେ ନିଦ୍ରା ଯାଚେନ, ନାକ ଡାକଛେ ଫରର ଫୁସ । ପ୍ରତିମାର ହାତ ନିଷପିଷ କରଛେ । ଧାକ୍କା ଦିଯେ ଜାଗିଯେ ଦିତେ ଇଚ୍ଛେ କରଛେ ସିତାଂଶୁକେ । ଏକ୍ଷୁନି ଓ ଘରେ ଗିଯେ ବେୟାଇମଶାୟେର କାହେ କ୍ଷମା ଚେଯେ ଆସୁକ ।

কিন্তু কিছুই পারলেন না প্রতিমা। শেষ ট্রেনের ভোঁ চোখে নিদালি বুলিয়ে দিয়ে চলে গেল।

কাকভোরে ছেটখাটো হৈ চৈ শুরু হয়ে গেল বাড়িতে। উঠে পড়েছেন প্রতিমা, জেগে উঠেছেন সিতাংশু, তৈরি হয়ে নিচে নৃপুর। চা হচ্ছে, মালপত্র গোছগাছ চলছে। বাথরুমে দরজা খোলা-বন্ধ হচ্ছে ঘন ঘন। অতনু ট্যাঙ্গি ডেকে আনল। মেয়ে-জামাইয়ের সঙ্গে স্টেশন রওনা হলেন নির্মাল্য।

প্রতিমা দোতলার বারান্দায় এসে দাঁড়ালেন। আলো ফুটে গেছে বেশ, ঘন কুয়াশার পর্দা সরিয়ে ধীরে ধীরে উঁকি দিচ্ছে পৃথিবী। কাগজঅলার সাইকেলের ক্রিং ক্রিং শোনা যায় মাঝে মাঝে। বিকট শব্দ করে মোড়ের বুথে দুধের গাড়ি এসে দাঁড়াল।

সহসা ভীষণ জোর নাড়া খেয়ে গেলেন প্রতিমা। নীচের উঠোনে সিতাংশু। মগে করে জল দিচ্ছেন ফুল গাছের চারায়! গাছের গোড়াগুলো খোঁচাচ্ছেন কাঠি দিয়ে, আবার চেপে চেপে দিচ্ছেন মাটি।

প্রতিমা ফিক করে হেসে ফেললেন। ঈর্ষার উত্তাপই বুঝি বেঁচে থাকাটা আজও রঙিন করে দেয়। পাগল, লোকটা একেবারে পাগল।

বিপ্রতীপ

সা তসকালে খাওয়া সেরে এ ঘর ও ঘর পায়চারি করছিলেন শিবতোষ।
মেয়ে বউ-এর তাড়নায় শুয়েওছিলেন একটুখানি, ভাতঘুমে চোখের পাতা
জড়িয়ে আসতেই তড়াং করে উঠে পড়েছেন। তিনটে বেজে গেল না
তো? ঘুরছেন ফিরছেন আর ঘড়ি দেখছেন শিবতোষ। উফ্ফ, দুপুর যেন আজ
নড়তেই চায় না! সবে এখন দুটো বাজুতে পাঁচ!

শিবতোষ একবার বাস্তভাবে মেয়েকে বললেন, আমার ধূতি পাঞ্জাবি বার করে
রেখেছিস তো?

মিতালি খাটে শুয়ে গল্লের বই পড়ছিল। সামনে পার্ট ওয়ান পরীক্ষা, তবু দুপুরে
পড়ার বই উলটানো তার ধাতে নেই। বই বুকে রেখে চোখ ঠোঁট টিপে হাসল,
গরদের পাঞ্জাবি ইন্সি করে রেখেছি।

নীলিমা বারান্দায় বসে র্যাশনের গম বাছছিলেন। এ সপ্তাহে এত মাটি দিয়েছে
গমে! মেয়ের কথায় তাঁর হাত থেমে গেল, গরদের পাঞ্জাবির সঙ্গে নকশাপাড়
ধূতিও বার করে দিস। ওই যে তোর দিদির বিয়ের সময়ে যেটা বাবাকে দিদির
শ্বশুরবাড়ি থেকে দিয়েছিল।

শিবতোষ ঠাট্টাটা বুঝলেন না, বললেন, না না, এই গরমে গরদ পরব না।
মিতু, তুই বরং আমার আদির পাঞ্জাবিটা বার করে দে।

নীলিমা আবার ফুট কাটলেন, একটু সেণ্ট ফেণ্টও মেঝে নিও। বড়লোকের
বাড়ি যাচ্ছ, গা দিয়ে ঘামের গন্ধ বেরলে তারা কিন্তু নাক সিঁটকোবে।

শিবতোষ এতক্ষণে বিদ্রূপটা ধরেছেন। চুপ করে গেলেন। সারাটা জীবন যাদের
হেসেল ঘরে কাটে তারা কী বুঝবে গুরুশিশ্যের সম্পর্কের মহিমা! প্রিয় ছাত্রকে
জীবনে উচ্চ প্রতিষ্ঠিত দেখলে কতটাই বা আনন্দ হতে পারে শিক্ষকের!

মিতালি উঠে আলমারি থেকে পাঞ্জাবি বার করে দিল। বেশ কয়েক বছরের পুরনো, অবসর নেওয়ার সময় স্কুল থেকে পেয়েছিলেন পাঞ্জাবিটা। বিদায় উপহার। সামাজিক অনুষ্ঠান ছাড়া শিবতোষ আদি বা গরদ পরেন না। বন্দরই তার বারো মাসের সঙ্গী। সামাজিক অনুষ্ঠান না হলেও আজ একটা বিশেষ দিন তো বটেই। আজ এটাই মানাবে।

মিতালি বই নিয়ে আবার বিছানায় ফিরেছে, এত তাড়াতাড়ি বেরনোর কী আছে? তুমি আরেকটু বিশ্রাম নিলে পারতে বাবা। ট্রেন তো সেই তিনিটে চলিশে, ঝওয়া তিনিটের পর বেরলেও চলবে। এই রোদুরে অতটা পথ ভাঙা!

দুপুর রোদে অতটা পথ শিবতোষ মাঝে মাঝে ভাঙেন। ভাঙতে হয়। কখনও ডি আই অফিস, কখনও প্রভিডেন্স ফাউন্ড দপ্তর। আট বছর হয়ে গেল আজও পেনশনের ফাইল ঘোমটা খুলল না। এল আই সি-র একটা পলিসি ম্যাচিওর করাতে বড় মেয়ের বিয়েটা দিয়েছিলেন, পি এফ-এর টাকা হাতে এলে ছেট মেয়ের জন্য দুশ্চিন্তা করত। ঘরদোরের হালতও খারাপ হচ্ছে দিন দিন। কত দিন যে কলি পড়েনি বাড়িটায়! শুধু টিউশনির টাকায় কত ছিদ্র সামলাবেন শিবতোষ? আজকাল সময় অন্যরকম, স্কুলের সঙ্গে যুক্ত না থাকলে খুব বেশি ছাত্রও পাওয়া যায় না। তাও ভাল, ছেলে এখনও বাবা মাকে মনে রেখেছে। শিলিঙ্গড়ি থেকে টাকা পাঠায় নিয়মিত। বড় বাচ্চার খরচ সামলে। দুশো তিনশো যখন যা পারে।

শিবদোষ আনমনে বললেন, এই তো পথ! কী আর এমন দূর!

বাড়ি থেকে স্টেশন হাঁটাপথে দশ মিনিট। তিনিটে চলিশের ট্রেন ঠিকঠাক এলে মাঝেরহাট পৌঁছতে মিনিট পনেরো। সেখান থেকে বাসে নিউআলিপুর আর কতটুকুই বা? তবে সেভাবে ভাবতে গেলে দূরও বটে। গাড়ি যদি সময় মতো না আসে, তাহলেই হল। ছুটির দিন, আজ এমনিতেই ট্রেন কম। ট্রেন না পেলে তখন তীর্থের কাকের মতো বসে থাকো!

শিবতোষ মনে মনে আবারও উত্সেজিত হয়ে উঠছিলেন। আজকাল নিয়মানুবর্তিতা শব্দটাই উঠে গেছে রেল কোম্পানির অভিধান থেকে। আছেই বা কোথায়? স্কুল কলেজ অফিস সংসার রাজনীতি সর্বত্রই অঙ্গুত বিশৃঙ্খলা। যুগটাই সারাক্ষণ পালাই পালাই করছে। সাড়ে চারটে পাঁচটায় কুশলের বাড়ি পৌঁছুবেন বলেছেন, একটু নয় আগেই বেরলেন আজ।

কুশলের মুখ মনে পড়তেই শিবতোষের দেহে আনন্দের ধারা বহে গেল। কুশলেরও সময় জ্ঞান কম ছিল, প্রেয়ারে রোজ দেরি করত কিন্তু মাথাটা বড় সাফ ছিল ছেলেটার। জটিল অঙ্ক দিয়ে শিবতোষ ক্লাসে অল্প জিরোচ্ছেন, ছেলেরা

মুখ চাওয়া চাওয়ি করছে, এক মিনিটে কুশল খাড়া—হয়ে গেছে স্যার। শিবতোষ
তখনই বুঝেছিলেন ছেলেটা অনেকদূর যাবে।

গেছেও। অনেক অনেক উঁচুতে উঠেছে কুশল। সেদিন ডালহাউসিতে দেখা
না হয়ে গেলে হয়তো জানতেও পারতেন না শিবতোষ। কত ছেলে যে কত
দিকে ছড়িয়ে গেছে!

রাইটার্স থেকে বেরিয়ে শিবতোষ তখন ধর্মত্বার দিকে হাঁটছেন। এডুকেশন
সেক্রেটারির সঙ্গে দেখা করার একটা ডেট পেয়েছিলেন, সেক্রেটারি সাহেব অফিসেই
আসেননি। মন বেশ অবসন্নই ছিল। মিশন রো'র ফুটপাতে হঠাৎই কুশলের সঙ্গে
দেখা। অফিস থেকে বেরিয়ে কুশল গাড়ির দিকে যাচ্ছিল। সুট প্যাণ্ট টাই পরা
কেতাদুরস্ত চেহারা। চোখে বিদেশি সানগ্লাস। পনেরো বছর পর দেখা, তবু চিনতে
ঠিক এক মুহূর্ত সময় লেগেছিল শিবতোষের। কুশলও দেখেছে তাঁকে, স্যার আপনি?

—তুমি কুশল তো?

—হ্যাঁ স্যার।

কুশলের পিছনে কুশলের বেয়ারা। তার হাতে কুশলের ব্রিফকেস।

কুশল বেয়ারাকে নির্দেশ দিল—গাড়িতে তুলে দাও সব। বলেই শিবতোষের
দিকে ফিরেছে, আপনি ভাল আছেন তো সার?

—আছি একরকম। তোমার খবর কী? সেই যে প্রেসিডেন্সিতে ভর্তি হলে,
আর তো তোমার কোনও খবরই পাইনি।

—এখান থেকে এম. এস-সি করে স্যার বাইরে গেছিলাম। কমপিউটার নিয়ে
পড়তে।

—বাহু বাহু। স্টেটসে বুঝি?

—হ্যাঁ স্যার। ক্যালটেকে ছিলাম ছ'বছর। ম্যানেজমেন্টের কোর্সও করেছিলাম।
এখন দেশে ফিরে চাকরি।

শ্রদ্ধামন্ত্রিত বিস্ময় শিবতোষের মুখচোখে,—কোথায়? কোন কোম্পানিতে?

—একটা আমেরিকান ফার্মে।

—ম্যানেজারিয়াল র্যাঙ্ক?

—ওই রকমই আর কি? কুশল হালকা হাসছিল, আপনি এদিকে কোথায়?

—আর বোলো না, পেনশনটা আটকে আছে। আট বছর। কত চেষ্টাচরিত্র
করে এডুকেশন সেক্রেটারির সঙ্গে একটা ডেট করলাম, শিয়ে শুনি তিনি আজ
ছুটি নিয়েছেন।

—এডুকেশন সেক্রেটারি কে এখন? তিমিরদা না?

—তিমির আচার্য। তুমি চেনো?

—তিমিরদা আমাদের ক্লাবের মেম্বার। পরশুও তো অনেকক্ষণ আড়তা মারলাম।
সানগ্রাম খুলে হাতে ধরল কুশল, বলব নাকি স্যার আপনার কেসটা?

—বলবে? খুশিতে বুক নেচে উঠেছিল শিবতোষের—তাহলে খুবই ভাল হয়।
বৃথাই শুধু ঘুরে ঘুরে মরছি। পেনশন পি এফ কিছুই এখনও পেলাম না।

—না না, এ ভারী অন্যায়। ঠিক আছে, আমি দেখছি।

শিবতোষ সেই মুহূর্তে লজ্জা পেয়েছিলেন একটু। নিজের কাহিনী শোনাতে
গিয়ে কুশলের বাড়ি ঘরদোর সম্পর্কে কিছুই জানা হয়নি তখনও। তাড়াতাড়ি
প্রশ্ন করেছিলেন—বিয়ে থা করেছ তো কুশল?

কুশল মাথা চুলকেছিল,—হ্যাঁ স্যার। বছর ছয়েক।

—ছেলে পুলে?

—একটি। ছেলে। সবে নার্সারিতে ভর্তি হয়েছে।

—ভাল। খুউব ভাল। শিবতোষ যতটা পুলকিত, ততটাই উচ্ছ্বসিত। তাঁদের
রামরতন বিদ্যামন্দিরে সাংঘাতিক মেধাবী ছাত্র কোনও দিন আসেনি বড় একটা।
বেশিরভাগেরই মান অতি সাধারণ। সাধারণমানের রেজাল্ট। নবৃষ্টী যদি পরীক্ষায়
বসে, তো দশটা ফার্স্ট ডিভিশন যাবে কি যাবে না। বেশির ভাগ ছেলেরই পড়াশুনোর
মাথা নেই, মনও নেই। তবু তার মধ্যেই দু-একটা অসাধারণ স্ফুলিঙ্গ শিবতোষেরা
পেয়েছেন বইকি। কুশলদের মতো।

শিবতোষ কুশলকে খুঁটিয়ে খুঁটিয়ে দেখছিলেন। একটু মোটা হয়েছে ছেলেটা।
পেটে, ঘাড়ে, গালে, চোখে চর্বি আসন গাঢ়ছে। চওড়া কপাল। ঝাকঝাকে চোখ।
চিবুকের ভাঁজে একটা আলাদা ব্যক্তিত্বের ছাপ। কুশল সফল। শিবতোষের গলা
মেঝে জড়িয়ে আসছিল,—কী রেজাল্টটাই না তুমি করেছিলে মাধ্যমিকে!

তোমার বাবা চেয়েছিলেন তুমি হায়ারসেকেভারি কোনও নাম করা স্কুল থেকে
করো, তুমি আমাদের ছেড়ে গেলে না।

—আপনার মনে আছে স্যার?

—ছিল না। এখন সব মনে পড়ে যাচ্ছে।

—সবই আপনাদের আশীর্বাদ স্যার। আসুন না স্যার আমার বাড়িতে একদিন।
শিবতোষ সম্পূর্ণ গলে গেলেন। বিদ্যালয় মানুষের বুনিয়াদ গড়ে দেয়। বুনিয়াদের
ওপর বেড়ে ওঠে ইমারত। একতলা। দুতলা। দশতলা। পঁচাতলা। অব্রংলেহী
অট্টালিকা। যখন দাঁড়িয়ে থাকে সদর্পে, তখন কজন আর মনে রাখে ভিত্ত গড়ার
কারিগরদের?

কুশল মনে রেখেছে। কুশল মহান। শিবতোষ পাশের ঘরে গিয়ে জামাকাপড় বদলে এলেন। আদির পাঞ্জাবি পরেছেন, ধবধবে সরু পাড় ধূতি। শীর্ণকায় বৃদ্ধ শরীর অভাবে ক্ষত বিক্ষত হলেও এখনও ব্যক্তিত্বে উন্নত। তুলনায় নীলিমাই বরং বেশি অশক্ত হয়েছেন। গোলগাল দেহটাতে তাঁর নিত্য অসুখ যন্ত্রণা। বাত। কফ। পিত্ত। শিবতোষ স্ত্রীকে বললেন, খুউব তো সকাল থেকে টিটকিরি মারছ আমাকে, ছেলেটার সঙ্গে আজ দেখা হলে আমার থেকে ঝোমাদেরই উপকার হবে বেশ। নীলিমার গম ঝাড়া শেষ, ফাটল ধরা সিমেন্টের মেঝেতে গড়াচ্ছেন তিনি। পাশ ফিরে বললেন,—এখন আর কাকে দিয়ে কী উপকার হবে বুঝি না বাপু। স্কুল আর ছাত্র নিয়ে সারাজীবন তো হেদিয়ে মরলে, কী পেলে শেষে? তখন তো খুব আদর্শ দেখিয়ে টিউশানি করতে না। সেই ধরলে, শেষ বয়সে ধরলে! দ্যাখো আরও কী কপালে আছে?

—মাত্র আট বছরেই এত ভেঙ্গে পড়লে? শিবতোষ হাসছেন মন্দু,—আমার মতো কত মাস্টার পেনশন পাওয়ার আগে হেজে পচে মরে গেল তার খবর রাখো? জান না তো গ্রামের স্কুলগুলোর কী অবস্থা! কদিন আগে হেতমপুরে এক মাস্টার বাহাস্তর বছর বয়সে গলায় দড়ি দিয়ে মরল। খেতে না পেয়ে।

নীলিমা শুকনো চোখে তাকালেন,—তোমার ওই ছেলেটা কিছু করতে পারবে বলছ?

—বলল তো করবে। নিজে থেকেই বলল।

মিতালি আবার উঠে বসেছে, তোমার বই দু'টো আমি রঙিন কাগজে সুন্দর করে পাক করে দিয়েছি বাবা। নিতে ভুল না।

কুশলকে উপহার দেবেন বলে কালই দু'টো বই কলেজ স্ট্রিট থেকে কিনে এনেছেন শিবতোষ। হেমিংওয়ের শুল্কম্যান অ্যান্ড দ্য সি, আর একটা সঞ্চয়িতা। প্রথমদিন প্রিয় ছাত্রের বাড়ি যাবেন, একেবারে খালি হাতে তো যাওয়া যায় না।

মিতালি বলেছিল,—এমা, এই বই দু'টো কিনলে কেন? এতো একদম কমন বই। সব বাড়িতে থাকে। বরং দু'টো ক্যাসেট দিতে পারতে। সেতার। সরোদ।

নীলিমা বলেছিলেন,—যাওয়ার আগে একটু মিষ্টি কিনে নিও। তোমার এসব সাংসারিক বুদ্ধি কম, মিষ্টিটা বউ-এর হাতে দেবে।

—না বাবা, মিষ্টি নিয়ে যেও না। বড়লোকদের বাড়ি মিষ্টি নিয়ে গিয়ে কি হবে? তোমার ছাত্র একটা ছেলে আছে বলছিলে না? বাচ্চাটার জন্য বরং মিষ্ক চকোলেট নিয়ে যেও।

শিবতোষ ঘড়ি দেখলেন। তিনটে দশ। এবার বেরিয়ে পড়া যায়। কে জানে

হয়তো স্টেশনে গিয়ে দেখবেন দুটো পাঁচিশের গাড়ি চুকছে সবে। হয়তো শিবতোষের চোখের সামনে দিয়ে বেরিয়ে যাবে ঝমঝম। তারপর শুরু হবে তিনটে চালিশের লুকোচুরি খেলা। সারা দুপুর। সারা বিকেল।

চৈত্র শেষের সূর্য পশ্চিমে হাঁটতে শুরু করেছে। প্রথম উত্তাপে ঝলসে যাচ্ছে পৃথিবী। শিবতোষ রাস্তায় বেরিয়ে ছাতা খুললেন। অন্য হাতে ধরে আছেন উপহারের প্যাকেট। লম্বা লম্বা পা ফেলে হাঁটছেন শিবতোষ। ধুলো উড়িয়ে গরম বাতাস বাঁপিয়ে পড়ছে গায়ে। রাস্তাঘাট প্রায় জনহীন। একা পথে হাঁটতে হাঁটতে শিবতোষ এতক্ষণ পর কেমন একটু অনামনস্ক যেন। কুশলের সঙ্গে দেখা হওয়ার পর থেকে গাঢ় এক তৃষ্ণির ঘোরে ছিলেন। যেন কুশল নয়, তিনি নিজেই সাফল্যের সিঁড়ি বেয়ে উঠেছেন তরতর। অনেকটা। কিন্তু এত আবেগতাড়িত হওয়ার কি দরকার ছিল? হলেনই যদি, তাহলে এমন কাঙ্গালপনা কিসের?

শিবতোষ নিজের মনে মাথা নাড়লেন। কাঙ্গালপনা ভাবছেন কেন? কুশল যদি নিজে থেকেই শিক্ষকের জন্য কিছু করতে চায় সে তো এক ধরনের গুরুদক্ষিণ। অত বড় পোস্টে চাকরি করেও কুশল কী নিরহঙ্কার। ভদ্র। বিনয়ী। এই বিনয়, ভদ্রতা, শিক্ষা শিবতোষরাই তো বপন করেছেন। একটু একটু করে। বিনিময়ে এটুকুও করা কি কুশলের কর্তব্য নয়?

ট্রেন লেট ছিল না। বাস পেতেও সময় লাগেনি। সাড়ে চারটের আগেই শিবতোষ কুশলের ঠিকানায় হাজির। আকাশছাঁয়া বহুতল হর্মের অষ্টম তলায় কুশলের বাস। লিফটম্যান পলকের আগে শিবতোষকে পৌঁছে দিল সেখানে।

শিবতোষ বেলে হাত রাখলেন। ছুটির দিন। কুশল কি এখন বিশ্রাম নিচ্ছে? আরেকটু পরে এলে কি ভাল হত?

প্যান্ট শার্ট পরা এক কিশোর দরজা খুলেছে।

—কুশল দশগুণ আছেন?

ছেলেটি অপাঙ্গে শিবতোষকে দেখে নিল,—আসুন।

বাইরে থেকে দেখে ফ্ল্যাটের পরিমাপটা আন্দাজ করা যায় না। একটুখানি চওড়া প্যাসেজ পেরিয়ে বাঁদিকে ঘুরলে অতিকায় ড্রয়িংরুম। প্রায় ক্রিকেট মাঠের মতো। আগাগোড়া কাশ্মীরি কার্পেটে মোড়া। পা রাখলেই গোড়ালি ডুবে যায়। বাইরে এত প্রচণ্ড তাপ এখানে তার লেশমাত্র নেই। নীলচে আলোছায়া মাথা ঘর যান্ত্রিক মায়ায় মেরুশীতল।

চোখ ঝলসানো আলো থেকে এসে শিবতোষ প্রথমটা কিছু ভালমতো দেখতে পাচ্ছিলেন না। চোখ সয়ে আসতে সুরম্য কক্ষ উত্তাসিত ক্রমশ। আসবাবে বাহারে বিলাসে বৈভবে স্বর্গের বিভা।

ছেলেটি জিজ্ঞাসা করল,—আপনার কি আসার কথা ছিল? কী নাম বলব? শিবতোষ সপ্তিত হতে চাইলেন,—নাম লাগবে না। কুশলকে বলো তার মাস্টারমশাই এসেছে।

—বসুন।

শিবতোষ বসলেন না। দাঁড়িয়েই রয়েছেন। কুশলের বাবা কী চাকরি করতেন যেন? মনে নেই। তবে তেমন বড় কিছু নয়। নিত্যস্ত মধ্যবিত্ত মানুষ। রামরতন স্কুলে কেন তিনি ভর্তি করেছিলেন ছেলেকে? হ্যাঁ, এটা মনে পড়েছে। কুচবিহার না কোথাকে যেন বদলি হয়ে এলেন, বছরের মাঝখানে। কোনও ভাল স্কুলে জায়গা হল না, অগত্যা শেষে রামরতন বিদ্যামন্দির। কুশলের মতো ছাত্র আরও কটা ছিল? একটা ছিল দেবাশিস! তিনটে লেটার পেয়েছিল। শিবতোষের রিটায়ামেণ্টের ঠিক আগের বছর। একজন পূর্ণেন্দ! এইটিনথ হয়েছিল মাধ্যমিকে। উচ্চমাধ্যমিকে অন্য স্কুলে চলে গেল। আর? আর? দেবাশিস পূর্ণেন্দুরাও কি এখন কুশলের মতো সাফল্যের চূড়ায়?

একটি মেয়ে ড্রয়িংরুমে এসে দাঁড়িয়েছে। শিবতোষের বড় মেয়ের সমবয়সী প্রায়। তবে গীতালির মতো শীর্ণ নয়, চেহারায় বেশ সম্পন্ন স্বাস্থ্যের ঝলক। শিবতোষের চোখ কম আলোতে সয়ে গেছে, তিনি নিবিড় চোখে মেয়েটিকে দেখছিলেন। কাঁধ অন্দি কঁোকড়ানো চুল। কপালের দু'পাশে তরঙ্গের মতো অলকচূর্ণ। নাক চোখ কাটা কাটা। ঠোঁটে খুতনিতে আদরিণী ভাব। পরনে জাপানি কিমোনো।

পরিচয় জানার দরকার ছিল না, তবু বোকার মতো শিবতোষ প্রশ্ন করে ফেললেন, তুমি, মানে আপনি কুশলের স্ত্রী?

মেয়েটি মিষ্টি করে হাসল, আমার নাম লোপামুদ্রা। আপনি দাঁড়িয়ে কেন? বসুন।

শিবতোষ হাসিমুখে সোফায় শরীর ডোবালেন,—আমি একটু কুশলের কাছে এসেছিলাম।

—বলুন কী দরকার?

শিবতোষ ইতস্তত করলেন, কুশল বাড়ি নেই?

—না। বেরিয়েছে একটু। অফিসের কাজে।

—ফিরতে দেরি হবে?

—হ্যাঁ। কিছু বলতে হবে? আপনি আমাকে বলে যান আমি বলে দেব।

শিবতোষ হতাশ। নিষ্পাস চেপে নিজেকে প্রবোধ দেওয়ার চেষ্টা করছেন। কাজের মানুষ, হঠাৎ কোনও জরুরি কাজে বেরিয়ে যেতেই পারে। এত দায়িত্বের চাকরি,

সবসময় কি কথা দিয়ে কথা রাখা যায়! এই তো, দুটির দিনেও বেরতে হয়েছে বেচারাকে!

শিবতোষ টেক গিলে বললেন, না, এমনিই এসেছিলাম। তোমাদের সঙ্গে আলাপ পরিচয় করতে।

—তাই বুঝি? একই হাসি ধরা আছে লোপামুদ্রার ঠোটে।

—আপনি শরবত খাবেন? চা?

বেরনোর আগে নীলিমা জিজ্ঞাসা করেছিলেন,—ফিরছ কখন? দেখো, রাত করো না। ছাত্র জন্য যা ব্যাকুল দশা!

মিতালি হাসছিল ফিকফিক,—রাতই হবে মা। বাবার কুশল কি বাবাকে না খাইয়ে ছাড়বে? নতুন বউমা পাবে, নাতি পাবে...

শিবতোষ সজ্ঞানে মিথ্যে কথা বললেন,—না থাক, আমি চা শরবত খাই না। তা মা তোমাদের ছেলেকে দেখছি না তো?

—দেখবেন? বুম্বাআআ...লোপামুদ্রা মেপে গলা ওঠাল,—বুম্বা একবার এদিকে এসো তো।

ডাক শুনেই ছুটে এসেছে বুম্বা। দেবশিশুর মতো ফুটফুটে ছেলে। একমাথা রেশমি চুল। টোপা টোপা গাল।

—এসো এসো। শিবতোষ শিশুটিকে দু'হাতে কাছে টানলেন,—তোমার ভাল নাম কী?

—ঝত্তিক দাশগুপ্ত।

—বাহু, খুবই সুন্দর নাম। বলো তো ঝত্তিক মানে কী?

বুম্বা মায়ের দিকে ফ্যালফ্যাল তাকাল।

শিবতোষ বললেন,—ঝত্তিক মানে যজ্ঞের পুরোহিত। তুমি ঝত্তিক হতে পারবে তো? বিশাল পৃথিবীর যজ্ঞশালায়? বলেই হো হো করে হেসে উঠলেন, এই নাও চকোলেট। তোমার জন্য এনেছি।

ছেট ছেট হাতে মিঞ্চি চকোলেটের প্যাকেট সাপটে ধরল বুম্বা, থ্যাংক ইউ।

শিবতোষ রঙিন প্যাকেট এগিয়ে দিলেন লোপামুদ্রার দিকে,—এটা তোমার জন্য মা।

লোপামুদ্রা ঈষৎ লজ্জা পেল যেন। ধনাবাদ জানিয়ে প্যাকেট রেখে দিল কাচের টেবিলের নীচে। আলতো ভাবে বলল,—একটু অন্তত শরবত খান। কুশল ফিরে এলে কী মনে করবে...

—শরবত নয়, তুমি বরং একটু জল দাও। শিবতোষ আবারও টেক গিললেন।

—বসুন পাঠিয়ে দিছি।

বুম্বা এখনও বড় বড় চোখে দেখছে শিবতোষকে। একবার পিছন ঘূরে ভেতর দিকটা দেখে নিল। তারপর ফিসফিস প্রশ্ন জুড়েছে,—তুমি বুঝি বাপির মাস্টারমশাই?

—হ্যাঁটউ! তুমি কী করে জানলে?

—বাবে, বাপি তো গিয়ে মাকে বলল, আমার স্কুলের একজন টিচার এসেছে। বুম্বা শিবতোষের কানের কাছে মুখ নিয়ে এল,—তুমি বুঝি বাপিকে খুব বকো?

পাঁজরায় ধাক্কাটা শিবতোষ বহু কষ্টে সামলেছেন। বললেন,—কই, নাতো!

—তাহলে বাপি কেন মাকে বলছিল, যাও যাও, তুমি গিয়ে তাড়াতাড়ি কাটাও? আমি সামনে যাব না!

বেশি যন্ত্রণায় দুঃখবোধ মরে যায়। শিবতোষের মুখ থেকে হাসি বেরিয়ে এল। বুম্বার মতো করেই বুম্বার কানের কাছে মুখ রাখলেন, কী করছে তোমার বাপি?

—বাপি গসিপ করছে। বুম্বা দিব্য গুছিয়ে কথা বলে,—ওই ওদিকের গেস্টরুমে। আব্রাহাম আঙ্কল আছে, রায়জোর্ট আছে। জানো আজ তুমি এসেছ বলে বাপি মার সঙ্গে তিন দিন পরে কথা বলল! ক্লাবে গিয়ে দুজনের খুব ঝগড়া হয়েছিল তো! কুনা আন্টিকে নিয়ে।

শিশু বকবক করে চলেছে অবিরাম। বোধহয় একটাই ধৈর্যশীল শ্রোতা পেয়ে। শিবতোষের হাসি মরে আসছিল। ছেলেটি জলের প্লাস রেখে চলে যাচ্ছিল, অনুচ্ছ স্বরে ডাকলেন তাকে,—মেমসাহেবকে ডাকো। কথা আছে।

লোপামুদ্রা ফিরছে ড্রয়িংরুমে। ভুরুতে ভাঁজ তার।

শিবতোষ ঠাণ্ডা গলায় বললেন, কুশলক বোলো ওর বন্ধুকে আমার পেনশনের কথা বলতে হবে না।

—বলবার কথা আছে বুঝি?

—ছিল। পরে ভেবে দেখলাম, মাস্টারমশাই-এর জন্য ওকালতি করতে যাবে, যদি কাজটা না হয়, তাতে ওরই অসম্মান। আমি কি ছাত্রের অসম্মান চাইতে পারি?

এবার সিঁড়ি ধরে নামছেন শিবতোষ। সাততলা। ছতলা। পাঁচতলা। পার্কি স্পেসে পৌঁছে হাঁপাচ্ছেন ভীষণ। ঘারে সপসপ আদির পাঞ্জাবি লেপটে আছে গায়ে। কুশলের ফ্ল্যাটে চুকতেই একটা মিষ্টি গন্ধ নাকে ঝাপটা মেরেছিল। গন্ধটা কি সুরার?

রাস্তায় বেরিয়ে শিবতোষের হঠাতেই কেমন গা গুলিয়ে উঠল। নর্দমার ধারে উবু হয়ে বসে হড়হড় করে বমি করে ফেললেন শিবতোষ।

ট্রেন প্রায় ফাঁকা। কামরার একেবারে শেষ প্রান্তে জানালার ধারে বসেছেন শিবতোষ। সারা বিকেল, সারা সঙ্গে মহানগরীর রাস্তায় রাস্তায় এলোপাথাড়ি ঘুরেছেন বৃন্দ শিক্ষক। এবার ফেরার পালা।

শেষ বসন্তের মধুর হাওয়ায় শিবতোষের শরীর ছড়িয়ে আসছিল। মাথার ঝিমঝিম ভাব অনেক কম।

বেস ব্রিজ পার হতেই কামরা অঙ্ককার হয়ে গেল। বাইরের অঙ্ককার ভেতরের অঙ্ককার একাকার। অকস্মাত চাপা গলায় কতগুলো ছেলের চিংকার শুনলেন শিবতোষ। আঁধারেও টের পাছেন ছড়িয়ে ছিটিয়ে বসে থাকা গুটিকতক মহিলা পুরুষ আতঙ্কে শিহরিত।

শিবতোষের উলটোদিকে বসা ভদ্রলোকের মুখে টর্চ ফেলল দুটো ছেলে,— যা মালকড়ি আছে বার কর।

লোকটা ভয়ে ভয়ে মানিব্যাগ দিয়ে দিল। হাতের আংটি ঘড়ি।

সামনের দিক থেকে এক মহিলা আর্ত চিংকার করছে,—আমি দেবনা, কিছুতেই আমার গয়না দেব না।

শিবতোষের মুখের ওপর জোরালো টর্চের আলো পড়ল। জলেই নিবে গেল বাতি। কর্কশ কষ্ঠ ধরকে উঠল,—আপনি কেন এ গাড়িতে স্যার? হ্যাঁ। কী ঝামেলা মাইরি। বলেই ছেলেটা ছিটকে গেছে দরজার দিকে। দু-চারটে ছেলের উভেজিত কথাবার্তা কানে এল শিবতোষের। স্পষ্ট বোৰা যায় না, মনে হয় নিজেদের মধ্যে ঝগড়া করছে ছেলেগুলো।

পরের স্টেশনে গাড়ির গতি কমতেই ঝুত নেমে গেছে ছেলেগুলো। জানালা দিয়ে সামনের লোকটার, আংটি ঘড়ি পার্স ছুড়ে দিল। কটু স্বরে নোংরা গালাগাল ছুড়ল একটা,—কার মুখ দেখে উঠেছিলাম মাইরি। শালা দিনটাই নষ্ট করে দিল। ধান্দার ট্রেনে কেন যে থাকে এসব লোক!

উপস্থিত যাত্রীরা হতভস্ব। নতুন কিছু যাত্রী উঠল শেষ গাড়িটাতে।

ট্রেন ছাড়তে একটা একটা করে মুখ খুলছে,—কী দাদু? ছিনতাই পার্টি উঠেছিল? —ধরতে পারলেন না হারামজাদাদের? যত্ত সব অ্যাণ্টিসোশাল!

সামনের লোকটা পার্স পকেটে ভরছে। আংটি আঙুলে গলিয়ে শিবতোষকে প্রশ্ন করল,—আপনার চেনা বুঝি?

শিবতোষ অঙ্ককারে বিমল হাসলেন। পরিষ্কার স্বরে বললেন,—আমার ছাত্র। আমাকে দেখে লজ্জা পেয়েছে।

অঙ্ককারে হাওয়া আরও শীতল এখন। শিবতোষ চোখ বুজলেন।

ମଧ୍ୟବିତ

ବାଡ଼ି ଫିରେ ଧରାଚୁଡ଼ୋ ଛାଡ଼ିଲ ଶୁଭେନ୍ଦୁ । ବୁଧବାରଟାଯ ବଡ଼ କାହିଲ ଦଶା ହୟ ତାର । କଲେଜ ଛୁଟିର ପର ତିନ ବ୍ୟାଚ ଟିଉଶନି ଥାକେ, ଦୁଟୋ ଅନାର୍ସେର ବ୍ୟାଚ । ଶୁଭୁ ନୋଟ ଦିଲେଇ ହୟ ନା, ଜନା ପନେରୋ ଛେଲେର ସଙ୍ଗେ ବକତେଓ ହୟ ବହଞ୍ଚଣ । ମାଥା ପୁରୋ ମହାଶୂନ୍ୟ ହୟେ ଯାଯ । ତାରପର ମିନିଟ ପଥାଶ ଶହରତଲିର ଟ୍ରେନ ଉଜିଯେ ଯାଦବପୁର, ନେମେ ଗଦଗଦେ ଭିଡ଼ ଠେଲେ ଚାର-ପାଁଚ ମିନିଟ ହାଁଟା । ଏରପର କି ଆର ଶରୀର ଚଳେ ।

ଅର୍ଚନା ଡ୍ର୍ୟିଂରମେ । କେବଳ୍ ଟିଭିର ସିନେମାଯ ମଘ । ବିମଲିର ମାସ୍ଟାରମଶାଇ ଏସେଛେନ, ମେଯେ ପଡ଼ିଛେ ପାଶେର ଘରେ, ଶବ୍ଦ ତାଇ କମାନୋ ଆଛେ ଟିଭିତେ । ତବୁ ମାରେ ମାରେ ମୃଦୁମନ୍ଦ ବାଜନା ଶୋନା ଯାଯ, ଗାନର କଲିଓ ।

ପର୍ଦା ସରିଯେ ଉଁକି ଦିଚେ ସରସ୍ତାତି । ନତୁନ କାଜେର ମେଯେ । ରାତଦିନେର ଫାଇଫରମାଶ ଖାଟାର ଜନ୍ୟ ମାସଥାନେକ ହଲ ଜୋଗାଡ଼ କରା ଗେଛେ ଶାଲୀର ଦୌଲତେ । ରାଯଦିଧି ନା ରାଯଚକ କୋଥାଯ ଯେନ ବାଡ଼ି । ବହର ଦଶ-ଏଗାରୋ ବୟାସ ମେଯେଟାର, ଶ୍ୟାମଲା ରଂ, ମୁଖଥାନି ଭାରି ଫୁଟଫୁଟେ ।

ଶୁଭେନ୍ଦୁ ହ୍ୟାଂଗରେ ଶାର୍ଟ ଟାଙ୍ଗାତେ ଟାଙ୍ଗାତେ ବଲଲ—କୀରେ, କିଛୁ ବଲବି ?

—ତୁ ମି ଚା ଖାବେ ମାମା ?

—କେ କରବେ ? ତୁଇ ?

ମେଯେଟା ଫିକ କରେ ହାସଲ,—ଆମି ଚା କରତେ ଶିଖେ ଗେଛି ।

—ବାହ୍, ତୁଇ ତୋ ଖୁବ କାଜେର ହୟେ ଗେଲି ରେ !

—ଆମି ଗ୍ୟାସ ଜ୍ଵାଲାନୋଓ ଶିଖେ ଗେଛି । ନେବାତେଓ ପାରି ।

ସରସ୍ତାତିର ଲାଜୁକ ଉଚ୍ଛ୍ଵାସେ ମଜା ପେଲ ଶୁଭେନ୍ଦୁ । ଦିବି ବୁଲି ଫୁଟେ ଗେଛେ ମେଯେଟାର ।

মনে হচ্ছে এবার অর্চনার কপাল ভাল, মেয়েটা বোধহয় টিকেই গেল। ওফ্, প্রথম কদিন এই মেয়ে নিয়েও যা ভোগান্তি গেছে। সকাল নেই, সঙ্গে নেই—সারাক্ষণ দরজার আড়ালে গিয়ে ফ্যাচফ্যাচ কান্না। খেতে দিলে কাঁদে, শুতে বললে কাঁদে, টিভি দেখতে ডাকলেও কাঁদে, সে এক যমযন্ত্রণা! অর্চনা তো এক সময়ে ঠিকই করে ফেলেছিল মেজদির বাড়িতে ফিরিয়েই দিয়ে আসবে সরস্বতীকে। যার নাড়িছেঁড়া ধন সে এসে বাবা ফেরত নিয়ে যাক দেশে। সুখের চেয়ে স্বাস্থ ভাল।

নাহু, শহরের জলবাতাসের গুণ আছে।

শুভেন্দু আলগোছে ঘড়ি দেখল। নটা বাজতে দশ। দশটার টিভি সিরিয়াল শেষ না হলে খেতে বসা হবে না। এখন এক কাপ চা খাওয়াই যায়। স্মিতমুখে বলল,—ঠিক আছে কর্। দেখিস্ গ্যাস সাবধানে জ্বালাস্।

সরস্বতী প্রায় উড়তে উড়তে চলে যাচ্ছিল, কী মনে করে তাকে ডাকল শুভেন্দু। বলল,—দিদির মাস্টারমশাইকে জলখাবার দেওয়া হয়েছে?

—ইঁয়া। মামি অফিস থেকে ফেরার সময়ে মিষ্টি এনেছিল।

মিষ্টি! বেয়াল্লিশ বছরের অঞ্জ ভুঁড়ি হওয়া পেটে আল্গা হাত বোলাল শুভেন্দু। এক মুহূর্ত ভেবে বলল,—ইঁয়ারে সরস্বতী, তুই ওমলেট বানাতে পারিস্? —ওমলেট!

—হ্যাঁ-আ—ডিমভাজা!

বোকা বোকা মুখে দু'দিকে ঘাড় নাড়ল সরস্বতী।

—এত সিম্পল কাজটা এখনও শিখিসনি! শুভেন্দুর মুখে আফসোসের শব্দ,... খুব সোজা রে। ডিমটাকে ফাটিয়ে... গুলে... একটু নুন দিয়ে ভাজতে হয়। সস্প্যানে এক চিমটি তেল দিয়ে নিবি, তেল গরম হলে ডিম ছাড়বি... সঙ্গে একটু পেঁয়াজকুচি লঙ্কাকুচিও দিতে পারিস্... না দিলেও চলে...

সরস্বতী মন দিয়ে শুনছে, কিন্তু কিছু বুঝাছে বলে মনে হয় না। শুভেন্দু হেসে ফেলল,—থাক, তুই আমাকে বরং দুটো বিস্কুট দিস্।

—মিষ্টি বিস্কুট না নোন্তা বিস্কুট?

—নোন্তা।

সরস্বতী চলে যাচ্ছিল, আবার তাকে ঢেকেছে শুভেন্দু,—আমার তোয়ালেটা ওই বাথরুমে আছে তো রে?

এক পলক ভেবে সরস্বতী বলল,—না তো! যমুনামাসি কেচে দিয়েছিল, বারান্দায় শুকোতে দিয়েছি। এনে দেব?

—উঁহ। চা করার আগে ওটা একটু বাথরুমে রেখে দিয়ে যা, কেমন?

নবুই ডিপ্রি ঘাড় হেলিয়ে চলে গেল সরস্বতী।

বৈশাখ চলছে। প্রথর বৈশাখ। রাত নটাতেও দিনের তাত মরেনি। শুভেন্দুর গা হাত পা চিটপিট করছিল। ক'দিন ধরে ইউমিডিটিও বেড়েছে বটে, পাখার হাওয়াও গায়ে লাগে না। সারাক্ষণ বিজবিজে ঘাম। প্রতি গ্রীষ্মে নিয়ম করে ঘামাচি বেরোয় শুভেন্দুর, চুলকে চুলকে গা লাল হয়ে যায়। ভাগ্য ভাল, এ বছর আক্রমণটা শুরু হয়নি।

শুভেন্দু স্নানে গেল।

বছর তিনেক হল ফ্ল্যাটটা কেনা হয়েছে। বড় নয়, আবার খুব ছোটও নয়, মাঝারি মাপের। সিঁড়ি প্যাসেজ সব ধরে সাতশো ষাট। টু রুম ড্রয়িং ডাইনিং। তিনজনের সংসারে এর বেশি আর কী লাগে! ঘর দুটো মোটামুটি বড়ই। বাপ মার তেরো বারো, মেয়ের বারো-বারো। বসার জায়গাটা নিয়ে একটু মন-খুঁতখুঁত আছে অর্চনার, আরেকটু ছড়ানো হলে যেন ভাল হত। তা সব কি আর মনের মতো হয়! ডাইনিং স্পেস্টা বেশ কায়দার—এল শেপের। বসার জায়গা থেকে খাবার টেবিল দেখা যায় না, বাড়ির একটা আকু থাকে। ব্যালকনিটাও যথেষ্ট চওড়া, লাইন দিয়ে সেখানে টব রেখেছে অর্চনা। বাথরুম দুটো। শুভেন্দুর ঘরের লাগোয়াটা বড় ছোট, তৃপ্তি করে স্নান করা যায় না—রাতবিরেতে শুধু কাজে লাগে। মাথার ওপর শাওয়ার থেকে বৃষ্টিধারা ঝরবে, হাত পা ছড়িয়ে দাঁড়িয়ে প্রতিটি রোমকুপে শুষে নেওয়া যাবে জলকগা, তবেই না সুখ।

স্নানের পর ঘাড়ে গলায় হালকা পাউডার থুপে অর্চনার পাশে এসে বসল শুভেন্দু। নিচু স্বরে জিজাসা করল,—মাস্টারমশাই আজ কখন এসেছেন?

রঙিন পর্দায় বিরহের দৃশ্য চলছে। মহীশূরের বৃন্দাবন গার্ডেনে গান গেয়ে গেয়ে কাঁদছে নায়িকা, একই গানের পরের লাইন মুম্বই-এর জুহু বিচে বসে গাইছে নায়ক, যুগল অঙ্কতে পর্দা প্রায় ভিজে যায়-যায়।

অর্চনা বিরহ থেকে চোখ সরাল না, বলল,—পৌনে আটটা।

—অনেকক্ষণ পড়াচ্ছেন তো আজ?

—দেড় ষষ্ঠা তো পড়ানোরই কথা!

—হ্যাঁ, তা ঠিক। তবে এই তো সবে নতুন ক্লাস শুরু হল...

অর্চনা ঘুরে তাকাল,—ঝিমলির এখন ক্লাস নাইন, স্যার। গোড়ার দিকে লুজ্ দিলে পুরো মাধ্যমিক ঝরবারে হয়ে যাবে।

সরস্বতী চা-বিস্কুট নিয়ে এসেছে। কাচবসানো বেতের সেন্টার টেবিলে কাপ প্লেট রাখল সাবধানে।

অর্চনা ভুক্ত কোচকাল,—কীরে, মামাকেই শুধু চা দিলি ? আমাকে দিবি না ?
ছোট্ট করে হাসল, সরস্বতী,—তোমারও করেছি। আনছি।
চা খাচ্ছে দু'জনে। সরস্বতী টিভির একদম সামনেটায় গিয়ে বসল ঘেরেতে।
ঘাড় উঁচু করে তাকিয়ে আছে পর্দার দিকে। চোখ স্থির।

পিছন থেকে শুভেন্দু হাসতে হাসতে বলল—কী দেখছিস রে সরস্বতী ?
—টিবি।

—টিভি তো বুঝলাম, টিভিতে কী দেখছিস ?

সরস্বতী শরীর মোচড়াল,—টিবি।

হাহা হেসে উঠল শুভেন্দু। অর্চনা বলল,—খুব টিভি দেখার নেশা হয়েছে মেয়ের !
শুভেন্দু বলল,—বেশ চাম্পুও হয়ে উঠেছে।

—কীরকম ?

—দেখলে না, বলতে হল না, ঠিক দু'কাপ চা করে ফেলেছে ! বুঝে গেছে
মামা চা খেলেই মামি খাবে।

—অথবা মামি খেলে মামা ! অর্চনা ঠোঁট টিপে হাসল,—এসব দেখতে তো
ভাল লাগে, শেখাতে কম পরিশ্রম করতে হয় !

শুভেন্দু ফুট কাটল,—সে তো পরিশ্রম হালকা করার জন্য পরিশ্রম !

—তাই একটু চেষ্টা করে দ্যাখো না, বুঝবে গাধা পিটিয়ে ঘোড়া করা কত
কঠিন !

—হয়ে যাবে। এক মাসে যথেষ্ট প্রগ্রেস হয়েছে।

—এক মাসে মেয়েটার চেহারাটাও কত চকচকে হয়ে গেছে, দেখেছ ?

—হওয়াটাই তো স্বাভাবিক। পেটভরে খেতে পাচ্ছে, ভালমন্দ খাওয়া...তেল
মাখছে, সাবান মাখছে...। দেশে কি আর এসব জুটত ?

—মেজদি বলছিল, পরের বোনটাকেও নাকি ওর মা কাজে লাগিয়ে দেবে।
একটা ভাল বাড়ি খুঁজছে।

—ভাবো একবার ! কতটা হেলপ্লেস্ অবস্থায় পড়লে একটা মা তার বাচ্চা
বাচ্চা মেয়েদের লোকের বাড়ি খাটার জন্য পাঠায় ! চা শেষ করে শুভেন্দু সিগারেট
খুঁজছে। ডাকল সরস্বতীকে,—অ্যাই, ঘর থেকে আমি সিগারেট-দেশলাইটা এনে
দে তো !

দৌড়ে ঘর থেকে সিগারেট-দেশলাই এনে দিল সরস্বতী।

অর্চনা বলল—যা, কাপড়শঙ্গলো নিয়ে যা, ধূয়ে রাখ। দেখিস্ বাবা, ভাঙ্গিস
না।

অতি সন্তর্পণে কাপড়িশ নিয়ে চলে যাচ্ছে সরস্বতী, সেদিকে তাকিয়ে সিগারেট ধরাল শুভেন্দু। ধোঁয়া ছেড়ে বলল,—তোমাকে বলি না মাঝে মাঝে, আমরা হলাম গিয়ে প্রিভিলেজড ক্লাস! সুন্দর ফ্ল্যাটট্যাট হাঁকিয়ে বসে আছি, মেয়েকে নামী স্কুলে পড়াচ্ছি, বছরে দু'বার পুরী সিমলা ঘূরছি...আমাদের একটা মেয়ের পেছনে খরচা কত বলো? হাজারের ওপর! আর এই মেয়ে, অ্যাট দিস্ টেক্সার এজ, আর্নিং ফর দ্য ফ্যামিলি! এই যে ডিস্ক্রিপেশন্টা তৈরি হচ্ছে, এটা কি সোসাইটির পক্ষে ভাল? কোনও সমাজ এভাবে ঢিকতে পারে না।

—এর জন্য দায়ী আমাদের ইকনমিক সিস্টেম।

—ইকনমিক সিস্টেমই বলো, আর পলিটিকাল সিস্টেমই বলো—সব একদিন তাসের ঘরের মতো ভেঙে পড়ে যাবে। দেশের এইটি পারসেণ্ট লোক পভারটি লাইনের নীচে থাকবে, আর কুড়ি পারসেণ্ট লোক বসে বসে পোলাও মাংস খাবে—এটা কোন কাজের কথা?

ঝিমলির মাস্টারমশাই বেরিয়ে গেলেন। মাস্টারমশাইকে এগিয়ে দিয়ে তড়াং করে টিভির সামনে এসেছে ঝিমলি—ইশ, তোমরা চ্যানেল ঘোরাওনি এখনও? আদিকালের একটা ফিল্ম দেখছ বসে বসে? বলেই টক টক সেণ্টার ঘোরাচ্ছে। মনোরম এক শ্যাম্পুর বিজ্ঞাপনে এসে থামল—এক্সুনি এখানে সিরিয়ালটা শুরু হবে!

অর্চনা হাঁক দিল—সরস্বতী, ফ্রিজ থেকে তরকারিগুলো বার করে ফ্যাল।
রান্নাঘর থেকে মিহি গলায় উত্তর এল, রেখেছি মামি।

—গুড়। যখন বলব, তখন খাবার গরম করে ফেলবি।

ঝিমলি শুভেন্দুর পাশে এসে বসেছে।

শুভেন্দু মেয়ের চুল ঘেঁটে দিল—পড়তে-পড়তেও তোর মাথায় সিরিয়াল ঘোরে নাকি?

—এই সিরিয়ালটা খুব ভাল বাবা। কলেজের ছেলেমেয়েদের নিয়ে। ঝিমলি পা দোলাচ্ছে,—জানো বাবা, আমাদের স্কুলে একটা নতুন প্রোগ্রাম শুরু হয়েছে। লিটেরেসি ক্যাম্পেন।

—বাহ্ এ তো খুব ভাল জিনিস!

—আমাদের মটো হয়েছে ইচ্ছ ওয়ান টিচ্ছ ওয়ান।

—তুই স্টুডেণ্ট পাবি কোথায়? সাঁড়শি নিয়ে ধরতে বেরোবি?

. হাসিতে লুটিয়ে পড়ল ঝিমলি,—ওমা, তা কেন! আমার তো কত সুবিধে।
স্টুডেণ্ট ঘরেই রয়েছে। সরস্বতী অ আ ক খ কিছু জানে না—ওকেই পড়াব।

অর্চনা প্রশ্ন করল,—এর জন্য তোদের নম্বর আছে?

—না, নম্বর নেই। তবে স্কুল থেকে একটা সার্টিফিকেট দেবে।

অর্চনা সন্দিগ্ধ চোখে তাকাল,—স্কুল কী করে বুবাবে তুই সত্যি সত্যি পড়িয়েছিস্?

—আমাকে প্রুফ দিতে হবে। সরস্বতী লিটারেট হয়ে গেলে স্কুলে নিয়ে গিয়ে ওকে দেখাতে হবে, স্কুল ওর পরীক্ষা নেবে। বলতে বলতে গলা তুলেছে বিমলি,—
অ্যাই সরস্বতী, এদিকে শুনে যা!

সরস্বতী গুটি গুটি পায়ে সামনে এসে দাঁড়াল।

বিমলি বলল,—কীরে, তোর সঙ্গে আমার কথা হয়ে গেছে না?

সরস্বতী ঘাড় নাড়ল।

—কাল থেকেই কিন্তু পড়তে বসতে হবে।

আবার ঢক করে ঘাড় নাড়ল সরস্বতী।

বিমলি বলল,—বাবা, আমাকে কাল কিছু টাকা দিও তো। ওর জন্য কয়েকটা এলিমেন্ট্রি বই কিনতে হবে।

স্লেট পেনসিল খাতাও।

মেয়ের কথা শুনতে শুনতে মুঝ হচ্ছিল শুভেন্দু। গর্বিত দৃষ্টিতে অর্চনার দিকে তাকাল। যেন বলতে চাইল এই না হলে আমার মেয়ে! নগণ্য ওই গরীব মেয়েটাকে লেখাপড়া শেখানোর কথা মনে এসেছে বিমলির, এর থেকেই বোবা যায় বিমলির মধ্যে মানবিক গুণের বিকাশ হচ্ছে ঠিক ঠিক।

দরাজ গলায় শুভেন্দু বলল,—কত টাকা লাগবে তোর, নিয়ে নিস!

দুই

খাতার উঁই নিয়ে বসেছে শুভেন্দু। বি এ পরীক্ষার খাতা। গরমের ছুটির মধ্যেই ইউনিভার্সিটি পাঠিয়ে দিয়েছিল, এখনও দেখা হয়ে ওঠেনি। হেড এগ্জামিনার তাড়া লাগাচ্ছেন, সামনের সপ্তাহের মধ্যেই খাতা জমা দিতে হবে। তিনশো খাতার জঙ্গল সাফ করতে তিন দিন কলেজ থেকে ছুটি নিয়েছে শুভেন্দু।

একগোছা খাতা শেষ করে শুভেন্দু আড়মোড়া ভাঙল একটা। ঘড়ি দেখল। চারটে পনেরো। তার মানে দুপুরের ঘূম দিয়ে উঠে এক ঘণ্টায় মাত্র সাতটা খাতা দেখা হল। খুবই মন গতি। এভাবে চললে পরশুর মধ্যে এই পাহাড় নামবে? মনে হয় না!

আরেকটা বাণিল খুলল শুভেন্দু। চালশে চশমা খুলে বাইরের দিকে তাকাল। বৃষ্টি পড়ছে তো পড়ছেই, ঝমঝাম ঝমঝাম। আষাঢ় মাসটা শুধা গিয়ে এবার গোটা বর্ষা যেন শ্রাবণে এসে চাক বেঁধেছে। বিকেল হলেই এখন ঘন আঁধার, তাকালেই মাথা ধরে যায়।

চশমা আবার চোখে লাগিয়ে শুভেন্দু খাতায় ঝুঁকল। একটা হাঁকও পাড়ল
সঙ্গে সঙ্গে,—সরস্বতী, অ্যাই সরস্বতী? কীরে, আমায় চা দিবি না?

চিকন গলার জবাব ভেসে এল,—দিছি মামা। এই অক্টা করে নিই।

খাতায় লাল পেনসিল চালাতে চালাতে শুভেন্দু চেঁচাল,—পাঁচ মিনিট পরে
অঙ্ক কষলে তোমার মহাভারত অঙ্কন্দ হয়ে যাবে না। আগে আমায় চা দাও।

তিনি মিনিটে চা এসে গেল। খাটের পাশে চা রেখে চুপটি করে দাঁড়িয়ে আছে
সরস্বতী, দেখছে মামাকে।

খাতার ওপর চশমা রেখে শুভেন্দু চায়ে চুমুক দিল। হালকা গলায় জিজ্ঞাসা
করল,—কি দেখছিস রে?

ঝাট করে খাতায় বসানো নম্বরের দিকে আঙুল দেখাল সরস্বতী। শুভেন্দু হাসল,
—পড়তে পারিস্ ওটা? বল তো কত?

—সেভেন।

ঝিমলির বাংলা ভাল আসে না, সব কিছুই ইংরেজিতে শেখাচ্ছে। ভাল, রায়দিঘির
মেয়ে কনভেণ্টে এডুকেশান পাচ্ছে।

শুভেন্দু আরেকটা নম্বরের দিকে আঙুল দেখাল,—এটা কত?

—সিঙ্গ।

শুভেন্দু পরীক্ষকের ভঙ্গিতে প্রশ্ন করল,—দুটো যোগ করলে কত হয়?

—সেভেন প্লাস্ সিঙ্গ? মাথা চুলকোতে চুলকোতে কড় গুচ্ছে সরস্বতী। ভীতু
মুখে বলল,—থার্টিন।

—তুই তো যোগ শিখে ফেলেছিস রে।

সরস্বতী অধোবদন।

শুভেন্দু মৃহুর্তের জন্য ভাবল, মেয়েটাকে দিয়ে পরীক্ষার খাতার নম্বর যোগ
করিয়ে নিলে কেমন হয়! নিজেরও সময় বাঁচবে, মেয়েটাও যোগে আরও পক্ষ
হয়ে উঠবে! ঝিমলি মেয়েটার পিছনে খাটছে খুব, মেয়েটারও বেশ মাথা আছে,
শুভেন্দুরও কি ঝিমলিকে একটু সাহায্য করা উচিত নয়। থাক, বেশি ভুলভাল
করলে খাতা স্কুটিনির সময়ে কথা উঠবে।

কাপ প্লেট মেয়েটার হাতে দিয়ে শুভেন্দু বলল,—তুই কিন্তু কাজে গঙ্গোল
করে ফেলেছিস্ সরস্বতী!

—কেন মামা?

—বলেছি না তোকে খাতা দেখার সময়ে আমার ঘণ্টায় ঘণ্টায় চা চাই! আমি
কখন ঘুম থেকে উঠেছি?

সরস্বতী আবার অধোবদন।

—ঘড়ি দেখে রাখ। ঠিক আবার এক ঘণ্টা পর।

ঘড়ি দেখানোটা অচলা শিখিয়েছে! দেওয়ালের কোয়ার্টজ ঘড়ির দিকে তাকিয়ে সরস্বতী বলল,—এখন চারটে পঁচিশ। তার মানে আবার পাঁচটা পঁচিশে চা খাবে, তাই তো?

—ইয়েস। সাড়ে পাঁচটা যেন না হয়।

ঘাড় হেলিয়ে চলে যাচ্ছিল সরস্বতী, ডাকল শুভেন্দু,—অ্যাই, তুই আমাকে বিকেলে জলখাবার খাওয়াবি না?

—দিদি ইস্কুল থেকে আসুক, দইচিঠে মেখে দেব।

—অ্যাহ, দইচিঠে! শুভেন্দু সিগারেট ধরাল,—আর কিছু নেই ঘরে?

—ফেনচ টোস্ট খাবে মামা? সরস্বতীর চোখ ভুলভুল করে উঠল,—ওই যে ডিমে ডুবিয়ে পাঁউরুটি ভাজে...আমি শিখে গেছি।

শুভেন্দু বিস্মিত চোখে দেখল সরস্বতীকে। ভুক্ত নাচাল,—তোকে তো কালটিভেট করতে হচ্ছে রে! আর কী শিখেছিস্?

সরস্বতী লজ্জায় নুয়ে গেছে। শরীর মুচড়োতে মুচড়োতে একের পর এক তার শিক্ষার বর্ণনা করে চলেছে। সে এখন ডাল সাঁতলাতে পারে, বেগুন পোড়াতে পারে, এ থেকে জেড অব্দি লিখতে পারে, পেঁয়াজকুচি আর পোঙ্গদানা দিয়ে আলুসেন্দু মাখতে পারে, ওয়ান থেকে হানড্রেড গুনতে পারে, ঝুটি সেঁকতে পারে, যোগ করতে পারে, আলু পটল ডিম মাছ সব ভাজতে পারে, আ'কার ই'কার উকার পড়তে পারে, মামি যেখানে যা সাজিয়ে রাখে সেরকমটি বজায় রেখে ঝাড়াযুড়ি করতে পারে। শুধু এখনও সে বোল তরকারিটা রাঁধতে পাবে না, যুক্তাক্ষর পড়তে পারে না, বিয়োগটা করতে শেখেনি, এই যা!

ফিরিস্তি শুনে শুভেন্দু থ। মাত্র তিন মাসে এত উন্নতি! শিক্ষার সুযোগ পেলে এই সব মেয়েও কী তরতর করে এগোতে পারে! টিউটরের তো গুণ আছেই, তবে এই মেয়ের নেওয়ার ক্ষমতাও কম নয়!

শুভেন্দু হাসতে হাসতে বলল,—এমন দিনে কী খেতে ভাল লাগে জানিস? মুড়ি আর গরম গরম তেলেভাজা—আলুর চপ, বেগুনি, পেঁয়াজি...

সরস্বতীর মুখ শুকিয়ে গেল। নত মুখে বলল,—আমি তো ওগুলো শিখিনি মামা।

—দূর, তুই ভাজবি কেন? দোকান থেকে কিনে আনবি। চিনিস্ দোকান?

—হ্যাঁ, ওই তো চায়ের দোকানের পাশে ভাঁজে। নিয়ে আসব?

—গুছিয়ে আনতে পারবি তো? সেদিন আমার সিগারেট আনতে গিয়ে কুড়ি
পয়সা কম এনেছিল!

—দাও না তুমি, আমি ঠিক পারব।

রান্নাঘরে কাপড়িশ রেখে দৌড়ে ফিরে এসেছে সরস্বতী। মন দিয়ে শুভেন্দুর
অর্ডার নোট করে নিল মস্তিষ্কে, তারপর ছাতা নিয়ে লাফাতে লাফাতে বেরিয়ে
গেল।

শুভেন্দু সরস্বতীয় যাওয়াটা দেখছিল। ঝিমলির পুরনো একটা ছোট হয়ে যাওয়া
সালোয়ার কামিজ পরেছে মেয়েটা, পিছন থেকে কী বড়সড়টাই না লাগছে! কে
বলবে মাস চারেক আগেও এই মেয়ে অপুষ্টিতে শীর্ণ প্যাঙ্গাসে মেরে ছিল।

পল্কা গর্ব নিয়ে চোখে চশমা লাগাল শুভেন্দু, ডুবল খাতায়। উফ, এখনও
এত পাহাড়! পাসকোর্সের তো খাতা, চোখ বোলাতে বোলাতে গড় বসিয়ে যাবে
নাকি! খাতা দেখতে ইউনিভার্সিটি যা টাকা দেয়, এক ব্যাচ অনার্স পড়ালে এক
মাসে সেই টাকা চলে আসে। তার ওপর ইউনিভার্সিটির ধারে কারবার, ছাত্ররা
দেয় নগদ। এত পরিশ্রমের কোনও মানে হয়!

একটা খাতাও পুরো দেখা হল না, হটোপুটি করে এসে গেছে ঝিমলি। সর্বাঙ্গ
বর্ষাতিতে মোড়া, মাথায় ঘোমটাটুপি। জল বরছে অঝোরে।

টুপি রেন্কোট খুলে খাবার টেবিলের দিকে ছুঁড়ে দিল ঝিমলি। চেঁচাচে,—
বাবা, তুমি এখন সরস্বতীকে দোকানে পাঠালে?

—কেন, কী হয়েছে তাতে?

—ওর এখনও অঙ্গ শেষ হয়নি!

—ফিরে এসে করবে।

—বাবে, তাহলে আজকের টাক্ষ দেব কখন?

—সক্ষেবেলা দিস।

—সক্ষেবেলা ওকে ইংলিশ পড়তে হবে। স্পেলিং শেখাচ্ছি এখন। ঝিমলির
স্বরে বিরক্তি,—উফ, তুমি যে কী করো না! এভাবে পড়লে ওর পড়াশুনো এগোবে?

শুভেন্দু একটা আহত হল। গঞ্জীর স্বরে বলল,—যথেষ্ট পড়ছে। তুমি ওকে
নিয়ে বেশি বাড়াবাড়ি কোরো না। তোমার নিজের ক্লাস টেস্টের নম্বর কম হচ্ছে,
সেদিকে খেয়াল আছে?

বিস্তৃত মুখে দরজায় এল ঝিমলি,—সে তো আমার জ্বর হয়েছিল, তাই।

—এর আগেও তুমি জ্বর নিয়ে এর থেকে ভাল টেস্ট দিয়েছ। শুভেন্দু একটু
নরম হল,—ওকে নিজের মতো করে পড়তে দাও। ও এখনই যা শিখেছে, ওদের
ফ্যামিলিতে ক'জন তা শেখে!

—চাল পায় না, তাই শিখতে পারে না।

—কেন চাল পায় না?

—গরীব বলে।

—ইয়েস। ওই কথাটি মাথায় রেখো। ওদের খেটে খেতে হয়। শুয়ে বসে পড়াশুনোর মতো লাঞ্চারি আফোর্ড করার ক্ষমতা ওদের নেই।

—কেন নেই বাবা?

—এ তো অনেক জটিল সমাজতাত্ত্বিক ব্যাপার। তুমি বুঝবে না।

—বুঝিয়ে বলো।

শুভেন্দু লেকচারের ঢঙে গলা ঝাড়ল,—এই সমজে দু'ধরনের মানুষ আছে। এক দল হল শোষক, আর এক দল হল শোষিত। যারা শোষক তারা শুধু শোষিতদের রক্ত চুষছে। এই সরস্বতী বা ওদের মতো যারা আছে, তারা সব হল শোষিত ক্লাস।

ঝিমলির মুখে যেন ছায়া পড়ল। উদ্বিগ্ন স্বরে প্রশ্ন করল,—শোষক কারা বাবা? আমরা?

—দূর, আমরা কেন হতে যাব! শুভেন্দু হেঁচট খেল,—তারা হচ্ছে ভীষণ বড়লোক, তাদের চোখে দেখা যায় না। আমরা হচ্ছি পেটি মিডল ক্লাস—মধ্যবিত্ত।

ঝিমলি বুঝি নিশ্চিন্ত হল খানিকটা। হাসিমুখে বলল—তাহলে ওদের শিক্ষিত করতে আমাদের অসুবিধে কোথায়?

—ওভাবে হয় না রে। এর জন্ম বিশ্বের দরকার। রেভলিউশন। তখন সব কিছু বদলে যাবে। শুভেন্দু আঙ্গুল তুলল,—ভিজে জুতো পরে দাঁড়িয়ে আছিস কেন? ঠাণ্ডা লেগে যাবে যে। যা, জামাকাপড় বদলে আয়। সরস্বতী গরম গরম তেলেভাজা আনছে, যা জমবে না বিকেলটা...!

ঠোঙ্গাভর্তি তেলেভাজা নিয়ে ফিরল সরস্বতী। সর্বের তেল দিয়ে পরিপাটি করে মুড়ি মাখল, শুভেন্দুর পছন্দমতো পেঁয়াজ শশা কুচি কুচি করে ছাড়িয়ে দিল মুড়িতে। রান্নাঘরের শিলিতে বাদাম থাকে, খোসা ছাড়িয়ে বাদামও মিশিয়ে দিয়েছে।

ঝিমলি সোফায় বসে মুড়ি তেলেভাজা থাচ্ছে, সরস্বতী ঠোঙা নিয়ে বসেছে তার পায়ের কাছে। অঙ্ক কবছে।

শুভেন্দুর খাতা দেখায় মন বসছিল না। একটা দুটো মুড়ি ছুঁড়ছে মুখে। বুকে
কী যেন একটা খচখচ করছিল শুভেন্দুর। বুকে না মস্তিষ্কে? আরেক কাপ চা
খেতে ইচ্ছে করছে। সরস্বতীকে ডাকতে গিয়েও ডাকল না। তিতকুটে মেজাজে
খাতা দেখতে গিয়ে তিন-তিনটে ছেলে ফেল করে গেল। কী যে সব লেখে

ছাইপাশ ! ইতিহাসের একটা বেসিক সেঙ্গ পর্যন্ত নেই ! কোন্ কলেজের খাতা কে জানে ?

যোর বর্ষায় সিঙ্ক হয়ে ফিরল অর্চনা । বাজপাখির চোখে জরিপ করল ঘরদোর, সরস্বতীকে দিয়ে শুকনো জামাকাপড় আনাল ঘর থেকে, পোশাক বদলে বাথরুম থেকে মাথা মুছতে মুছতে বেরিয়ে এল । বর্ষা তার ভারী পছন্দের ঝাতু, পাখির মেজাজে বসল শুভেন্দুর পাশে । লয়ু স্বরে বলল—কিগো, তোমার আর কদ্দূর ?

পাশে পড়ে থাকা বাণিল টেরচা চোখে দেখে নিল শুভেন্দু,—শ'দুই হবে ।

—কেন যে আগে থেকে দ্যাখো না ! রোজ দশ-বিশটা করে দেখলেও তো চাপ অনেক কমে যায় !

শুভেন্দু বলতে পারত, কলেজ টিউশনি সেরে এসে শরীরে শক্তি থাকে না । বলল না । পাল্টা প্রশ্ন করল—চেকটা জমা করেছ ? হাউসবিল্ডিং লোনের ?

অর্চনা চিরুনি বোলাচ্ছে মাথায়—না, আজ দেওয়া হয়নি । অফিসে কাজ ছিল । লোকজনও আজ কম এসেছিল...

—এ কি ইরেসপসিবিলিটি ! শুভেন্দু হঠাৎ তেতে গেল—আজ লুস্ট ডেট ছিল না ? এরপর ওরা যদি এক্সট্রা ইণ্টারেস্ট চার্জ করে ?

—বাবে, আমার একদিন অফিসে কাজ থাকতে পারে না ? বলছি তো কাল দিয়ে দেব !

—সরকারি অফিসে আর কাজ দেখিয়ো না । পাঁচ মিনিটের জন্য বেরোবে, অফিস থেকে পাঁচ পা গিয়ে চেকটা দিয়ে আসবে, তাতেও গড়িমসি ! তোমাকে দায়িত্ব দেওয়াটাই ভুল হয়েছে !

—নিজে গেলেই পারতে । ঘুমিয়ে ঘুমিয়ে চোখ না ফুলিয়ে তাও একটা সংসারের কাজ হত ।

নাকের পাটা ফুলে গেল শুভেন্দুর । আরেকটা ছেলে উন্ত্রিশে আটকে গেল । পাশের খাতার সূপ দেখিয়ে বলল, ঘুমোছিলাম ! তাহলে এত খাতা শেষ করল কে ? ছুটি কি আমি মুখ দেখতে নিয়েছি ?

—ন্যাকামোর কথা বলো না । ন মাস তো ছুটিই থাকে, তার ওপর আবার খাতা দেখার বাহানায় ছুটি নেওয়ার ঢঙ । খাতা তো ফেলে দিয়ে গেছে সামারে, অ্যান্দিন বসে বসে আঙুল চুষছিলে কেন ?

অনেক জবাবই ঠোটের ডগায় ছিল শুভেন্দুর । অর্ধেক গ্রীষ্মের ছুটি তো তার মেয়ে বড় নিয়ে নেনিতাল আলমোড়া কৌশানি রাণীক্ষেত ঘুরতে ঘুরতেই কেটে গেল । তারপরও কম ফ্যাচাং গেছে ! দাদার মেয়ের পাকা দেখা । ছোট শালার

জন্য পাত্রী দেখতে দুর্গাপুর ছোটা। অর্চনার তলপেটে একটা যন্ত্রণা হচ্ছিল, তাকে নিয়ে ডাক্তারের কাছে দৌড়নো—এই টেস্ট, ওই টেস্ট। এগুলো কি কাজ নয়? ছুটি না পাচিয়ে, তার বদলে তিনটে দিন প্রাপ্য সি এল নিয়ে এই বিশাল জঞ্চাল সাফ করছে শুভেন্দু, তাতেও অর্চনার গাত্রদাহ?

শুভেন্দু হস্কার দিয়ে উঠল—আই সরস্বতী...

পড়িমিরি করে ছুটে এসেছে মেয়েটা। সভয়ে দেখছে মামা-মামিকে।

শুভেন্দু কড়া গলায় বলল—আমাকে আবার কটার সময়ে চা দেওয়ার কথা ছিল?

ঘড়ি দেখে মাথা নামাল সরস্বতী—ভুল হয়ে গেছে মামা। দিদি বলল, আগে অঙ্ক করে দেখাতে...

—অক্ষের নিকুচি করেছে। যাও, চা করো গিয়ে। মামি অফিস থেকে ফিরেছে, তাকে কে জলখাবার দেবে, অ্যাঁ?

ঘাড় ঝুলিয়ে চলে গেল সরস্বতী। পিছন অর্চনাও রান্নাঘরে গেছে, রাত্রের আটা মাখা হয়নি বলে সেও খুব বকছে মেয়েটাকে। শুভেন্দু শুনতে পাচ্ছিল।

আবার খাতা দেখায় মন দিল শুভেন্দু। হঠাৎই কিসের ছায়া পড়ল গায়ে। অথবা পড়ল না, শুভেন্দুর মনে হল পড়ছে।

শুভেন্দু চমকে তাকাল। দরজায় বিমলি। কেমন একটা চোখে যেন দেখছে বাবাকে!

দু চোখের ভর্তসনাতে কী বলতে চায় বিমলি!

তিন

পুজোর ছুটির পর সবে কলেজ খুলেছে। কলেজ কোটিং সেরে শুভেন্দু বাড়ি ফিরে দেখল অর্চনা মুখ হাঁড়ি করে বসে আছে ড্রয়িংরুমে। টিভি বন্ধ। বিমলি মাস্টারমশাই-এর কাছে পড়ছে। সরস্বতীকে দেখা যায় রান্নাঘরে।

শুভেন্দুর মেজাজটা বেশ শরিফ আজ, চার ঘাসের এরিয়ার ডি এ করকরে তেরোশো টাকা হাতে পেয়েছে। ইউনিভার্সিটির রেজাল্টও বেরিয়েছে কাল, শুভেন্দুর প্রাইভেটের সব কটা ছেলেই ভালভাবে অনার্স পেয়ে গেছে। কলেজের রেজাল্ট অবশ্য তেমন ভাল নয়, কী আর করা যাবে! একে যৌথ দায়িত্ব, তায় এত ছুটিছাটা, কলেজে সিলেবাস শেষ করাই বড় কঠিন!

খুশি খুশি মেজাজে শুভেন্দু প্রশ্ন করল—অমন পঁ্যাচার মতো মুখ করে বসে আছ কেন? অফিসে আজ লাল দাগ খেয়েছ' নাকি?

আরও গন্তীর হয়ে গিয়ে অর্চনা, শুভেন্দুর পিছন পিছন ঘরে উঠে এল। ভার গলায় বলল—একটা বিপদ হয়েছে।

—বিপদ ! কী বিপদ ? শুভেন্দু ঝটিতি চিন্তা করার চেষ্টা করল। অর্চনার অফিসে মাঝে একবার ট্রান্সফারের ধূয়ো উঠেছিল, সেটাই ঘটে গেল নাকি ? তাহলে তো আবার লোকজনকে ধরতে হয়। রাইটার্সে শুভেন্দুর এক স্কুলের বন্ধু এখন ডেপুটি সেক্রেটারি, তার কাছেই...।

অর্চনা কথা বলছে না, গুম হয়ে খাটের প্রান্তে বসেছে। শুভেন্দু বলল—বিপদটা কী বলবে তো ?

অর্চনা হঠাতে খিচিয়ে উঠল—আরও মেয়েকে আহ্বাদ দাও !

—ঝিমলি ! শুভেন্দু আরও চিন্তায় পড়ল—ঝিমলি কী করল...

—কী করেনি ? আজ সরস্বতীকে নিজের স্কুলে নিয়ে গিয়েছিল, সাক্ষরতা প্রকল্প কেমন চলছে তা দেখাতে।

—তো ?

—তোমার সরস্বতী সেখানে নিজের প্রতিভা দেখিয়ে তাক লাগিয়ে দিয়েছে সকলকে। গরীবদের মধ্যে এমন ব্রিলিয়াণ্ট মেয়ে নাকি আগে আণ্টিরা দেখেনি !

শুভেন্দু ফ্যালফ্যাল তাকাল—এতে বিপদের কী হল ? ঝিমলি ওকে পড়িয়েছে, এ তো ঝিমলিরই ক্রেডিট।

—এটুকু হলে তো কথা ছিল না। তোমার মেয়ে এখন প্ল্যান করেছে সরস্বতীকে স্কুলে ভর্তি করবে। ওদের স্কুলের মিশনারিরা গরীবদের জন্য সঙ্কেবেলা কী এক ফি এডুকেশান সেন্টার করেছে, সেখানে পড়তে পাঠাবে সরস্বতীকে। শুনে সরস্বতীও লাফাচ্ছে—ও মামি, আমি পড়াশুনো শিখব ! আমি একবার শুধু সংসারের অসুবিধের কথা বলতে গেছিলাম, ঝিমলির কী মেজাজ ! সরস্বতীর যখন অত ব্রেন, ওকে দিয়ে আর সংসারের কাজ করানো চলবে না !

শুভেন্দু বলল—বাহ, তাহলে সংসারের কাজটা করবে কে ?

—তোমার মেয়ে অত বুঝলে তো হয়েই গেল। বলে, অন্য লোক রেখে নাও, সরস্বতী শুধু পড়বে।

শুভেন্দু একটু হেসে বলল—তার মানে সরস্বতীকে আমাদের পুষ্যি করে নিতে হবে, তাই তো ?

—মানে তো সেরকমই দাঁড়ায়। কত কষ্ট করে মেয়েটাকে কাজকর্ম শেখালাম, মনের মতো করে তৈরি করলাম...

—দাঁড়াও দাঁড়াও। আগেই উত্তেজিত হচ্ছ কেন? আমি কথা বলে দেখছি যিমলির সঙ্গে। বুঝিয়ে বলছি।

নাহ, বুঝিয়েও লাভ হল না কোনও। যিমলি নিজেই নাইট স্কুলে নাম লিখিয়ে দিয়ে এসেছে সরস্বতীর, গরীব সরস্বতীকে সে প্রকৃত শিক্ষিত করে তুলবেই। যিমলির বিশ্বাস—তার বাবা-মাও এ কাজে নিরুৎসাহিত করবে না তাকে। একটা মাত্র সরস্বতীকে শুভেন্দুরা কী পারে না লেখাপড়া শিখিয়ে মানুষ করে তুলতে?

রাত্রে অর্চনা ঠাণ্ডা স্বরে বলল—কিগো, কী করবে ঠিক করলে?

শুভেন্দু চিন্তিত মুখে বলল—কিছু একটা তো করতেই হবে। যিমলিটা এত বাড়াবাড়ি করে ফেলবে কে জানত!

—সরস্বতীকেই ধরকে-ধামকে ঠিক করব?

—না না, সেটা খুব অমানবিক কাজ হয়ে যায়।

—তাহলে আর কি! আমিই অফিস থেকে ফিরে খেটে মরি, আর কাজের লোক পায়ের ওপর পা তুলে দিগ্গজ হোক!

—আহ্। শুভেন্দু বিরক্ত হল,—আমাকে একটু ভাবতে দাও।

চার

সরস্বতীর মা এসেছে সরস্বতীকে নিয়ে যেতে। এ বাড়িতে আর তাকে কাজে রাখবে না, অন্য কোন বাবুর বাড়িতে আরও নাকি পঞ্চাশ টাকা বেশি মাইনেতে কাজে লাগাবে মেয়েকে।

যাওয়ার আগে সরস্বতী কাঁদল খুব। যিমলি ছলছল চোখে ঘরের দরজা বন্ধ করে বসে রইল, স্কুলে গেল না।

শুভেন্দু আর অর্চনা চুপ। সরস্বতীর মাকে ডেকে পাঠানো ছাড়া আর কিই বা উপায় ছিল শুভেন্দু অর্চনার! মেজদিই কোন বাঙ্গবীর বাড়িতে সরস্বতীর জন্য নতুন কাজের ব্যবস্থা করেছে। শুভেন্দুর জন্য শীগ়গীরই এক বয়স্ক মহিলাকে পাঠিয়ে দেবে।

এ সব কথা তো আর যিমলিকে জানতে দেওয়া যায় না। সরস্বতী নামের ওই ছেট্ট গরীব মেয়েটাকেও মুখের ওপর বলা যায় না কিছু।

মধ্যবিত্ত হওয়ার কী যে জ্বালা!

ରାମଧନୁ ରଂ

ମାତ୍ର ତିନ ମିନିଟେର ଜନ୍ୟ ବାଥରମେ ଗିଯେଛିଲ ତପତୀ । ଦୁପୁର ଥିକେ ଗଜଗଜ କରଛେ ମନୋର ମା । ଝାଆରିତେ ନାକି ଜଳ ଆଟକେ ଥାକଛେ, ତାର ସରେଜମିନ କରତେ । ତାର ମଧ୍ୟେଇ ପାପୁ ସର ଥିକେ ଉଥାଓ ।

ଏକ ସେକେଣ୍ଡୋ କି ଚୋଖେର ଆଡ଼ାଲ କରାର ଉପାୟ ନେଇ ! ହରିଗ-ପାୟେ ତପତୀ ପ୍ରାସେଜେ ଏଲ । ଯା ଭୟ ପେଯେଛେ ତାଇ, ସାମନେ ବେତେର ମୋଡ଼ା ଗଡ଼ାଗଡ଼ି ଥାଚେ, ଫ୍ଲ୍ୟାଟେର ଦରଜା ହାଟ । ଛିଟକିନିତେ ଏଥନ୍ତି ହାତ ପାଯ ନା ପାପୁ, ତାଇ ମୋଡ଼ା ଟେନେ... ।

ଗେଲ କୋଥାଯ !

ତପତୀର ଭୁରୁତେ ଭାଙ୍ଗ ପଡ଼ିଲ । ଉଲ୍ଟୋଦିକେର ଫ୍ଲ୍ୟାଟେ ଗେଛେ ? ମନେ ହୟ ନା । ସାଡେ ଚାରଟେ ବାଜେ, ରିନ୍ଟି ମିନ୍ଟିର ଟିଉଟର ଏସେହେ ଏଥନ, ଓଖାନେ ଗିଯେ ପାପୁର ଏ ସମୟେ ଖୁବ୍ ଶୁବ୍ଦିଧେ ହବେ ନା । ଦୋତଳା ତିନତଳାଯ ପାପୁର କୋନ୍ତି ସମବ୍ୟସୀ ନେଇ, ଚାରତଳାଯ ଗେଲେଣ୍ଡ ଯେତେ ପାରେ । ଭାବତେ ଭାବତେ ବିଲ୍ଡିଂ-ଏର ସାମନେର ଛୋଟ ଲନେଣ୍ଡ ଏକବାର ଉଁକି ଦିଯେ ନିଲ ତପତୀ । ଫାଲି ଜାଯଗାଟା ଶୁନଶାନ, ପ୍ରଥମ ଫାଲ୍ଲୁନେର ନରମ ରୋଦ୍ଦୁର ଏକା ଏକାଇ ଖେଳା କରଛେ ଘାସବିହୀନ ଲନେ । ଛାଦେ ଯାଯ ନି ତୋ ? ମନେ ହତେଇ ବୁକଟା ଛ୍ୟାଂ କରେ ଉଠେଛେ । ଯେତେ ପାରେ । ଇଦାନୀଂ ପାପୁର ଖୁବ୍ ଛାଦେ ଯାଓଯାର ପା ହୟେଛେ । ଆଟ ଫ୍ଲ୍ୟାଟେ ଆଟଖାନା ଅୟାନ୍ତେନା ନିଯେ ନାଡ଼ାଚାଡ଼ା କରେ, ସିମେନ୍ଟେର ଟ୍ୟାଂକେର ଓପର ଉଠେ ଯାଯ, କାନିଶ ଧବେ ବିପଞ୍ଜନକ ଭାବେ ଝୋକେ ନୀଚେର ଦିକେ ।

ଭାବତେ ବୁକଟା ଆରଣ୍ଡ ଶୁମଶୁମ । ଦରଜା ଟେନେ ଦିଯେ ଲାଫିଯେ ଲାଫିଯେ ସିଁଡ଼ି ଭାଙ୍ଗଛେ ତପତୀ । ଛାଦେ ପୌଛେ ଘାମ ଦିଯେ ଭାର ଛାଡ଼ିଲ । ଆଛେ ବଟେ ଛେଲେ, ତବେ କୋନ୍ତି ଅପକର୍ମ କରଛେ ନା । ଠିକ ମଧ୍ୟଖାନଟାଯ ଦ୍ଵାରିଯେ ଦୁ'ପକେଟେ ହାତ ଚୁକିଯେ ଆକାଶେର ଦିକେ ତାକିଯେ ଆଛେ ।

তপতী দম নিল একটু। কড়া গলায় ডাকল,—পাপু?

তিনি বছর পাঁচ মাসের পাপু প্রাঞ্জ ভঙ্গিতে মাকে দেখল একবার। আবার চোখ আকাশের দিকে। তপতী গলা চড়াল,—ব্যাপার কী তোর? পুট করে পালিয়ে এসেছিস যে? কত দিন না বলেছি যখন তখন ছাদে উঠবি না?

—তুমি তো পড়াছিলে না, বাঁবারি দেখতে গেছিলে।

—অমনি তুই দৌড় লাগাবি! কাল তোর ইন্টারভিউ না?

এমন ভয়ঙ্কর ঘটনা সমুপস্থিত জেনেও তেমন কোন ভাবান্তর হল না পাপুর। প্যাটের পকেট থেকে একটা হাত বার করে আকাশের দিকে আঙুল তুলল,—দ্যাখো মা, ঘূড়িটা কী সুন্দর হাওয়ায় ভাসছে!

ভুল করে আকাশের দিকে চোখ চলে গেল তপতীর। নীল আকাশে একটা একলা ঘূড়ি দোল দোল দুলছে, অনেকটা উঁচুতে। দেখতে বেশ লাগে। কিন্তু এখন কি ঘূড়ি দেখার সময়!

মুহূর্তে সচেতন তপতী চোখ নামাল,—ভাসুক। তুমি নীচে চলো।

—ঘূড়ি হাওয়ায় ভাসে কেন মা?

বিজ্ঞানের প্রশ্ন। এই প্রশ্ন কি অতুরু ছেলেকে কাল জিজ্ঞেস করবে? মনে হয় না। তপতী কাছে এসে ছেলের র্ষেটি ধরল,—অবাধ্য হোয়ো না পাপু, পড়বে চলো।

মার সঙ্গে এক পা দুপা গেগোল পাপু। ঘুরে ঘুরে দেখছে ঘূড়িটাকে,—ওটা কী ঘূড়ি মা?

আবার ভুল করে তাকিয়ে ফেলেছে তপতী। ভাল করে দেখা যাচ্ছে না ঘূড়িটাকে, নীলের প্রেক্ষাপটে শুধু রঙটুকু বোঝা যায়। লাল আর কালো। কী যেন নাম ওটার? পেটকাটি? চৌখুপি? ময়ুরপঙ্কি? চাঁদিয়াল? জয়হিন্দ? দাদা ঘূড়ি ওড়ানোর পোকা ছিল, অজস্র নাম মুখস্থ আছে তপতীর। বলে দেবে একটা?

না। ছেলেকে এখন ঘূড়ির নাম শেখানো মানেই তার ইহকাল পরকাল ঝরঝরে করে দেওয়া। গন্তীর গলায় তপতী বলল,—নাম জেনে কাজ নেই। ঘূড়ির ইংরিজি কী মনে আছে তো?

পাপু ঘাড় নাড়ল,—কাইট।

—স্পেলিং কী?

—কে আই টি কাইট।

—মারব এক থাপ্পড়। কাজের জিনিস মনে থাকে না, শুধু অকাজে মন! শেষের ইটা কে বলবে?

পাপু লজ্জিত মুখে হাসল,—ইঁয়া ইঁয়া। কে আই টি ই।

—কাইট মানে আরেকটা কী হয়?

নার্ভাস মুখে মার দিকে এক ঝলক তাকাল পাপু। তারপরই মুখ উজ্জ্বল হয়ে উঠেছে,—চিল, মা?

—ইঁয়া। তপতীর মুখের পেশি সামান্য শিথিল হল,—আর বাজপাখির ইংরিজি কী?

—হক।

—স্পেলিং?

—এইচ এ ডব্লু কে।

তপতী প্রসন্ন হল। নাহু, ছেলের আথা আছে। মন দিলেই শিথতে পারে। সেণ্ট পিটারস স্কুল চড়ুই-এর ইংরিজি জিজ্ঞাসা করে দিশেহারা করে দিয়েছিল পাপুকে, এবার সেটি হচ্ছে না। গুনে গুনে এবার পনেরোটা পাখির নাম মুখস্থ করিয়েছে ছেলেকে। দেখাই যাচ্ছে মনে আছে সব।

ছেলের হাত ধরে সিঁড়ির দিকে এগোল তপতী। নামতে নামতে বাকিগুলো ঝালিয়ে নেবে কিনা ভাবছে, পাপু দুম করে প্রশ্ন করে বসল—কোন কাইটটা আগে মা?

—মানে?

—মানে চিল কাইটটা আগে, না ঘুড়ি কাইটটা আগে?

আজব প্রশ্ন! তপতী ধমক দিল,—তা জেনে তোমার কী হবে?

—বলো না মা।

একটু ভেবে নিয়ে তপতী বলল,—চিল কাইটটা আগে।

—কেন?

—চিল অনেক আগে থেকে আকাশে ওড়ে। ঘুড়ি অনেক পরে এসেছে।

—তাহলে ঘুড়িকে চিল বলে না কেন?

—ফের বাজে প্রশ্ন! চুপচাপ নামো। চড়ুই-এর ইংরিজি মনে আছে?

—স্মস্ম্প্যারো।

—টিয়া?

—প্যারট।

—পায়রা?

—পিপিপিপিজন্ম।

সামনে তিনতলার ব্যানার্জিবাবু। সঙ্গে চেনে বাঁধা ইয়া অ্যালসেশিয়ান। প্রকাণ

এই প্রাণীটিকে দেখলেই তপতীর হৎকম্প হয়, প্রশ্ন ভুলে ল্যাঙ্গিং-এর কোণে দাঁতমুখ সিঁটিয়ে দাঁড়িয়ে গেল। পাপুর ভয়ডরের বালাই নেই, দিব্য হাত বোলাচ্ছে অ্যালসেশিয়ানের গায়ে। লেজ নাড়ছে জষ্টা।

কুকুর-কাম-নেকড়ে উঠে যেতে স্বচ্ছন্দ হল তপতী। ফাঁক পেয়ে পাপুই প্রশ্নবাণ হেনেছে,—জিমিকে অ্যালসেশিয়ান বলে কেন মা?

প্রশ্নটা দরকারি না অদরকারি তপতী ঝপ করে বুঝে উঠতে পারল না। গত সপ্তাহে ড্যাফোডিল হাউসের দিদিমণিরা জস্তজানোয়ার দিয়েই না ঘায়েল করেছিল 'পাপুকে? ভাবিত হল তপতী। কোন্‌রাইন নদীর পশ্চিমে কোথায় এক অ্যালসেশিয়া নামের প্রদেশ আছে, সেখান থেকেই এই বর্ণসঙ্কর কুকুরের উন্নব,—এত তথ্য তপতীর জ্ঞানের চৌহন্দির মধ্যে পড়ে না। যদি প্রশ্নটা করে বসে কাল? সামনৰ ফ্ল্যাটের সংঘমিত্রার প্রচুর জ্ঞান, সে দিশি কুকুরকে মংগেল বলে ডাকে, সে কি বলতে পারবে উন্নরটা?

ভাবতে ভাবতেই দ্বিতীয় আক্রমণ,—অ্যালসেশিয়ান স্পেলিং কি মা?

দুটোই এস? না একটা এস একটা টি? পাসকোর্স বি-এ পাশ তপতী কুল না পেয়ে ছেলেকে দাবড়ে উঠল,—অত বড় কুকুরের স্পেলিং তোমায় জিজ্ঞেস করবে না।

পাপু কী বুঝল কে জানে, আপাতত চুপ। হয়তো মনে মনে আরও কুট প্রশ্ন ভাঁজছে। মাকেই ঘায়েল করার জন্য। তপতী অবশ্য সে সময়টুকু দিল না ছেলেকে, হিড়হিড় করে টেনে এনে ফ্ল্যাটের দরজা লক করেছে। মনোর মাকে চা করতে বলে বিছানায় এসে বসল। সামনে বাবু হয়ে পাপু। এখনও কত রিভিশন বাকি। দেওয়াল দরজা জানালা পর্দার ইংরিজি পাখিপত্র করাতে হবে, সব রকম রং চেনাতে হবে ছেলেকে। নিউ লাইট হাই স্কুলে টেবিলের রঙটা ঠিক বলতে পারে নি পাপু, গুলিয়ে ফেলেছিল। বাদামিকে ব্রাউন না বলে কালো। সোজা উল্টো দুদিক থেকে ওয়ান টু গোনাও শেখাতে হবে ভাল করে, মুখস্থ রাইমগুলো আওড়াতে হবে বার বার। যেন না আটকায়, যেন একটুও না তোতলায় ছেলে। তিনটে স্কুল ফসকে গেছে, হোলি আকাডেমি এখন শেষ ভরসা। এখানেও না হলে...

না হলে কী হবে ভাবতে পারে না তপতী, রক্ত হিম হয়ে আসে।

খাটময় রাশি রাশি পশুপাখির ছবি। উট ভাল্লুক হাতি গণ্ডার জলহস্তী কাঠবিড়ালি। ঈগল টিয়া শকুন বুলবুলি ময়না। তপতী নতুন করে পড়ল ছেলেকে নিয়ে, প্রশ্নের পর প্রশ্ন করে পরখ করছে ছেলের স্মৃতিশক্তি। টপাটপ জবাব দিয়ে চলেছে ছেলে, চোখে মুখে আলো জ্বলে উঠছে তপতীর, ভুল হলে শুধরে দিচ্ছে হাসিমুখে।

হঠাৎ ফুড়ুৎ করে উঠে গেল পাপু। খোলা জানালা দিয়ে ঝুকে কী যেন দেখছে।
তপত্তী চোখ পাকাল,—কী হল?

—কী সুন্দর একটা পাখি ডেকে উঠল না মা?

—তুই এখন পাখি দেখতে উঠে গেলি!

—ওটা কী পাখি গো মা?

—জানি না। এখানে বইয়ে অনেক পাখি আছে, এসে দ্যাখ্ না।

পাপু তবু অনড়। বাইরে পাঁচিলের গায়ে একটা কৃষ্ণচূড়া গাছ আছে, সদ্য
পাতা এসেছে গাছে, ফুলও। সেদিকে ঘাড় উঁচু করে বলল,—কী সুন্দর ফুল হয়েছে
মা গাছটায়! রেড।

তপত্তী অসহিষ্ণু গলায় টেঁচিয়ে উঠল,—পাপুউট!

গা মুচড়ে মার দিকে তাকাল পাপু,—গাছটায় এতদিন ফুল ছিল না কেন মা?
উফ, কী অমনোযোগ, কী অমনোযোগ! আর পারা যায় না।

তপত্তী উঠে দড়াম করে জানলাটা বন্ধ করে দিল।

দুই

কদিন ধরেই অফিস থেকে ফিরতে রাত হচ্ছে স্বপনের। প্রাইভেট কোম্পানির
চাকরি, ইয়ার এস্ডিংয়ের কাজ শুরু হয়েছে, সাড়ে আটটা নটার আগে বাড়ি ঢুকতে
পারে না কোনওদিন।

আজ সাড়ে নটা বেজে গেল।

ফিরে দেখল ঘুমিয়ে পড়েছে পাপু। এখনও রাতের বিছানা করা হয়নি, বেড
কভারের ওপর ছড়িয়ে রয়েছে পাপুর বিদ্যাচর্চার সরঞ্জাম, তার মাঝেই হাত পা
মেলে চিংপাত ছেলে।

জামা ছাড়তে ছাড়তে স্বপন বলল,—কী, পাপু একদম তৈরি?

তপত্তী ছেলের শার্টপ্যাট ইন্ত্রি করছিল। ক্লান্ত স্বামীর দিকে তাকিয়ে নার্ভাস
ভাবে হাসল,—মনে তো হয়। সারাক্ষণ ছেলে নিয়ে তো কম খাটছি না। বাপের
বাড়ি পর্যন্ত যাই না কত দিন।

—এবার যেও। কাল তো তোমার পরীক্ষা শেষ।

—আমার বলছ কেন? তোমার নয়?

—স্বপন হেসে বলল,—পরিশ্রমটা তুমি করছ, আমার পরীক্ষা বললে তুমি
মানবে কেন?

—তবু উদ্বেগ তো দুজনেরই। নয় কি?

তা বটে। তিন মাস ধরে স্বপনেরও কি কম টেনশন যাচ্ছে? ভাল একটা স্কুলে জীবন শুরু করে দিতে পারলে ছেলের ভবিষ্যত নিয়ে আর ভাবতে হবে না। কত লোককে ধরা হল। বন্ধুবান্ধব, অফিসের লোক, তপতীর জামাইবাবু, নিজের পিসতুতো ভাই, পাড়ার চেনা জানা, কেউ কোনও কষ্মে লাগল না। পুরনো এক স্কুলের বন্ধুর সঙ্গে সেন্ট পিটার্সের প্রিলিপালের পরিচয় আছে শুনে, তার বাড়ি পর্যন্ত খাওয়া করেছিল স্বপন, বন্ধু করে দেবে বলে কথাও দিয়েছিল, তার পরও লিস্টে ছেলের নাম নেই। ডোনেশন দিলে ড্যাফোডিল হাউসে ভর্তি করা যাবে খবর পেয়ে একদিন অফিস কামাই করে দৌড়ল, টাকার অঙ্ক শুনে কান লাল করে পালিয়ে আসার পথ পায় না। তিরিশ হাজার! ভাবা যায়!

জামা প্যাণ্ট বদলে স্বপন বাথরুমে গেল। অন্য দিন মুখ হাত ধূয়ে একটু টিভির সামনে বসে, আজ সোজা খাবার টেবিলে।

খেতে খেতে কথা হচ্ছে দুজনের। ক্লিট ছিড়তে ছিড়তে স্বপন বলল,—কাগজপত্র সব শুছিয়ে রেখেছ তো? কাল কিন্তু সাড়ে সাতটার মধ্যে হোলি অ্যাকাডেমিতে পৌছতে হবে।

তপতী মাথা দোলাল,—জানি।

—জানো তো সবই। তখন আবার তাড়াছড়োর সময়ে বোলো না এটা নেওয়া হল না, ওটা ভুলে গেছি।

—কবে আমার কী ভুল হয়? কেলো করলে তুমিই করবে।

—আমি! স্বপনের খাওয়া থেমে গেল।

—হ্যাঁগো, হ্যাঁ, তুমি। মনে নেই ড্যাফোডিল হাউসে কী করেছিলে? জিঞ্জেস করল তোমার স্কুল ইংলিশ মিডিয়াম ছিল কিনা, কেবলুসের মতো বলে দিলে, না তো!

—ভুলটা কী বলেছি? আমাদের বরদা চরণ মেমোরিয়াল হাই স্কুল থোড়াই ইংলিশ মিডিয়াম ছিল।

—বরদাচরণ নামটা বলার কী দরকার ছিল? বলতে পারতে বিসি মেমোরিয়াল। দ্যাখো নি আমি কেমন কায়দা করে টি এস গার্লস স্কুল বললাম!

—তা ঠিক। বরদা চরণের পর তোমার তারাসুন্দরীর নাম শুনলে ইণ্টারভিউ বোর্ডে দিদিমণিদের কোঁচকানো নাক আর সোজা হত না।

—কথাটা মাথায় রেখো। দয়া করে মিডিয়ামের প্রশ্ন তুললে কাল এড়িয়ে যেও।

স্বপন কথা বাড়াল না। টেরচা চোখে দেখল স্ত্রীকে। কেমন যেন দূরমনস্ক,

আস্থামগ্ন হয়ে আছে তপতী। খুটছে কুটি, মুখে তুলছে না। সাত বছরের পুরনো স্ত্রীকেও এই মুহূর্তে কেমন যেন অচেনা লাগে। ছেলেকে নামী দামী স্কুলে পড়াতে হবে, হেনতেন, এত সব উচ্চাশা ছিল না স্বপনের। একটু একটু করে তার চোখে মোহের কাজল লাগিয়ে দিয়েছে তপতী। আর পাঁচটা ভাইবোনের সঙ্গে তারা হেঁচিপেচি করে বড় হয়েছে বলে তাদের একমাত্র সন্তানও তাই হবে! এই প্রচণ্ড গতির যুগে শুধু একটা ভাল স্কুলে ভর্তি হতে পারল না বলে অবয়বহীন গড়লিকায় তলিয়ে যাবে পাপু, এই ভাবনাতেই কী টেনশান! এই টেনশানও তপতীরই দান, এই টেনশানে তাদের সোনালি সুখের স্ফুলে লেগে আছে।

খাওয়া শেষ করে বেসিনে মুখ ধূতে গেল স্বপন। অনেকক্ষণ ধরে সে কুলকুচি করে। অভ্যেস। তোয়ালেতে হাত মুছতে মুছতে বলল,—পাপুকে পড়ানোর ঝামেলাটা তুমি না নিলেই পারতে।

—ঝামেলা কীসের? তপতী তরকারির বাটি ঢাকছে।

—না, মানে...প্রফেশনাল একটা টিউটর আয়পয়েন্ট করলে...দেখতেই তো পাচ্ছ ছেলে আগের তিনটে জায়গায় নিজেকে ভালমতো শো করতে পারল না...

—সে তো রেখেছিলে একটা। চার মাসেও ছেলেকে এ বি সি ডি শেখাতে পারল না! একদিন আসে, তিনদিন আসে না...

—আহা, সে তো বাচ্চা মেয়ে। একটা ভারিকি গোছের কাউকে রাখলে...

—খুঁড়ে না তো বেশি। আমি জানি আমার কী দায়িত্ব আছে। বেঙ্গল টু ইংলিশ ডিকশনারি কিনে এমনিই পড়াশুনো করছি?

ফ্রিজ খুলে দাঁড়িয়ে গেছে তপতী। ঠাণ্ডা ধোঁয়া আসছে চুঁইয়ে চুঁইয়ে। তাতেও যেন শীতল হল না। উষ্ণ স্বরে বলল,—ঢাঁড়োশ হচ্ছ তুমি। যদি এখানেও ছেলে চাঙ্গ না পায় তবে তুমি দায়ী থাকবে।

—কেন? আমি কী করলাম?

—গ্র্যাজুয়েশানের সার্টিফিকেটটা জোগাড় করেছ? তপতী শব্দ করে ফ্রিজ বন্ধ করল।

স্বপন ড্রয়িংরুমের সোফায় বসে সিগারেট ধরিয়েছে। হালকা গলায় বলল,

—দূর, অ্যান্দিন পরে ও আর কলেজে পড়ে আছে নাকি! কবে ইউনিভাসিটিতে ফিরে গেছে।

—ইউনিভাসিটিতেই আঘাত করতে পারতে।

—বহুত ঝামেলা। স্বপন টিভিটা খুলে দিল। একটু বুঝি বা অন্যমনস্ক হতে চাইল।

—ঝামেলা বোলো না, বলো তোমার গেঁতোমি।

—আরে বাবা, মার্কশিট তো আছে।
—নিউ লাইট কিন্তু তোমার সার্টিফিকেটই দেখতে চেয়েছিল।
—তারা চেয়েছিল বলে এরাও দেখতে চাইবে তার মানে আছে?
—যদি চায়?

—তখন দেখা যাবে। স্বপন আলগা হাসল,—তোমারটা আছে, ওভেই হবে।
—আমার একারটা দেখতে চাইলে তো হয়েই যেত। সব স্কুলই বাবা মা দুজনের কোয়ালিফিকেশান দেখতে চায়। তপতী দুম করে রেগে গেল,—আসল কথা হল, ছেলের জন্য তোমার ভাবনা নেই। সংঘমিত্রার বরকে দেখেছ? দুই মেয়ের পড়ার চিন্তায় সারাক্ষণ তটসৃ হয়ে থাকে। তাকে দেখেও তো শিক্ষা নিতে পারো।

কার সঙ্গে কার তুলনা! সংঘমিত্রার বর কলেজে পড়ায়, বছরে আট মাস ছুটি, মেয়েদের নিয়ে সে চবিশ ঘণ্টা কেন, আটচল্লিশ ঘণ্টা আহুদিপনা করতে পারে। স্বপনকে খেটে খেতে হয়, মালিক হ্রস্ব করলে ছুটির দিনেও ছুটতে হয় অফিসে। বিরক্ত মুখে টিভি বন্ধ করে দিল স্বপন। রাগ রাগ গলায় বলল,—আমি ছেলের জন্য ভাবি না?

—ভাবো? তাহলে একবার ছেড়ে সাতবার দৌড়তে ইউনিভাসিটিতে।

—ওটাই শুধু ছেলের জন্য ভাবনা? অন্য কাজ কাজ নয়? আমি ছেলের জন্য কিছু করি না? ছেলের ভর্তির ফর্মের জন্য রাত জেগে স্কুলে স্কুলে লাইন দিয়েছে কে? অফিস ফেলে বেহালা ছুটেছি, টুঁচড়া ছুটেছি, লেক টাউন ছুটেছি, সে কার জন্য? এই বে মাঝে মাঝেই ছেলের ইন্টারভিউ বলে অফিস ডুব দিচ্ছি, মালিকরা আমায় ছেড়ে কথা বলছে?

ঘর থমথমে হয়ে গেছে।

পাশে এসে বসল তপতী। একটু চুপ থেকে বলল,—আহা, অত রেগে যাচ্ছ কেন? উদ্বেগে কি আমার মাথার ঠিক আছে? কী বলতে কী বলে ফেলি!

—বলবে না। মনে রেখো সেট পিটার্স, ড্যাফোডিল সর্বত্র ছেলের লিস্টে নাম আছে কিনা দেখতে আমিই ছুটে গেছি, তুমি নয়। বোর্ডে ছেলের নাম না দেখে কম দুঃখ হয়েছে আমার!

স্বামী-স্ত্রীর মধ্যখানে দুঃখ শব্দটা যেন পাক থাচ্ছে। ফাল্গুনের বাতাস বুঝি ভারী হয়ে গেল। মাথার ওপর তিন পয়েন্টে ঘূরছে ফ্যান, মনে হচ্ছে আরেকটু জোরে ঘূরলে ভাল হয়।

স্বপনের পিঠে আলগা হাত রাখল তপতী। ছোঁয়াটা কী স্মিঞ্চ, কী নরম, উন্তাপময়! স্বপনের মনটা ক্রমশ জুড়িয়ে এল। তবু যেন কোথায় একটা কঁটা খচখচ করছে। কাল পারবে তো ছেলে?

মাথার ভেতর থেকে ঘুরঘুরে পোকাটাকে বার করে দিতে চাইল স্বপন। চোখ
বুজে মনোনিবেশ করার চেষ্টা করছে হোলি অ্যাকাডেমি স্কুলের দীর্ঘ করিডোরে।
ইয়া ইয়া থাম, বাকবাকে বারান্দা, উঁচু উঁচু সিলিং। কী পবিত্র আবহাওয়া! মাথা
নুয়ে আসে শ্রদ্ধায়।

পলকের জন্য নিজের স্কুল বিল্ডিংটা স্বপনের চোখের সামনে দূলে উঠল।
ক্যাটকেটে সাদা শ্রীহীন এক দোতলা বাড়ি, ছোট ছেঁট জানলা নিচু নিচু দরজা,
ভাঙ্গচোরা বেঞ্চ, মলিন দেওয়াল। কী দীনহীন!

তিন

টেবিলের তিন দিক ঘিরে বসে আছেন পাঁচ শিক্ষিকা। উঁচু, শিক্ষিকা নয়, শিক্ষিকার
বেশে পাপুর পাঁচ ভাগ্যনিয়ন্তা। একজন প্রৌঢ়া, বাকিরা তিরিশ থেকে চল্লিশের
কোঠায়। প্রকাণ সেক্রেটারিয়েট টেবিলে আবেদনপত্রের স্তুপ, পেপারওয়েট, জল
ভর্তি ঢাকা দেওয়া কাচের প্লাস। প্রৌঢ়া বসেছেন মধ্যমণি হয়ে, সামনে তাঁর লস্বাটে
এক জাবদা থাতা।

তপতীর বুকে গমকল চলতে শুরু করেছে। বাড়া পৌনে দু ঘণ্টা বসে থাকার
পর অবশ্যে এসেছে ডাক। ঘরে তুকেই মুঠোয় শক্ত করে চেপে ধরল ছেলের
হাত। সাহস সঞ্চয় করছে। পিছনে স্বপন, তার ঠোটে ঝুলছে এক চিলতে ভীরু
হাসি।

তপতী ছেলের কব্জিতে মৃদু চাপ দিল। সঙ্গে সঙ্গে রোবটের মতো মাথা
দুলিয়েছে পাপ,—গুড মর্নিং ম্যাডাম।

প্রৌঢ়ার মুখে মিটিমিটি হাসি,—কাম হিয়ার মাই চাইল্ড।

পাপু একবার মুখ তুলে মা বাবাকে দেখল। তারপর নির্ধিধায় প্রৌঢ়ার পাশে
গিয়ে দাঁড়িয়েছে।

স্মিত মুখে প্রৌঢ়া প্রথম প্রশ্ন করলেন,—ইওর নেম?

পাপু ক্ষুদে মিলিটারির মতো টান টান,—মাই নেম ইজ মাস্টার খতবান পাল।
—ফাইন। ফাদারস্ নেম?

—মাই ফাদারস্ নেম ইজ মিস্টার স্বপন কুমার পাল।

স্পষ্ট উচ্চারণ করছে ছেলে। বুকে একটু বল এল তপতীর। ড্যাফোডিল হাউসে
এই উন্নরটাই ভুলে মূলে একসা হয়েছিল পাপু।

নিচু স্বরে পাশের গোলাপি শাড়ি পরা শিক্ষিকাকে কী যেন বললেন মহিলা।
গোলাপি শাড়ি দ্রুত পাপুর ফর্মে চোখ বোলালেন। এক জায়গায় থামল চোখ,
আঙুল দিয়ে কী যেন দেখাচ্ছেন।

হাসতে গিয়ে হাসলেন না প্রৌঢ়া। গভীর মুখে তপতী স্বপনের দিকে তাকালেন,—
বি সিটেড প্রিজ।

দেওয়ালের ধারে পাতা চেয়ারে বসল তপতী। চেয়ার টানতে গিয়ে স্বপন
একটা আলগা হেঁচট খেল, সামলে নিয়েছে সঙ্গে সঙ্গে। তপতী রুষ্ট চোখে আড়ে
দেখল স্বামীকে, নিমেষে মুখে এঁটে নিয়েছে ইলাস্টিক হাসি। কোন দিক থেকে
প্রশ্ন শুরু করবে পাপুকে? পশু? পাখি? রঙ? কাউন্টিং! রাইমস? বোৰা যাচ্ছে
না। টেবিলের রঙ ঘন সবুজ, পারবে পাপু। পর্দার রঙ মেটে মেটে, হে ইঞ্চির
ঞ্চিটা যেন না ধরে। পশুর মধ্যে যেন বাইসনটা জিজ্ঞেস না করে, সকালেও পাপু
বাফেলোর সঙ্গে শুলিয়ে ফেলছিল।

বাঁদিকের চেয়ার থেকে নীল শাড়ি নড়ে চড়ে উঠেছেন। ইংরিজি ছেড়ে বাংলায়
প্রশ্ন করলেন,—আচ্ছা ঝতবান, তোমার বাবার সঙ্গে আর কে এসেছেন?

—মাই মাদার।

—তুমি বাংলাতেই বলো।

—মা।

—তোমার দাদু আছেন? মার বাবা?

—হ্যাঁ, সোদপুরে থাকে। পাপু দারুণ স্বচ্ছন্দ হয়েছে,—দাদু দিদা মামা মামি
সবুই আছে।

—তোমার ঠাকুর্দা নেই? বাবার বাবা?

—আছে তো। দাদাভাই। জয়নগরে থাকে।

তপতী সামান্য ছটফট করে উঠল। বেশি কথা বলছে পাপু, এত বলার দরকার
কী!

ডানদিকের চেয়ার থেকে তখনই প্রশ্ন ছুঁড়েছেন সাদা শাড়ি,—আচ্ছা ঝতবান,
তোমার দাদু তোমার দাদাভায়ের কে হন?

পশু নয়, পাখি নয়, ছড়া নয়, এ আবার কেমন ধারার প্রশ্ন! তপতীর মুখ
আপনাআপনি হাঁ হয়ে গেল।

পাপু এতটুকু ঘাবড়ায়নি। চোখ ঘুরিয়ে বলল,—কে আবার! বন্ধু!

ফিক করে হাসলেন সাদা শাড়ি,—শুধু বন্ধু?

—শুব বন্ধু।

—এবার বলো তো ঝতবান, তোমার বাবা তোমার সোদপুরের দাদুর কে
হন?

তপতীর চোখ জ্বালা করে উঠল। এত শক্ত উন্নত কি দিতে পারে পাপু!

পাপুর কোনও হিল্ডোল নেই। এক সেকেন্ড ভেবে নিয়ে বলল,—বাবাজীবন।

ঘরশুদ্ধ সকলে শব্দ করে হেসে উঠেছে। প্রৌঢ়া হাসতে হাসতে ঝুকলেন,—
আর তোমার বাবা তোমার মার কে হন?

—বড়দা।

—কেন?

—বাবে, বাবা মার থেকে বড় না!

অট্টহাসিতে ছত্রখান হয়ে গেছে ঘর, পাঁচ পর্যাক্ষকের হাসি আর থামে না।
তপতীর সব আশা দপ করে নিবে গেল। সব শূন্য। সব ফাঁকা।

চার

ফ্ল্যাটে চুকে ঘোঁঘো উঠল স্বপন, চক্রান্ত, চক্রান্ত। ওইটুকু ছেলেকে ওসব
উল্টোপাল্টা প্রশ্ন করার মানে কী?

তপতী বনবন করে উঠল, আসল কথা বুঝলে না? কাটানোর ধান্দা। ভেতর
থেকে সব নেওয়া হয়ে গেছে।

—সে তো ঘরে চুকেই বুঝে গেছি। ভাবভঙ্গি দেখলে না, হাসাহাস্তি করছিল!
আমরা যেন ক্লাউন।

—সে তারা যা খুশি ভাবুক, এখন আমাদের ছেলেটার কী হবে?

—পাড়ার নাস্তিরিতে ভর্তি করতে হবে, আর কি।

তপতী ধপ করে বসে পড়ল,—এতদিন ধরে এত কিছু শেখালাম. কিছু জিজ্ঞেস
করল না।

বাইরে উড়ো মেঘে বৃষ্টি হচ্ছে একটা। ঝলমল করছে রোদুর, তার মধ্যে
রূপোর কুচির মতো উড়ছে জলকণ। সেদিক থেকে চোখ সরিয়ে নিল স্বপন।
কথা বলতে গিয়ে গলা ধরে এল,—আমাদের কপালটাই খারাপ।

তপতীর চোয়াল শক্ত হল,—আমি ছাড়ব না। আজ থেকেই আমি আবার
ছেলেকে নিয়ে পড়ছি। সমস্ত জ্ঞাতিগুষ্ঠি, শালা শালি, মামা মামি, কাকা কাকি,
সব সম্পর্ক শিখিয়ে ছাড়ব। এ বছর পারেনি, সামনের বছর ওকে পারতেই হবে।

—সে কী করে হবে? ছেলের বয়স যি প্লাস থেকে ফোর প্লাস হয়ে যাবে
না? একদম নিচুতে ভর্তি না করালে পরের ক্লাসে ঢাল পাওয়া তো আরও শক্ত।

—কুকুর যেমন, তার মুগ্রও আছে। তপতী কুকুর চোখে তাকাল,—এফিডেভিট
করে এক বছর বয়স কমিয়ে নেব। কী গো, করা যাবে না?

—তা অবশ্য করা যায়। কিন্তু...

—কিন্তু কী?

—এবার আর তুমি নয়, পাপুর জন্য টিচার রাখব। ওই সব স্কুলেরই কাউকে

একটা। সে যত টাকা লাগে লাগুক। স্বপন কপাল টিপে ধরল,—ওফ, মাথা ধরে গেছে। এক কাপ চা খাওয়াও তো।

উঠল তপতী। বিষণ্ণ পায়ে রান্নাঘরের দিকে যাচ্ছে। সেই সকালে দুটো বিস্কুট খেয়ে বেরিয়েছিল, খিদেয় চনচন করছে, পেট, কিন্তু জিভে আর কোনও স্পৃহা নেই। মনোর মা মশলা বাটছে, তাকে কিছু না বলে গ্যাসে কেটলি চড়িয়ে দিল।

তখনই মনে হল ফ্ল্যাটটা বড় শুনশান। ছুটে স্বপনের কাছে এল,—পাপু গেল কোথায়?

—নেই? এদিক ওদিক তাকাল স্বপন,—এক্ষনি তো জানালায় দাঁড়িয়ে ছিল! ঘরে দেখো তো।

দ্রুত ঘর দেখে এল তপতী। নেই। বাইরের ভিজে লনে নেই, উল্টো দিকের ফ্ল্যাটে নেই, বাবা মার বিমর্শ চিন্তার মাঝে আবার পাপু পালিয়েছে ফুড়ুৎ।

দুদাড়িয়ে ছাদে উঠল স্বামী-স্ত্রী। ছাদে পৌঁছে থমকে গেল। অগুরূপ এক রামধনু ফুটেছে আকাশে, সাত রঙের বাহার নীল শূন্যে স্থির। পাপু নির্নিমিষ চোখে দেখছে প্রকৃতির বিস্ময়।

বাবা মার পায়ের শব্দে চমকে ফিরে তাকাল পাপু। মুহূর্তে মুক্তা সরে গিয়ে চোখের মণিতে ফুটে উঠেছে ভয়। একটু যেন কেঁপে গেল আতঙ্কে। ঘাড় নিচু করে পায়ে পায়ে বাবা মার সামনে এসে দাঁড়িয়েছে। অস্কুটে প্রশ্ন করল,—আকাশে ওটা কী বাবা?

স্বপন শুকনো হাসল,—ওটাকে বলে রামধনু।

পাপুর ঘাড় আরও ঝুলে গেল,—ওটা সব সময়ে কেন আকাশে থাকে না, মা?

রেগে উঠতে গিয়েও ছেলের শুকনো মুখের দিকে তাকিয়ে তপতীর কী যেন হয়ে গেল, বুকটা সহসা মোচড় দিয়ে উঠেছে। কী ছাইপাঁশ সে শিথিয়ে এসেছে এতদিন! শুধু কয়েকটা নাম! কয়েকটা অক্ষর! সংখ্যা! ধ্বনি! কেন? ছেলের পিপাসা জলে না মিটিয়ে কেন সে লাইম জুস গেলাচ্ছে ছেলেকে? একটা মনোরম ঝাঁচায় ভর্তি করার জন্য?

তপতীর নিজেকে বড় নিষ্ঠুর মনে হচ্ছিল।

পনেরো দিন পরে হোলি অ্যাকাডেমির রেজাল্ট বেরোল। তালিকার মাথায় ঠিক দু'জনের পরে জ্বলজ্বল করছে একটা নাম——ঝতবান পাল। আশ্চর্য!

ଏই ମାୟା

୬ ଲୋମେଲୋ ସରଟାକେ ଶୁଦ୍ଧିଯେ ନିଛିଲ ଅପର୍ଣ୍ଣ । ଏତ କିଛୁ ପଡ଼େ ଆହେ ଚାରଦିକେ ! ଝୁମକୁମି ଥିକେ ଖ୍ସେ ପଡ଼ା ସଂଟି, ଫିଡ଼ିଂ ବଟଲେର ଚ୍ୟାନ୍ଟା କ୍ୟାପ, ବେବି ପାଉଡ଼ାରେର ଖାଲି ଏକଖାନା କୌଟୋ, ବୋତଳ ପରିଷକାର କରାର ବୀରିବୀରି ବ୍ରାସ, ଆରଓ କତ କି ଯେ ! ଶେଷ ମୁହଁରେ ଦୋନାମୋନା କରେ କିଛୁ ଜିନିସ ରେଖେ ଗେଛେ ମିନି । ଗୋଟାକଯେକ ତୋଯାଲେ ନ୍ୟାପି, ଫୋମ ଲାଗାନୋ ମୋଟା ପ୍ଲାସ୍ଟିକ, ବେଶ କିଛୁ କାଥା । ପରେ ଆବାର ଏଲେ କାଜେ ଲାଗବେ ।

ଥାଟେର ବାଜୁ ଥିକେ କାଥାଗୁଲୋ ତୁଲେ ଭାଙ୍ଗ କରଲ ଅପର୍ଣ୍ଣ, ଆଲମାରି ଖୁଲେ ତୁଲେ ରାଖିଲ ତାକେ । ମେବେତେ ପଡ଼େ ଥାକା ତୁଛ ଜିନିସଗୁଲୋ କୁଡ଼ୋଳ ଏକଟା ଏକଟା କରେ, ଓଯେସ୍ଟ ପେପାର ବାସକେଟେ ଫେଲିତେ ଗିଯେଓ କି ଭେବେ ରେଖେ ଦିଲ ଓୟାର୍ଡୋବେର ମାଥାଯ । ଆଡ଼ଚୋଥେ ଏକବାର ଦେଖେ ନିଲ ଆର୍ଯ୍ୟକେ ।

ଚୋଥେ ହାତ ଚାପା ଦିଯେ ଆର୍ଯ୍ୟ ଇଞ୍ଜିଚେଯାରେ ଆଧଶୋଓଯା । କୀ ଯେନ ଚିନ୍ତା କରଛେ । ଅପର୍ଣ୍ଣ ଗଲାଟାକେ ଖାନିକ ତରଲ କରେ ବଲଲ,—ହଲ କି ତୋମାର ? ଏକେବାରେ ଧନ୍ ମେରେ ଗେଲେ ଯେ !

ଆର୍ଯ୍ୟ ଚୋଥ ଥିକେ ହାତ ସରାଲ ନା । ଶରୀରଟା ସାମାନ୍ୟ ନଡ଼ିଲ ଶୁଦ୍ଧ ।

—କୀ ଭାବଛ ତଥନ ଥିକେ ?

—କିଛୁ ନା ।

—ମନ ଖାରାପ ?

—ମନ ଖାରାପ ହବେ କେନ ! ଏମନିଇ...

ଅପର୍ଣ୍ଣ ମୁଚକି ହାସଲ । ଆର୍ଯ୍ୟ ଚିରକାଳ ବଡ଼ ଚାପା, ସହଜେ କାରକ କାହେ ହନ୍ଦଯ ଖୋଲେ ନା । ନାର୍ସିଂହୋମ ଥିକେ ସଦ୍ୟୋଜାତ ନାତନି ନିଯେ ସୋଜା ବାପେର ବାଡ଼ି ଏସେଛିଲ ମେଯେ,

ছিল প্রায় চার মাস। একটুক্ষণ আগে ফিরে গেছে শ্বশুরবাড়ি। এ সময়ে মন খারাপ হতেই পারে, তবু সেটা মুখ ফুটে স্বীকার করবে না আর্য। আঠাশ বছরের পুরনো স্ত্রীর কাছেও না।

অপর্ণা অল্প খোঁচাল,—যা ধরে রাখা যায় না, তার জন্যে কষ্ট পেয়ে কী লাভ?

এতক্ষণে চোখ খুলেছে আর্য। ইজিচেয়ারের হাতল থেকে চশমা খুলে পরে নিল। বসেছে টান-টান,—কষ্ট পাব কেন? আমি শুধু ওদের আক্঳েলটার কথা ভাবছিলাম।

—কী রকম?

—পৌছে এখনও একটা ফোন করল না।

—করবে। এত ব্যস্ত হওয়ার কি আছে? এত দিন পর গেল—হয়তো কত লোক এসেছে, কত হৈচৈ...

—বাহ, চিন্তা হয় না! ওইটুকু একটা বাচ্চা নিয়ে এতটা পথ গেল...চারদিকে ভিড়...জ্যাম...

—যাদবপুর থেকে সন্টলেক এমন কিছু দূর নয়। অপর্ণা খাটে বসল। হাসিটাকে ধরে রেখেছে মুখে জোর করেই। বলল,—ভিড়-জ্যাম কিছুই পড়বে না। রাইপাস দিয়ে হ-হ করে ট্যাঙ্কি চলে যাবে।

—সেই কথাই তো ভাবছি। আর্যের চোখ সিলিং-এ ঘুরল,—এখান থেকে সওয়া পাঁচটায় বেরোল, এখন বাজে সাতটা। পইপই করে বলে দিলাম পৌছেই একটা টেলিফোন করিস...। মিমিটার নয় সেঙ নেই, শ্যামলও তো একটা ফোন করতে পারত। দিস ইজ ব্যাড—অফুলি ব্যাড!

—করবে গো করবে, অত ছটফট করছ কেন? তোমার আবার সব কিছুতেই বাড়াবাড়ি!

—মেয়ে জামাই নাতনির জন্য দুশ্চিন্তা করা বাড়াবাড়ি! এ কথা বলতে পারলে!

অপর্ণার হাসি নিবে গেল। চার মাস ধরে ভরভরন্ত বাড়িটার শূন্য দশা পলকে যেন আরও ভারী হয়ে গেল। কার্তিকের শেষ এখন, বাতাসে আলগা হিমের ছোঁয়া। অপর্ণার বুকেও একটা হিম-হিম ভাব চারিয়ে যাচ্ছিল। একটা শিশু, একটা নবীন প্রাণ—কতটা যে উত্তাপ এনে দিয়েছিল ঘরে!

অপর্ণা বিড়বিড় করে উঠল,—ওরা আমাদের ধার করা সুখ-দুঃখ। সুদে-আসলে ফেরত দিয়ে দিয়েছি। দুশ্চিন্তা করে কী হবে?

—মিমিও আমাদের নয় বলছ?

—নয়ই তো। মেয়ে কবে আপন হয়! কথাটা বলেই অপর্ণা সংশোধন করে

নিল নিজেকে,—ছেলে থাকলেও অবশ্য এমন কিছু আপন হত না। তার সংসারও পরের সংসারই হত। ছেলেই বলো, মেয়েই বলো—বড় হয়ে গেলে সবাই পর। আর্য মলিন হাসল,—তুমি বড় নিষ্ঠুর অপর্ণা। তোমার মেয়েও তাই এত নিষ্ঠুর হয়েছে। বাবার মন বোবে না।

—বুঝেই বা কী করত? বিয়ে-থা না করে সারা জীবন বাবার মুখের দিকে তাকিয়ে বসে থাকত? তাতে কি তুমি খুব পুর্ণকিত্তি হতে? মেয়ের বিয়ের জন্য তুমিই তো বেশি হাঁচোড়-পাচোড় করেছিল!

—মেয়ের বিয়ে না হোক, সে কথা তো বলিনি। তবু...

তবুটা যে কী অপর্ণা ও বুঝতে পারছিল। স্বামীর মুখ দেখে ভারী মায়াও হচ্ছিল তার। তবু এই মুহূর্তে একটু ঠাট্টা ছেঁড়ার লোভও সামলাতে পারল না। মাথা নেড়ে বলল,—আজ খুব বাবা, নিষ্ঠুর,—এসব কথা মনে পড়ছে, নিজে কী করেছিলে ভুলে গেছ?

আর্য ভুরু কুঁচকোল,—কী করেছিলাম?

—আমাকেও তো তুমি বাবা-মার কাছ থেকে কেড়ে নিয়ে এসেছিলে স্যার।

আর্য ঘুরে তাকাল।

—মিমি যখন হল, আমি যখন হাসপাতাল থেকে সোজা বাপের বাড়ি গেলাম, কদিন তুমি আমাকে থাকতে দিয়েছিলে সেখানে? এক মাস যেতে না যেতেই কানের কাছে প্যানপ্যান—বাড়ি চলো, বাড়ি চলো—মনে আছে? মিমি তো তাও চার মাস রইল, আমাকে দু মাস থেকেই চলে আসতে হয়েছিল। মেয়ে নিয়ে যখন শ্বশুরবাড়ি ফিরলাম, তখন আমাদের নিরাপদে পৌঁছনোর সংবাদ কদিন পরে বাবাকে দিয়েছিলে মশাই? খবর না পেয়ে বাবাই তিন দিন পরে ছুটে এসেছিল, মনে পড়ে? তখন তো খুব বলেছিলে—ওটা আমার বাবার বাড়িবাড়ি!

আর্য অসহায় মুখে হেসে ফেলল,—সত্যি মেমারি বটে। দাও, সিগারেটের প্যাকেটটা এনে দাও।

সিগারেট দেশলাই এখন এ ঘরে আর থাকে না। থাকে ড্রাইংরুমে, টিভির মাথায়। চার মাস ধরে ফ্লাটে অদৃশ্য নো স্মোকিং বোর্ড ঝুলছে। পাছে নিজেই আর্য অন্যমনস্ক ভাবে স্বেচ্ছা-আরোপিত নিষেধটা ভুলে যায়, তাই এই স্থান বদল।

অপর্ণা সিগারেট আনতে উঠল না, বলল, না, এখন সিগারেট খেতে হবে না। কদিন ধরেই খকখক কাশছ।

—সিজন চেঞ্জের সময়, এখন তো একটু সর্দিকাশি হবেই। তা'বলে সিগারেট খাওয়া বঙ্গ করতে হবে নাকি?

— বৰজ না করো, অস্তত কমাও। মেঘে মেঘে পঞ্চাশ পেরিয়ে গেল, সে খেয়াল আছে?

— সবই খেয়াল আছে ভাই। কথায় কথায় আৰ্য অনেকটা সমে ফিরেছে। হাসিমুখে বলল, বাড়িতে এখন দিনেৱাতে কটা সিগারেট থাই?

— সে কি স্বাস্থ্যের কথা ভেং, না আমাৰ কথা শুনে। অপৰ্ণাও হাসছে ফিকফিক,—ফুটফুটি খুব জন্ম কৰেছিল দাদুকে। নেশা চাপলেই দাদু প্যাকেট দেশলাই নিয়ে হড়মুড়িয়ে ছুটছে ব্যালকনিতে। নয়তো বাথৰমে ঢুকে ফুকফুক।

— সে তো তোমাৰ নেশাও ছুটে গেছিল।

— আমাৰ আবাৰ কী নেশা? অপৰ্ণা চোখ ছোট কৱল।

— টিভি। বোকা বাঙ্গ। সকাল-সকাল সিরিয়াল গেলা নেই, সিনেমা দেখা নেই, অন্তক্ষণি নেই... নাতনিটি একেবাৱে কান ধৰে বসিয়ে রেখেছিল সামনে।

— আৱ তুমি? তুমি কী কৰতে? এমনি তো রাত এগাৱোটাৰ মধ্যে বাবুৰ বিছানা চাই, নাতনি পেয়ে ঘূম-ফুম সব ভ্যানিশ। মাৰুৱাত অৰ্দি রায়চৌধুৱী-সাহেব নাতনিৰ হাত-পা ছোড়া দেখছেন! নাতনি আউ-ওউ শব্দ কৱছে মুখে, তাই বেহাগ মালকোষ ভেবে শুনে চলেছেন মুঞ্চ হয়ে!

— সেকি আমি একা শুনতাম? আৰ্যৰ হাসিতে একটা ছায়া পড়ল,—মেয়েটাৰ চিৎকাৱ এখনও কানে বাজছে। কী অদ্ভুত একটা উল্লাসধৰণি বাব কৱত মুখ দিয়ে, তাই না?

— আৱ ওই ভুবন-ভোলানো হাসি! দিবি কেমন চোখে চোখ রেখে খিলখিল হাসত!

— শুধু জেগে কেন, ঘুমিয়ে হাসত না? মাৰেমাৰেই ছেট ছেট ঠোঁট ফুলিয়ে ফুঁপিয়ে উঠছে...

— কেমন তিন মাসেৰ মাথায় উপুড় হতে শিখে গেল বলো? মিনিও অত তাড়াতাড়ি উল্টোয়নি!

— দেখে নিও, ও মেয়ে হামাও টানবে তাড়াতাড়ি। বড়জোৱ আৱ দু মাস।

ঝনঝন ফোন বাজছে ড্রয়িংৰমে। কেঁপে গেল স্বামী-স্ত্রী। ছিঁড়ে গেল কথাৱ মায়াজাল।

হনহনিয়ে ড্রয়িংৰমে চলে এল আৰ্য। উচ্ছসিত মুখে রিসিভাৱ তুলেই মিইয়ে গেছে। নিতান্তই কেজো ফোন একটা, অফিস কলিগেৱ।

দৱকাৱি কথা শেষ কৱে সোফায় বসে সিগারেট ধৱাল আৰ্য, সেগটাৱ টেবিলে

পা তুলে দিল। অনেকদিন পর মুক্তভাবে সিগারেট খেতে পারছে ফ্ল্যাটে, তবু যেন ঠিক ত্রুণি হচ্ছে না। কেমন বিস্মাদ লাগছে ধোঁয়াটা। একটা ছোট্ট শিশু থাকা আর না থাকাতে এত তফাত!

এতক্ষণ টেলিফোনের সামনে স্থির দাঁড়িয়েছিল অপর্ণা, এবার রান্নাঘরের দিকে যাচ্ছে। দরজায় দাঁড়াল। উদাস গলায় বলল,—চা খাবে?

—করো।

—সঙ্গে টোস্ট-ফোস্ট দেব?

—না, তাড়াতাড়ি খেয়ে নেব। বলেই একটু গলা ওঠাল আর্য,—তুমি ঠিকই বলেছ। ওসব মায়াটায়া কোনও কাজের কথা নয়। অল ভেগ্ থিংস্! হাতে অনেক কাজ জমেছে, এবার শেষ করে ফেলতে হবে। কালই রাজমিস্ত্রির সঙ্গে কথা বলছি, তাড়াতাড়ি চুনকাম করে দিয়ে যাক। আর তুমি ফার্নিচারগুলো পালিশ করার কথা বলছিলে, সেগুলো এই শীতেই...

অপর্ণা স্বামীকে দেখছিল। নিচু গলায় বলল,—আমি একটা অন্য কথা ভাবছিলাম।

—কী?

—চলো না, দুজনে কোথাও একটু বেড়িয়ে আসি। অন্তত দিন সাতেকের জন্য।

—চলো। কোথায় যাবে? দীঘা পুরী গোপালপুর? বলেই উঠে টিভিটা চালিয়ে দিল আর্য, ঘুরিয়ে ঘুরিয়ে একটা খেলার চ্যানেল বার করল। বাইশটা সাহেব লাথি মারছে ফুটবলে, একদৃষ্টে দেখছে আর্য—শূন্য চোখে।

রান্নাঘরে গ্যাসে জল চড়িয়েছে অপর্ণা। দুটো কাপে মেপে মেপে দুধ দিল, চিনি দিল। শূন্য চোখে।

সাড়ে নটার মধ্যে আজ রাত্রের খাওয়া শেষ। তখনও পর্যন্ত ফোনটা এল না। শুনে শুনে দুটো রুটি খুটছে আর্য, অপর্ণাও তৈরেবচ। চার মাস ধরে ঘরের প্রতিটি বায়ুকণায় ছড়িয়ে ছিল শিশুটা, বড় বেশি স্বাগ রয়ে গেছে তার—তীব্র, মায়ামায়।

রান্নাঘরের বাসনকোসন শুছিয়ে ড্রিয়িংরুমে এসে অবাক হল অপর্ণা। আর্য নেই। এত তাড়াতাড়ি শুয়ে পড়ল নাকি মানুষটা? শোওয়ার ঘরের দরজায় এসে বিস্ময় আরও বেড়ে গেল। আলমারি থেকে পুরনো অ্যালবাম বার করেছে আর্য। উল্টোচেছে পাতা। ধীরে, অতি ধীরে।

.—কী দেখছ?

—মিমির ছবি।

—হঠাৎ মিমির ছবি দেখতে বসলে!

—দেখছি। আর্য ছোট শ্বাস ফেলল,—দেখছি সময় কি তাড়াতাড়ি চলে যায় !
এই তো সেদিন জন্মাল...দ্যাখো দ্যাখো, কেমন গামলায় চান করছে !

উত্তরের জানালা দুটো বক্ষ করে সামনে এসে দাঢ়াল অপর্ণা। দেখল ছবিটাকে।
তিন মাসের মিমিকে স্নান করাচ্ছে মাসি। ড্যাব ড্যাব করে তাকিয়ে আছে মিমি।
খালি গা, গোলগাল নাদুন্দুস চেহারা, মাথায় পাতলা পাতলা কয়েকগাছি চুল।

আর্য পাতা উল্লেখ,—এই ছবিটা দ্যাখো, অন্ধপ্রাশনের।

—ইঁ। অপর্ণা আনমনে বলে ফেলল,—বড়দা খাওয়াচ্ছে। তখন খুব ঘুম
'পেয়েছিল মিমির। খুব কাঁদছিল সেদিন।

—চোখ দেখেছ মেয়ের ? তখনই কেমন টেরিয়ে তাকাত।

—ফুটফুট্টির চোখ আরও ঘোরে। মিমিকে এক হাটে কিনে এক হাটে বেচে
আসবে।

—উঁহ, আর নাতনির কথা নয়। আর্য আলগা ধরক দিল,—ছবি দেখছ ছবি
দ্যাখো...যা আমাদের নয়, তাই নিয়ে আর নো মোর মায়া !

অপর্ণা হাসি চাপল। যাকে এখন দেখছে আর্য, সেই বা কার ! দু বছরের মিমি !
পাঁচ বছরের মিমি। বাবা-মার সঙ্গে কাশ্মীরে বেড়াতে গিয়ে দশ বছরের মিমি।
সালোয়ার-কামিজ-পরা মিমি ! জিনস-টিশার্ট-পরা মিমি। পেঁয়াজরঙা কেনারসি পরা
মিমি, মাথায় রেশমি ওড়না, কপালে চন্দন, সিঁথি-ভরা জুলজুলে সিঁদুর ! শ্যামলের
সঙ্গে কুলু মানালিতে হানিমুনে যাওয়া মিমি। এত মিমির মিছিলে কোন মিমিটাই
বা আর্যর !

কথা বলতে গিয়ে অপর্ণার গলা দুলে গেল,—মিমি প্রথম ষষ্ঠুরবাড়ি চলে
যাওয়ার পর বাড়িটা এরকমই ফাঁকা হয়ে গিয়েছিল, তাই না গো ?

—ইঁ। আর্যও উদাস আচমকা,—সব সময়ে মনে হত বাড়িটা যেন গিলে খেতে
আসছে!

—তুমি বাপু বড় বেশি মেয়ে-মেয়ে করতে। তার জন্য কষ্টও পেয়েছ বেশি।

—কষ্ট তো সহ্যও হয়ে গেল। চার মাস পর খাটে বসে সিগারেট ধরিয়েছে
আর্য। আঙুল যেন তার কাঁপছে অল্প অল্প।

অপর্ণা একদম নিচু গলায় বলল,—সময় সব কিছুই সহ্য করতে শিখিয়ে দেয়
গো।

আর্য হাসার চেষ্টা করল,—নাতনির বিরহও ভুলে যাব বলছ !

—এই দ্যাখো, তুমই কিন্তু আবার নাতনির কথা তুললে !

—সরি। এসো, পুরনো ছবিশুলোই দেখি।

অপৰ্ণার আৰ ছবিৰ দিকে তাকাতে ইচ্ছে কৰছিল না। কেমন যেন মনে হচ্ছে ছবিতে মোটেই মেয়েকে দেখছে না আৰ্য, মেয়েৰ মধ্যে দিয়ে নাতনিকেই ছুঁতে চাইছে তাৰ স্বামী। অথবা মেয়ে নাতনি কাউকেই নয়, প্ৰিয়জনদেৱ মাৰো নিজেকেই খৌজে মানুষ। নাতনিকে দেখতে দেখতে কি মেয়েকে খুঁজত আৰ্য? তবে কি মিমিই আবাৰ সেই ছেট্টটি হয়ে ফিৰে এসেছিল? অপৰ্ণার মনেও মাৰো মাৰো এৱকম এক ধন্দ জাগত বটে, পাশেই হাস্যমুখী গিন্ধিৰান্নি মেয়েকে সশৰীৱে দেখে ভেঙেও যেত বিষ্ম।

আৰ্যৰ আন্তিম বুৰি কাটাতে চাইল অপৰ্ণা। অথবা পৱন কৰতে চাইল আৰ্যকে। বেশ জোৱেই বলে উঠল—মিমিৰ মেয়েও দেখতে দেখতে এৱকম বড় হয়ে যাবে।

ঘপ কৰে অ্যালবাম বন্ধ কৰল আৰ্য। শব্দ কৰে আলমাৰি খুলে রেখে দিল সব কটা অ্যালবাম। পাঞ্চাবি খুলে খাটেৱ বাজুতে রাখল। বিছানায় সটান শুয়ে বলল,—তা হলে কাল অফিসে গিয়ে টিকিটটা কৰতে দিয়ে দিই?

—কিসেৱ টিকিট?

—বাবে, কথা হল না আমৱাৰ বেড়াতে যাব। পুৱী-ফুৱি নয়, আৱও দূৰে কোথাও যাব...ধৰো কল্যাকুমাৰিকা!

—সে তো লম্বা টুঢ়ুৱ হয়ে যাবে!

—হবে। অফিসে আমাৰ অনেক ছুটি পাওনা আছে। কতদিন আমৱাৰ দুজন এক সঙ্গে ঘুৱিনি বলো তো? লাস্ট বোধহয় সেই হানিমুন...

—আৱেক বাবও গিয়েছিলাম, স্যার। আমাদেৱ বিয়েৰ এক যুগ সেলিব্ৰেট কৰতে...দীঘা। মিমি তখন সামাৱে মামাৰ বাড়ি গিয়েছিল।

আৰ্য হাসল,—তখন তো পিছুটান ছিল। এবাৰ একেবাৱে খোলা হাত-পায়ে যাব। প্ৰায় সেই হানিমুনেৰ মতো। যেখানে সেখানে ঘুৱব, যেখানে খুশি থাকব...। আফটাৱ অল আমাদেৱ দুজনেৰ জন্য তো শুধু আমৱাই আছি, নয় কি?

উচ্ছাসেৰ আড়ালে আৰ্য নিজেকে গোপন কৰতে চাইছে। অপৰ্ণা বুঝতে পাৱছিল। সাদাসিধে সৱল মানুষটাকে এই জন্যই যেন ভাল লাগে বেশি। যত নিজেকে লুকোতে চায়, ততই যেন ধৰা পড়ে যাব।

আৰ্যৰ কষ্টেৱ স্থানটায় হাত বোলাতে চাইল অপৰ্ণা। বলল,—সে হবে'খন। এখন কাজেৱ কাজটা আগে সেৱে ফ্যালো তো দেখি।

—কী কাজ?

—এখনো দশটা বাজেনি, সল্ট লেকে একটা ফোন কৱো।

—কেন করব? আৰ্য ফুঁসে উঠল,—ফোন কৱাটা ওদেৱ ডিউটি।

—ডিউটি সবই বাৰা-মাৰ, এটা বোৰা না?

—না, বুঝি না। বুৰতে চাইও না। বিছানা হাতড়ে আবাৰ একটা সিগারেট ধৰাল আৰ্য। জোৱে জোৱে টানছে, কাশছে ঘঙ্খঙ্খ।

হাত থেকে সিগারেটটা কেড়ে নিয়ে আ্যশট্ৰেতে গুঁজে দিল অপৰ্ণ। চোখ পাকিয়ে বলল,—বোৰা না বলেই তো এত ছটফট কৱছ! ঠিক আছে, আমিই ফোন কৱছি।

—নো। নেভাৱ। তুমিও কৱবে না। আই ওয়াৰ্ন'ইউ। ওদেৱ কথা আৱ একটাও নয়।

আৰ্যৰ চিৎকাৱটাকে হাহাকাৱ বলে মনে হল অপৰ্ণৰ। চোখেৰ পাতা ভিজে এল। মেয়ে বোৰে না, জামাই বোৰে না, কেউ কিছুটি বোৰে না!

অপৰ্ণ মনে মনে মনু অভিশাপ দিল মেয়েকে,—তোদেৱ মেয়ে বড় হোক মিমি, তোৱাও টেৱ পাৰি!

ফোন শেষ পৰ্যন্ত এল না। শুয়ে পড়েছে স্বামী-স্ত্রী।

ৱাত্রে শোওয়াৱ সময়ে এক জগ জল চাই অপৰ্ণৰ। সঙ্গে দুটো প্লাস। দুটো প্লাসই জলে ভৰ্তি থাকবে, ৱাত্রে ঘূৰ ভাঙলে দুটো প্লাস থেকেই এক চুমুক কৱে জল থাবে, আবাৱ ঢাকা দিয়ে রাখবে জল, এটাই অপৰ্ণৰ অভ্যাস। শুধু জল খাওয়াৱ জন্যই বাব বাব তাৱ ঘূৰ ভেঙে যায় ৱাত্রে। গত চার মাসে তো ঘূৰ গাঢ়ই হতে পাৱেনি, কতবাৱ কৱে যে উঠেছে নাতনি। দুধ থায়, হিসি কৱে, পটি পৱে, কখনও বা জেগে উঠে শুধু আপাৰ্থিব খেলা কৱে যায়, হেসে ওঠে খলখল।

আজ সম্পূৰ্ণ অন্য কাৱণে অপৰ্ণৰ ঘূৰ ভেঙে গেল। শীত কৱছে বেশ। মিমিৰ খুব গৱমেৱ ধাত, নাতনিৰ শীতবোধ নেই, পাখা তাই ফুল স্পিডে চলেছে এতদিন। কালও। একটু একটু ঠাণ্ডা লাগত বটে, কই এত শীত তো অপৰ্ণৰ কৱেনি কোনওদিন।

অপৰ্ণ শুয়ে শুয়েই মশারিৰ চালে রাখা বেড়সুইচ টিপল। আলো জলতেই চমকেছে সামান্য। পাশে আৰ্য, চার মাস পৱ, ঈষৎ কুঁকড়ে শুয়ে আছে।

বিছানা থেকে নেমে পাখা দু পয়েণ্ট কমিয়ে দিল অপৰ্ণ। দুটো পাতলা চাদৱ নিয়ে নিল বিছানায়। মুখে জল পুৱে আবাৱ শুতেই আৱও চমকেছে অপৰ্ণ।

জেগে আছে আৰ্য!

অপৰ্ণ কোঁত কৱে গিলে নিল জলটা,—কী হল, ঘুমোওনি?

—ঘূৰ আসাৱ উপায় আছে? তোমাৱ আক্লেটা দেখছিলাম।

—আমি আবার কী করলাম?

—এত জোরে ফ্যান চালিয়ে শুভে রোজ? বাচ্চাটার যে নিউমোনিয়া হয়ে যায়নি, এটাই আশ্চর্য!

অপর্ণা আলো নিবিয়ে দিল,—ভুলে যেও না, ওটা মিমির মেয়ে। তোমার মেয়ের কোনওদিন ঠাণ্ডা লাগতে দেখেছ?

—ফুটফুটি যদি মায়ের ধাত না পায়! শ্যামল তো বারো মাসই নাক টানে আর ফ্যাচোর ফ্যাচোর হাঁচে।

—ও মেয়ে মিমিরই কার্বনকপি হবে, বলে রাখছি। থুতনিটা দ্যাখোনি? ছাঁচোলো। মিমির মতো। নাকটা তো পুরো মিমি।

—তাই কি? আমার তো অন্যরকম লাগে। চিবুক কপাল চোখ সবই তো শ্যামলের।

—দূর, তোমার চোখ নেই! ওর হাঁ-মুখ একেবারে বসানো মিমি।

—মনে হয় না। মাথায়ও কত চুল। কোঁকড়া কোঁকড়া। শ্যামলের মতো।

—চুলটুকুই যা শ্যামলের পাবে। হাত-পায়ের আঙুলগুলো লক্ষ করোনি? লম্বা লম্বা। সরু সরু। মিমি হওয়ার পর সকলে বলত, আঙুল না কলাবতীর কুঁড়ি। ফুটফুটি হওয়ার পরেও সবাই এক কথা বলেছে!

না চাইতেও এক অনুপস্থিত শিশুর কুহকে জড়িয়ে যাচ্ছে স্বামী-স্ত্রী। অর্থহীন কুজনে বাঞ্ছয় হয়ে উঠছে অঙ্ককার। কালো ঘর ভরে উঠছে নীলাভ দৃঢ়তিতে। স্বামী স্ত্রী ফিরতে চাইছে, খামতে চাইছে, নিজেদেরকে মুড়তে চাইছে ঘুমের আবরণে। সল্টলেকে এক শিশু শুয়ে শুয়ে হেসে চলে খলখল, কোমল দুটি পায়ের অঙ্গের নড়াচড়া তার বনবন শব্দ তোলে যাদবগুরের ঝুঁটে।

মায়া, বড় মায়া। এ মায়া কাটে না কিছুতেই। প্রাণপণে চাইলেও না।

খাঁচা

দি

নটার কোন প্রথক রূপ ছিল না। একই ছন্দে, একই নিয়মে বিকেল পেরিয়ে সঙ্গে এসেছিল। শীতের সঙ্গে। অর্কপ্রভ জানত না শুধু তার জন্যেই দিনটা আজ অন্যরকম।

অফিসে বসে রিপোর্টটা আরেকবার খুঁটিয়ে খুঁটিয়ে পড়ছিল অর্কপ্রভ। পার্কার অ্যান্ড স্টিভেনসনের তৈরি প্রোজেক্ট রিপোর্ট, তথ্য আর পরিসংখ্যানে ঠাসা। চা ইস্পাত ফুডপ্রোডাক্ট-এর পর এবার অর্কপ্রভদের কোম্পানি হোটেল ব্যবসাতে নামতে চায়। বিদেশি সহযোগিতায়। একই সঙ্গে তিন শহরে। দিল্লি মুম্বাই কলকাতা।

অর্কপ্রভ হাতে আর সময় বেশি নেই। থাকেও না কখনও। কাল সকালের ঝাইটে দিল্লি পৌঁছেই বিদেশি প্রতিনিধিদের সঙ্গে আলোচনার টেবিলে বসতে হবে। লা মেরিডিয়ানে। সঙ্গে চেয়ারম্যান থাকছেন, এম. ডি-ও। কালকের মিটিং ফলপ্রসূ হলে বিদেশিদের সঙ্গে ‘মৌ’ সই হওয়া শুধু সময়ের অপেক্ষা। তার জন্যই এই তোড়জোড়। তার জন্যই এই রিপোর্ট খুঁটিয়ে খুঁটিয়ে পড়া। বার বার।

ইন্টারকমে শব্দ বেজে উঠল। অর্কপ্রভ প্রাইভেট সেক্রেটারি ভীরু গলায় ডাকছে,—স্যার।

দুপুরে অর্কপ্রভের ঘরে মিটিং ছিল। তারপর সেই সাড়ে চারটে থেকে লাল আলো ঝালছে তার চেম্বারের বাইরে। এ সময়ে ফোন দেওয়ারও নিয়ম নেই ঘরে। চেয়ারম্যান বা এম.ডি-র ছাড়া। কিন্তু তাঁরা তো দিল্লিতে!

অর্কপ্রভ যথেষ্ট বিরক্ত হল,—কী ব্যাপার?

—ম্যাডামের কল আছে স্যার।

ম্যাডামের কল! চকিতে অর্কপ্রভের চোখ কবজির প্ল্যাটিনাম ঘড়িতে। সাড়ে

সাতটা। আশ্চর্য, একটা রিপোর্ট স্টাডি করতে তিন ঘণ্টা সময় লেগে গেল? তবে কি অর্কপ্রভুর মন্তিষ্ঠান আজকাল তত দ্রুত কাজ করছে না? নাকি আজ অর্কপ্রভুর দিনটাই তাড়াতাড়ি ফুরিয়ে গেল!

অর্কপ্রভুর এই ঘরে অবশ্য ‘দিন ফুরোল’ বলে কোনও কথা নেই। সত্যি কথা বলতে কি চোন্দতলার ওপর এই অফিস চেম্বারে দিনের তেমন কোনও অন্তিমই নেই। শীততাপনিয়ন্ত্রিত ঘরের জানালা সর্বদা মোটা খৰ্দায় ঢাকা, ঘর জুড়ে শুধুই বিজলিবাতির রোশনাই।

এখানে বারো মাস একই তাপমাত্রা। একই আলো। একই সুরভি।

অন্যমনস্কভাবে অর্কপ্রভু রিসিভার কানে চাপল। কঞ্চি মাপা আবেগ,—ইয়েস ডালিং?

—কী হল তোমার? তুমি কি আজ খান্ডেলওয়ালের পার্টিতে যাচ্ছ না?

—সরি। ভীষণ ফেঁসে গেছি।

—রাবিশ! আমি সেই কখন থেকে তোমার জন্য ওয়েট করছি...

—পিজ ডালিং, তুমি চলে যাও! আমি আসছি। একটু পরে।

—না। গেলে দুজনে একসঙ্গে যাব, না হলে যাবই না।

ওফ, শোভনা হঠাত হঠাত এমন বাড়াবাড়ি করে। এমনিতে সময় পেলেই মিসেস খান্ডেলওয়ালের বুটিকে গিয়ে হাহা-হিহি চলছে, একসঙ্গে কিটি পার্টি, লেডিজ ক্লাব, আজড়া কোনও কিছুরই কমতি নেই, আর এখন দুম করে একেবারে... মেয়েরা পারেও বটে।

অর্কপ্রভু আরেকবার ঘড়ি দেখল,—ঠিক আছে, ওয়েট করো তা হলে। আমি কিছুতেই নটার আগে যেতে পারছি না। কালকের ব্যাপারে এখনও অনেকগুলো পয়েন্ট নেট করতে হবে।

—কাম অন অর্ক, ও তুমি কাল প্লেনে যেতে যেতে দেখে নিও।

সহজ সমাধান। এতক্ষণ কেন মাথায় আসেনি বুদ্ধিটা? রিসিভার রেখে ঘুরনচেয়ারে হেলান দিল অর্কপ্রভু। এতক্ষণ টের পায়নি, এখন হঠাতই বেশ ক্লান্ত লাগছে নিজেকে। চোখ টানছে, ঘাড়ের কাছে একটা ম্যানু দপদপ ভাব। প্রেশার বাড়ল নাকি?

সাধারণত সঙ্গে সাড়ে ছটার মধ্যে অফিস ছাড়ে অর্কপ্রভু। বেশির ভাগ দিন অফিস থেকে সোজা ক্লাব। ক্লাবে কোনও দিন টেনিস, কখনও সাঁতার, কখনও বিলিয়ার্ড। সঙ্গে পরিমিত পান, পরিমিত কথা, পরিমিত হাসি। জীবনটাই এখন এক অস্তুত পরিমিতির মধ্যে চলে এসেছে। ভোর পাঁচটায় উঠে লেকে জগিং।

পঁয়তাঙ্গিশ মিনিট। ডাক্তারের পরামর্শ মতো ফিরে এক প্লাস ফ্লুট জুস। কমলা কিংবা আপেলের। আধ ঘণ্টা পর এক কাপ সুগন্ধি চা। দুধবিহীন। চিনিবিহীন। অফিস বেরনোর আগে ব্রেকফাস্ট। সাড়ে আটটায়। মার্জারিন দিয়ে দু পিস টোস্ট। একটা ছেট্টা মুরগির ডিমের পোচ। কলা। অথবা পাকা পেঁপে। দুপুরের লাখে সৃপ স্যালাড টক দই। কোনও কোনও দিন স্যান্ডুইচ, চিকেন সেদ্দ, পুডিং। সকালের জগিং থেকে রাতে শুতে যাওয়ার আগে দেড়খানা ঘুমের ট্যাবলেট সবই নিয়ম। আর পরিমাপে বাঁধা। একমাত্র রাতের খাওয়াটাই এখনও বিশৃঙ্খল রয়ে গেছে। অল্প হলেও এখনও একটু ভাত চাই। সঙ্গে পাকা বাংলি মতে মাছ ডাল শাকসজ্জি। অর্কপ্রভ এই ভেতো অভ্যাসটাকে কেউ কোনও ভাবেই ছাড়াতে পারেনি। উচ্চ রক্তচাপ নয়। ডাক্তারের সাবধানবাণী নয়। শোভনাও নয়।

অর্কপ্রভ বোতাম টিপে এবার নিজেই ভাস্করকে ডাকল,—ব্যানার্জি, একবার আসবেন।

যতক্ষণ অর্কপ্রভ অফিসে থাকে ভাস্করও ততক্ষণ অ্যান্টিচেম্বারে মজুত। স্মার্ট বাকবাকে বছর ত্রিশের তরঙ্গ। শীত গ্রীষ্ম বর্ষা সদাসর্বদা তার গলায় টাই-এর ফাঁসটি নির্খুত। ঠিক যেমনটি অর্কপ্রভ চায়।

অর্কপ্রভ একবার আড়চোখে দেখে নিল ভাস্করকে,—ফিজিবিলিটি চার্টের কপিগুলো রেডি হয়ে গেছে?

—অনেকক্ষণ স্যার। সপ্তিতি ভাস্কর সঙ্গে সঙ্গে হাতের ফোল্ডার এগিয়ে দিয়েছে, এখানে সব সাজিয়ে দিয়েছি।

—গুড। দিবাকর কোথায়? ওপরে আছে?

—বাইরেই অপেক্ষা করছে স্যার।

—বদরিকে বলুন সব ফাইল আর কাগজ একসঙ্গে গুছিয়ে দিবাকরকে দিয়ে দিতে। আমি এবার বেরোব।

—রাইট স্যার।

—আপনিও এবার চলে যেতে পারেন। মিস্ জোনসকে ছেড়ে দিয়েছেন তো?

—যেতে বলেছিলাম, যাননি। শি নেভার লিভস বিফোর ইউ স্যার।

—সে কি! এত রাত অবধি! না, না, আস্ক হার টু গো।

মুখে বললেও মনে মনে বেশ তৃপ্তি অনুভব করছিল অর্কপ্রভ। তাকে ধিরে একটি জগৎ আবর্তিত হয় এই চিন্তাতেও যে কী গভীর সুখ। একটু হাসি হাসি মুখেই উঠে দাঁড়াল অর্কপ্রভ। এবার সে অ্যাটাচড ট্যালেটে চুকে মুখেচোখে সামান্য জল ছিটোবে, তুর্কি তোয়ালের নরম আরাম চাপবে দু গালে, পাতলা হয়ে আসা

ইষৎ কোকড়ানো চুলে আঙুল ডোবাবে। সাদা মার্বেল বসানো টয়লেটের একটা দেওয়াল জুড়ে প্রকাণ্ড পেটিং, সেদিকে নির্নিমেষ তাকিয়ে থাকবে কিছুক্ষণ। বিশাল ক্যানভাস জুড়ে সেখানে শুধুই এক রমণীর উন্মুক্ত পিঠ। বাদামি। মাংসল। অঙ্গ বেঁকে থাকা শিরদীঢ়ায় সরু গভীর খাত। এই নারীশ্রীরটিকে অর্কপ্রভ চেনে না। শোভনা ছাড়াও যে কটি নারীদেহ তার চেনা, তাদের একটির সঙ্গেও মিল নেই ওই রমণীর, অথবা আছে কিনা খেয়াল করেনি অর্কপ্রভ। তবু ওই খোলা পিঠের দিকে তাকিয়ে থাকলে অর্কপ্রভের পঞ্চাশ বছরের শরীরটা টন্কো হয়ে ওঠে, বাপ-করে বয়স অনেকখানি কমে যায় যেন। ক্লাস্তিহীন। ব্যাধিহীন। উৎকংঠাহীন। বিশাদহীন। ইঞ্টিরিয়ার ডেকরেটার মেয়েটি কি জেনে বুঝেই অর্কপ্রভের টয়লেটে এই ছবি টাঙ্গিয়েছিল? ছবি খেকে চোখ সরিয়ে বার বার আয়নায় নিজেকে দেখে অর্কপ্রভ। উঁচু, ঠিক নিজেকে দেখে না, দেখে পঞ্চাশের অর্কপ্রভকে। পঁচিশের তরতাজা অর্কপ্রভের চোখ দিয়ে। দর্পণের মানুষটা কেমন যেন গাঁটাগোটা! একটু হোতকা ধরনের। চিবুকের নিচে দ্বিতীয় চিবুক। গালের খাঁজে খাঁজে থলথলে চর্বির আভাস। কুঝিত চুলের ফাঁকফোকরে ছেট্ট ছেট্ট সাদা টেউ। দেখতে দেখতে অর্কপ্রভ ফিক করে হাসে একবার। একবারই, ব্যাস। ফের গাজীর্যের মুখোশে আড়াল করে ফেলে নিজেকে। অধস্তনদের সামনে সে পারতপক্ষে মুখে হাসি রাখে না। এক চিলতে হাসিকেই ওরা প্রশ্ন ভেবে মাথায় চড়ে বসতে পারে। হাসির জন্য স্থান-কাল-পাত্র আছে। মাপ আছে। অর্কপ্রভ জানে।

টয়লেটের দরজা খুলে অর্কপ্রভ সোজা বেরিয়ে এল চেম্বার থেকে। বদরিনাথের সেলাম নিল, নিজস্ব দৃষ্টি ভঙ্গিতে পার হল শুন্যপ্রায় অফিস প্লাঙ্গ। অফিসের বাইরে লম্বা করিডোর, আধোআলোমাখা। রাত-পাহারার জন্য সিকিউরিটির লোকজন এসে গেছে, তাদের দু-একজনের টুকরো অভিবাদন মাথা খাঁকিয়ে গ্রহণ করল অর্কপ্রভ। একেবারে লিফটের কাছে পৌঁছে ঘাড় ঘুরিয়েছে। দিবাকর। একটু পিছনে। দিবাকরের কাঁধে অর্কপ্রভের জলের ফ্লাস্ক, এক হাতে ফাইলের বোঁবা, অন্য হাতে ব্রিফকেস।

এক ডাকেই স্বয়ংচালিত লিফট এসে হাজির। স্বমহিমায় অর্কপ্রভ প্রবেশ করল লিফটে। সঙ্গে দিবাকর। লিফট নামছে এবার। দরজার মাথায় টিপ্পটিপ জ্বলছে সবজে বাতি। নিবছে। জ্বলছে। তেরো। বারো। এগারো। দশ। লিফট মসৃণ গতিতে নামছে। নামছে অর্কপ্রভ। নামছে সিংহনিয়া প্রপের চিফ অ্যাডভাইজার। নয়। আট। সাত। নামছে দিবাকর। অর্কপ্রভ সেনের সারথি।

তখনই ঘটে গেল দুর্ঘটনা। সাত আর ছয়ের মাঝখানে। লিফট থেমে গেল
আচমকাই।

দুই

লিফট থেমে গেছে।

তীব্র বাঁকুনিটা সামলাতে অর্কপ্রভ সেনের সময় লেগে গেল কয়েক সেকেন্ড।
আকস্মিক ধাক্কায় অর্কপ্রভর পা টলে গিয়েছিল, হমড়ি খেয়ে পড়ে যাচ্ছিল প্রায়,
কোনওক্রমে লিফটের দেওয়াল ধরে সোজা রাখল নিজেকে।

লিফটের উজ্জ্বল আলো নিবে পলকে জ্বলে উঠেছে বিপদকালীন বাতি। সেই
আলোতে দিবাকরের দিকে নজর গেল অর্কপ্রভর। দিবাকরের হাত থেকে ছিটকে
গেছে জরুরি ফাইল, মেজেতে উবু হয়ে এক হাতে কাগজ কুড়োছে লোকটা।

অর্কপ্রভ হায় হায় করে উঠল,—ইশ্শ, দিলে তো সব নোংরা লাগিয়ে!

দিবাকর অধোবদন। কিছুতেই সে সব কাগজ একসঙ্গে বাগে আনতে পারছে
না। ফাইল তুলতে গেলে কাগজ পিছলে যায়, কাগজ তুলতে ফাইল।

অর্কপ্রভ হালকা ধমক দিল,—আচ্ছা সুপিড তো! বিফকেস্টা নামাও হাত
থেকে। দু হাতে তোল।

বহু কষ্টে কাগজ ফাইল বাগে এনেছে দিবাকর। বিত্রত মুখে ফ্লাক্সের স্ট্র্যাপ
গুছিয়ে নিছে কাঁধে। বিফকেস হাতে তুলে একটু হেসে দাঁড়াল।

লিফট এখনও গেঁয়ারের মতো অনড়।

হলটা কী? এতক্ষণ কেন আটকে আছে? পাওয়ার গেল? বিদ্যুতের অবস্থা
তো আজকাল তত বেহাল নয়! অর্কপ্রভ বিরস মুখে লিফটের দেওয়ালে চোখ
বোলালো। এমারজেন্সি বাতির তীব্রতা খুব বেশি নয়, তবু লিফটের অভ্যন্তর দেখতে
অসুবিধা হচ্ছিল না তার। বর্গক্ষেত্রাকার কামরা, বড় জোর ছয় বাই ছয়। দরজা
দেওয়ালের রঙ ইস্পাতনীল। নিশ্চিন্দ্র বক্ষ দরজার পাশে সার সার চাকা বোতাম।
জি থেকে শোলো। পিছন দেওয়ালে টুকরো আয়না। লিফটে টুকলে প্রথমেই নিজেকে
দেখা যায় সেখানে। সকালে ওঠার সময় ওই আয়নাতে এক সুবেশা যুবতী চুল
ঠিক করছিল আজ। দরজার বাঁ দিকে অ্যালুমিনিয়াম প্লেটে লিফট সংক্রান্ত
নির্দেশনামা। নিচু ছাদে চার ডানার দুটো পুচকে ফ্যান ডানা মেলে নিথর। কোণায়
জড়সড় দিবাকর।

কিন্তু এমারজেন্সি বেলটা গেল কোথায়?

অর্কপ্রভর ব্যস্ত চোখ দেওয়ালে দেওয়ালে ঘূরল আবার,—বেলটা কোথায়?
বেল?

দিবাকর নড়েচড়ে উঠল। হাতের বোৰা বুকে চেপে পিটপিট তাকিয়েছে প্রভুর দিকে। মিনমিনে স্বরে বলল,—বেল আপনার মাথার পিছনে স্যার।

—তাই তো!

অর্কপ্রভ সুইচ টিপল। একবার। দুবার। কয়েকবার। শব্দ আদৌ বাজছে কি কোথাও? ছ'তলায়? সাততলায়? ভূমিতে? বোৱা যাচ্ছে না। ঘণ্টার চাবি সঙ্গেরে চেপে ধরে রাইল খানিকক্ষণ। কান পেতে শোনার চেষ্টা করল। নাহ, সম্পূর্ণ বদ্ধ ঘরে বাইরের কোনও তরঙ্গই পৌছয় না।

হতাশ অর্কপ্রভ ঘাড়ি দেখল, স্ট্রেঞ্জ! এখনও জেনারেটার চলল না কেন? পুরো চার মিনিট হয়ে গেল!

দিবাকর ক্ষীণ গলায় বলল,—জেনারেটার তো আজকাল কম চলে স্যার, তাই বোধ হয় চালু করতে সময় লাগছে।

—হোয়াট ডু ইউ মিন? সব সময় জেনারেটার চলে না বলে তার মেনটেনেন্স হবে না? লিফটের জন্য টুয়েন্টি ফোর আওয়ারস একটা আলাদা জেনারেটার রেডি থাকার কথা!

দিবাকর কথা বাঢ়াল না।

অর্কপ্রভ গজগজ করে চলল,—কালকেই আমি কেয়ারটেকারের এগেনস্ট কমপ্লেন করছি। এরা ভেবেছেটা কী, অ্যাঁ? বিল্ডিং-এর রানিং মেনটেনেন্স-এর জন্য কম টাকা পে করি আমরা! তার পরও যদি এই ছোটখাটো অ্যামিনিটিজগুলো না পাই...! এন্ত ক্যালাস এসব লোকগুলো! দিব্যি নিয়ে কোয়ার্টার পেয়েছে, বউ বাচ্চা নিয়ে সংসার করছে, এদিকে কাজের ব্যাপারে বিন্দুমাত্র দায়িত্বজ্ঞান নেই! কিছু বলতে যাও, ওমনি ঝাগু নাচাবে! দ্যাখো গে, বাবু হয়ত খেয়ালই করেনি। হয়ত কেনও তাসের আড়ায় জমে আছে। হয়ত নেশাভাঙ করে পড়ে আছে। হয়ত এই ভরসক্রেবেলা...

অর্কপ্রভ ঝপ করে থেমে গেল। কাকে এসব কথা বলছে সে? তারই এক নগণ্য কর্মচারীকে? ড্রাইভারকে? এমন একটা নীচের তলার লোকের সঙ্গে এত কথা বলা কি সাজে অর্কপ্রভ সেনের!

দিবাকর অবশ্য ঘাড় গুজে দাঁড়িয়েই আছে। সে এমনিতেই কথা বলে খুব কম। যথেষ্ট বিনয়ী। শান্ত ধরনের। তার কাজ শুধু সামনে চোখ রেখে গাড়ি এগিয়ে নিয়ে চলা। মালিককে পৌঁছে দেওয়া স্থান থেকে স্থানান্তরে। এরকম চুপচাপ লোকই অর্কপ্রভের পছন্দ। আগে একটা ড্রাইভার ছিল, তুলসী না কি যেন নাম, বড় ফুট কাটত গাড়ি চালাতে চালাতে। কথায় কথায় দেশগাঁয়ের গল্প জুড়ত। খুব বন্যা মাছ জমি আরও কত কী হাবিজাবি। এতটুকু লঘুণুরু জ্ঞান নেই।

তবে এই মুহূর্তে দিবাকরের একদম চুপ মেরে যাওয়াটাও ঠিক সহ্য হচ্ছিল না অর্কপ্রভর। এরকম একটা খুপরি জায়গায় চকিতে আটকে পড়েছে দুটো মানুষ, মুখোমুখি দাঁড়িয়ে আছে, একজন একা কথা বলে চলেছে, অন্যজন নির্বাক, অথবা দুজনেই শব্দহীন, ব্যাপারটাই কী অস্পষ্টিকর।

অর্কপ্রভ এই প্রথম খুব কাছ থেকে ভালভাবে নিরীক্ষণ করছিল তার ড্রাইভারকে। পেশীবহুল ডাঁটো চেহারা, অনেকটা অর্কপ্রভের মতনই। মাথাতেও অর্কপ্রভের সমান স্মান। বয়সেও। তবে লোকটার কবজি দুটো অসম্ভব চওড়া! লোমশ তামাটে হাতে গোল দড়ির মতো শিরা-উপশিরা প্রকট। জলপাই-রঙ বুশ শার্টের নীচে খয়েরি সোয়েটার। তি গলা সোয়েটারের ফাঁক দিয়ে নোংরা গেঞ্জি দেখা যাচ্ছে। ভীষণ ঝর্ণাকৃতি গলা। গলা জুড়ে স্বরনালী জমাট ডেলা। চিবুকে হালকা পোড়া দাগ। পোড়া দাগ, না জড়ুল? কপালে পর পর অসংখ্য ভাঁজ। রোজ যে ছায়া ছায়া দিবাকরকে দেখে অর্কপ্রভ, সে যেন হঠাৎই ভীষণভাবে মৃত হয়ে উঠেছে সামনে। কায়িক অস্তিত্ব নিয়ে। অস্তিত্বটা এত প্রথর, এত নিকট, যে হঠাৎ কেমন অস্বাচ্ছন্দ্য বোধ করল অর্কপ্রভ।

সময় কাটছিল। ধীর লয়ে। থেমে থেমে।

লিফটের নড়াচড়ার কোনও চিহ্ন নেই। দিবাকরও একভাবে নিশ্চল। খানিকক্ষণ এদিক ওদিক চোখ ঘুরিয়ে অর্কপ্রভ গলা ঝাড়ল। একটু লম্বু স্বরে বলল,—কী? দুশ্চিন্তা হচ্ছে, না?

দিবাকর এতক্ষণ পর মুখ তুলেছে,—না তো স্যার!

—কতক্ষণ আটকে আছে খেয়াল আছে?

—না স্যার।

—দঅঅশ মিনিট। পুরো ছশো সেকেন্ড।

—হ্যাঁ স্যার।

—তোমার বাড়ির লোক তোমার জন্য ভাবনা করবে না? তার জন্যও তোমার কোনও উদ্বেগ নেই?

—না স্যার।

—ধরো আরও এক ঘণ্টা আটকে রইলে, দু ঘণ্টা আটকে রইলে, ধরো এখনও কেউ কোনও খবরই পায়নি। তবু তোমার দুশ্চিন্তা হবে না?

—না স্যার।

—কী তখন থেকে হ্যাঁ স্যার, না স্যার করছ? নতুন করে ধৈর্য হারাছিল অর্কপ্রভ। বিজ্ঞপ্তের স্বরে বলল,—কেন তোমার দুশ্চিন্তা হবে না জানতে পারি?

দিবাকরের ঠোটের কোণে ফিকে হাসি ফুটেছে এবারে,—আমার তো স্যার সাড়ে দশটা এগারোটা অবধি ডিউটি থাকে। বাড়ি ফিরতে আরও রাত হয়। এখন তো স্যার আটটাও বাজেনি।

অর্কপ্রভর ভূরুতে ভাঁজ পড়ল,—কোথায় যেন থাকো তুমি? তোমার মেমসাহেবে বলছিল কোথায় একটা নতুন বাড়ি করেছ?

—বাড়ি নয় স্যার। দিবাকর যেন লজ্জা পেল একটু,—ওই মাথা গৌঁজার মতন জায়গা। মেমসাহেব কিছু আগাম দিয়েছিলেন, তাই দিয়ে কষ্টে-শিষ্টে। সোনারপুর স্টেশন থেকে অনেকটা ভেতরে স্যার। কামরাবাদের দিকে। সাইকেলে গেলে মিনিট পনেরো লাগে। ইঁটাপথে আধ ঘণ্টাটাক।

কামরাবাদ জায়গাটা কোথায় অর্কপ্রভ জানে না। শোভনাই বলছিল দিবাকর বাড়ি করার জন্য কী সব টাকা-ফাকা নিয়েছে। লোকটা অর্কপ্রভর নিজস্ব চালক হলেও কোম্পানিই তার মাইনেটা দিয়ে দেয়। ওভারটাইমও। শোভনা কত টাকা দিয়েছে দিবাকরকে? পাঁচ হাজার? দশ হাজার? মরুক গে যাক, ওসব শোভনার ব্যাপার। সাংসারিক তুচ্ছ বিষয়ে মাথা গলাতে চায় না অর্কপ্রভ।

গলায়ওনি কখনও। তুচ্ছেও নয়, বৃহত্তেও নয়। ছেলে ঘর বাড়ি চাকরবাকর ড্রাইভার মালি সব মিলিয়ে গোটা সংসারটাই শোভনার দপ্তর। অর্কপ্রভ সেখানে এক সম্মানিত মেহমান।

টাই-এর নট সামান্য আলগা করল অর্কপ্রভ। অল্প অল্প গরম লাগছে। বাইরে ডিসেম্বরের চড়া শীত তবু এক কণা ঠাণ্ডাও ঢুকছে না খুপরিতে। আবন্দ বাতাস উষ্ণ হয়ে উঠছে ক্রমশ।

দিবাকর বুঝি অর্কপ্রভর অস্বস্তি টের পেয়েছে, নিম্ন স্বরে জিজ্ঞাসা করল,
—আপনার কি কষ্ট হচ্ছে স্যার? জল দেব? খাবেন?

অর্কপ্রভ জোরে জোরে শ্বাস টানল,—না না, আমি ঠিক আছি।

—আরেকবার বেলটা বাজাব স্যার?

—লাভ হবে না।

—স্ম্যার, যদি বলেন একবার খুব চেঁচিয়ে দেখতে পারি।

আজ্ঞা গাড়ল তো! এখন থেকে চেঁচিয়ে লোক ডাকবে! এই ভাসমান ত্রিশক্ত
অবস্থা থেকে! যেখানে পৃথিবীর একটি শব্দতরঙ্গও পৌঁছছে না! আধ ঘণ্টা হয়ে
গেল এখনও যখন কোথাও কোনও স্পন্দন নেই তখন বোঝাই যায় বৈদ্যুতিক
গোলযোগ হয়নি কোনও। না হলে এতক্ষণেও কি জেনারেটার চলত না? একজনেরও
নজরে পড়ত না দূর্ধিটাটা? নাহ, অন্য গুণগোল হয়েছে। অন্য গুণগোল। লিফটের।

দিবাকর আবার বিমবিন অনুনয় করল,—স্যার, একবার ডেকে দেখি না ? চেষ্টা করতে দোষ কি ? আমি একটা খুব ভাল ডাক ডাকতে পারি। বলেই অর্কপ্রভর বিনীত সারথি হঠাৎ বিচ্ছি স্বরে চিৎকার করে উঠেছে। চিৎকার নয়, গর্জন। তার হাড়কাপানো জাত্ব ডাকে ছেট্ট ধাতব কুঠুরি ধরথর কেঁপে উঠল।

অর্কপ্রভ শিউরে উঠেছে,—এটা কী হচ্ছে !

—এটা স্যার টার্জানের ডাক। লোকটা হাসছে অমায়িক,—যাত্রায় থাকতে শিখেছিলাম। এ ডাক স্যার মরা মানুষকেও জাগিয়ে দেয়। তাও তো হাত দুটোকে চোঙা করতে পারছি না।

অর্কপ্রভর ভেতরে একটা রাগ দানা বাঁধছিল, তবু কেমন যেন হাসি পেয়ে গেল হঠাৎ। মজা করার ভঙ্গিতে বলল,—সেটাই বা বাকি থাকে কেন ? মনের সুখে ডাকো।

সঙ্গে সঙ্গে ফাইল বগলে চেপে ব্রিফকেস মেঝেতে নামিয়ে দিয়েছে দিবাকর। দু'হাত মুখের সামনে গোল করে ধরে আবার তুলল আওয়াজটা,—হোওও হো হোওওহ।

করণ থেকে তেজী, তেজী থেকে হিংস্র, তালে তালে ঝক্কত হচ্ছে শব্দ। দেওয়াল থেকে দেওয়ালে আছাড়ি-পিছাড়ি খেল। চক্রকারে পাক খেয়ে ঘুরে চলেছে। শেষ হওয়ার পরও অনেকক্ষণ রেশ রেখে দিল অর্কপ্রভর কানের পর্দায়।

আজব কাণ ! বাইরে থেকে লোকজনের গলা শোনা যাচ্ছে না ! বহু দূর থেকে কারা যেন সাড়া দিতে চাইছে !

অর্কপ্রভর আগে দিবাকর বলে উঠেছে,—দেখেছেন স্যার, ঠিক শুনতে পেয়েছে। ভাল করে শুনুন, কাছাকাছিই কথা বলছে ওরা !

অর্কপ্রভ দরজায় কান পাতল। খুব কাছে নয়, তবে শব্দ বেশ স্পষ্ট এখন। সিঁড়ি দিয়ে নামছে। নামতে নামতে আচমকাই থেমে গেল আওয়াজটা। সম্পূর্ণ নিমুম। মরিয়া হয়ে অর্কপ্রভ গুম গুম ঘুসি মারল দরজায়। দিবাকরও লাথি মারছে। প্রাণপণে !

ফিরছে। শব্দ ফিরছে। ফিরে এসেও ক্ষীণ হতে থাকল ক্রমশ। তারপর একেবারেই মিলিয়ে গেল।

তিন

শব্দ ফিরল না। লিফট জগদ্দল পাথরের মতো স্থির। যেন চলতেই জানে না। চলেওনি কোনও দিন।

অর্কপ্রভ স্নায়ুর ওপর নিয়ন্ত্রণ হারাচ্ছিল। প্রাথমিক অসহিষ্ণুতা একভাবে আঘাত করে নিয়েছিল সে, এখন একটা গোপন সিরসিরে কাপুনি পাক থাচ্ছে তার মেরুদণ্ডে। কম্পনটা সরীসৃপের মতো শরীর বেয়ে উঠছে, নামছে, ইঁটুর কাছে গিয়ে দুলছে ঘন ঘন।

দিবাকরের মুখচোরা ভাব প্রায় নেই। ওই টার্জানের ডাক ডাকার পর থেকেই। সে-ই এখন দেখছে অর্কপ্রভকে। খানিকটা সান্ত্বনা দেওয়ার স্বরে বলল,—কিছু ধাবড়াবেন না স্যার। আমি আপনাকে বলছি শুনুন, ওরা চেষ্টা করছে। ভয়ের কিছু নেই।

মুহূর্তে অর্কপ্রভ মাথায় আগুন জ্বলে উঠল। পদমর্যাদা ভুলে চেঁচিয়ে উঠেছে, কে বলল আমি ভয় পেয়েছি?

লোকটা একটুও অপ্রতিভ নয়,—আপনার স্যার নাকে কপালে ঘাম জমে গেছে। আপনি স্যার সোজা হয়ে দাঁড়াতে পারছেন না।

লোকটা কি মজা পাচ্ছে! একদিকের দেওয়ালে হাত চেপে অর্কপ্রভ গর্জে উঠল,—চোপ। যত বড় মুখ নয় তত বড় কথা। আমি ভয় পেয়েছি? ছেউ কামরা জুড়ে দাপাদাপি করছে অর্কপ্রভ,—দেখে নেব। আইল সি দা কেয়ারটেকার। আইল সি দা সিকিউরিটি গার্ডস। কী ভেবেছে কী সব, অ্যাঁ? খেলা হচ্ছে! সিংহানিয়া প্ল্যাটের চিফ অ্যাডভাইজার এতক্ষণ ধরে লিফটে আটকে আছে, এখনও রেসকিউ করতে পারল না! আইল জাস্ট কিক দেম আউট অফ দিস বিল্ডিং। অর্কপ্রভ মেঝের প্যাডিং-এ পা ঠুকল। দিবাকরের দিকে ফিরল। চোখ কুঁচকে দাঁত কিড়িমিড় করল কয়েক সেকেন্ড,—তোমাকেও দেখে নেব আমি।

—আমি কী করলাম স্যার? আমি তো ভালুক জন্যই...

—একটা কথা নয়। একটা কথা নয়। অর্কপ্রভর গলার শিরা ফুলে উঠল,
—টার্জানের ডাক ডাকা হচ্ছে! এটা কি চিড়িয়াখানা? না বনজঙ্গল?

অর্কপ্রভর হস্কারে দিবাকর খুব ভয় পেয়েছে বলে মনে হয় না, তবে মিইয়েছে একটু। আহত গলায় বলল,—আপনি স্যার মিছিমিছি রাগ করছেন। সেবার রথের মেলায় আমার মেজ ছেলেটা হারিয়ে গিয়েছিল, ওই ডাক শুনেই তো...। ওরা সত্যি আমার ডাক শুনেছে স্যার।

—চোওওপ। আরও জোরে চেঁচাতে গিয়ে অর্কপ্রভর গলা চিরে গেল। এত জোরে চিৎকার করা তার ধাতে নেই, তাই গলাও যেন বিদ্রোহ করছে। ভাঙা কর্কশ স্বর ছিটকে এল,—আমি তোমাকে চুপ থাকতে বলেছি দিবাকর। কিপ মাম্। আদারওয়াইজ আইল থ্রো ইউ আউট অফ দিস লিফট।

কথাটা বলেই অর্কপ্রভ চেতনায় ফিরল। ধূস, একথা বলার কোনও অর্থ হয়? সে কি পাগল হয়ে যাচ্ছে? উল্টোদিকে মুখ ঘুরিয়ে ঢোয়াল শক্ত করে দাঁড়িয়ে রাইল অর্কপ্রভ। বার কয়েক নিষ্ঠাস নিল জোরে জোরে। মাথা ঝাঁকাল।

দিবাকর চুপ মেরেছে। লিফটার মতোই।

অর্কপ্রভ কুলকুল ঘামছিল। গরম স্যুটে জালা জালা করছে শরীর। নিজের হস্কার নিজেকেই কেমন বিবশ করে দিয়েছে। পকেট থেকে রুমাল বার করে মুখ মুছে নিল। রুমালে ল্যাভেন্ডারের গঞ্জ। আহ, একটু যেন শীতল হচ্ছে মাথা। উত্তেজনা বাড়লে ডাক্তার ল্যাভেন্ডার ব্যবহার করতে বলেছে। তবে। ধ্বণে। গঞ্জ চিকিৎসা! চিঞ্চাকে যুক্তির খাতে আনতে চাইল অর্কপ্রভ। এত কেন রেগে গেল সে? তবে কি সত্যিই সে ভয় পেয়েছে? এর চেয়ে বেশি বিপদে কি অর্কপ্রভ কখনও পড়েনি? বছর তিনেক আগে তার প্লেন একবার দিল্লিতে ক্র্যাশল্যান্ডিং করেছিল। একবার গৌহাটি ফ্লাইটে দুর্ঘাগ্রে পড়ে বিমান উখাল পাথাল। বাতাসবিহীন শূন্যতায় ধপাস করে দুশ পাঁচ শ ফিট নেমে যাচ্ছে, লাফিয়ে উঠছে ভয়ঙ্করভাবে। কই, সে সব মুহূর্তেও তো এত ধৈর্যচূড়ি ঘটেনি! তবে কি ভয় নয়, ভয় ধরা পড়ে যাওয়ার ফানিতেই এই বিকার? একটা অসম লোকের কাছে?

না, এ-সব মুহূর্তে অন্য ভাবনায় চুকে পড়া দরকার। অর্কপ্রভ চোখ বুজে খাণ্ডেলওয়ালের পার্টিটাকে দেখতে চাইল। উজ্জ্বল হলঘরে বর্ণময় সমারোহ চলছে এখন। হাতে হাতে প্লাস ঘূরছে, টুং টাং শব্দ উঠছে, মদু আলাপচারিতা চাপা গুঞ্জন হয়ে ভাসছে বাতাসে। তানিয়ার ভুবনমোহন আঁখি ছাঁয়ে যাচ্ছে অভ্যাগতদেবে। হ্যালো! হাই! হাউ সুইট! হাউ কিউট! নাইস টু মিট ইউ! আজ পার্টিতে তিন-চারটে কনসুলেট থেকে কয়েকজন অফিসারের আসার কথা। তাদের সঙ্গে দেখা হলে ভাল হত। সিংহানিয়া গ্রুপ আর শুধু ভারতে আটকে থাকতে চায় না, এ-দেশের বাজারে দিন দিন প্রতিযোগিতা বাড়ছে, অন্য দেশের দিকেও পা বাঢ়াতে হবে এবার। তাই নিয়ে ছোটখাটো কথাবার্তা সেরে নেওয়া যেত আজ। অর্কপ্রভ ঘড়ি দেখল। আটটা কুড়ি। শোভনা নিশ্চয়ই এখন ঘর-বার করছে। যা জেদ, এর পর অর্কপ্রভ পৌঁছলেও বোধহয় যাবে না পার্টিতে। শোভনার আত্মসম্মানজ্ঞান অত্যন্ত টন্টনে, অফিসে আর ফোনও করবে না একবারও। হয়ত বা এর মধ্যেই পোশাক বদলে প্লাসে জিন নিয়ে বসে গেছে। ফুঁসছে রাগে।

অর্কপ্রভরই-বা আর এত দেরি করে পার্টিতে গিয়ে কী লাভ? এগারোটার মধ্যে বাড়ি ফিরতেই হবে। অন্তত চার-পাঁচ ঘণ্টা ঘুমোতেই হবে রাতে। ভোরে

সাড়ে পাঁচটার মধ্যে দমদমে রিপোর্টিং। ভাবতে গিয়ে হঠাৎই একটা আজব প্রশ্ন মাথায় এল অর্কপ্রভর। দিবাকর বলছিল বাড়ি ফিরবে, যদি ফিরে যায়, অত সকালে ডিউটিতে সে আসবে কী করে? অন্যান্যবারই বা কী করে? অর্কপ্রভ বিস্মিত হল। সে গাড়ির পিছনের সিটে বসে থাকবে, সামনে স্ট্যারিং-এ দিবাকর, ছবিটা এত অবধারিত যে দিবাকরের কার্যকারণের কথা ভুলেও মন্তিষ্ঠে আসে না কখনও। আসার কথাও নয়। তাদের এই অবস্থান এত সময় নিরপেক্ষ, এত ঝাতু-নিরপেক্ষ যে, সকাল দুপুর বিকেল রাত, শীত গ্রীষ্ম বর্ষা সর্বদাই এ ব্যবস্থা ধ্রুব। তবু এই প্রশ্ন কেন জাগল?

দ্বিধা কাটিয়ে অর্কপ্রভ ডেকেই ফেলল দিবাকরকে,—শোনো।

চোখ অর্ধেক বুজে বিচিত্র ভঙ্গিতে দাঁড়িয়েছিল দিবাকর, ধড়ফড় করে সোজা হল।

—আচ্ছা তুমি যে বললে রান্তির সাড়ে এগারোটার পর বাড়ি ফিরবে, অত দূর থেকে ভোর চারটোয় আবার আসবে কী করে?

—ক্যানিং থেকে শেষ রাতে একটা মাছের ট্রেন আসে, ওতেই উঠে পড়ি। ঢাকুরিয়ায় নামি, তারপর যোধপুর পার্ক হেঁটে চলে আসি।

—অ! তা হলে বেশ কষ্ট হয় তোমার!

—কষ্ট কীসের স্যার? শেষ রাত আমার ভালই লাগে। তারা নিবে গেছে, আলো ফোটেনি, ঠাণ্ডা বাতাস! এখন তো আবার হাড় কাঁপানো ঠাণ্ডা! চাদর মুড়ি দিয়ে আসতে যে কী একটা আরাম লাগে! দিবাকর সুযোগ পেয়ে কথা বলেই চলেছে,—মাঝে মাঝে রাতে থেকেও যাই স্যার। যাদবপুরে। শালীর বাড়িতে। মেমসাহেব অবশ্য বলেছেন তেমন হলে আপনাদের একতলার কোয়ার্টারেও থাকতে পারি। তা আমার স্যার ভাল লাগে না।

—কেন? তোমাদের জন্য তো নীচে ভাল ব্যবস্থা আছে!

—জানি স্যার। আসলে আমি স্যার...আসলে সমর একটু আত্মীয়স্বজন...মানে স্যার নিজের লোকজনের সঙ্গে ছাড়া থাকতে পারি না।

কথা বলে বলে স্থিত হচ্ছিল অর্কপ্রভ। রাগটা নিবছে। হাসিমুখে বলল,—আমরা তোমার নিজের লোক নই? আমাদের কাছে তুমি কাজ করছ, মেমসাহেব তোমাকে কত ভালবাসে...বাড়ি করতে টাকা দিয়েছে...চুটিছাটা পাও...

—তা নয় স্যার। আমার কিরকম লজ্জা করে। আপনারা স্যার...মানে স্যার...ঠিক আমাদের মতো তো নন! আপনারা যেন একটা কীসের মধ্যে রয়েছেন! আপনাদের কাছাকাছি থাকা...

—কীসের মধ্যে আছি বলো তো ?

দিবাকর উত্তর দিল না।

অর্কপ্রভ সামনে ঝুঁকল,—কীসের মধ্যে আছি আমরা, দিবাকর ?

অর্কপ্রভুর দিকে তাকাল না দিবাকর। বিপদকালীন বাতির জোর কমে আসছে, সেদিকে মুখ ফেরাল। যেন অর্কপ্রভুর কথা সে শুনতেই পায়নি।

ঘির ঘির আলোতে অর্কপ্রভুর মাথা দুলে গেল। দিবাকর তাকে অগ্রাহ্য করছে। আরও ঝুঁকে খামচে ধরল লোকটার কাঁধ,—কী হল ? তুমি উত্তর দিচ্ছ না যে ?

‘ দিবাকরের বিশেষ ভাবান্তর ঘটল না, অলস ভাবে গা মোচড়ালো,—কী হবে স্যার শুনে ?

—দ্যাটস নট ইওর বিজনেস। ফট করে একটা কথা বলে দিলে, এখন উত্তর দিচ্ছ না, তুমি কিন্তু অবাধ্যতা করছ দিবাকর।

—আমি দুঃখিত স্যার।

—বাজে কথা ছাড়ো। চড়াং করে অর্কপ্রভুর জেদ চেপে গেল,—ইউ মাস্ট আনসার মাই কোয়েশ্চেন। নইলে আমি তোমার এগেনস্টে স্টেপ নেব।

আলো আরও কমছে। কোনও অদৃশ্য ছিদ্রপথে ঝুঁইয়ে ঝুঁইয়ে চুকে পড়ছে তরল অন্ধকার, ধীরে ধীরে গিলে নিচ্ছে উজ্জ্বলতাকে। প্রাণহীন কক্ষে দিবাকর ক্রমে যেন অপ্রাকৃত আবছায়া। যেন সেই ঈগলের মতো ডানা মেলে আড়াল করছে আলোকে।

দু'হাতে দিবাকরকে ঝাঁকাল অর্কপ্রভ,—তুমি সীমা ছাড়িয়ে যাচ্ছ দিবাকর। জানো, এই অবাধ্যতার জন্য আমি তোমার চাকরি খেতে পারি ?

দিবাকরকে শক্ত স্বরনালী নড়ে উঠল একটু,—তা পারেন স্যার।

—পারি মানে ? আইল স্যাক ইউ রাইট আফটার দা...

অর্কপ্রভ বাক্য শেষ করতে পারল না, অপ্রাকৃত ছায়া হাসছে ফিকফিক,— আপনি স্যার কী বলছেন, আপনি নিজেই জানেন না। একবার বলছেন লিফট থেকে ঝুঁড়ে ফেলে দেবেন, অথচ আপনার লিফটের দরজা খোলার সাধ্য নেই। এখন বলছেন, বেরিয়েই চাকরি থাবেন। আগে তো বেরোন স্যার। যদি আদৌ বেরোতে না পারেন ?

—তুমি আমাকে ভয় দেখাচ্ছ ? অর্কপ্রভ দিবাকরের কাঁধ থেকে হাত নামিয়ে নিল। নিজেরই উচ্চারিত ‘ভয়’ শব্দ চকিতে দখল নিয়েছে মঙ্গিঙ্কের। ফিসফিস করে বলল,—কী বলতে চাও তুমি ?

—আপনিই বলুন স্যার, আপনি এখন কী পারেন ? আপনার কিছু করার নেই।

আপনি ডাক ছেড়ে চেঁচাতে পারেন না। আমার মতো করেও নয়, নিজের মতো করেও নয়। আপনি প্রাণ খুলে কাঁদতে পারেন না। আপনি পা ছড়িয়ে বসে পড়তে পারেন না। আপনি জোর করেও হাসতে পারবেন না এখন। আপনি আপনার নিজেরই অবস্থা জানেন না স্যার, অথচ আমার ভবিষ্যৎ নিয়ে আমাকে শাসন করছেন।

অর্কপ্রভ শুম হয়ে গেল। এক রূক্ষ বিষাদ আচ্ছল করে ফেলছিল তাকে। ওই দিবাকর, এই শব্দহীন ক্ষীণপ্রভ কুঠুরি যেন তাকে এক গৃঢ় উপলব্ধির মুখোমুখি দাঁড় করিয়ে দিচ্ছে। সত্যি তো, অর্কপ্রভ কী পারে? সে তো শুধুই একটা শুন্যে ভাসমান আবন্ধ জীব মাত্র। তার বেশি কিছু নয়।

অনেক উচুতে উঠবার নেশায় হাতিবাগানের বনেদি বাড়ির ছেলে একদিন শুন্যে পাড়ি দিয়েছিল। তার বাবা ছিল সম্পত্তির তলানি খাওয়া অকর্মণ্য মানুষ। ছেলেটাও ওভাবে জীবন কাটাতে পারত। কিন্তু সে ওভাবে বাঁচতে চায়নি। তার চোখে সূর্য ছোওয়ার নেশা। উঠতে উঠতে কখন যে সে মাধ্যাকর্ষণ ছাড়িয়ে গেল, তারা হয়ে ঘুরতে লাগল নিজস্ব কক্ষপথে! ঘুরতে ঘুরতেই ভোগ। বাসনার পূর্ণতা। লালসার নিবৃত্তি। স্ত্রী। সন্তান। সংসার। সমাজ। এক কালের পৃথিবীর মানুষেরা কখন সবে গেল অনেক দূরে। পাঁচিশ বছর পর সেদিন হঠাতে রাগুদি এল বাড়িতে। ছোট ছেলের একটা ভাল চাকরির জন্য তদ্বির করতে। যে রাগুদিকে চোখের দেখা দেখার জন্য ছটফট করত অর্কপ্রভ, তাকে দেখে বিন্দুমাত্র প্রতিক্রিয়া হল না তার। বরং উট্টকো এসে কাজ নষ্ট করার জন্য কী বিরক্তি, কী বিরক্তি! বিধবা ছোট পিসিমা মায়ের চেয়েও বেশি আদর দিত ছোটবেলায়। তার মৃত্যুসংবাদ এল, চোখে জল তো দূরের কথা, তার শ্রাদ্ধের দিনটা পর্যন্ত অর্কপ্রভ ভুলে গেল! এরা তো তাও এখন বাইরের লোক, এক-একদিন ভোরে বিছানা ছাড়ার সময়ে নিজের স্ত্রীকে দেখে কী চমকে উঠে অর্কপ্রভ! তার পাশে মহিলাটি কে! বড় পরিচিত যেন! পর মুহূর্তেই ভুল ভাঙে। ভাঙলেও ভুলের রেশ রয়ে যায়। হঠাতে হঠাতে মনে হয়, পরিচিত, এই মহিলা ভীষণ পরিচিত। কিন্তু শুধু পরিচিতই, তার বেশি নয়। ছেলে কানপুর আই আই টি-তে ইঞ্জিনিয়ারিং পড়ছে, ছুটিছাটায় আসে, তার সঙ্গে দেখাসাক্ষাৎ প্রায় নেই-ই অর্কপ্রভের। যেটুকু দেখা হয়, নিয়ম মেপে। ডিনার টেবিলে। দুই প্রাণ্ত থেকে দুজনের তখন শুধু হাই ড্যাড! হাই সান! ব্যস।

ব্যস। হৃদয় বাসনা পূর্ণ হল মম শুন-সব জগৎ জনে। ভাঙা রেকর্ড বাজছে অহরহ। বাজনার তালে কক্ষপথে ঘুরছে তারকা। ক্লাব। পার্টি। অফিস। কনফারেন্স।

সংসার। কক্ষপথে ঘুরছে ভাসমান ত্রিশঙ্খ। কক্ষপথ থেকে এতটুকু নড়ার সাধ্য আছে অর্কপ্রভর?

হঠাৎই প্রাণভয়ে নিজেকে ভুল প্রমাণ করতে চাইল অর্কপ্রভ। দিবাকরকে মুখের উপর একটা জবাবও দিতে চেষ্টা করল যেন। শরীরের সব শক্তি গলায় সংহত করে টার্জানের মতো ডেকে উঠতে চাইল। হোওওও হোওহো। একটি শব্দও বাজল না গলায়।

ক্ষীণ আলো নিবে গেল ঝুপ করে। সব অঙ্ককার।

চার

সব অঙ্ককার। মিশমিশে আঁধারে ঢুবে গেছে নির্বাসিত কক্ষ। অঙ্ককার এত ঘন যে কিছু দেখা যায় না। লাল সবুজ বোতাম নেই, সাদা নির্দেশনামা নেই, ঝকঝকে আয়না নেই, এমনকি দিবাকরও মুছে গেছে চোখ থেকে। শুধু কালো দেওয়ালের অপ্রতাক্ষ অস্তিত্ব অনুভব করতে পারছিল অর্কপ্রভ।

অর্কপ্রভর ফুসফুস নিংড়ে এক রাশ ফাঁকা বাতাস দৌড়ে এল। বাতাসই প্রতিধ্বনির মতো ফিরল কাছে,—স্যার।

অঙ্ককারে সাঁতার কাটছে অর্কপ্রভর হাত। ছুঁল দিবাকরকে,—আমাকে একটু জল দেবে?

হাতে হাত ছাঁইয়ে দিবাকর ফ্লাক্স এগিয়ে দিল। কাঁপা হাতে ঢাকনা খুলল অর্কপ্রভ। পুরো জল নিমেষে শেষ। যত না খেল তার থেকে বেশি গড়িয়ে গেছে মুখের বাইরে। কোট শার্ট টাই ভিজে একাকার।

সময় কাটছিল।

সময় কাটছিল না।

প্রতিটি মুহূর্ত দীর্ঘ থেকে দীর্ঘতর এখন। প্রতিটি মিনিট যেন এক একটা বছর। অঙ্ককার যে এত কালো হয় আগে জানত না অর্কপ্রভ। শুধু কালো নয়, ভয়ঙ্কর। হিংস্র অঙ্ককার থাবা বসাচ্ছে শরীরে। কামড়ে ছিঁড়ে তালগোল পাকিয়ে দিচ্ছে অর্কপ্রভর অস্তিত্ব। অশরীরী শক্তি হয়ে দুমড়ে মুচড়ে সংকীর্ণ করে তুলল তার চার পাশ। ছয় বাই ছয় ঘর ছোট থেকে ক্ষুদ্র ক্রমশ।

অর্কপ্রভর দম আটকে আসছিল। মরিয়া হয়ে ভাকল,—দিবাকর?

—আছি স্যার।

—তোমার কাছে দেশলাই নেই? লাইটার? টর্চ?

—টর্চ তো স্যার গাড়িতে আছে। দেশলাই লাইটার আমি রাখি না।

মানে, লোকটা বিড়ি সিগারেট খায় না। অর্কপ্রভ নিজেও ধূমপান করে না,

অভ্যাসটাকে অপছন্দই করে সে। তবু এই নির্দয় কালো গহুরে নিজের অভ্যাসটাকে গহিত মনে হল তার। কাতর গলায় বলল,—তা হলে কী হবে দিবাকর? একটু আলো না হলে....

—ভয় পাবেন না স্যার। এক্ষুনি অঙ্ককার সয়ে যাবে।

অর্কপ্রভ ভরসা পেল না। তবে সত্যিই একটু পরে অঙ্ককার সয়ে এল খানিকটা। একটা খুব আবছা আলোর আভাস পাওয়া যাচ্ছে। ঠিক আলোর আভাসও নয়, চোখ বাঁধা মানুষ অঙ্ককার থেকে আলোকিত ঘরে গেলে ইন্দ্রিয়ে যতটুকু অনুভূতির তফাত হয় ঠিক ততটুকুই তফাত এখন আলো অঙ্ককারে।

সেই ক্ষণে অর্কপ্রভ একটা ঘণ্টাধ্বনি শুনতে পাচ্ছিল। অতি অস্পষ্ট, ওই আলোরই মতো। যেন বহু দূর থেকে, অর্কপ্রভের যৌবন কৈশোর শৈশবের ওপার থেকে ভেসে আসছে ধ্বনিটা। ভেসে আসছে মাতৃজঠরের আঁধার আশ্রয় থেকে। অর্কপ্রভ দিবাকরের হাত চেপে ধরল,—শুনতে পাচ্ছ?

—কী স্যার?

—ঘণ্টা বাজছে। শোনো শোনো, ঘণ্টা বাজছে কোথাও।

দিবাকর দু-এক সেকেন্ড স্থির। তারপর বলল,—না তো স্যার। আপনি ভুল শুনছেন। মনের ভুল।

শব্দটা উবে যাচ্ছে। অর্কপ্রভ এখন চৈতন্যের শেষ সীমায়। ভয়ার্ত স্বরে বিড়বিড় করে উঠল,—বাতাস এত ভারী হয়ে গেছে কেন দিবাকর?

—কই, না তো!

—আমার তা হলে নিঃশ্বাস বন্ধ হয়ে আসছে কেন? আমি কি তবে মরে যাচ্ছি দিবাকর?

অর্কপ্রভ টলে পড়ে যাওয়ার আগে দিবাকর ধরে ফেলেছে তাকে। চওড়া কবজিঅলা হাত স্পর্শ করল অর্কপ্রভের কপাল ঘাড় গলা,—এ কী! আপনি এত ঘামছেন কেন স্যার? আমি তো আছি।

দিবাকর স্যত্ত্বে মেঝেতে বসিয়ে দিল অর্কপ্রভকে। শরীরটাকে হেলিয়ে দিল দেওয়ালে। ক্ষিপ্র হাতে খুলে ফেলল অর্কপ্রভের কোট, শার্টের বোতাম মুক্ত করল, আলগা করল কোমরবন্ধনী। ফাঁকা ফাঁকা উপুড় করে ঝাঁকাল মুখের কাছে,— মনে জোর আনুন স্যার। নিজেকে শক্ত রাখুন। জোরে জোরে শ্বাস নিন।

ঘরে কোথাও রঞ্জ নেই, তবু যেন বাইরের কনকনে বাতাস এবার ঢুকে পড়েছে অর্কপ্রভের শরীরে। ঘাম আর শীত জড়িয়ে গেল। দেহের খাঁচা থরথর। রক্তকণিকা অঞ্চ হয়ে ঠেলে আসতে চাইছে।

অর্কপ্রভ শিশুর মতো দিবাকরকে আঁকড়ে ধরল,—তুমি ঠিক বলেছিলে দিবাকর।
আমি কিছুই পারি না। আমি নিজের হাতেই বন্দী।

অর্কপ্রভ অজ্ঞান হয়ে গেল।

পাঁচ

অর্কপ্রভ ঠিকই শুনেছিল। সত্যিই ঘণ্টাধ্বনি বাজছিল বাইরে। দমকলের ঘণ্টা।
‘বিদ্যুৎ যায়নি, কোন এক যান্ত্রিক গোলযোগে অচল হয়েছিল লিফট। রক্ষণাবেক্ষণের
লোকজন অনেকক্ষণ ধরে সারাবার চেষ্টা করেছিল, পারেনি। তার পরই খবর
দিয়েছে দমকলে।

দমকলের অভিজ্ঞ কর্মীরা সময় নেয়নি বেশি। মিনিট পনেরোর মধ্যে উদ্ধার
করে ফেলেছে দুই বন্দীকে। অর্কপ্রভ তখনও সংজ্ঞাহীন। দিবাকর তখনও পার্কার
অ্যান্ড স্টিভেনসনের মোটা প্রোজেক্ট রিপোর্ট দিয়ে বাতাস করছে প্রভুকে।

তৃতলে এসে দু-চার মিনিটের মধ্যে জ্ঞান ফিরল অর্কপ্রভর। জলের ঝাপটা
খেয়ে। কেয়ারটেকার ব্র্যান্ডি মিশিয়ে গরম দুধ এনেছে, তাই পান করে সে এখন
চাঙ্গা অনেক।

ছোটখাট ভিড় জমে গেছে। সিকিউরিটির লোকজনরা তো এসেছেই, আশেপাশের
আরও কিছু মানুষ ভিড় ঠেলে দেখছে দিবাকর, অর্কপ্রভকে। কেয়ারটেকার
অর্কপ্রভকে জিজ্ঞাসা করল,—একটু সুস্থ বোধ করছেন স্যার?

—হ্যাঁ। এবার যাব।

—কাউকে সঙ্গে দিয়ে দেব স্যার?

—না। থাক। দিবাকরের হাতে ভর দিয়ে অর্কপ্রভ উঠে দাঁড়াল। ধীর ক্লান্ত
পায়ে কোটইয়ার্ড পেরোচ্ছে। রাস্তার ওপার থেকে দিবাকর গাড়ি সামনে নিয়ে
এল। বিদেশি গাড়ির পিছনের সিটে শরীর এলিয়ে দিল অর্কপ্রভ। নরম তুলতুলে
গদিতে ডুবে গেল।

দিবাকর স্টিয়ারিং-এ বসে ঘাড় ঘোরাল,—বাড়ি যাবেন তো স্যার?

অর্কপ্রভ ঘড়ি দেখল। নটা পঁচিশ। এমন কিছু রাত হয়নি, এখনও একবার
খাস্তেলওয়ালের পার্টি থেকে ঘুরে যাওয়া যায়। চোখ বুজে বলল,—নাহ, আলিপুর
চলো। যদি তোমার মেমসাহেব ওখানে গিয়ে থাকে...। ঘুরেই যাই একবার।

বিপন্ন খাঁচা থেকে বেরিয়ে এসেছে অর্কপ্রভ। সে এখন আবার তার নিরাপদ
খাঁচায়।

আা়হত্যার পরে

লা ৫৪ সেবে সবে অফিসে চুকেছে শ্যামলেন্দু, রিসেপশান কাউণ্টার থেকে
টেলিফোন অপারেটার মেয়েটি বলে উঠল, স্যার, আপনার বাড়ি থেকে
তিন-চারবার ফোন এসেছিল।

এনি মেসেজ ?

না স্যার। আপনি ফিরলেই মিসেস সেন সঙ্গে সঙ্গে আপনাকে ধরে দিতে
বলেছেন—

ধরে দেওয়া কথাটা এমনভাবে উচ্চারণ করল মেয়েটা, যেন শ্যামলেন্দু কোনো
পলাতক আসামী। কিন্তু বন কি চিড়িয়া।

শ্যামলেন্দু হেসে ফেলল। সকাল থেকে মেজাজটা আজ তার ফুরফুরে হয়ে
আছে। তিনি সপ্তাহ টালবাহানার পর আজই মালহোত্রাদের ফাইলটা ছেড়েছেন এম.
ডি। টেগার অ্যাকসেপ্টেড ! মাথার কমপিউটারকে আরেকবার অন করে দিল
শ্যামলেন্দু। আঠার লাখের ওয়ান পারসেণ্ট। মানে আঠারোহাজার। সঙ্গে আজই
বিকেলে ডিনার। তাজ বেঙ্গলে। এমন একটা শুভদিনে স্বপ্নার হাতে ধরা পড়াটা
মোটেই কাজের কথা হবে না।

স্বপ্নার জরুরি দরকারের রকমফের জানে শ্যামলেন্দু। হয় গাড়ি পাঠিয়ে দাও,
বেহালায় অনুরাধাদের বাড়ি যাব, নয় তাড়াতাড়ি চলে এস, মেজমামা এসেছেন
অথবা নিউমার্কেট থেকে সাড়ে পাঁচটার সময় পিক-আপ করে নিও লক্ষ্মীটি।
পনের বছর বিয়ে করা স্ত্রীর এর বাইরে আর কি-ই বা কথা থাকতে পারে স্বামীর
সঙ্গে? একটা সময়ের পর বিবাহিত জীবন শুধুই কতগুলো অভ্যাস আর চাহিদা
মাত্র। তবু এই মুহূর্তে সামনে দাঁড়ানো তত্ত্বী মেয়েটির সঙ্গে একটু রঙ্গরসিকতা

করার সুযোগ হাতছাড়া করতেও ইচ্ছা হল না। রিসেপশান কাউণ্টারের সামনে
গিয়ে গলা নামাল শ্যামলেন্দু, ওয়ারেণ্টটা কিরকম ছিল বলে মনে হয়েছে ম্যাডাম?
বেলেবল? না নবেলেবল?

উত্তরে মেয়েটিও এক টুকরো মাপা হাসি উপহার দিল ডেপুটি পারচেজ
ম্যানেজার শ্যামলেন্দু সেনকে, তা তো বলতে পারব না স্যার। তবে ম্যাডামকে
খুব টেস মনে হচ্ছিল।

রসিকতার সুর কেটে গেল। বাড়িতে কোনো বিপদ-আপদ হয়েছে নাকি? কোনো
দুর্ঘটনা? বুবলার কিছু হল? নাকি ভবানীপুর থেকে মা-বাবার কোনো খারাপ
থবর এসেছে?

অনেক কিছুই হতে পারে। আবার কিছুই না। স্বপ্না সবসময়েই ছোটখাটো ব্যাপারে
অকারণে উত্তেজিত হয়ে পড়ে। কাজের লোকের সঙ্গে ঝগড়া হলেও...। অহেতুক
উদ্বিধ হওয়াটা মেয়েদের চারিত্রিক ধর্ম,

ঠিক আছে, ঘরে দিয়ে দিন লাইনটা।

শ্যামলেন্দু নিজের চেম্বারে ফিরল। প্রথর রোদ থেকে হিমশীতল ঘরে ফিরলে
এক ধরনের নরম আরাম শরীরকে আলগাভাবে জড়িয়ে ধরে। চেয়ারে গা ছড়িয়ে
আয়েস করে একটা সিগারেট ধরাল। দুটো টান দিয়েছে কি দেয়নি, পিপপিপ
শব্দ বাজিয়ে স্বপ্না এসে গেছে দূরভাষে, এই শোন, সর্বনাশ হয়ে গেছে!

সর্বনাশ! শ্যামলেন্দু পলকে টান-টান। যে কোনো কথাই স্বরের ব্যঙ্গনায় নিজস্ব
গুরুত্ব বুবিয়ে দেয়। স্বপ্নার এখনকার সর্বনাশ মোটেই বুবলার অঙ্কে কম নম্বর
পাওয়ার সর্বনাশ নয়। কি হয়েছে?

মালা সুইসাইড করতে গিয়েছিল। গায়ে কেরোসিন ঢেলে আগুন লাগিয়েছে।
বাথরুম ভেঙে বার করতে হয়েছে ওকে।

শ্যামলেন্দু চকিতে বিদ্যুৎস্পৃষ্ট। নাহ এই সংবাদের জন্য আদৌ প্রস্তুত ছিল
না সে।

স্বপ্না বলে চলেছে, বোধ হয় বাঁচবে না। বিঞ্চিভাবে পুড়ে গেছে...হ্যালো,
শুনতে পাচ্ছ তুমি? হ্যালো-ও?

কয়েক সেকেণ্ডের জন্য শ্যামলেন্দুর হৃৎস্পন্দন বক্ষ হয়েগিয়েছিল। সন্তুতে
ফিরতে সময় লাগল আরও কয়েক সেকেণ্ড। বহু কষ্টে একটাই স্বর ফোটাতে
পারল গলায়, কেন?

কেন কি করে বলব? ঘটাখানেক আগে ওর হোস্টেল থেকে ফোন এসেছিল।
আমি সেই থেকে তোমাকে ধরার চেষ্টা করে যাচ্ছি।

স্বপ্নার গলা থরথর করে কাঁপছে। শ্যামলেন্দু চোখ বুঝে ফেলল।

ওকে হসপিটালে নিয়ে গেছে। পিজিতে। আমি পাশের ফ্ল্যাটে বুবলার জন্য চাবি রেখে এখনি বেরিয়ে পড়ছি। তুমিও চলে এসো, যত তাড়াতাড়ি পার।

টেলিফোন কেটে যাওয়ার পরও শ্যামলেন্দু রিসিভার চেপে রাইল কানে। যেন আরও কিছু কথা শোনার আছে। আরও কিছু কথা বাকি রয়ে গেল। অথবা এতক্ষণ ধরে যা শুনেছে তা সত্যি নয়। ভুল খবর দিয়ে স্বপ্ন তাকে পরীক্ষা করতে চাইছে না তো?

মালা হঠাৎ এমন কাজ করে বসবে কেন? যথেষ্ট ধীরঙ্গির বুদ্ধিমত্তা মেয়ের ক'দিন আগেই তো টাংডিপুর বেড়িয়ে এল শ্যামলেন্দুর সঙ্গে। নিজে থেকেই এবার বলেছিল, দোলে পরপর তিনিই ছুটি আছে শ্যামলদা। চল ক'দিন নির্জন সমুদ্রের ধারে ঘুরে আসি। সবসময় হোটেলের বন্ধ ঘর আর ভাল লাগে না।

—নো প্রবলেম। চল।

—প্রবলেম আছে মশাই। স্বপ্নাদিকে কি বলবে?

—যা বলি। অফিস ট্যুর।

—স্বপ্নাদি যদি আমার হোস্টেলে ফেন করে?

—করবে না। তোমার খোঁজ নেওয়ার এখন ওর সময় নেই। বুবলার পরীক্ষা নিয়েই দিনরাত ব্যস্ত। যদি করেও, অসুবিধে কি? হোস্টেলে বলে যাবে বাড়ি যাচ্ছ, মার কাছে। যেমন বল প্রতিবার।

সেই মালা গায়ে কেরেমিন ঢেলে! কেন?

টেলিফোন অপারেটার পি বি এক্স বক্স থেকে খুট খুট আওয়াজ তুলে চলেছে, কিছু বলছেন স্যার?

চমকে উঠে শ্যামলেন্দু রিসিভার নামিয়ে রাখল। আঙুলে ধরে থাকা সিগারেট পুড়ে পুড়ে বিশাল লম্বা একটা ছাই তৈরি করেছে। চেপে চেপে অ্যাশট্রেতে আগুনটাকে নেভাল শ্যামলেন্দু। হাত বাড়িয়ে টেবিলে রাখা জলের প্লাস্টাকে খামচে ধরল সজারে। এক ঢোকে খেয়ে নিল পুরো জলটা।

বিবশ স্নায়ুগুলো ধীরে স্বাভাবিক হচ্ছে। প্রাথমিক আঘাত কেটে যাওয়ার পর মন চেতনায় ফিরছে। মন্তিক্ষের কমপিউটার আপনা-আপনি অন হয়ে গেল। এবার? এরপর? কি কি ঘটতে পারে এখন? হয় মালা বাঁচবে, নয় মারা যাবে—স্বপ্নার কথা শুনে মনে হল মারা যাওয়ার সম্ভাবনাই বেশি। যদি মারা যায়, শ্যামলেন্দু কি ধরা পড়ে যাবে?

শ্যামলেন্দুর শিরদীঢ়া বেয়ে সহসা একটা কনকনে শ্রোত বয়ে গেল। সুইসাইড

কেস যখন, তখন নিশ্চয়ই পুলিশ এনকোয়ারি হবে। হয়তো ইতিমধ্যে শুরুও হয়ে গেছে। মালা কি সুইসাইড নোট রেখে গেছে কোনো? আমার মৃত্যুর জন্য আমার জামাইবাবু শ্যামলেন্দু সেন দায়ী, এরকম কোনো? অসম্ভব। মালা তা করতেই পারে না। মালার একটা সরল আনুগত্য আছে তার প্রতি। অঙ্গ ভালবাসা। শ্যামলেন্দু জানে।

শ্যামলেন্দু আরেকটা সিগারেট ধরাল। মালা কি এখন সজ্ঞানে আছে! ছিল! কথা বলতে পারছে! মৃত্যুর আগে মানুষ নাকি সবসময় সত্যকে প্রকাশ করে দিয়ে যেতে চায়। ডাইরিং ডিক্লারেশন না কি যেন বলে। পুলিশ না হোক, ওর হোস্টেলের কাউকে বলে থাকতে পারে কিছু। কিন্তু যে শোরমে কাজ করে সেখানকার কোনো বন্ধুকে। মারা যাওয়ার আগে স্বপ্নাকেই হয়তো বলে ফেলল সব কথা!

শ্যামলেন্দুর আঙুলের ফাঁকে জ্বলন্ত সিগারেট টিপ্পিপ কেঁপে উঠল। এয়ার কণ্ঠশনড় ঘরে বসেও ঘামছে প্রচণ্ড। তেমন হলে শ্যামলেন্দুকে অ্যারেস্টও করতে পারে পুলিশ। তারপর? শ্যামলেন্দু মুখ দেখাবে কি করে? আত্মিয়স্বজন বলবে, কি বাবা শ্যামল, তোমাকে আমরা ভাল লোক বলে জানতাম—সেই তুমি একটা বাপমরা অসহায় মেয়ের অভাবের সুযোগ নিয়ে...ছি ছি! বন্ধুরাও টিটকিরি দেবে, আসলের সঙ্গে সুদও জুটিয়েছিলি মাইরি। ফেঁসে গেলি তো। অফিস কলিগড়া হাসবে, মিস্টার সেনের পেটে পেটে এত ছিল, অঁয়া? আর স্বপ্নার কাছে মুখ দেখানোর তো প্রশ্নই ওঠে না। তাদের এতদিনকার নির্খুত নিশ্চিন্ত জীবন...। সব কটা থিয়োরি মেনে চলা সুখের সংসার...। স্বপ্ন হয়তো লজ্জায়, ঘৃণায়, অপমানে মালার মতোই কিছু করে বসবে। তারপর? বুবলা? বুবলা যথেষ্ট বড় হয়ে গেছে, বুবলা কি কোনোদিন ক্ষমা করতে পারবে তার বাবাকে?

শ্যামলেন্দুর পায়ের নিচে চাপা ভূমিকম্প শুরু হয়ে গেছে। নিজের হৃৎপিণ্ডের শব্দ নিজেই শুনতে পাচ্ছে স্পষ্ট। ধকধক ধকধক। কি ভয়ন্তক প্রতিরোধহীন গতি। ধকধক ধকধক।

অসম্ভব। শ্যামলেন্দু এক ঘটকায় চেয়ার ছেড়ে উঠে দাঁড়াল। প্রকৃত সর্বনাশটাকে আটকাতে হবে। আটকাতেই হবে। শ্যামলেন্দু কলিং বেল চেপে ধরল।

বেয়ারা এসেছে, ইঁয়া সাব?

—শোন, আমি বেরিয়ে যাচ্ছি, কেউ খুঁজলে বলে দিও আজ আর ফিরব না।

লিফটের জন্য অপেক্ষা না করে ঝড়ের বেগে সিঁড়ি দিয়ে নেমে এল শ্যামলেন্দু। সোজা গিয়ে নিজের গাড়িতে উঠে বসেছে, পিঙ্গি হসপিটাল চল। জলদি।

ডালহাউসি পেরিয়ে রেড রোড ধরে দুরস্ত গতিতে ছুটছে বাদামি মাঝতি। চৈত্রের শেষে এ সময় বড় ধূলো ওড়ে। এলোমেলো হাওয়ার সঙ্গে অসংখ্য ধূলোর কুচি দৌড়ে এসে শ্যামলেন্দুর চুল-মুখের দখল নিয়ে নিল। নিজেও জানে না কি ভীষণ বিধ্বস্ত দেখাচ্ছে তাকে। রেয়ারভিউ মিরারে তাকে দেখে ড্রাইভার পর্যন্ত অবাক হয়েছে, আভি, ইস ওয়াক্ত, অসপাতালমে কিউ' স্যার? ঘরমে কুছু হয়া কেয়া? কৌন হ্যায় অসপাতালমে?

কোই হ্যায়। শ্যামলেন্দু সংক্ষিপ্ত উত্তর দিল। তার ড্রাইভার মালাকে চেনে না এমন নয়, অনেকবারই দেখেছে। তবে মালার সঙ্গে অভিসারে যাওয়ার সময় সে কখনই ড্রাইভার নেয় না। এসব ব্যাপারে সে অত্যন্ত সাবধানী। যদিও লং ড্রাইভে গেলে আজকাল হঠাৎ হঠাৎ বড় ক্লান্ত বোধ করে। গাড়ি চালানোর জন্য বড় বেশি মনসংযোগ দরকার। শ্যামলেন্দুর ধৈর্য একটু কম। তার ওপর মধ্য চল্লিশেই দু-একখানা উটকো উপসর্গ এসে গেছে শরীরে। কোলেস্টেরল বাড়ছে, রক্তচাপ কখনও কখনও মাত্রা ছাপিয়ে যায়। ডাক্তাররা বলে ড্রিঙ্ক করা কমাতে—সিগারেটও। শ্যামলেন্দু কোনোটাই মানে না। আরে বাবা, জীবন তো একটাই। মাত্র ক'দিনের। মিছিমিছি ওইটুকু সময়কে অত বাধানিবেধে আটকে ফেলার কোনো মানেই হয় না।

মালা প্রায়ই বলে, এভাবে কত দিন চলবে শ্যামলদা?

—কেন? আটকাচ্ছে কোথায়?

—আটকাচ্ছে। তুমি বুঝবে না।

—বোঝালেই বুঝব।

—সব সম্পর্কেরই একটা পরিণতি থাকে। কোথাও একটা গিয়ে থামতে হয়।

—তুমি কি চাও বল তো? বিয়ে-থা করবে? ছেলেটেলে দেখব?

—আমি কি তাই বলেছি? তুমি আমার জন্য অনেক করেছ। চাকরিটা থেকে শুরু করে যখন যা আমার দরকার হচ্ছে...তুমি না থাকলে আমাদের সংসারটাই তো ভেসে যেত।

—ব্যস? এটুকুই? তোমাকে আমি ভালবাসি না?

—বাসো?

মালা কেমন অন্যমনস্ক হয়ে যাই। হোটেলের জানলা দিয়ে দূরে কোনো গাছের দিকে তাকিয়ে থাকে। অথবা আকাশের দিকে। সেই মুহূর্তে মালা ভয়ংকর অচেনা। সেই অচেনা মালা হঠাৎ প্রশ্ন করে বসে, তুমি স্বপ্নাদিকে আর ভালবাসো না?

—না, বাসি না। চিরকাল মানুষকে একজনকেই ভালবেসে যেতে হবে তার

কোনো মানে নেই। শ্যামলেন্দু বিশ্বস্ত প্রেমিকের মতো ঝটপট উন্নত দিয়ে যায়, স্বপ্নার সঙ্গে অনেকদিন আগেই একটা গ্যাপ তৈরি হয়ে গেছে।

ভুল। ভুল। শ্যামলেন্দু সোজা হয়ে বসল। স্বপ্না বা বুবলা কাউকেই হারাতে রাজী নয় সে। নিজের ভাবমূর্তি কোনোও মূল্যেই হারাতে চায় না মানুষ।

হাসপাতালের মেইন গেট দিয়ে চুকছে গাড়ি।

ড্রাইভার জিজ্ঞাসা করল, কিস তরফ জানা হ্যায় স্যার ?

উন্নত দেওয়ার আগেই শ্যামলেন্দুর চোখ পড়ে গেছে এমারজেন্সির সামনে। স্বপ্ন দাঁড়িয়ে আছে। পাশে আরো দু'তিনজন মহিলা।

গাড়িটা দেখতে পেয়ে স্বপ্নাই দৌড়ে আসছে। ফ্যাকাশে নীরস্ত মুখ। শ্যামলেন্দুর একেবারে সামনে এসে বারবার করে কেঁদে ফেলল, নেই। এখানে আনার কিছুক্ষণ পরেই মারা গেছে। এমারজেন্সিতেই।

বিকেল মরে আসছে। হাসপাতাল চতুরের পুকুরটার কাছে গিয়ে একটুক্ষণ একা দাঁড়িয়েছিল শ্যামলেন্দু। দুটো বাচ্চা ছেলে পাণ্ঠা দিয়ে পুকুরে টিল ছুঁড়ে চলেছে। টিলটা ডোবার সঙ্গে সঙ্গে জলের গায়ে বৃত্তাকার কাঁপন। শ্যামলেন্দু এক দৃষ্টিতে তাকিয়েছিল সেদিকে।

মালার মৃত্যুসংবাদ পলকের জন্য আরেকবার সমস্ত অনুভূতিকে অসাড় করে দিয়েছিল। পলকের জন্যই। তারপরই তার বষ্ঠ ইন্দ্র বরাভয় দেয় তাকে, যারে শালা, জোর বাঁচা বেঁচে গেলি এয়াত্তা ! মালা খুব তাড়াতাড়ি মরে বাঁচিয়ে দিয়ে গেছে শ্যামলেন্দুকে।

মালা কোথাও কাউকে কিছুই বলে যায়নি।

শ্যামলেন্দু দ্রুত সামলে নিয়েছিল নিজেকে। এসব সময়ে মাথা খুব ঠাণ্ডা রাখা দরকার। ঠাণ্ডা মাথাতেই অবশ্য পালনীয় কর্তব্যগুলো করে যাচ্ছে একে একে। তবুও ভাবনারা পথ ছাড়ে কই। ভাবনা না অস্বস্তি ? অস্বস্তি না ভয় ?

স্বপ্নার ছোট মামা কখন কাছে এসে হাত রেখেছেন শ্যামলেন্দুর পিঠে, মায়াদিকে কিভাবে খবর পাঠানো যায় বল তো ?

শ্যামলেন্দু তখনও পুকুরের জলের দিকে তাকিয়ে অন্যমনস্কভাবেই প্রশ্ন করে ফেলল, কে মায়াদি ?...ও হ্যাঁ। ভবানীপুর ধানায় গিয়েছিলাম। পুলিশকে দিয়ে মেসেজ পাঠিয়ে দিয়েছি। আজ রাত্তিরেই ওরা খবর পেয়ে যাবেন।

—পুলিশ কিছু বলল ?

—যা বলে। চাঙ্গ পেয়ে একগাদায় ক্রস করে নিল।

—সত্যি, তোমারই জ্বালা সব থেকে বেশি। আফটার অল তুমিই ওর লোকাল গার্জেন ছিলে তো।

—আরো প্রচুর হ্যাপা বাকি। বডি না ছাড়া পর্যন্ত...

‘বডি’ শব্দটা নিজের কানেই লাগল খট করে। বডি! বডি ই তো!

বেশ খানিকটা তফাতে দাঁড়িয়ে স্বপ্না কথা বলছে মালার হোস্টেলের কয়েকজনের সঙ্গে। শ্যামলেন্দুর দৃষ্টি সেদিকে স্থির হল। ওদের মুখ্য হোস্টেলের ডেপুটি সুপার মহিলাটি মোটেই সুবিধার নয়। ভদ্রমহিলার মুখে চোখে সব সময় কেমন সন্দেহ লেগে থাকে। বছর পঞ্চাশেক বয়স, বিয়ে-থা করেননি। এই ধরনের মহিলারা সাধারণতঃ পুরুষবিদ্রোহী হন। এমন রূপক ভাবে তখন কথা বলছিলেন শ্যামলেন্দুর সঙ্গে, যেন মালা তাঁকেই সব থেকে বেশি বিপদে ফেলে গেছে, আপনার কথাতেই ওকে আমরা থাকতে দিয়েছিলাম। এভাবে ঝামেলায় পড়ে যাব কে জানত।

শ্যামলেন্দু স্বপ্নাকে কাছে ঢাকল। সঙ্গে সঙ্গে মহিলাও এগিয়ে এসেছেন, তা হলে কখন পোস্টমর্টেম হচ্ছে?

শ্যামলেন্দুর হয়ে স্বপ্নার ছোটমামা উত্তর দিলেন মনে হয় সকালের ঝাগে হবে না।

—কাল বিকেলের আগে তা হলে ছাড়া পাচ্ছে না?

—কি জানি, পুলিশ আটকালে পরশুও হতে পারে।

স্বপ্না বলে উঠল, তোমার কে এক বন্ধু লালবাজারে আছে না? তাকে বলে দ্যাখো না, যদি তাড়াতাড়ি ঝৰস্থা করা যায়।

স্বপ্নার মুখ চোখ ফোলা ফোলা, চুল উঞ্চখুঞ্চ। কানাকাটির ছাপ এখনও অত্যন্ত স্পষ্ট। মাসতুতো বোনের শোকে খুবই কাতর হয়ে পড়েছে।

ন্দীর দিকে এক ঝলক তাকিয়েই মুখ ঘূরিয়ে নিল শ্যামলেন্দু। স্বপ্নার কি নির্বাধের মতো আস্থা শ্যামলেন্দুর ওপর। আস্থা কেন, নির্ভরতাও।

শ্যামলেন্দু বলল, দেখি কি করা যায়!

সকলেই হঠাত চুপ হয়ে গেছে। হাসপাতালে সান্ধ্য ভিড় আর কোলাহলের মাঝেও প্রত্যেকেই নেঃশব্দের অস্বস্তিতে ভুগছে যেন। প্রত্যেকেই চায় কেউ কিছু বলুক, যা হোক কিছু। সেটা বুঝতে পেরেই বোধ হয় হোস্টেলের এক মহিলা বলে উঠলেন, মেয়েটা যে কেন এভাবে মরল!

আরেকজন বলল, ওকে দেখে কিন্তু কালও বোঝা যায়নি এমন একটা কাজ করে বসবে।

—কি মিষ্টি স্বভাব ছিল। ধীর, হির। কারুর সঙ্গে কখনও বাগড়াঝাঁটিতে যেত না।

অঙ্গবয়সী একটি মেয়ে বলে উঠল, ভীষণ চাপাও ছিল। কি জানি চাকরির
জ্যায়গায় কোনোও গশ্গোল হয়েছিল কিনা!

ডেপুটি সুপার মহিলা বললেন, না না, সেসব কিছু না। ওর দু'জন কলিগ
তো একটু আগে এসেছিল। ওরাও কেউ কিছু বুঝতে পারেনি।

—ওর কুমরেট মেয়েটা কিরকম হাসপাতালে একবার মুখ দেখিয়েই চলে গেল
দেখলেন? ও হয়তো কিছু জানলেও জানতে পারে।

—না না, ওর সঙ্গেও তেমন ইন্টিমেসি ছিল না।

—তা ছিল না। তবে গত সপ্তাহেও তো বলছিল....

স্বপ্ন ফ্যাকাসে মুখে জিজ্ঞাসা করল, কি বলছিল?

—বলছিল ওকে নাকি মাঝে মাঝেই একটা লোকের সঙ্গে গাড়িতে করে যুরতে
দেখেছে। দেশে যাচ্ছি বলে হটহাট করে যে দু'তিন দিনের জন্য চলে যেত, ওর
ধারণা ও নাকি বাড়ি যেত না। ওই লোকটার সঙ্গেই....

—ও কি করে বুঝল?

—সে কথাও জিজ্ঞাসা করেছিলাম, তাতে উন্নত দিল, মলিনাদি, আমরা মেয়ে
মেয়েদের চোখ দেখেই অনেক কিছু বুঝে ফেলতে পারি।

—লোকটাকে ধরতে পারলে...। নিশ্চয়ই কোনো বাজে লোকের পাণ্ডায়
পড়েছিল।

শ্যামলেন্দুর গায়ে কাঁটা দিয়ে উঠল। প্রসঙ্গটা কি কোনোভাবেই ঘোরানো
যায় না?

ওদের মধ্যে আবার একজন বলল, লোকটার বর্ণনা কিছু দেয়নি?

—এরকম লোকদের আর কি বর্ণনা হয়! গাড়ি-টাড়ি আছে যখন, নিশ্চয়ই
ভদ্রলোকের মতোই। ভদ্রলোকরাই তো এরকম মেয়েদের ওপর আগে সুযোগ
নেয়।

—আপনারা থামুন তো। স্বপ্ন এতক্ষণে পরিত্রাতার ভূমিকায় এসেছে, আমি
আমার বোনকে চিনি, কথখনো কোনো বাজে কাজ করতে পারে না। তাছাড়া
সেরকম কারুর সঙ্গে ভাব হয়ে থাকলে আমাকে নিশ্চয়ই জানাত। ওর মতো
একটা সরল পরিত্র মেয়ে....

—সরল পরিত্র বলে কি আর ফাঁদে পড়তে পারে না? বরং এইসব মেয়েরাই
আগে ফাঁদে পড়ে।

—ঠিক বলেছেন। প্রায়ই তো একটা পুরুষমানুষের ফোন আসত। তার সঙ্গে
দশ মিনিট ধরে, পনের মিনিট ধরে, গল্প করছে তো করছেই। জিজ্ঞাসা করলে
বলত জামাইবাবুর ফোন...

শ্যামলেন্দু নির্ধর হয়ে গেছে। স্বপ্নার হাতের চাপে সাড় এল শরীরে। স্বপ্ন বিরক্ত মুখে ঠেলছে তাকে, এখানে দাঁড়িয়ে ফালতু কথা গিলবে? নাকি ডাঙ্কারের কাছ থেকে আরেকবার খবর নিয়ে আসবে? ছোটমামা, তুমি আরেকবার ওর সঙ্গে যাও তো, দ্যাখো বলেকয়ে যদি তাড়াতাড়ি...

শ্যামলেন্দু ছোটমামার সঙ্গে আর এম ও'র অফিসের দিকে এগোল। বুক টিপটিপ করেই চলেছে। স্বপ্নাকে ওই মহিলাদের মাঝখানে স্বেচ্ছে আসাটা ঠিক হল কি?

এমারজেন্সির কাছে পৌঁছে নাকে রুমাল চাপা দিয়েছেন ছোটমামা। একজন ঝাড়ুদার নিষ্পৃহ ভঙ্গিতে ময়লা ঠেলে সরিয়ে নিয়ে যাচ্ছে। হাসপাতালের নিজস্ব উৎকৃষ্ট গল্পে দম বন্ধ হয়ে আসে প্রায়। তিন-চারটে লোক স্ট্রেচারে করে এক বৃন্দকে নিয়ে হৈ-হৈ করে ভেতরে ঢুকে পড়ল। তাদের রাস্তা দিতে সরে দাঁড়াল দু'জনে।

—সত্যিই কি মালা কোনও বদমাইশের পাল্লায় পড়েছিল?

শ্যামলেন্দু উত্তর না দিয়ে হাঁটতে থাকল।

—ওরা বলছে বটে, তবে আমারও বিশ্বাস হয় না। স্বপ্না ঠিকই বলেছে। তেমন কিছু হলে তোমরা কি একটুও অঁচ পেতে না? তোমাদের সঙ্গেই সম্পর্কটা সব থেকে ডিপ ছিল। আমাদের কাছে তো আসতই না।

শ্যামলেন্দুর মুখ ফসকে বেরিয়ে যাচ্ছিল, কেন যাবে? বিপদের দিনে আপনি ভুলেও খোঁজখবর নিয়েছেন ওদের? সব সময় ভয়ে থাকতেন, যদি সাহায্য চায়। যদি জায়গা চায় বাড়িতে।...

ভদ্রলোক বলে চলেছেন, তবে যাই হয়ে থাক, মেয়েটার এভাবে মরা উচিত হয়নি। বাড়ির একমাত্র আনিং মেম্বার। ওদের সংসারটার এবার কি অবস্থা হবে তা তো? ভাইটার একটা চাকরির জোগাড় না হলে...

শ্যামলেন্দু ভেতরে ভেতরে ভয়ন্ক ছটফট করে উঠল। নিজের অজাণ্টেই বলে ফেলেছে, ও সব কথা থাক না মামা।

—থাক বললেই কি আর সব থাকে? রইল কি? খাবে কি?

শ্যামলেন্দু কলের পুতুলের মতো আর এম ও'র ঘরের পর্দা সরিয়ে উঁকি দিল। ডাঙ্কারটির বয়স ত্রিশের বেশি নয়। বকবকে চেহারা।

শ্যামলেন্দু নিচু গলায় বলল, আমাদের কেসটা...?

—ওহ, সেই বার্ন কেস? আপনারটা কাল বিকেলের আগে হবে না।

—বিকেল কেন?

—তার আগে অরিও চারটে বড়ি আছে। একটা মার্জার আফটার রেপিং। শুটা আগে দিতে হবে। বলতে বলতে উঠে দাঁড়িয়েছে, চিন্তা করবেন না, আমাদের এখানে অনর্থক দেরি হবে না। বরং থানাতেই...আপনারা পুলিশের সঙ্গে আগে কথা বলে রাখুন যাতে কাল বিকেলে ক্রিমেট করতে পারেন।

শ্যামলেন্দুরা বাইরে এসে দেখল স্বপ্নার দুই দাদা পৌঁছে গেছে। দু'জনেই দারুণ উদ্বেজিত। শ্যামলেন্দুকে দেখেই দৌড়ে এসেছে, কি হয়েছিল শ্যামলদা? মালা সুইসাইড করল কেন?

কেন যে করল সেটা পুরোপুরি শ্যামলেন্দুই কি ছাই বুঝতে পারছে?

বড়দা বলল, শুধুই কি প্রেমঘটিত ব্যাপার?

ছোড়দা বলল, দ্যাখ, মফঃস্বলের বোকা হাবা মেয়ে শহরে এসে কোথায় কোন চক্রে জড়িয়ে পড়েছিল।

—কিছু বলা যায় না, কেউ হয়তো এমন অপমান করেছিল...

—আমার তো মনে হয় না। সেলসগার্লের চাকরি করলে মান-অপমান-বোধ অনেক ভেঁতা হয়ে আসে। একমাত্র প্রেমট্রেম কেসেই...

শ্যামলেন্দু একটু সরে দাঁড়িয়ে সিগারেট ধরাল। ভাল একটা চাকরির জন্য এই দুই দাদার কাছে মালা কম ঘোরেনি! দু'জনেই ইন্জিনিয়ার, বড় ফার্মে চাকরি করে। মালা একদিন বলতে কেঁদে ফেলেছিল, তুমি জানো, বুবাইদা তপাইদা আমাকে দেখলে কিভাবে আঁতকে গঠে। বুবাইদার বাড়িতে বসে আছি, ভেতরে বুবাইদা বউদিকে বলছে, ও কি এখানে সারা দিনের জন্য বড়ি ফেলল নাকি! ওকে বল আমরা বেরবো। বৌদি বলছে—তোমার বোন, তুমি বল। বুবাইদা বাইরে আসার আগেই আমি বেরিয়ে এসেছি।

শ্যামলেন্দু নিজের মনকে বস্তুনিরপেক্ষ করার চেষ্টা করল। একটা মেয়ে কলকাতায় এসে মাসভূতো দিদির বাড়িতে আশ্রয় পেয়েছে, যদিও আপন মাসভূতো দিদি নয়। তার মা দেড়শ কিলোমিটার দূরে এক মফঃস্বল টাউনে থাকে। সংসারে পাকাপাকিভাবে আয়ের সংস্থান নেই, কলকাতার আঞ্চলিকজনরা নিয়মমাফিক উদাসীন। সেখানে এক জামাইবাবু তাকে একটা ছোট কাজের ব্যবস্থা করে দিয়েছে, মাসের শেষে দেশে মা ভাই বেনেদের কাছে পাঠানোর মতো টাকাপয়সার বন্দেবন্ত করে দিয়েছে, নিজেও সাহায্য করে যায় সাধ্যমত, সাহিত্যের ভাষায় বলতে গেলে এক নিমজ্জনন সংসারকে উদ্ধার করেছে। মেয়েটির ভাইবোন এখন খেতে পায়, স্কুলে যেতে পারে, মাকে আধা ভিখারির মতো ঘুরে বেড়াতে হয় না—এর কোনও দাম নেই? আর যদি মূল্য থাকেই সে মূল্য চোকাবে কে? এবং কিভাবে? মূল্য

দিতে হলে যে সম্পর্ক গড়ে ওঠা উচিত, শ্যামলেন্দুর সঙ্গে মালার সম্পর্ক কি তার থেকে বেশি গভীর ছিল না? বয়সের অনেক তফাত থাকলেও? তাদের গোপনীয়তা তো ছিল শুধু স্বপ্নার সম্মান রাখার জন্য। আঘীরস্বজনরা যাতে মুখ খোলার সুযোগ না পায় তার জন্য।

বুবলা যেন তাকে অশ্রদ্ধার চোখে না দেখে তার জন্য।

কিন্তু সত্যিই কি তাই? শ্যামলেন্দু নিজের কাছেই নিজে হাঁচট খাচ্ছে বারবার।

একটা মায়াবী বিকেলের কথা মনে পড়ে গেল। ডায়মণ্ডহারবার থেকে বেশ খানিকটা এগিয়ে, রাস্তার ধারে গাড়ি রেখে হাঁটতে হাঁটতে নদীর দিকে গিয়েছিল তারা। নদীর ধারে সার সার নারকেল গাছ। একটা গাছে হাত রেখে নদীর দিকে মুখ করে দাঁড়িয়ে ছিল মালা। পিছন থেকে মালার শরীরের আদলটুকুই দেখা যাচ্ছিল। বেতের মতো ছিপছিপে সতেজ শরীর। শ্যামলেন্দুর বহুবার ব্যবহার করা চেনা শরীর। হঠাৎই কোথেকে দুটো ক্ষ্যাপা মোষ দিগ্ভাস্তের মতো দৌড়তে দৌড়তে মালার একদম কাছে এসে পড়ল। শ্যামলেন্দু ছিটকে সরে গিয়েছিল, মালা সাবধান। সরে যাও, সরে যাও।

মালা ঘূরেও তাকায়নি।

শ্যামলেন্দু কাছে গিয়ে জিজ্ঞাসা করেছিল, তুমি ভয় পাও নি? সামনে অত বড় নদী—পেছনে মোষ!

মালা সোজাসুজি তাকিয়ে ছিল তার দিকে। মালার চোখে সেই মুহূর্তে হাসি বিষাদ, আশা, নিরাশা কিছুই ছিল না। সম্পূর্ণ শূন্য দৃষ্টি।

—কি হল, কিছু বলছ না যে? মোষদুটোকে দেখেও তুমি দাঁড়িয়ে রইলে? ভয় পেলে না?

দৃষ্টি এতটুকু বদলায়নি। কেবল ঠোটের কোণে মৃদু হাসি ফুটেছিল, ভয়? কই না তো!

সেদিন ওভাবে কেন তাকিয়ে ছিল মালা?

রাত্রে ডাইনিং টেবিলে বসে অস্তুত এক অনুভূতিতে আচ্ছন্ন হয়ে যাচ্ছিল শ্যামলেন্দু। প্রচণ্ড খিদেয় নাড়িভুড়ি ছালে যাচ্ছে, কিন্তু খাবারের দিকে তাকালেই গা শুলিয়ে বমি উঠে আসছে। স্বপ্নাও স্থিরচোখে সাজানো খাবারের দিয়ে তাকিয়ে।

শ্যামলেন্দু একবার বুবলার ঘরের দিকে তাকাল। খাওয়াদাওয়া সেরে বুবলা অন্যান্য দিন এ সময় শুয়ে পড়ে। আজ চুপচাপ সেও বসে আছে পড়ার টেবিলে।

পর্দার ফাঁক দিয়ে বুবলার শরীরের অংশ দেখতে পাচ্ছে শ্যামলেন্দু। এ বাড়িতে আজ শব্দ নিষেধ।

নিষেধ ভেঙে স্বপ্নাই কথা বলল প্রথম। বহুক্ষণ পর। ঝটির একটা কোণ নখ দিয়ে খুটতে খুটতে লম্বা শ্বাস ফেলল, আমি খালি হাবছি, মায়া মাসিকে কি করে মুখ দেখাব?

শ্যামলেন্দু চুপ।

আমাদেরই উচিত ছিল ওকে হোস্টেল-ফোস্টেলে যেতে না দেওয়া। এখানে থাকলে চোখে চোখে তা ধাকত। কোথায় কার সঙ্গে জড়িয়ে পড়েছিল...।

শ্যামলেন্দু খাবার টেবিল ছেড়ে ছুটে গেল বেসিনের দিকে। পেট মুচড়ে বমি উঠে আসতে চাইছে। মুখে জলের বাপটা দিয়ে বমি-ভাবটাকে সামলাল কোনও রকমে। বাইরের ব্যালকনিতে এসে দাঁড়িয়েছে। রাতের দিকে এসময় রোজ একটা হাওয়া ওঠে। আজ সেই হাওয়াটাও নেই। খোলা ব্যালকনিতে ভ্যাপসা গুমোট।

স্বপ্ন পাশে এসে দাঁড়াল। গলার স্বর ঘড়ঘড় করছে, প্রেগনেন্ট-টেগনেন্ট কিছু হয়ে গিয়েছিল হয়তো। সেই লজ্জাতেই...

সামনের রাস্তার সব কটা আলো যেন দপ করে নিভে গেল চোখের সামনে থেকে; গত মাসেই মালা এরকম একটা কথা বলেছিল না।

—আমার নিজেকে বড় অপরাধী মনে হয় শ্যামলদা। আমরা বোধহয় ঠিক কাজ করছি না।

—ও সব কথা এখন বাদ দাও তো। শ্যামলেন্দু তখন ডুবতে চাইছিল মালার শরীরে।

—না শ্যামলদা, আমার আজকাল কেমন ভয় ভয় করে। খালি মনে হয় স্বপ্নাদির সঙ্গে বিশ্বাসযাতকতা করছি। তোমাদের বাড়িতে গেলে বুবলার দিকে পর্যন্ত ভাল করে তাকাতে পারি না।

—এ তোমার ফালতু কমপ্লেক্স।

—কমপ্লেক্স নয়। আমার সত্যি ভয় করে। ধর যদি কিছু হয়ে যায়? স্বপ্নাদিকে কি বলব?

—হলে হবে। এটা কোনো প্রবলেম হল? হাজার রকম ওষুধ আছে। লক্ষ্টা নার্সিংহোম। নার্সিংহোমে এসব তো আজকাল জলভাত।

—না—

—কি না?

—আমি ওসব কিছু করব না।

—মানে?

—যদি কেউ আসে তো আসবে।

—তারপর?

—তারপর তুমি ভাববে।

ঝনঝন করে মাথায় হাতুড়ির বাড়ি পড়ছে। গত সপ্তাহে মালা একবার টেলিফোনে
বলেছিল না শরীরটা ভাল নেই? তবে কি... তবে কি...। পোস্টমটেমে সেরকম
কিছু পাওয়া গেলে পুলিশ সহজে ছাড়বে না, প্রচুর খোঢ়াখুঢ়ি করবে।

শ্যামলেন্দু আর ভাবতেই পারল না। মস্তিষ্ক সম্পূর্ণ বিকল হয়ে গেছে।

—আপনি মালা রায়ের জামাইবাবু?

—হ্যাঁ, মাসতুতো দিদির হাজব্যান্ড!

—আপনি বলছেন আপনিই ওঁর লোকাল গার্জেন ছিলেন?

—হ্যাঁ।

—হোস্টেলে আসার আগে উনি তো আপনাদের বাড়িতেই থাক্কতেন?

—হ্যাঁ।

—হোস্টেলে চলে এলেন কেন?

—আমাদের বাড়িতে স্পেস প্রবলেম। বোঝেনই তো, আজকাল একটা এক্সট্রা
লোক বাড়িতে থাকলে...

—সে সময়ও কি ওঁর কোনও পুরুষবন্ধু ছিল?

—নাহু।

—না জানেন না? আপনার স্ত্রীর সঙ্গে ওঁর কিরকম সম্পর্ক ছিল? আবার
প্রশ্ন।

—ভাল। কর্ডিয়াল। বোনে বোনে যেমন থাকে আর কি।

—আপনার সঙ্গে?

—বয়স্ক জামাইবাবুর সঙ্গে শালীর যেরকম সম্পর্ক থাকে। আমি ওকে খুবই
স্বেচ্ছ করতাম।

—আপনার শ্যালিকার মৃত্যুর পেছনে কোনও একজনের পরোক্ষ হাত আছে।
আছেই।

—আপনারা শিওর? কমপিউটারের গলা কেঁপে গেল।

—শিওর।

—কি করে?

—ওর হোস্টেলের বোর্ডারদের রিপোর্ট, ওর শো-কুম্ভের কলিগদের কথাৰার্তা
সেৱকমই ইঙ্গিতই দেয়। মে বি হি ইজ এনি বডি। এনি ড্যাম পারসন!

পুলিশ অফিসার শীতল চোখে তাকিয়ে আছেন, অথচ আপনারা কেউ তাকে
চেনেন না?

রক্তমাংসের কম্পিউটার কপাল চেপে ধৰল, পোস্টমর্টেম রিপোর্টে কি তেমন
কোন...?

—ও নো। পোস্টমর্টেম বলছে ইটস আ্যা প্লেন কেস অফ সুইসাইড। আপনারা
যা ভয় পাচ্ছেন তা নয়। শী ওয়াজ অ্যাবসোলিউটলি ক্লিন।

—দেন্ত?

—সেটাই তো ভাবাচ্ছে। আপনাদের ভাবাচ্ছে না?

শ্যামলেন্দু যন্ত্ৰের মত মাথা নাড়ল।

—লোকটিকে কোনোও দিনই ধৰা যাবে না। এ সব ক্ষেত্ৰে ধৰা যায়ও না।
হি হ্যাজ সাকসেসফুলি এসকেপড। এনি ওয়ে, লাশ আপনারা নিয়ে নিতে পারেন।
নিঃশব্দে উঠে দাঁড়াল শ্যামলেন্দু।

লাশ ঘৰ থেকে লাশ বেৱিয়ে পুড়ে ছাই হয়ে গেছে বহুক্ষণ। আৱ কোথাও
কোনও চিহ্নই নেই। তবু যে কেন ঘূম আসছে না শ্যামলেন্দুৰ? খোলা চোখেৰ
সামনে শুধুই গাঢ় অঙ্ককাৰ। গাঢ় নীল নয়, গাঢ় কালো অঙ্ককাৰ। সেই অঙ্ককাৰটাই
এখনও হাতড়ে চলেছে শ্যামলেন্দু। এখনও মনে হচ্ছে, আছা এমনও তো হতে
পাৰে সত্যিই অন্য কোনও ছেলেৰ সঙ্গে ঘনিষ্ঠতা ছিল মালাৱ। শ্যামলেন্দু ছাড়াও।
হতে পাৰে—হতেই পাৰে। মালাৱ সঙ্গে তাৱ দেখা হত আট দশ দিন পৱেপৱ।
কখনও তাৱও বেশি। মালাৱ কিভাৱে কাটাত মাঝেৰ কটা দিন? হোস্টেলেৰ মহিলাৱা
বলছিল তাদেৱ কাৱৰ সঙ্গেই তেমন ঘনিষ্ঠতা ছিল না মালাৱ। অতএব তাদেৱ
সঙ্গে সময় কাটানোৰ প্ৰশ্ন ওঠে না। শো-কুম্ভেৰ কলিগৱাৰ অবশ্য একটু অন্যৱকম
বলছিল। মালাৱ নাকি কাজে গিয়ে খুব উচ্ছল হ'কৰ, যেটা একেবাৱেই মালাৱ
ষভাৱবিৱৰণ। তবে ছুটিৰ পৱ কখনই এক সেকেন্ডও কাটাত না তাদেৱ সঙ্গে।
আঞ্চীয়াস্বজনদেৱ বাড়িও যেত পুবই কম। তাহলে সে সব দিন কি কৱত মালাৱ?
অবশ্যই কাৱৰ সঙ্গে পৱিচয় হয়েছিল। হয়তো যে তাকে ফোন কৱত, সে সব
সময় শ্যামলেন্দুই নয়, হয়তো সে ছাড়াও অন্য কেউ। সেই জন্যই বোধহয় অন্যমনস্ক
হয়ে যেত যখনতখন। বোধহয় কেন, নিশ্চয়ই। শ্যামলেন্দুৰ কাছে মালাৱ কৃতজ্ঞ
থাকতে পাৱে কিন্তু তাকে হয়তো সে পুৱোপুৱি ভালবাসতে পাৱেনি। ভালবাসা

অর্থাৎ পুরুষরা মেয়েদের কাছ থেকে যা চায়। শতকরা একশ ভাগ বিশ্বস্ততা। তাই যদি হয় তবে শ্যামলেন্দুই বা কেন মালার মৃত্যুর জন্য দায়ী ভাববে নিজেকে? মালার মৃত্যুর আড়াই দিন পরেও মালার চিন্তাতে নষ্ট করবে এক রাত্রির নিশ্চিন্ত ঘূম?

শেষ যুক্তিগুলো প্রাণপণে গ্রহণ করার চেষ্টা করে চলেছে শ্যামলেন্দু। বাইরে কোথাও আচমকা একটা শব্দ বেজে উঠল। শব্দ না পাখির ডাক?

রাত্রিবেলা কলকাতায় কোন পাখি ডাকে? শ্যামলেন্দু একা বিছানায় উঠে বসল। স্বপ্ন আজ পাশে নেই। পাশের ঘরে মালার মার সঙ্গে শুয়েছে। নিকষ অঙ্ককারে হাত বাড়িয়েও শ্যামলেন্দু বেডসুইচ খুঁজে পেল না।

আবার শব্দটা বাজছে। ভীষণ চেনা শব্দ। কোথায় শুনেছে? গাদিয়াড়ার ট্যুরিস্ট লজে? কোলাঘাটের ডাকবাংলোয়? পারমাদানের হোটেলে? চাঁদিপুরের সি বিচে? কোথায়?

শব্দের স্থানটা মনে না পড়লেও রাতটাকে মনে করতে পারছে শ্যামলেন্দু। বিছানায় পাশাপাশি শুয়ে কোনও এক নারী-শরীরকে সে বলেছিল, আমি তোমাকে কিছুতেই ভুলতে পারি না। যখনই চোখ বুজি তোমাকে দেখতে পাই।

নারীশরীর কি ধরে ফেলে শ্যামলেন্দুর ছলনা? তবে কেন হেসে ওঠে অত জোরে? অত ঘনিষ্ঠ মুহূর্তেও?

আমি মরে গেলে তিনদিনও আমাকে মনে রাখবে তো! এই সত্যটা জানার জন্যই কি শুধু মরে যায় মালারা? মরে গেল? আবার শব্দ বাজছে। শ্যামলেন্দু দু'হাতে কান ঢেকে ফেলল।

দাগবসন্তী খেলা

মকাল সকালই বাড়ির থেকে বেরিয়ে পড়েছিল পৃথা। খুব দূরের পথ যদিও নয়, কাছেও তো নয়। বালিগঞ্জ থেকে ট্রেন ধরলে চালিশ মিনিট। অবশ্য রেলকোম্পানির লিখিত সূচী যেমন। আদতে লাগে আরও বেশি। আজও লাগল। ঠিক আগের আগের স্টেশনটাতে শুধু শুধুই দশ মিনিটটাক ধমকে রাইল গাড়ি। কি, না ট্রেনে ট্রেনে কাটাকুটি হবে ছেলেবেলার দাগবসন্তী খেলার মতন। ওপার থেকে আপ্ আসছে কুটুট দম বেঁধে বুকে। ডাউন রাইল চোখ বুঁজে পড়ে। আপ্ এসে হাঁপ জিরোল খানিক। ফের ছুটল শ্বাস টেনে। শেষ দাগ সে পেরিয়ে গেলে তবে ডাউনের নড়ার পালা। এরকমই নিয়ম খেলাটারও। দৌড়তে দৌড়তে আপ হয়ে যাবে ডাউন। তখন ডাউন নতুন করে আপ হয়ে ছুটে আসে দান দিতে। আপ ডাউনের এই খেলার মাঝেই কখন যে ঘড়ির কাঁটা দশের ঘর পার।

প্ল্যাটফর্মে পা রেখে পৃথা এদিক ওদিক তাকাল। ট্রেনটা তাকে ফেলে চলে যেতেই বুক জুড়ে আচমকা ডুবডুব ভয়। মাঘ সকালেও হাতের তেলো ঘামে বিজবিজ। সদ্য নামা ঝুড়ি, বঙ্গা আর কেজো হেটো মেয়েপুরুষ যে যার মত বাস্ত সবাই। চোখ যদিও উলুক ঝুলুক দামী ঘোড়কের পৃথার দিকে। ভাবটা এমন তুমি আবার কোন পৃথিবী থেকে এলে হে সুন্দরী? ডানামেলা শিরীষ গাছের ছায়ায় তাড়ির হাঁড়ির পাহারাদার এক কানাবুড়ো। চোখ দ্যাখো তার, এদিকেই স্থির। পৃথা ঘুরে দাঁড়াল। যেদিকে তাকাও শুধু অচেনা মানুষ, অদেখা আকাশ আর অনাস্থীয় গাছগাছালি। ধোপ দুরস্ত জনা চার পাঁচও নেমেছিল বটে। ফোলিও হাতে প্যাণ্ট সার্ট, বোলা কাঁধে পাজামা পাজামী। একে একে তারাও এখন স্টেশন-

শেষের ঢালের আড়াল। কাঁচা পাকা স্টেশন ঘিরে মরচে লোহার ভাঙা বেড়া। বেড়া ছুঁয়ে এখান সেখান শিরীষ, শিমূল, কৃষ্ণচূড়া। তাদেরই এক গুড়ি ঘেঁসে আধবয়সী দুই মহিলা ঝগড়া করে চলেছে প্রাণভরে। বাপ রে বাপ, কী তীক্ষ্ণ গলার আওয়াজ। পৃথা মিছিমিছিই সেদিকে এগোল। কার কাছে যে হিন্দি পাওয়া যায়? কানা বুড়োটাকেই ধরবে নাকি? একা একা ঠিকানা খোঁজা কি সহজ কাজ? তার ওপর সে ঠিকানা যদি হয় চেনা দেখা জগতটালি বাইরে, এরকম এক ছবি-ছবি পৃথিবীর মেঠো রাস্তায়? যে রাস্তা গেছে তেপান্তরের মাঠের ভেতর দিয়ে। যে মাঠে শুধুই মাটির আঁচল কামড়ে ধরে হি হি হাসে শিশু ফসলের দল, বাতাস খোলাখুলি চুমু খায় গাছের শরীরে, হঠাতে কোন একলা পাখি হারিয়ে যায় প্রকাণ্ড আকাশটায়। ভাবতে ভাবতে আরও একটু এগোল পৃথা। এগোতে এগোতে ফিরে তাকাল শুন্য রেললাইনটার দিকে। যেন বালিগঞ্জের ট্রেন নয়, তার শেষ পরিজনটি একটু আগে ছেড়ে চলে গেছে তাকে। যেয়েটাকেই না হয় জোর করে সঙ্গে আনলে হত। কেউ একজন সঙ্গে থাকলেও অনেকখানি ভরসা পাওয়া যায়।

—কোথায় পাওয়া হবে গো দিদিমণি?

পৃথা ফিরে তাকাল। ময়লা ছেঁড়া মিলের শাড়ি যেমন তেমন, গাঁয়ে মুখে শীতের খড়ি, কালোকুলো বাচ্চা কোলে বউটি খানিক দূরে তফাত রেখে দাঁড়িয়েছে। বোধহয় এক গাড়িতেই ছিল। এক কামরায় ছিল কি? পৃথা ভাবার চেষ্টা করল। গরিব গুবরো মানুষগুলোকে তার সব কেমন একরকম লাগে। রুখুসুখু চুল, ছেঁড়াফাটা চামড়া আর চোয়ালভাঙা মুখের খাঁজে খাঁজে খিদে। আলাদাভাবে ওদের কারুরই কোনও পরিচয় নেই। বিশেষ কোন শ্রেণী বা গোষ্ঠীর জীবমাত্র যেন।

গায়ে পড়া বউটি কাছে এগোল, কখন থিকে দেঁড়িয়ে আছ, 'তাই ভাবলম জিগিস' করি। বিড়ু আপিস যেতি হলে কিস্তন উদিকে যাও। সেই নাইনের ওপার...

যাক, একজনকে তবে পাওয়া গেছে। পৃথার শাস প্রশ্নাস সহজ হোল। জংলা ছাপ পিওর সিক্কের আঁচল আলতোভাবে জড়িয়ে নিল কোমরে, নক্রাপেড়ে উলের শাল ছাড়িয়ে দিল বুকের ওপর, ঢাউস ভ্যানিটি ব্যাগখানা এহাত ওহাত, মনসাপুরুর গ্রামটা কোথায় বলতে পারো? সেই সাতবিবি না কি যেন ছাড়িয়ে যেতে হয়?

—ওমা; সে তো আমাদেরই গেরাম গো। সিখেনে কাদের ঘরে যাবেন তুমি?

পৃথা চোখ বুঝল। নামটা ছাই আবার ভুলে গেছে। কি করে থাকবে মনে? কিছু কিছু মানুষ যে আছে যাদের কোনও নাম থাকতে নেই। থাকলেও জানে না কেউ। যেমন আলতাবৌ, বামুনদিদি কিংবা ঠাকুরমশাই। আদিকালের পোস্টকার্ড সেদিন নামটাকে দেখে বাড়িসুন্দ সবার তাই সে কি হাসি, ও বাবা, আলতাবৌ-এর এমন একটা দাঁত কাঁপানো নাম ছিল নাকি! বজ্জবালা, মাসী!

কথা বলতে বলতে এগিয়েছে ওরা। প্ল্যাটফর্মের ধূলো নাচিয়ে দোল দোল দুলছে হিমেল বাতাস। দোলনা দুলে একবার এদিকে আসে তো আবার ঘুরে সেই স্টেশনের ওপার, একেবারে ঝাঁকড়াচুলো গাছগুলোর মাথায়। তাদের ঝুঁটি ধরে নামিয়ে আনে রাশ রাশ শুকনো পাতার ঝাঁক।

—তা হ্যাঁ গো দিদি, তোমার মতন মানুষ হঠাতে পানগোপালের ঘরে কেন গো?

—কে প্রাণগোপাল?

—তা জানোনি? সেই যে তোমার বজোবুড়ির ছেলে।

জড়াতে জড়াতে বৌটির চোখে ক্রমশ চাক বেঁধেছে কৌতৃহল। এমন আজব ঘটনা বুঝি জন্মে একবারই ঘটে। কলকাতার বড়বাড়ির, বড়লোকের বউ সে কিনা এসেছে একা একা প্রামেগঞ্জে? তাও এক গরীব বুড়ির খোঁজে?

—তা হ্যাঁগো, বজোবুড়ি শুনিচি এককালে কলকেতাতে খুব যেত। অনেক ঘর যজমান ছিল সিখেন। তা তখন থিকে চেনা বুঝি?

—ঠিক ধরেচ। পৃথির ঠোটে আলগা হাসি, আলতাবৌ আমাদের অনেকদিনের চেনা। সেই যখন ছোট আমি, এন্টুকুন, তখন প্রায়ই যেত। কি সুন্দর যে গান গাইতে পারত। নখ কাটতে কাটতে গান, ঝামা ঘসতে ঘসতে গান, শুনগুন গান শুধু। এখন কেমন আছে গো সে?

—ভাল নেই গো দিদিমণি, মোটে ভাল নেই। একে বয়সের জোর কামড়, তার ওপর হাত গেছে, পা গেছে, কোমর গেছে। চোখেও তেমন দেখতি পায় না কো। যে ঠায়ে খাওয়া, সিখেনেই গু মুত, সিখেনেই ঘুম।

—বলো কি? কেউ নেই তাকে দেখার?

—থাকবে নি কেন? সবই আছে। ছেলে, বউ, লাতি, লাতিন। তবে কেউ তেমন ফিরে চায় না। কাকুর যদি মন হল তো দিনমানে একবার সাপসুরত করে দিল বুড়িকে। নইলে যেমন ছিল রইল পড়ে। বউ তো সাঁৰা সকাল গাল পাড়তেচে। শুধু শাউড়ির মরণকামনা। দশবার চাইলি তবে তেষ্টার জলটুকুন দেয়। তা শকুনির শাপে কি আর গরু মরে গো দিদিমণি? সে যত গাল পাড়ে, পেরমায় তত বাড়ে বজোবুড়ির।

—ছেলেটা কি করে? তোমাদের প্রাণগোপাল?

—সে আর কি বলবে? একে ঘরে অমন গনগনে বউ, তার সোমসারে নিত্য অভাব, নিত্য যাতনা। পাঁচ পাঁচটা পেট হ্যাঁ হ্যাঁ জ্বলতেছে সংশ্লেষময়। যা মরলে তাও যদি কিছু সুরেহা হয়...। তার ওপরি নেশা ভাঙ-এর বিরাম বিহ্বাম নেই তার। আতদিন তাড়ি মদ গিলে...

পৃথা ফোস করে নিষ্পাস ফেলল। বটটির ঠোঁটে দুঃখ কাপছে—জগতের এমনই
রীত গো দিদি। যে ক্যাথায় একদিন জাড় কাটাতে, তাই যখন পুরনো হোল,
ছুঁড়ে ফেল তাকে।

ঠিক কথা, ঠিক কথা। এই হোল সাতকথার এক কথা। ছেঁড়া বাসির আদর
নেই কোথাও, কোনখানেই। তা সে গরিবের ঘরই বলো আর বড়লোকের। চুপচাপ
হাঁটতে থাকে পৃথা। অনেকখানি চলে এসেছে তারয়। স্টেশন থেকে নেমে বেশ
খানিক হাঁটাপথ, খোয়া বাঁধানো। শেষে ডানদিকে মোড় নিলে ডিগডিগে মজা
খাল একখাল। খালের মাথায় বাঁশের সাঁকো। সাঁকো বলতে গোটা তিনেক কাঁচা
বাঁশ গায়ে গায়ে ফেলা। তার ওধারে, শরীরে শরীরে জড়ামড়ি আদ্যকালের দুই
সম্যাসী বটগাছ। জটার ভার যেখানে এলোমেলো, ঠিক তার নিচে নিয়ুম দাঁড়িয়ে
গোটা তিনেক ভ্যান-রিঙ্গা।

—এখানে সাইকেল রিঙ্গা পাওয়া যায় না?

—না গো দিদি, দরকারে নোক ভ্যানেই চাপে। তা হেঁটেই চলো না কেন?
এমন কি আর পথ? সামনে হোল মাকা লতলা, তা বাদে কারখানার চক, তা
পেরোলে সাতবিবি। তারপর মনসাপুরুর আর কতটুকুন?

—নারে বাবা, পাগল নাকি? পৃথা মাথা বাঁকাল, আমার মোটে হাঁটার অভ্যেস
নেই। তাছাড়া ফিরতেও হবে তাড়াতাড়ি...

ভ্যান-রিঙ্গায় পা ঝোলাতেই মনটা হঠাত খুশি খুশি। শেষ পর্যন্ত ঠিকানাটা খুঁজে
তো পাওয়া যাবে। না হয় হোল আলতাবৌ আজ অথর্ব, তবু তাকে খুঁজে পাওয়াটাই
যে ছিল আসল কাজ। একা একা জেদ দেখিয়ে আসছে বলে কম ঠাট্টা ছুঁড়েছিল
সবাই! পৃথা যেন কোন অসাধ্য কাজে হাত দিয়েছে! রূপক তো শুনে হেসেই
অস্থির, তুমি নাকি যাবে সুদূর গাঁয়ে? তাও আবার একা? অ্যাবসার্ড!

—কেন? এমন কিছু হিল্লি-দিল্লি তো আর যাচ্ছি না। শহরতলি পেরিয়ে গেলে
কতটুকুই বা পথ?

—তা অবশ্য দূর নয়। তবে তোমার যা নার্তের জোর, একা এখনও শ্যামবাজারেই
যেতে পারো না। ঘাবড়ে টাবড়ে একসা হও। সেই তুমি যাবে কোথায় ধেধধেড়ে,
মনসাপুরু!

—কি আর করি বলো, তুমি যখন যাবেই না আমার সঙ্গে দোকা হতে।

—উপায় নেই। অফিসে এখন বেজায় চাপ। ফাইনাল অডিট, ব্যালান্সিট...একদিনও
কামাই করার জো নেই।

পৃথা কথা বাড়ায়নি। জোটাই বড় কথা নয়, ইচ্ছেও নেই কারুর। ভাইয়ার
না, দাদাবৌদির না, তার আরামপিয় স্বামীটির তো নয়ই। এমনকি মুনিয়া যে মুনিয়া,

তারও নয়। একটা সাতকালে ঠেকা ঝরবরে বুড়ির অবৃৰ্ব খেয়ালে ঠেকনা দিতে কোন বোকা আর মাথা বাড়ায়? একমাত্র কাদা কাদা মনের পৃথা ছাড়া? একটুতে যার মন তলতল, বুকভরা গরম বাতাস, আর চোখ ছাপিয়ে লেবুর জল!

বৌদি তো শুনে মুখ বেঁকিয়ে সারা, বলিহারি শখ যা হোক তোমাদের মায়ের।
মানলাম ছেলের বিয়েতে নানারকম শখ আন্তুন্দ করতে ইচ্ছে হয়, তা বলে...

দাদা হেসেছিল ঠোট চেপে, ভীমরতি, ভীমরতি, এ সব হোল ভীমরতির লক্ষণ।
কত বয়স হোল রে মার? পঁচাত্তর পেরিয়েছে?

‘ভাইয়া আদৌ পাঞ্চাই দেয়নি, দুর, যত সব আবোল তাবোল ডিস্কাশন। কে
কবে মরে হেজে পচে গেছে কবে...মাঝে মাঝে এমন সব উন্ন্ত বায়না ধরে
মা...

—বায়না ধরে তো রাখলেই পারিস। পৃথা না বলে পারেনি, এতদিন ধরে
যে তোদের বায়নাই শুধু রেখে এসেছে তার একটা মাত্র ইচ্ছেটাকে এভাবে উড়িয়ে
দিবি? মনে রাখিস তোর বিয়েটাই মার জীবনের শেষ উৎসব। হয়ত...

—জান দিস্ন না তো দিদি। যা খুশি শখ হোলেই হোল? কোথায় পাবি তুই
এখন সেই বামুনদিদিকে? কিংবা পৈতে বুড়িকে? তারা তো কবেই পটল তুলে...

—আরও আছে রে আরও আছে। দ্যাখ গিয়ে হয়ত আলতাবোই বেঁচে আছে
এখনও। নয়ত ধৃপওলি মাসি। মনে নেই তাকে? মাস পোহালেই ধূপের গোছা
হাতে থেবড়ে বসত মেঝেতে...। বলতে বলতে পৃথার চোখে ঝিকঝিক হাসি,
তারপর কী ঘোঁট, কী ঘোঁট। এর হাঁড়ি, ওর হাঁড়ি, তার হাঁড়ি...

—আর সেই বাসনওলিটা? ঠিক কেমন পটিয়ে-পটিয়ে বাসন গছিয়ে যেত
মাকে!

—আর ব্ল্যাকজাপান মেছুনিটা? কতবার যে পচা মাছ নিয়ে ঠকেছে মা। মনে
আছে বাবা কত বকাবকি করত মাকে? রাগ করত...

—মা কিন্তু বদলায়নি তাতেও।

—চিরকালই মা একরকম। ভালমানুষ, ফুল অফ সেন্টিমেন্টস।

—তবে?

—তবে কি?

—মার এই শেষ সেন্টিমেন্টটা বুঝব না আমরা? এমন কি আর ধন দৌলত
চেয়েছে বল? সাধ হয়েছে ছেট ছেলের বিয়েতে এক সময়ের সব মানুষগুলোকে...

—তুই-ই তবে মেটা সে সাধ। আমাদের অত সময় নেই পাগলামিতে তাল
দেওয়ার।

—বেশ তাই দেব। আমিই না হয় যাব আলতাবৌ-এর খৌজে...

—তাহলে আগে ভুশণির মাঠে গিয়ে খৌজ করে দ্যাখ। একসঙ্গে সকলের ঠিকানাই পেয়ে যাবি সেখানে।

ভুশণির মাঠ নয়, ঠিকানা পাওয়া গেল মার কাছেই। মায়ের বিয়ের পাওয়া মেহগনি আলমারি, তার ডেতরে চোরা খোপ, সেখান থেকে বেরিয়ে এল কাশিরী কাজের গয়নার বাঞ্চ। ডালা খুলতেই, ও মা পুরুনা কোথায়! এ তো দেখি শুধু কাগজ আর কাগজ। মখমলের ক্যাসকেটটা বোঝাই কেবল পুরনো চিঠি আর বির্ণ কাগজ।

মায়ের তখন ফোকলা গালে বালিকা হাসি,

—গয়না আর থাকবে কোথথেকে? তোর বিয়েতে দিয়েছিলাম দশভরি, বউমাকে পাঁচ, তোর মেয়েকে দুই, মানিকের ছেলেকে দুই, কত রইল আর?

—সে তো তুমই বলবে।

—ইঁয়া রে ইঁয়া, ছিল মোটে মটরমালা আর মকরমুখো বালা একজোড়া আর কটা আংটি। রেখেছিলাম ছোটর জন্য। তা ডিজাইন সব সেকেলে বুলে এই তো সেদিন বউমা সেসব দিয়ে এল নতুন করতে গড়তে।

পৃথা তখন কথা বলবে কি! গলা ডেঙে কি যে টন্টন ব্যথা তখন। চোখ ছাপিয়ে টিলটিল জল। চিরকাল মায়েরা বুঝি এভাবেই ভাগ করে দেয় নিজেকে। তারপর নিজের থাকে কি? থাকে গো থাকে। ওই তো গয়নার বাঞ্চ আবার টইটুমূর কেমন। কত লোকের যে ঠিকানা সেখানে—হারিয়ে যাওয়া, ফুরিয়ে যাওয়া, মিলিয়ে যাওয়া—বাবার চিঠিই দ্যাখো না কতগুলো। গোছায় গোছায় যত্নে বাঁধা। বিয়ের পর পর, সেই যখন মা বাপের বাড়ি, তখন লেখা। কিছু আরও পরে, কখনও সখনও। জমতে জমতে, জমতে জমতে, সুতো কাগজ সবই এখন হলুদ বরন। দূর পাগল, হলুদ কোথায়? হলুদ রঙ কোন ফাঁকে যে টুকরো টুকরো সোনা হয়ে গেছে—সাতনরী, সীতাহার, ব্রেস্লেট, মানতাশা।

আলতাবৌ-এর ঠিকানাও বেরোল সেই অলঙ্কারের স্তুপ থেকে। পঁচিশ বছর আগে লেখা পাঁচ পয়সার পোস্টকার্ড একখানা। না হয় তাতে বানান ভুল হাজার, হাতের লেখা কাকের ঠ্যাং, সবই এখন আবছা নীল মিনে করা কাজের মত।

মা বলল, একবার দ্যাখ না গিয়ে পাস কি না তাকে। পৈতেবুড়ি মারা গেছে কবেই। বামুনদি তো চলে গেল তোর বাবার যাওয়ার বছরেই। থাকলে আলতাবৌই আছে...এই না বলে চোখ মুছল কিছুক্ষণ, খৌজ পেলে বলিস একবার যেন আসে। এ বংশের সব কাজেই তো আসত একসময়—বিয়ে শ্রান্ত, আঁতুড়তোলা। তারপর

কত যুগ যে কোন খৌজ নেই আর। সেই যে কী একটা রোগে ধরল তাকে, তারপর থেকেই...

রোগের পর থেকেই কি তবে আলতাবৌ... পৃথা নড়ে চড়ে বসল। ফাঁকা মাঠের সিথি ছিঁড়ে ছুটে চলেছে ভ্যান-রিস্কা। মাকালতলা পেরিয়ে গেল। কারখানার চক পেরোব পেরোব। এবড়ো খেবড়ো এঁটেল পথে মাঝে মধ্যেই ঝিকিড় ঝিকিড় ঝাঁকুনি। শুকনো মাটি এই উচু তো নিচু একহাত। শরীরটা হেলে পড়তেই পৃথা পাটাতন খামচে ধরল। অনভ্যস্ত পথে শরীর মন দুইই এখন সামাল দিতে ব্যস্ত। শরীর স্থির তো মন চম্পল। মন উদাস তো বেসামাল হাত, পা, কোমর। উদাসী চোখ আকাশ ছুঁল বারকয়েক। আকাশ যেন আকাশ নয়, মাথার ওপর মেলে ধরা ইয়া বড় ঝকঝকে নীল দৈত্যছাতা। তার নিচে আলগা পৃথিবীটা দুপুরবেলা একলা শোয়া খোলামেলা যুবতীর মত শরীরের আড় ভাঙছে। পৃথা নতুন পৃথিবীর শরীরে চোখ বোলাল বারবার। মাঘবেলার সূর্যরাজা যদিও বেশ নরম সরম, হাওয়া কিন্তু তলোয়ার, ঝকঝকে ধারালো। শালটাকে ভালমতন সাপটে নিল গায়ে। মনসাপুরুরের রোগা বৌ দিব্যি কেমন নির্বিকার। আঁচলখানা যেটুকুনি শীতের আড়াল। তার ভেতরে শুটিসুটি দুধের শিশুটা চুকুর চুকুর দুধ টানছে মাঝে মাঝে। তার সঙ্গে তার মায়ের মুখও চলছে অবিরাম। এতাল বেতাল কত কথা, বকবক বকবক। জানারও তার আছে কত কিছু; হাজার প্রশ্ন, লক্ষ কৌতুহল।

—হায় মা, তোমার মোটে একটা ছাওয়াল? তাও কি না মেয়ে? ছেলে হবেনি? নাকি অ্যাপ্রশন করেচ? তোমাদের কলকেতাতে তো শুনি দুটো হলেই সব...এই তো আমার ভাসুরপো বউ, যাদবপুরের দিকি থাকে, যেই না তিনটে নামল পেট থেকে, ওমনি ছুট, ওমনি ছুট। কি, না এবার কাটাতি হবে।

বিরক্তি নয়, পৃথা মুখে মজার হাসি, তা তোমার মোট কটা গো?

—কোলেরটাকে ধরলি পরে হয় মোট পাঁচ। তিন ছানা, দুই ছানি।

—আরও হবে?

—সে কথা কি কেউ বলতে পারে দিদি? সবই ভগমানের হাত। তবে গেরামেও এখন হাওয়া চুকছে গো। এই তো সেদিন কুমোর ঘরের নতুন বৌটা...কি সাহস, কি সাহস,...কাউকে কিছু জানতি দিলে না পর্যন্ত...করলে কি না ভাতারকে সঙ্গে নে...মরে যাই কি লজ্জা...কথার ভেতর চুকতে চুকতে মনসাপুরুরের বউ কখন ধূপওলি মাসি হয়ে গেছে। ভরা দুপুরে পা ছড়িয়ে বসেছে মেঝেতে, এক গালে টোপলা পান, আরেক গালে রাজ্যের কেছা কথা। পৃথা হাসছে ঝিলিক ঝিলিক, শামী তোমার কি করে গো? জমিজিবেত আছে কিছু?

—নাগো দিদি, তাইলে কি আর ভাবনা ছিল ? ঘরে আমরা শুড় বানাই গো।
নলেন শুড়, পাটালি শুড়। কারবার বলো কারবার, ওজগার তো ওজগার, তিন
পুরুষের এই কাজ। ধরো জাড়ের মুখে ধারকর্জ করে বায়না নিলাম কিছু খেজুর
গাছ। যখন যেমন খ্যামতা। তারপর অস নামাও, জাল দাও, পাক মারো...

বারে বা, বারে বা, পৃথার চোখে সত্যিকারের মুক্তা, ছেলেপুলে, ঘরদোর
সামলেও তুমি এত কিছু করো ?

—তা করি গো দিদি। ভাতার আমার অস পেড়ি আনে, আমি জাল দিই।
ছাওয়ালগুলোও খাটে সঙ্গে। এই তো এলাম চাম্পাহাটি থিকে, মহাজনের ঘরে
পাটালি দিয়ে।

কথায় কথায় কথা বাড়ে। পথ ফুরোলে কথা ফুরোয়। তারপরই জল ঢলচল
এও বড় দীঘি একখানা। তারই নামে থামের নাম মনসাপুর। পুকুরধারে শানঘাট।
ঘাট বরাবর দাঁড়িয়ে যায় ভ্যান-রিঙ্গ। নামার আগেই বউটির নামকরণ করে ফেলেছে
পৃথা—নলেন বৌ। নলেন বৌ গাঁয়ে নেমে মাথায় আঁচল টানে, তবে এসো দিদিমুণি,
তোমাকে বজোবুড়ির ঘর দেখিয়ে দিই।

চোলকলমির ঝোপ বসিয়ে ঘর আর বার পৃথক করা। ঘর বলতে হাত ছয়েক
উঁচু এমন এক কুঁড়ে। পুড়ে ভিজে খড়গুলো তার বাদামকালো। কালো চালায়
হামা টানছে লিকলিকে উঁচ্ছে লতা। মেটে দেওয়ালের পিঠ জুড়ে যেখান সেখান
ঘুঁটের মিছিল। বাতাস এলেই গন্ধ বাঁপায়। কাঁচা ঘুঁটের গোবরগন্ধ। দাওয়া বলতে
তেমন কিছুই নেই। উঠোন ফেলে ঘর, ঘর পেরোলে উঠোন। ঘরের ভেতর
একটু কোণে পেঁটুলা মতন পড়ে আছে কেউ। চারপাশে তার নোংরা কাঁথাকানির
উঁই। ওটাই আলতা বৌ নাকি ? নাকি এ গাঁয়ের বজোবুড়ি ? ভেজা ভেজা অঙ্ককারে
ভালমতন বুঝতে পারল না পৃথা। কিংবা চাইল না বুঝতে। হাসিলেপা ভরাট
মুখখানা এখনও ভাসছে যে বুকে। কপালজোড়া মেটে সিঁদুরের টিপ, ঠোট দুখানা
খয়েরলাল। বড়িখোপায় আঁচল ওঠালে কী অপরূপ যে দেখাত আলতা বৌকে।

এক পা ঘরে, বাইরে এক পা, পৃথা দাঁড়িয়ে রইল খেজুরপাতার খোল্পাখানা
ধরে। ঠিক তখনই রোগে ভেজা বৃক্ষাকষ্ট ভেতর থেকে থরোথরো, কে এল রে ?
ওরে কে এল ? বল না বউ কে এল ?

প্রাণগোপালের বউ-এর গলায় ফিসফিসানি, যাও না কেন ভেতরে, ও দিদি।

যাই গো যাই। এর জন্যই তো আসা এতদূর। পৃথা ফিরে তাকাল। প্রাণগোপালের
বউ কখন গামছা ছেড়ে কাপড় জড়িয়েছে শরীরে, সবুজ ডুরের সস্তা শাড়ি। তাও

আবার শতেক ফাটা। ডাগর চোখ শান্ত নরম। ও চোখেও নাকি আশুন নাচে! কে জানে! কাক চিলও নাকি হাঁক শুনলে দৌড়ে পালায়! নলেনবৌ এরকমই বলেছিল বটে। পৃথার সামনে ঝপ কিন্তু অন্যরকম। একটু আগে, এই তো কেমন নিজের হাতে ধূয়ে মুছে সাজিয়ে দিল শাশুড়িকে। গঙ্গ তাড়াতে ঘরে ধোয়া দিল শুগুলের। ছেলে দুটোকে পাঠাল বাপের খোজে। পৃথাকেও কত খাতির, কদুর থিকে এসেছ। জিরোও দিকিন আগে। এত পথ এলে, গরিব ঘরের জলবাতাসা চাকুনখানিক মুখে দাও দিনি।

কোন মানুষ যে কখন কিরকম! এই যদি ভাল দ্যাখো তো, এই মন্দ। মন্দ ভাল মিশলে পরে তবে না মানুষ, মানুষ হয়। আহা বেচারী, দুঃখে অভাবে জেরবার হয়ত। অন্নের জন্য দুঃখ, বস্ত্রের জন্য দুঃখ, তাড়িখেকো মাতাল স্বামীটার জন্য দুঃখ। কতটুকুন ঘরটাতে কচিকাচা মিলিয়ে এতগুলো মানুষের থাকা। তায় দোসর ওই পঙ্খবুড়ি।

আবার গলা কাঁপছে ঘরে, ও বউ, কেমন যেন বাস আসতেছে না? চেনা চেনা, পুরনো অনেক। কে এসেচে, বল্ না, ও বউ।

ভ্যানিটি ব্যাগের মুখ খুলে মিষ্টির বাঙ্গখানা বার করল পৃথা। বুদ্ধি করে খানদুয়েক সস্তা দামের শাড়ি আনলে হোত। কিংবা নিজেরই কোন পুরনো ছেঁড়া। পায়ের কাছে দাঁড়িয়ে থাকা অবাকচোখ বাচ্চাগুলোরও নেই কিছুই। ভাবতে ভাবতে এগোল আলতাবৌ-এর কাছে, চেনা চেনা লাগছে নাকি সত্যি? দ্যাখো তো ভাল করে।

ভাঙ্গা মাজা চেপে ধরে টান টান আলতাবৌ। কাদাগোলা ছানি চোখের পাতা দুটো পিটির পিটির, কে বলতো? ঠিক ঠিক চিনতি পারছি নি।

—সেই যে গো, একডালিয়ার বাগচী বাড়ি। ভুবনমোহন বাগচী নয়নমোহন বাগচী...

বুড়ি তবু উথাল পাথাল কথা হাতড়ায়, একডালিয়া? সে আবার কাদের গেরাম? কোন পথ দে যেতি হয়?

প্রাণগোপালের কিশোরী মেয়ে খিলখিল হেসে উঠল। পৃথা বুড়ির শরীর ছুল, গ্রাম নয় গো। একডালিয়া সেই কলকাতায়। বালিগঞ্জে নামলে পরে এগিয়ে গিয়ে ডানহাত মোড়ো, তারপর আবার ডান, আবার ডান...

বুড়ির গলা পঁয়া পঁয়া বাজে এবার, অনেকটা ঠিক হার্মেনিয়াম রিডের মত, হ্যাঁ গো হ্যাঁ, পড়েচে গো, মনে পড়েচে। বউমাদের শউড় ঘর তুলল সেবার, সেই নড়াই-এর কালে। সব ত্যাখন পেইলে ষাচে কলকেতা ছেড়ে...

আরও ঝুকেছে পৃথা। ব্যগ্ন মন বৌকা শরীরে টলমল, চিনেছ তবে?

আলতাবৌ শিশুর মত কেঁদে ফেলল। কাঁদতে কাঁদতে হাত বোলাল পৃথার মুখে। শক্ত বরফ কাঠি আঙুল, পূরনো বাসি মড়ার যেমন। কপাল থাবড়ায়, চুল থাবড়ায়, গালে হাত, চোখে এসে হাত টিপটিপ। আঙ্গে আঙ্গে ঠাণ্ডা হাতে প্রাণ ফিরছে, ভাঙা মুখে আলোর আভাস,—চিনেছি গো ছিনেছি। এ চোখ কি আর ভোলা যায় গো? তুমি আমার ছোটবৌদিদি, নয়নদাদার আহুদী বউ, তাই নয়? একইরকম আছ দিকি! বদলাওনি!

পৃথা বুঝি ছিটকে গেল। হায় রে হায়, শেষে তাকে মা বলে ভেবে নিয়েছে আলতাবৌ।

—এতদিন পর কুখথেকে এলে গো ছোটবৌদিদি? কোথায় ছিলে গো এতটা দিন? কতদিন যে দেখিনি তোমাদের...

ধীরে ধীরে কান্না সুর হয়ে যাচ্ছে, হারিয়ে যাওয়া সেই নখকাটানির সুর। পৃথার ভেতর সব কেমন তালগোল পাকিয়ে গেল। এমনটা যে হবে একটা আগেও কি ভেবেছিল? ভুলটাকে ভেঙে দেবে নাকি? মা বলে মেয়েকে চেনার ভুল? কি লাভ তাতে? একেবারে ভুল তো নয়। সব মাই তো একটু একটু কুরে একদিন চুকে পড়ে মেয়ের মধ্যে। ভাঙ্গতে ভাঙ্গতে, ভাঙ্গতে কখন মেয়েরাই যে মা হয়ে যায়। যুবতী মা, যুবতী মা থেকে প্রৌঢ়া মা, প্রৌঢ়া মার দিন ফুরোলে বৃক্ষা মা। অসম্ভব, এ ভুল ভাঙ্গতে আর যে পারুক, পৃথা পারে না। যে সময়ে বেঁচে ছিল প্রাণভরে, সেই সময়টাকে হাত বাড়িয়ে ধরতে চাইছে বজোবুড়ি।

—হ্যাঁ গো ছোটবৌদিদি; ছেলেমেয়ে সব কেমন আছে? নয়নদাদা? এখনও সেই ছুটির দিনে আপিস করে?

আলতাবৌ কে ছিল মার? বোন? বন্ধু? কাছের আস্তীয় কোন? পৃথা দু আঙুলে কপাল টিপে ধরল। হারানো মানুষগুলো হঠাত হঠাত এমন হৃদয় মাড়িয়ে যায়!

—বড়বৌদিদি এলনি কেন? ভুবনদাদার বউ? শরীল থাকলি যেতাম তারে একদিন আলতা পরাতি। তোমাদের সকলকার বেঁতে আমিই ছিলাম, মনে পড়ে? সেই কর্তামার আমল থিকে...

নিঃশব্দে মাথা নাড়ল পৃথা। মনে শুধুই জবাব সার সার। নয়নদাদা, ভুবনদাদা কোন দাদাই নেই যে গো আর। বড় বৌ তো কবেই চলে গেছে শেষ যাত্রার আলতা পরে।

বুড়ি ব্যস্ত হোল এবার, ও বউ, আমার নরনবানা খুঁজে দ্যাখ না মা। আর আলতার শিশিখান। ছোটবৌদিদিকে কদিন পর পরান ভরে আলতা পরাই।

এবার বুকের জবাব জল হয়ে নামছে চোখ বেয়ে। পৃথা দাঁতে আঁচল চাপল।

ছোটবৌদ্বিদি তোমার আর কোনদিনই আলতা পরবে না গো। আলতা পরার কাল
কবেই তার শেষ হয়েছে।

খুঁজে খুঁজে ঠিক বার করেছে প্রাণগোপালের বউ। নাকি হাতের কাছেই ছিল?
নরমন, ঘামা, পেতলের ছোট আলতাবাটি, রাঙাজবার শিশি, একখানা। ছেলের বউই
শাশুড়ির কাজ করে নাকি এখন? নাকি নাপিতঘরে মজুতই থাকে এসব? ঠকঠকে
হাত পা ছুঁয়েছে। পৃথির শরীর জুড়ে শিহরণ খেলে গেল। এ দৃশ্য দেখলে মুনিয়াটা
“হেসে কুটিপাটি যেত, মা, তুমি আলতা পরছ নাকি! কোনদিন তো দেখিনি!

—দেখিসনি তো কি আছে, দ্যাখ। মানায়নি আমাকে?

—মোটেই না, মোটেই না। তোমার পায়ে আলতা! ওফ, হরিবল্। ব্যাগারটাই
ভীষণ প্রিমিটিভ।

হ্যাঁ প্রিমিটিভ। সেই প্রিমিটিভ হাত এখন নরমন ধরেছে। নরমন ছুঁল নখ, নাকি
নখই ছুঁল নরমনকে। দেখতে দেখতে ধ্যাবড়া ধ্যাবড়া ছড়িয়ে গেল চারদিকে। আঙুল
থেকে গোড়ালি, আবার আঙুল। আলতাবৌ এও ভুলেছে, এসব তাকেও ছুঁতে
নেই আর। পৃথা উঠে দাঁড়াল। দুটো পায়ের গোটা পাতাই রক্তে রক্তে টিস্টস।
এ রক্ত বড় সুখের রক্ত। এ রক্তে বাঁধা পড়ে মায়া। বোধহয় এরই নাম ভালবাসা।

ফেরার পথে পা পড়ছে এলোপাথাড়ি। এত দূর ভেসে গেলে ফিরে যাওয়া
কি সহজ হয়? ঢোল কলমির বেড়ার ধারে প্রাণগোপালের বউ দাঁড়িয়ে, একা।
কচিকচাগুলো গেল কোথায়? প্রাণগোপালও এল না তো?

—ও বৌদ্বিদি, ইদিকপানে এসো এটু, কথা ছিল।

পৃথা চমকে তাকাল। একটু আগের দিদিমণি ডাক বদলে হঠাতে বৌদ্বিদি যে?
নাকি ছোঁয়াচ লেগেছে শাশুড়ির? তা বলুক না হয়। বাগচী বাড়ির বউ না হোলেও,
পৃথা বৌ তো বটে। আরেক বাড়ির।

--কি বলছ?

—জিগিস করতিচি শাউড়িকে কিছু বলতি এসছিলে নাকি?

—কেন বল তো?

—শাউড়ির মতন আমিও এখুন আলতা পরাই দোরে দোরে। এ ঘর ও ঘর
থিকে ডাক আসে। প্রাণগোপালের বউ গলা নামাল, তা গেরাম দেশের গরীব
যজমানদের থিকি কত আর উপায় হয়। ঘরে এদিকে বড় অভাব...

প্রাণগোপালের বউ তাকিয়ে আছে আশায় আশায়। পৃথা নীরব। কথা বলবে
কিভাবে? দুজন মানুষ যে চুকে গেছে বুকের ভেতর। পৃথির মা হাসতে চাইছে
মধুর করে, তবে এসো মাঝে ম্যাঝে। বাড়ি এসে আলতা পরিয়ে যেও।

মুনিয়ার মা বলছে, পাগল নাকি? ওসব এখন আউটডেটেড। দরকার নেই।
প্রাণগোপনের বউ বলছে, তুমি ডাকলেই যাই গো বৌদিদি। কলকেতাতে
দু চার ঘর ঘজমান যদি পাইলে দাও...

কলকাতাতে মানুষ কোথায় আলতা পরার? তেমন তেমন প্রয়োজনে বিউটি
পারলার মোড়ে মোড়ে। তাছাড়া মানুষ এখন...মুনিয়ার মা শুচিয়ে সাজিয়ে বলতে
চাইল অনেক কথাই। তার আগেই কি করে যেন্হে কথা বলে ফেলেছে পৃথার
মা, আমি থাকি বাবুর বাগান, ঢাকুরিয়ায়।

উঠোন পেরিয়ে রাঙ্গা, রাঙ্গা পেরিয়ে মাঠ, তারপর আকাশ। দিক্কবিদিকে ছড়িয়ে
যাচ্ছে ঠিকানাটা—বাবুর বাগান, ঢাকুরিয়া। এই মাত্র চুকে গেল ঘরে ঘরে। এ
ঘর থেকে ও ঘর, কুমোরপাড়ার ঘর, মালোপাড়ার ঘর...ও নলেন বউ, তুমিও
এসো তবে। শুড় রাখব। ঝোলা শুড়, তালপাটালি, যখন যেমন। খেজুর রসও
এনো শীতে। তারপর গল্প কোরো পা ছড়িয়ে। এর কথা, তার কথা।

এক ঠিকানা খুঁজতে এসে, এক ঠিকানা খুঁজে পাওয়া। মনে মনে তাই কুড়িয়ে
পৃথা কোথায়, পৃথার মা ফিরছে যেন শেষে। ভ্যান রিঞ্চায় একা একা। নীল সাদা
শাল নেমে গেছে কোলের ওপর, জংলা আঁচল বাতাস বাতাস। বুকটা যখন তাপে
তাপ, তখন কি আর ঠাণ্ডা লাগে? মাঘ-বিকেলেও?

ନାରୀତାନ୍ତ୍ରିକ

ବ୍ୟାପକ ତର ବାରାଦାୟ କଲିଂବେଲ ବେଜେ ଉଠିତେ ଧଡ଼ମଡ଼ କରେ ଉଠେ ପଡ଼ଳ ବିମାନ । ରତନେର ବାପ କାଜେ ଏସେ ଗେଲ ? ବାଜେ କଟା ? ଚୋଥ କଚଲେ ଦେଓୟାଲଘଡ଼ିର ଦିକେ ତାକାଳ । ଛଟା ପ୍ରୟାତ୍ରିଶ । ଇଶ, ଏତ ବେଳା ହେଁ ଗେଛେ ! ଏରପର କଖନଇ ବା ଟୁବଲିକେ ସ୍କୁଲେର ଜନ୍ୟ ତୈରି କରବେ, କଖନଇ ବା ରାନ୍ନା ଚଢାବେ... ! କାଳଓ ଅନୁରାଧାକେ ଭାତ ନା ଖେଁୟେ ଅଫିସେ ଛୁଟିତେ ହେଁଥେ । ରୋଜ ରୋଜ ଏମନଟା ହଲେ ଅସୁଖେ ପଡ଼େ ଯାବେ ନା ଅନୁ ! ନାଃ, ଅତକ୍ଷଣ ରାତ ଜେଗେ କାଳ ଟିଭି ଦେଖା ବିମାନେର ଉଚିତ ହୟନି, ନେଶାଟା ଏବାର କମାତେ ହବେ ।

କଦିନ ଧରେ ଜମ୍ପେଶ ଶୀତ ପଡ଼େଛେ । ଗତ ସନ୍ତାହେ କୋଥୁଥେକେ ଏକ ନିଷ୍ଠଚାପ ଏସେଛିଲ କଲକାତାଯ, ଭରା ଡିସେମ୍ବରେ ବାମବାମ ତିନ ଦିନ ବୃଷ୍ଟି ବାରିଯେ ଯେହି ନା ମେଘ ସରେଛେ ଓମନି ବାତାସ ଏକେବାରେ ବରଫ । ବିଚାନା ଥିଲେ ନେମେ ବିମାନ ଏକଥାନା ହାଫ ସୋଲେଟାର ଚଢ଼ିଯେ ନିଲ ଗାୟେ, ଅନୁରାଧାର କିନେ ଦେଓୟା ଜୟପୂରୀ ଚାଦର ତାର ଓପରେ ଆଷ୍ଟେପୁଷ୍ଟେ ଜଡ଼ିଯେ ବାଇରେ ଏସେ ଦରଜା ଖୁଲେଛେ ।

ସୁମ ଜଡ଼ାନୋ ଗଲାୟ ବଲଲ—ଏତ ଦେଇ ?

—ବାପ୍‌ସ, ଯା କୁଯାଶା ! ରତନେର ବାପ ଟୁକ୍କ କରେ ସେଁଧିଯେ ଗେଲ ଭେତରେ, —ଟେରେନ ଏକେବେରେ ତିକିର ତିକିର ଚଲେ, ନଡ଼ିତେଇ ଚାଯ ନା, ନଡ଼ିତେଇ ଚାଯ ନା ।

—ଆସବେ ତୋ ଦୁଟୋ ସେଶନ, ତାର ଜନ୍ୟ କତ ବାହାନା ! ସାଥେ କି ତୋମାର ଦିନି ଟ୍ରେନେର ଲୋକ ରାଖିତେ ବାରଣ କରେଛିଲ ! ଗଜ ଗଜ କରତେ କରତେ ରାନ୍ଧାଘରେର ଦିକେ ଏଗୋଲ ବିମାନ—ବାସନେର କାଢ଼ି ଜମେ ଆଛେ, ଚଟପଟ ମେଜେ ମଶଲାଟା କରେ ଦାଓ ।

ରତନେର ବାପ ଆର ବେଶି ରା କାଢ଼ଲ ନା । ବାସନେର ସ୍ତୁପ ନିଯେ ଦାଁଡ଼ିଯେ ପଡ଼େଛେ ସିଂକେର ସାମନେ ।

বিমান গ্যাস জ্বালিয়ে চায়ের জল বসাল। ফ্রিজ থেকে দুধ বার করে বসিয়েছে পাশের বার্নারে। কাপে চিনি দিতে দিতে টেরচা চোখে রতনের বাপের দিকে তাকাল—কাল ডুব মারলে যে বড়?

—গা গতরে কাল বড় বেদনা ছিল গো জামাইবাবু! বিছানা ছেড়ে উঠতিই পারিনি।

—শুধু মিথ্যে কথা। পরশুও বাড়ি যাওয়ার সময়ে দিবি সুস্থ ছিলে...

—নাগো জামাইবাবু। সত্যি। মহাদেবের দিবি। পরশু রাতে রতনের মা এমন পেটাল...মিছিমিছি...

—মিছিমিছি কেন হবে? নিশ্চয়ই কিছু করেছিলে।

—কিছু করিনি। কাজ সেরে ফেরার পথে ধরমবোনের সঙ্গে একটু দেখা করতে গেছিলাম, তাই নিয়ে সন্দেহ।...পুরুষমানুষ হয়ে জন্মানোটাই পাপ জামাইবাবু।

রতনের বাবার ওপর এবার একটু মাঝা হল বিমানের। সত্যিই, রতনের মা-র বেণোয় সন্দেহবাতিক, কারণে অকারণে বরকে মারধর করে। মহিলাকে দেখেছে বিমান, শুটকো হাড়গিলে চেহারা। ওই চেহারায় অত বল আসে কেুথুৰেকে কে জানে! বাজারে ডিম বিক্রি করে রতনের মা। পাঁচ বাড়ি ঠিকে কাজ করে রতনের বাপ যে কটা টাকা কামায় মাস পয়লায় তাও ছিনয়ে নিয়ে বোতল বোতল চুলু গেলে। বেচারা রতনের বাপ!

চা নাড়তে নাড়তে বিমান বলল,—তুমিও বাপু কেমন যেন আছ। বউ যখন পছন্দ করে না, ধরমবোনের কাছে যাওয়া কেন? তোমার দিদি যদি কোন মেয়ের সঙ্গে মিশতে বারণ করে, আমি তার সঙ্গে মাখামাখি করতে যাব? পুরুষমানুষের স্বত্বাব চরিত্র নিয়ে কথা ওঠা কি ভাল?

রতনের বাপ শার্টের হাতায় চোখের জল মুছছে। বিমান চায়ের কাপ নিয়ে শোওয়ার ঘরে এল। অনুরাধা এখনও নিঃসাড়ে ঘুমোছে, কোলের কাছে টুবলি। মা মেয়ে দুজনেই খুব আরামপ্রিয়, কিছুতেই লেপের ওম ছাড়তে চায় না।

মশারি তুলে খুনসুটি করার ভঙ্গিতে লেপ টানল বিমান,—টুবলি ওঠ। স্কুল যাবি না? ...আই শুনছ? চা নাও!

টুবলি নড়েচড়ে উঠল। অনুরাধা নতুন করে লেপ ঢেকেছে গায়ে।

—ওঠো। উঠে পড়ো। সাতটা বাজে।

—উমরম্।

—আলসেমি কোরো না। যাও, চা খেয়ে নিয়ে আগে বাজারটা করে দাও।

অনুরাধা পাশ ফিরে শুল,—আঃ, জ্বালিও না তো। চা ড্রেসিং টেবিলে ঢাকা দিয়ে রেখে দাও।

বিমান মুখ টিপে হাসল। কি বললে এক্ষুণি অনুরাধা লাক্ষিয়ে উঠবে তা তার জানা। যেন দেওয়ালকে শোনাচ্ছে এমনভাবে বলল,—খবরের কাগজে আজ একটা দারুণ নিউজ আছে। তোমাদের সেন্ট্রাল গভর্নমেন্টের এগারো পারসেণ্ট ডি-এ বেড়েছে।

কাজ হল। তড়াৎ করে লেপ ছেড়েছে অনুরাধা,—কই, কাগজ কোথায় দেখি।—ব্যালকনিতে পড়ে আছে। বিমান মশারিল খুট খুলতে খুলতে হাসছে,—গুলটা না মারলে তুমি উঠতে!

অনুরাধা বেজার মুখে চায়ে চুমুক দিল,—উফ, তুমি না—

বিমান আর দেরি করল না। মেয়েকে টেনে ঘুম থেকে তুলেছে। টানতে টানতে নিয়ে গেল বাথরুমে, হাতে ধরিয়ে দিয়েছে পেস্ট আর ব্রাশ। তারপরেই ছুট, দুদাঙ্গিয়ে রান্নাঘর। মেয়ের স্কুলবাস এসে যায় ঠিক পৌনে আটকায়, তার আগে মেয়ের একটা মোটামুটি জলখাবার তৈরি করে ফেলতে হবে। কি করবে? চাউমিন? হ্যাঁ, ওতে সময় কম লাগে। সেদ্ব করো আর ভাজো। মেয়েও ওটা পছন্দ করে। সঙ্গে একটু দুধ কর্ণফেঞ্চ ও খাওয়াতে হবে। দিন দিন সিডিঙ্গে হয়ে যাচ্ছে মেয়ে! টুবলির স্কুলের টিফিন নিয়ে অবশ্য সমস্যা নেই। অফিস থেকে ফেরার সময়ে অনু কাল কলা আঙুর এনেছে, সঙ্গে ডিমসেদ্ব আর চার পিস মাখন পাউরুটি দিলেই যথেষ্ট।

গরম জলে নূডল্স ছেড়ে দ্রুত হাতে পাঁটুরচিতে মাখন মাখাচ্ছে বিমান। কত কাজ এখন হাতে, কত কাজ। মেয়ের ইউনিফর্ম ইন্স্ট্রি করতে হবে, স্কুল ব্যাগ গুছিয়ে দিতে হবে, জামা জুতো পরাতে হবে মেয়েকে—। অনুরাধা তো একটু নড়েও বসবে না, পা ছাড়িয়ে এখন খবরের কাগজ গিলবে। বাজারের থলি, তেলের শিশি সব মুখের সামনে ধরে না দিলে গাত্রোখানই করবেন না তিনি। ঢিকু ঢিকু করে বাজার এনেই চেঁচাতে শুরু করবে, শীগগীর ভাত দাও, আমার দেরি হয়ে গেল! বেরনোর আগে তারও আবার শতকে প্যাখনা। পাট পাট শাড়ি চাই। ব্লাউজের ছকটা ঢলাল করছে, দুটো ফোঁড় দিয়ে দাও না! কাচা রুমাল কই আমার, কাচা রুমাল! টিফিনে আজ একটু স্যান্ডউইচ করে দিও না সোনা, রোজ রোজ রুটি তরকারি খেতে খেতে জিভে চড়া পড়ে যাচ্ছে! ও হ্যাঁ, বাজার যাওয়ার সময়ে অনুরাধাকে একটা ফিনাইল আনার কথা বলতে হবে, আর একটা আজিনামটোর প্যাকেট। আর এক ছড়া তেঁতুল। আর একটা কি যেন? আর একটা কি যেন? মনে পড়েছে। সুজি। মা মেয়ে কদিন ধরে সুজির পায়েস সুজির পায়েস করছে। সঙ্গে নতুন শুড়ের কথাও মনে করিয়ে দিতে হবে। নিজে থেকে তো কিছু গুছিয়ে আনে না অনুরাধা।

রতনের বাপ দুধের প্যাকেট এনে দিয়ে রাজধানী একাপ্রেসের গতিতে অন্য বাড়ির বুড়ি ছুঁতে চলে গেল। গ্যাসের সামনে দাঁড়িয়ে খচাখচ ছুরি চালিয়ে পেঁয়াজ কুচোচ্ছে বিমান, টস্টস জল গড়াচ্ছে চোখ বেয়ে।

দিন শুরু হল।

বছর দুয়েক হল অফিস থেকে লোন নিয়ে দু কামরার এই ফ্ল্যাটখানা কিনেছে অনুরাধা। বিয়ের পর থেকে একতলা ভাড়া বাড়িতে দিন কেটেছে বিমানের, বড় সাধ ছিল নিজস্ব আঙ্গুনাটা অন্তত দোতলা তিনতালায় হোক। লটারিতে অনুরাধার একতলাই উঠল। কি আর করা, সব কিছু তো আর মনের মতো হয় না। আরও কত কীই তো মনে মনে ভেবেছিল। ডাঙ্কার বউ হবে, ইঞ্জিনিয়ার বউ হবে, নিদেনপক্ষে সিভিল সারভেন্ট কি প্রফেসার। কপালে যদি গভর্নমেন্ট অফিসের ইউডি লেখা থাকে তো বিমান করবেটা কি!

মনের দুঃখ মনে রেখে একতলার এই ছেট ফ্ল্যাটখানাকেই সুন্দর করে সাজিয়ে নিয়েছে বিমান। খাট, আলমারি, ড্রেসিংটেবিল, সোফা, টিভি ক্যাবিনেট, শোকেস, ডাইনিং টেবিল, ফ্রিজ, ওয়াটার ফিল্টার সব মাপা জায়গায় ঠিকঠিক করে রাখা। বিমানের গোছানো রান্নাঘর যে দেখে সেই মুঝ হয়। অনুরাধার বাস্তবীরা গাটেপাটেপি করে, কপাল করে এসেছিলি বটে অনু, এমন একখানা বর পেয়েছিস। আমাদের বরগুলো সব ন্যাদোসেরও ন্যাদোস। ঘর সাজানোর টেস্টই নেই। রান্না করতে গিয়ে হ্যালহ্যাল ব্যালঝ্যাল দশা। তাদের চোখ আরও কপালে তুলে দিতেই নিউমার্কেট গড়িয়াহাট ঘুরে ঘুরে টুকটাক শোপিস কিনে আনে বিমান। চিনেমাটির পুতুল, পিতলের ফ্লাওয়ার ভাস, পোড়ামাটির মুখোশ, আরও কত কি। ফ্ল্যাটের ছেট ব্যালকনিটা অনুরাধার ভীষণ প্রিয়, সময়ে অসময়ে ওখানে বসে থাকতে খুব ভালবাসে অনুরাধা। বসে বসে তারা দেখে, পথচলতি মানুষদের দেখে, অনেক রাত অবধি বিমানকে পাশে বসিয়ে অফিসের গল্ল শোনায়, কিম্বা ছুটির দুপুরে চুল শুকোয় রোদ্দুরে। শুধু অনুরাধার ভাল লাগবে বলেই ব্যালকনিতে পাতাবাহারের টব সাজিয়েছে বিমান, অনুরাধার জন্য সুদৃশ্য একটা বেতের চেয়ারও কিনে রেখেছে।

গ্রিলবেরা সেই ব্যালকনিতে এখন মিঠে রোদ খেলা করছে। মেয়েকে ঘুম পাড়িয়ে অনুরাধার চেয়ারটিতে এসে বসল বিমান। ভাত খেয়ে ওঠার পর এতক্ষণে কেমন গা ছেড়ে আসছে। মা মেয়ে দুজনেই নটার মধ্যে বেরিয়ে যায় বটে, তারপর কি হাঁপ জিরোবার অবসার আছে! কাজ কাজ আর কাজ। ঘরেও কোথাও এতটুকু ধূলো ময়লা বিমান একদম সহ্য করতে পারে না, আজও ঘুরে ঘুরে বাড়ল সব।

পনেরো দিন ধরে জমাদার ডুব মেরে বসে আছে, অ্যাসিড ফিলাইল দিয়ে বাথরুম পরিষ্কার করল। শুবেলার জন্য বাঁধাকপির তরকারির রাঁধল, আলুর দম করল...। তার মধ্যেই ঘোড়ায় জিন টেনে রতনের বাপ হাজির। একটুখানি নজর সরালেই বাবু ঘর দুটোকে ন্যাতাজোবড়া করে মুছে রেখে যাবে, তার পিছনে লেগে থাকতে হল কিছুক্ষণ। রতনের বাপের কাপড় কাচাও বিমানের একটুও পছন্দ নয়। সাবানজল থেকে তুলল, থুপল কি থুপল না, ধূয়ে মেলে দিল। আজও রতনের বাপ ধূয়ে যাওয়ার পর অনুরাধার অফিসে পরার শাড়িসায়ারাউজ আর সিঙ্গের সালোয়ার কামিজটা নতুন করে কাচতে হল বিমানকে। এতসব কিছু সারতে সারতে টুবলি ফিরে এল, তখন তাকে নিয়ে পড়ো। চান করাও, খাওয়াও, ঘুম পাড়াও। দুপুরে একটু ঘুমিয়ে না নিলে সঙ্গেবেলা পড়তে বসেই টুবলি চুলতে শুরু করে। আজ হোমটাঙ্কে টুবলিকে প্রচুরঅঙ্ক দিয়েছে, মেয়ের স্কুল ব্যাগ খুলে দেখে নিয়েছে বিমান। সঙ্গে হলেই মেয়েকে রেঁটি ধরে বসাতে হবে।

ভাবতে ভাবতে ম্যাগনাম সাইজের চার পাঁচটা হাই তুলল বিমান। চোখ দুটো জড়িয়ে আসছে। উঁচু, ঘুমোলে চলবে না। এই শীতের বেলায় ঘুম মানেই সারা সঙ্গে গা ম্যাজম্যাজ। সকাল থেকে খবরের কাগজে চোখ বোলানো হয়নি, উঠে নিয়ে আসবে ঘর থেকে? থাক, আলিসি লাগছে।

পাশের ফ্ল্যাটের সুব্রত ব্যালকনিতে এসে দাঁড়িয়েছে,—কি দাদা, কাজকর্ম সব সারা?

—এই খেয়ে উঠলাম। বিমান আর একটা হাই তুলল,—আপনার?

—আর বলবেন না। আমার ম্যাডাম আজ বাজার থেকে ইয়া ইয়া গলদা এনে হাজির। মালাইকারি খাওয়ার শখ হয়েছে। বসে বসে ছাড়াও, নারকেল কুরে দুধ বার করো, কম হ্যাপা!

সুব্রত শোনাচ্ছে। বর গভর্নমেন্টের ইলপেষ্টের তো, খুব কাঁচা পয়সা। পোলাও মাংস কাবার ছাড়া কথা বলে না। তিনতলার অরিন্দম বলে সুব্রতের বউ নাকি বাজারে গিয়ে মাছ টাছের দর করে না। মাছগুলার সামনে ঝড়াৎসে বাজারের থলি ফেলে দিয়ে বলে,—ওই ইলিশটা তুলে দাও, ওই চিতলটা কেটে, দাও—! কপাল!

সুব্রত গ্রিলের ধারে সরে এসেছে। চোখের ইশারায় বিমানদের দোতলাটা দেখাল। চাপা স্বরে বলল,—ওপরে কি হচ্ছিল বলুন তো রাতে? চেঁচামেটি শুনছিলাম?

—যা হয় রোজ। বিমানের স্বরও সতর্ক, অফিস থেকে ফিরে শয়িতা পেটাচ্ছিল রংজিখকে।

—সেই মেয়েটা আবার বুঝি রঞ্জিতের কাছে এসেছিল ?

—তাহাড়া আর কি ! শুই মেয়েটাকে নিয়েই তো যত গণগোল । রোজ দুপুরে ফ্ল্যাটে ঢলানি করতে আসবে... বউ যতই লিবারাল হোক, তারও তো সহ্যের একটা সীমা আছে দাদা । অমন মেয়েচাটা পুরুষ আর আমি দুটো দেখিনি । এত মার খায় তবু শিক্ষা হয় না ! যে তোর ভাত কাপড় দেয় তই তার কোন কথা মান্য করবি না !

—রঞ্জিং তো রলে মেয়েটা তার পিসতুতো বোন ।

—ছাড়ুন তো । যদি পিসতুতো বোনই হয়, কখনও সকাল বা সন্ধেয় আসে না কেন ? শমিতা যেদিন লাথি মেরে বের করে দেবে সেদিন টেরটি পাবে । বাপের বাড়ি গিয়ে তো অনাহারে থাকতে হবে । জানেন তো, শঙ্গরবাড়ির সংসারও শমিতাই টানে । সাহায্য করে বলে দুটো খেতে পায় বুড়োবুড়ি । শমিতার মা তো শুনি পেনশানও পান না !

—ষ্ট, রঞ্জিংটা... । সবই বুঝি, আবার মায়াও হয় । বেচারাদের এখনও বাচ্চাকাচ্চা হল না... কিছু নিয়ে তো একটা থাকতে হবে রঞ্জিংকে... সারাটা দিন একা একা বেচারা কাটায় কি করে !

—হচ্ছে না কেন ? খুঁত্টা কার ?

—কি করে বলব দাদা ! শমিতা তো একদিন আমার ম্যাডামকে বলছিল, রঞ্জিংকে এবার একদিন ডাঙ্গার দেখাতে নিয়ে যাবে ।

—তাই ?

কথা বলতে বলতে ঘুমঘুম ভাব পুরোটাই কেটে গেল বিমানের । এইসব পরনিদ্বা পরচর্চা তার বেশ লাগে, শরীর মন ব্যর্বারে হয়ে যায় । অনুরাধা এসব কৃটকচালি পছন্দ করে না, এ ফ্ল্যাট ও ফ্ল্যাটের গোপন কথা শোনাতে গেলে বিরক্ত হয় । বলে, এসব না করে দুপুরবেলা তো কোন কাজের কাজ করতে পারো । অর্থাৎ সেলাই ফোড়াই, কি নতুন কিছু রাম্ভাবাঙ্গা, কিস্বা উল বোনা— ।

কথাটা মনে হতেই বিমান নাড়া খেয়ে গেল । অনুরাধার কার্ডিগানটা অর্ধেক হয়ে পড়ে আছে, ফাঁকা দুপুরে ওটা নিয়ে তো বসাই যায় । শীত থাকতে থাকতে তৈরি না হলে ওটা আর অনুরাধার কী কাজে লাগবে !

সুব্রত ব্যালকনিতে মেলা কাপড়চোপড় তুলে ভেতরে চুকে গেছে । ঘর থেকে উল কাঁটা নিয়ে চেয়ারে ফিরল বিমান । বুনছে টুকটুক । আর ইঞ্জিনেক ঝুল বাড়ানোর পর বগল ফেলতে হবে । কাঁটা চালানোর ফাঁকে ফাঁকে ছেট ছেট শ্বাস পড়ছে বিমানের । কত কিছুই তো শিখেছিল জীবনে । এম এ করেছে, কম্পিউটারের

একটা ছেট কোর্স নিয়েছে, এক মাস মাস-কমিউনিকেশনের ক্লাসেও তো—সব ভুলে গিয়ে উল্লের কাঁটাই এখন মোক্ষ। বিয়ের পর পরই যদি জেদ করে একটা চাকরিতে চুকে পড়ত তাহলেই বোধহয় ভাল হত। পেয়েও ছিল তো একটা প্রাইভেট কোম্পানিতে। অনুরাধা তখন করতে দিল না। বলল, বরের চাকরি করা আমি মোটেই পছন্দ করি না। ঘরের বর ঘরের বরের মতো থাকো। সেই অনুরাধা এখন গল্প শোনায়, অমুকের বর এই চাকরি করছে, তমুকের বর ওই চাকরি করছে! নাঃ, বিমানেরই ভুল হয়েছে। জোর করে চাকরিটায় চুকে পড়লে অনুরাধা হয়ত এতদিনে মেনে নিত। সংসার ঠিকই চলত, টুবলিরও কিছু অসুবিধে হত না, কথায় কথায় বিমানকে হাত পাততে হত না অনুরাধার কাছে। নয় একটা রাতদিনের লোকই রেখে নিত। রাতনের বাপকেই না হয়—

বিমানের বুক বেয়ে এবার একটা ভারি দীর্ঘশ্বাস গড়িয়ে এল। যা হয়নি তা ভেবে আর কি লাভ! এবারকার পুরুষজন্মটা এভাবেই কেটে গেল। হাঁড়ি ঠেলে, ঘর সামলে, আর মেয়ে মানুষ করে।

টুবলি উঠে পড়েছে। উলকাঁটা শুচিয়ে ঘরে এল বিমান। সাড়ে তিনটে বাজে, মেয়েকে এবারে জিমন্যাস্টিকের ক্লাসে নিয়ে যেতে হবে।

ঘূম থেকে উঠেই টুবলি বল নিয়ে খেলতে শুরু করেছে। বিমান আলগা ধরক দিল মেয়েকে,—খেলা নয় টুবলি। দুধ খেয়ে রেডি হয়ে নাও।

সঙ্গে সঙ্গে টুবলি নাকি সুরে বায়না জুড়েছে,—উহঁ বাবা, আজ জিমন্যাস্টিকের ক্লাসে যাব না।

—কেন?

—এমনিই! ভাঙ্গাগচ্ছে না। আজ একটু শম্পা তিতলিদের সঙ্গে ক্রিকেট খেলি না বাবা।

—না। তোমার মা খুব রাগ করবে। তোমাকে তো আর কিছু বলবে না, আমাকেই কথা শুনতে হবে।

টুবলির মুখ পলকে ভার। মেয়েকে পাস্তা না দিয়ে বিমান রাখাঘরে এল, দুধের সঙ্গে চায়ের জলও বসিয়েছে। দ্রুত পায়ে ঘরে ফিরে আলমারি খুলে মেয়ের জিমন্যাস্টিকের পোশাক বার করল, ভরে নিল ব্যাগে। আজ মেয়েকে ক্লাবে ঢুকিয়ে অন্য বাবাদের সঙ্গে আজ্ঞা মারলে চলবে না, বাট করে একবার গড়িয়াহাট ঘুরে আসতে হবে। লেপের ওয়ারণ্ডলো ফেঁসে ফেঁসে গেছে, বদলানো দরকার। ‘কৃষ্ণ সাজো’ বুটিকে ভাল ভাল প্যাটের পিস্ এসেছে, ফরেন জিন্সও—মোটা ডিসকাউন্ট দিচ্ছে—ওখানে একবার টুঁ মারলে হয়। থাক’গে, মাসের শেষ, এখন বুঝেশুনে

খরচা করাই ভাল—সামনের মাসের গোড়ায় বরং দেখা যাবে। আর এত জামাকাপড়ে তার হবেই বা কি! কবে কখন অনুরাধার সময় হবে, বর মেয়ে নিয়ে বেড়াতে যাবে, ঘরে তো আর নিয়ন্ত্রন প্যাণ্টশার্ট পরে সঙ্গ সেজে বসে থাকা যায় না! ও হ্যাঁ, মনে করে ফেরার সময়ে ইন্সিওয়ালার কাছ থেকে পাঞ্জাবিটা নিয়ে নিতে হবে। অফিস থেকে ফিরে বিমানকে ফিটফাট না দেখলে মহারাণীর আবার গৌসা হয়। আজ একবার সেলুনে চুক্তে শ্পারলেও বেশ হত। দাড়িটা একটু ত্রিম করাতে হবে, ঘাড়ের কাছের চুলটাও একটু...সময় কি হবে?

টগবগ জল ফুটছে চায়ের। পশ্চিমে হেলে পড়া সূর্য সোনালি আলোর আমন্ত্রণ পাঠাচ্ছে জানালা দিয়ে। বিকেলটাকে ছকছে বিমান।

—এটা কী রান্না হয়েছে, অ্যাঁ? পুরো নুনকাটা!

—কোন্টায় নুন বেশি হয়েছে? বাঁধাকপি?

—আজ্জে না, তোমার এই আলুরদম। মুখে দিয়ে দেখেছ?

—এ হে হে হে, তাহলে বোধহয় দুবার নুন পড়ে গেছে। সরিণ

—পেঁয়াজও তো দিয়েছে গেদে। এখন কত দায় যাচ্ছে পেঁয়াজের জানো?

—অত চোটপাট করছ কেন? বললাম তো সরি।

—সরিতেই সাত খুন মাপ! অনুরাধা ভুক্ত কুঁচকোল,—বাজার হাটে তো যেতে হয় না। খাচ্ছ দাচ্ছ আর চেসকুমড়ো হয়ে বসে থাকছ। শুধু একটু খুন্তি নাড়ার কাজ, তাতেও এত হেলাফেলা!

বিমানের মুখ চুন হয়ে গেল।

অনুরাধার তবু রোষ কমল না। বিরক্ত মুখে বলল,—কোথায় মন পড়ে থাকে সারাদিন?

—মন সংসারেই থাকে। বিমান গোমড়া,—সংসারের বাইরে মন যাওয়ার উপায় রেখেছ? মুখ বুজে জোয়াল টানতে টানতেই তো জীবন গেল।

অনুরাধা আর কিছু বলল না। চুপচাপ খাওয়া সেরে উঠে পড়ল। শাল জড়িয়ে ড্রয়িংরুমের সোফায় বসে টিভি দেখছে।

বিরস মুখে টেবিল পরিষ্কার করল বিমান। রান্নাঘরে বাসন নামিয়ে ফ্রিজে তুলল খাবার দাবার, জগে জল ভরল। যান্ত্রিক হাতে পান সেজে অনুরাধার কাছে এসে বাড়িয়ে দিয়েছে।

পানটা মুখে পুরে আড়চোখে বিমানকে দেখল অনুরাধা, ঠোট টিপে হাসল। বিমান সরে যাচ্ছিল পাশ থেকে, থপ করে ধরেছে তার হাত—রাগ হয়েছে?

বিমান চূপ।

—একটা রিকোয়েস্ট করলে আরও রেগে যাবে?

বিমান গৌজ।

—ঠাণ্ডায় উঠতে ইচ্ছে করছে না, একটু পিকদানটা এনে দাও না প্রিজ। কচকচ পান চিরোচ্ছে অনুরাধা—আর ওই টেবিলের ওপর রাখা জর্দার কৌটোটাও এনো।

এমনভাবে বলা যেন রাতে খাওয়ার পর বিমানের আয়েশ নেই, বিমানের শীতবোধ নেই, বিমানের কষ্ট নেই! নারী জাতটা কি এমনই নিষ্ঠুর হয়!

নিঃশব্দে আদেশ পালন করে খানিক তফাত রেখে সোফায় বসল বিমান। রাতে খাওয়া দাওয়ার পর একটা সিগারেট খাওয়া তার একমাত্র বিলাস, স্টোও ইচ্ছে করছে না আজ। স্থির চোখ এঁটে আছে টিভির পর্দায়। বীড়ৎস এক হরর মুভি চলছে, অনুরাধা এখন এসবই গিলবে। বিমানের আজ আর ফাস্ট চ্যানেলের ‘আ যা মেরি বাহোঁ মে’ সিরিয়ালটা দেখা হবে না। কি আর করা, কর্তৃর ইচ্ছায় কর্ম।

আরও একটুক্ষণ বসে থেকে রান্নাঘরে চলে গেল বিমান। গ্যাস মুছল, সকালের মশলাপাতি বার করে রাখল, কোণের নর্দমার মুখটা ইট দিয়ে বন্ধ করল চেপে চেপে। রতনের বাপ দুধের ডেক্টি ঘষে না ভাল করে, ওষুধের খালি অ্যালুমিনিয়াম ফয়েল দিয়ে মাজল বাসনটাকে। কনকনে ঠাণ্ডা জল, হাতের আঙুলগুলো যেন অসাড় হয়ে গেল। শোওয়ার ঘরে এসে দেখল অনুরাধা মশারির ভেতর চুকে পড়েছে।

রাতবাতি জালিয়ে বিমানও বিছানায় এল। টুবলির শোওয়া খুব খারাপ, গা থেকে লেপ সরে গেছে, মেয়েকে টেনে সোজা করে শুইয়ে ঢেকে দিল। নিজের লেপ গায়ে চাপিয়ে চোখ বুজেছে। বড় ক্লান্তি, বড় ক্লান্তি, মাথাটা টিপটিপ করছে।

হঠাৎই শরীরে অনুরাধার ছোঁয়া। লেপের ভেতর হাত চুকিয়ে কাঁধ ধরে টানছে অনুরাধা। আলতো ঝাঁকি দিয়ে সরে গেল বিমান।

অনুরাধা বিমানের লেপের তলায় চলে এল,—এখনও রাগ করে আছ?

বিমান উল্টোদিকে ফিরে শুল।

—আর বোলো না, অফিসে আজ যা একটা বিশ্রী ব্যাপার হল না! ডেপুটি সেক্রেটারি বিনা কারণে আমাকে ডেকে ধাতাল। কি, না তার কোন রিলেটিভের পেনশন ফাইল নাকি আটকে আছে! যত বলি ম্যাডাম, ওটা আমার কাছে নেই—

ও, এই ব্যাপার! অফিসের রাগ বাড়ির বরের ওপর এসে দেখানো। বিমান ফোস করে শ্বাস ফেলল। বর তো ডাস্টবিন, বাইরের যত রাগ অপমান আক্রেশ, সব কিছু তার, গায়ে ছুঁড়ে দাও।

অনুরাধা আৰ একটু ঘন হল,—এসো, কাছে এসো।

বিমান শক্ত হয়ে গেল। তপ্তি নারীনিঃশ্বাস হুঁয়ে যাচ্ছে শরীৰ, সৰু সৰু পাঁচটা
আঙুল মাকড়সার মতো খেলা কৰছে বুকে।

বিমান অল্প ঝৌঝৌ উঠল,—আহ ঘুমোতে দাও।

—অমন কৰছ কেন? এসো না।

—আমাৰ মাথাব্যাথা কৰছে। ভাল লাগছে, না।

অনুরাধা বিমানেৰ চুল ঘেঁটে দিল,—ঠিক আছে, অন্যায় হয়েছে। আৱ বকল
না।

—সত্যি আমাৰ মাথা ধৰেছে।

—এসো, টিপে দিচ্ছি।

জোৱ কৰে নিজেৰ দিকে বিমানেৰ মুখটা ঘোৱাল অনুরাধা। কপালে চকাঃ
কৰে চুমু খেল। ঠোঁটেও।

আৱ উপায় নেই। যতই মাথা ধৰক আৱ যাই হোক, সব শরীৰ খারাপ এখা
শিকেয় তুলতে হবে। বিমানেৰ ইচ্ছে অনিছে ভাললাগা মন্দলাগা সমষ্টই মূল্যহীন।

ধৰা ধৰা গলায় বিমান বলল,—এত কৰেও তোমাৰ মন পাই না। সকা঳
'ক রাত উদয়ান্ত খাটছি, তোমাৰ সংসাৰ ছাড়া কিছু ভাবি না—কত কাব
বাবাৰ সঙ্গে দেখা কৰতে পৰ্যন্ত যাই না—তবু পান থেকে চুন খসলে তোমাৰ
মুখ ঝামটানি।

অনুরাধা নয়, ছায়া ছায়া অঞ্চলকাৰে খল খল হেসে উঠল কেউ। অন্য কেউ।
হাজাৰ হাজাৰ বছৰ ধৰে আমৰা অনেক সহজ কৰেছি, এবাৰ তোমাদেৱ পালা।
দ্যাখো কেমন লাগে!
